













439.6

Skú

1911 (1912)  
1911 (1912)

ANTIQUITATUM BOREALIU  
**OBSERVATIONES**  
MISCELLANEÆ.

---

*SPECIMEN QVARTUM.*

---

QVOD  
LOCO PROGRAMMATIS

AD  
AUDIENDUM D. . ET SEQQ. AUGUSTI

IN  
SCHOLA LATINA HAFNIENSI  
*EXAMEN PVBLICVM*

OMNES  
REI SCHOLASTICÆ PATRONOS  
FAVTORES ET AMICOS

QVA PAR EST OBSERVANTIA INVITATURUS

SCRIPSIT  
SCULO THEODORI THORLACIUS,


SCHOLÆ METROPOLITANÆ RECTOR, REGI A CONSIL. JUST. ET  
SOCIETATIS REG. SCIENT. NIDROS. SODALIS.

---

HAFNIÆ,  
TYPIS AUGUSTI FRIDERICI STEINIL.

---

M DCC LXXXIV.



87851

ANTIQUITATUM BOREALIUM  
OBSERVATIONES MISCELLANÆ.

---

*SPECIMEN QUARTUM.*

---

BOREALIUM VETERUM  
MATRIMONIA,  
CUM ROMANORUM INSTITUTIS COLLATA.



*Fuit hæc sapientia quondam,  
Publica privatis secernere, sacra profanis;  
Concubitu prohibere vago, dare jura maritis;  
Oppida moliri, leges incidere ligno.*

HORATIUS.



BOREALIUM VETERUM  
MATRIMONIA,  
CUM ROMANORUM INSTITUTIS COLLATA,



§. I.

**S**obolem auspicato suscipere, susceptam-  
que per prudentem & sobriam educa-  
tionem ea ratione fingere & componere, quæ  
societatis humanæ commodis & honori ma-  
xime conveniat, tanti res est momenti, ut  
inter negotia vitæ haud sciam ecquid reperia-  
tur, quod vel magis pertineat ad salutem de-



cusque mortalium, vel curæ sollicitæ plus exigat. Ille videlicet omnium conditor Deus, cui soli rerum nostrarum & penitus perspecta conditio, & sapientissimum est moderamen, cum primum hominem orbi & animantibus imperaturum formasset, suffecta mari foemina vincula matrimonii statim nexuit, jugalesque nexus constabilivit adjecta præceptrice lege: ut vel sancta parentum reverentia, quos tamen liberis ipsa natura commendat, copulæ maritali concederet (1). Nec id quidem sine causa. Adeo enim non utilis modo, verum necessaria quoque est conjugiorum legitimorum casta & adstricta fides, ut eo quasi fulcimine boni communis spes universa nitatur, ejusque neglectus calamitatis publicæ nullum non arceat genus. Ubi enim vel præmatura venus ætatem vix evirescentem deflorat, vel effrenis delumbat adultiorem; ubi, inquam, per stuprorum & adulteriorum propudia libido grassatur, ibi non solum domestica concordia, mutuusque ille, qui conjuges, qui familias inter se, qui parentes invicem





vicem & liberos devincit amor, in exilium agitur, sed quicquid vigoris corpori, quicquid animo virtutis inest, flacceat, oportet, & emedulletur. Nequid de illa pestium cohorte dicam, quam palam & propere adductura est a natalium incertitudine profecta educandæ sobolis incuria. Non mirum igitur, si tam sacrata olim fuerint matrimoniorum jura, sique illis, qui de patria & civibus præclare mereri, qui rempublicam vel ex integro condere, vel fluentem legum disciplina constituere vellent, justa & salubri conjugiorum observantia, si a religione discesseris, nihil quicquam fuerit antiquius. Nec male sui seculi libidines perstringens poëta cecinit:

*Si quæret pater urbium*

*Subscribi statuis, indomitam audeat*

*Refrenare licentiam. (2)*

1) *Genes. C. I. v. 26. sequ. & Cap. II. v. 24.*

2) *HOR. Carm. L. III. Od. XXIV.*



## §. II.

Priscos gentium annales & historias si consulueris, quæ legum sapientia & gestorum celebritate unquam floruerunt, & quarum aliqualis notitia literarum beneficio ad nos descendit, nomen viresque populis tamdiu mansisse reperies, quamdiu sua conjugiiis sanctitas & fides perstitit; ut vero impunitatem & licentiam peccandi invexit potentia, & laxata libidinum frena nuptias, genus & domos inquinavere, mores sensim nulla non contagio adulteravit; veterique disciplinæ rigori, fortitudinis, constantiæ, pietatis & reliquarum virtutum parenti, ignavia, levitas, religionis fastidium, & quicquid fere est degeneris vitii, cum numerosa dedecorum prole successit. Ex hoc fonte derivatæ clades publicæ ac potentissimorum ante imperiorum exitia demum fluxerunt. Romanorum certe populus, in illustre utriusque fortunæ exemplum natus, quid temperantia, quid mollietates possit, evidentissime monstravit. In pueritia enim & juventute crescentis imperii

tanta

tanta austeritate matrimonia servata sunt, ut ad secundas prodire nuptias foeminis vel nefas, vel turpe saltem & probrosum fuerit(1); ut, inquam, uxoribus a viris discedere ex lege Romuli prorsus illicitum (2), maritis vero uxores dimittere ob maxima tantum flagitia sit permissum (3); tamque religiosa & constans istius legis observatio viguerit, ut per quingentos & viginti annos nullum inter Romanos divortii exemplum existerit (4): quæ conjugalis fidei disciplina terrarum dominium castissimæ civitati jam tunc ominata videtur. Ubi vero victores gentium nimia felicitas vicit & enervavit, quemadmodum in reliqua vitiorum præcipitia, sic impuditiæ quoque eo sunt prolapsi, ut, quo magis furtivis vacarent amoribus, a legitimis nuptiis abhorruerint Romani (5). Hinc divortiorum adeo cacoëthes invaluit, virique male moratas & impudicas de industria duxerunt, ut eo nomine repudiatas dote spoliarent (6); & foeminæ, quibus a matrimoniis divertendi jus & arbitrium leges prius ade-



merant, omnem exuentes pudorem vel nulas vel levissimas ob causas a viris tam frequenter sejungerentur, ut non consulum sed maritorum numero annos computarent (7), nec in annos solum, sed in singulos quoque menses <sup>et</sup> novos viros adsciscerent (8). Nimirum senescentis & ad interitum vergentis imperii haud ambigua noscitur indicia.

- 1) Iteratæ foeminarum nuptiæ non tantum apud Romanos, sed etiam apud alias gentes odiosæ fuerunt. Eas illegitimæ intemperantiæ signum vocat Valerius Max. II. 1. 3. Plutarch. Probl. 99. *Felices ac sancta prima nuptiæ: secunda vero tristes & detestandæ.* Unde Dido, Lib. IV, *Æneid.*

*Sed mihi vel tellus optem prius ima debiscat;  
Vel pater omnipotens adigat me fulmine ad umbras,  
Pallentes umbras Erebi, noctemque profundam,  
Ante pudor quam te violo, aut tua jura resolve!  
Ille meos, primus qui me sibi junxit, amores  
Abstulit: ille habeat secum servetque sepulchro.*

- 2) Divortium uxoribus non permittit Romulus, teste Plutarcho, in *Vita Romuli*. Hujus legis meminit Plautus, *Mercat.* Act. IV. Scen. 6.

*Ecastor lege dura vivunt mulieres,  
Multoque iniquiore misera, quam viri.  
Nam si vir scortum ducit clam uxorem suam,  
Id si rescivit uxor, impune est viro.*

*Uxor*



*Uxor viro si clam domo egressa est foras,  
Viro fit causa, exigitur matrimonio.  
Utinam lex esset eadem, quæ uxori est, viro!*

- 3) Nempe: Si stuprum passa (vid. locum Plauti supra allatum), si venenum parassent, aut liberos clavesve subiecissent. Conf. Heineccii *Antiquit. Rom. Libr. I. Cap. I. App. §. 44.*
- 4) Val. Max. II. 1. 4. item Gellii *Noct. Att. IV. 3.*
- 5) Id Romanis exprobrat ipse Augustus Imperator, apud Dionem Cass. *Libr. LVI. 7.* *Neque enim adeo solitudo vos vivendi capit, ut absque mulieribus degatis, ac neque vestrum quisquam est, quin mensæ ac lecti sociam habeat: sed licentiam libidini ac lasciviæ vestræ exercendæ queritis.*
- 6) C. Titinii Fanniam repudiantis exemplum vid. Val. Max. VIII. 2. 3.
- 7) Seneca *de Benefic. III. 16.* *Illustres quædam & nobiles foemina non consulum numero, sed maritorum, annos suos computant, & exeunt matrimonii causa, nubunt repudiis.*
- 8) Juvenal. *Satyr. VI. v. 20.* *Sic fiunt octo mariti, Quinque per autumnos.* Martial. *Epigr. VI. 7.*

*Aut minus aut certe non plus tricesima lux est,  
Et nubit decimo jam Tbelesina viro.*

### §. III.

Quam graviter & magnifice de matrimoniorum in republica dignitate & utilitate  
fense-



fenferint non priſci ſolum Romani, ſed reliquæ omnes gentes, quotquot levem humanitatis guſtum unquam habuerunt, vel inde poteſt colligi, quod, ut nihil fere, quod quidem alicujus fuerit momenti, absque auſpiciis atque religioſa & ſolenni rituum obſervatione antiqui geſſerint (1), haud facile tamen negotium invenias, cui majorem deorum dearumque comitatum adjunxerint, cui auguria captando plus proſpexerint, cui denique magis ambitioſum cerimonia- rum apparatus & pompam, quam conjugii ineundis, adhibuerint (2). Verum gentibus quandoquidem aliis alia ſacra legesque fuerunt, haud eodem etiam matrimoniorum ritus habuiſſe non eſt quod miremur. At non pro nationum locorumque diverſitate ſola hi ritus variant; in ejusmodi enim conſuetudines, ut in omnia mortalium, tempori etiam plurimum licuit. Quodſi vero vel ipſa de Supremo Numine ſentiendi, ejusque colendi ratione aliquot ſeculorum decurſu ſibi gens eadem vix quiverit conſtare, nedum moribus



bus vivendique institutis potuerit. Omnes autem matrimoniorum consuetudines, prouti per diversas gentes, loca & tempora differunt, persequi & investigare si vellem, majora viribus conantem & deficeret tempus, & argumenti foecunditas obrueret. Nihil tale minatur ista scriptio, eo tantum consilio suscepta & instituta, ut æstimatis quibusdam exterarum gentium, præsertim Romanorum, circa conjugia institutis, ea tantum selignantur, quibus similia apud majores nostros, præscos nempe borealis oceani & interluentis baltici maris accolæ<sup>b</sup>, matrimonia auspicientes ineuntesque reperiuntur; quo antiquitates domesticas cum exoticis hac ex parte componentes utrasque accuratius exactiusque, forte etiam aliquanto, quam fieri solet, æquius dijudicare possint. Ea utique est argumenti novitas & copia, ut quemadmodum nobis ii, qui has res ante nos tractarunt, idoneum reliquere spicilegium, sic nec nobis integrum, in isthoc argumento ita versari, ut aliis, quibus plus otii & supellectilis librariæ fuerit, non



non bona supersit messis. Illud igitur intra spem veniæ futurum credimus, si, quod vel ordinis exactores rigidi, vel themidos mystæ forsitan desideraverint, opus debens & summa rerum capita carptim stringens calamus non usquequaque præstiterit. Idque porro lector, velim, meminerit, niti ea, quæ hic in medium protulimus, non Septentrionis antiqui legum, quarum & copia rarior & difficilis intellectus, penitiori notitia, sed historicis, quæ ad manum erant, monumentis.

1) Vid. Val. Max. II. I. I.

2) De his infra; ubi de Nuptiis, earumque diis, auspiciis & ritibus agetur.

#### §. IV.

*Ætatem matrimonii aptam* recentiores Romanorum jurisperiti a pubertatis initiis metiuntur; ita ut duodecimus annus in foemina & decimus quartus in puero ex eorum mente pubertatem definiat (1). Priscos tamen Romanos tam præcoces nuptias haudquaquam probasse, antiqua Tullii Romanorum





rum regis censio perdocet. Hac, qui minores erant annis septendecim, pueri, & rei publicæ, & qui milites scriberentur, nondum idonei existimati sunt (2). Pueros autem uxoribus maritos, liberis patres, familiæ heros, & bonorum dominos constitutare, cum antiqua prudentissimi populi gravitate minime congruit. Græcorum hac de re sententias habemus disertas. Uti enim omnium animalium, ita hominum quoque præmaturas & nimis juveniles copulas imperfectos tantum partus, corporibus pusillis & inutilibus, sexusque ut plurimum sequioris, progignere; puellarum porro, quæ ob ætatem nimis teneram viro nondum sunt tempestivæ, puerperia & matri & infanti esse perniciofa; ideoque nubenti puellæ annum octavum & decimum, viro autem uxorem ducturo tricesimum sextum maxime commodum, docet Aristoteles (3). Hesiodus tricesimum circiter annum viro, decimum quintum fœminæ (4); Plato autem illi triginta, huic viginti annos adsignat (5). Unde satis constat, quod-



quodnam ætatis tempus conjugiiis contrahendis maxime idoneum Græci habuerint.

- 1) Vid. Sam. Pitisci *Antiquit. Rom.* ad vocem *Ætas*.
- 2) Vid. Gell. *Noct. Attic.* X. 28.
- 3) Vid. L. Cæli Rhodigini *Lect. Antiqu.* Libr. XXVIII. c. 20.
- 4) Vid. *Opera & Dies* v. 692. sequ.
- 5) *Libr. V. de Republ.*

### §. V.

De reliquis magisque borealibus europæis, ambigi non potest, quin seriora conjugia omnes amaverint. Germanos quidem si cogitas, quos cum majoribus nostris & locorum vicinitas, & sacra fere communia, linguæque & morum magna similitudo conjunxit, eos diu impuberes mansisse, idque sibi & laudi duxisse, & staturæ viribusque corporis ac nervorum robori utile putasse, si fera juvenum esset venus, quæ ante vicesimum annum etiam probrosa videbatur, nec virginum matrimonia festinasse, luculenta Cæsaris, Melæ & Taciti testimonia confirmant.



mant (1). Hæc Germanorum veterum consuetudo in priscos Septentrionis incolas tam apprime quadrat, ut non ovum ovo similius. Lentiores enim pueritiæ progressus reddere potuit & cæli temperies, his in locis minus, quam in terris magis australibus, fervida, & alimentorum educationisque diversa conditio. Hæc tarda puerilium progressuum incrementa ignobiliorem indolem adeo non arguunt, ut sæpe sint generosioris indicia naturæ. Illa enim crescendi lex fere generalis: *Quæ cito maturescunt, cito senescunt.* Res etiam est domesticis historiarum testatissima exemplis, quod qui pueri juvenesque ad parentum usque fastidium segnes, ignavi, imo vecordes habiti sunt, adultiores fortes, strenui, consilioque prudentissimi viri evaserint. In documentum rei Uffonem Daniæ regem (2), Ketillum Hængum (3), Anum cognomine! Bogfveigir (4), & Thorsteinum (5) in Norvegia, Ormum Storulfi (6), Viga-Glumum (7), Gunnarum, vulgo Keldugnups-fifi (8), Islandos, & plurimos alios



adducere licet. Nec ejusmodi exemplis aliarum gentium historiæ carent (9). Et hæc veterum Borealium pueritia productior ferioris matrimonii una fuit causa.

- 1) Hæc de Germanis iisdem fere verbis perhibet Jul. Cæsar, de *B. G.* VI. 21. 4 & 5. nec non Tacitus de *Morib. German.* C. 20. conf. J. C. Cleffel. *Antiquit. German.* Cap. I. §. 5.
- 2) De Uffone, vid. Sax. Gramm. *Hist. Ddn.* VI. 17.
- 3) Vid. *Hist. Ketilli Hengi.* Cap. I. Mst. Hæc Historia in Svecia, ni fallor, edita est. Impressa tamen rarius obvia, nec mihi ad manum.
- 4) Vid. *Hist. Ani Bogsvæigeri.* Cap. I. Mst.
- 5) Vid. *Svarfdala S.* ab initio. Mst.
- 6) Hujus *Orini Vita* post *Hist. Olaf. Trygvini* impressa est Scalholti anno 1689. Vid. Append. p. 7.
- 7) *Viga-Glumi Vita* impressa habetur.
- 8) Vid. *Gunnari* hujus *Vita*, ab initio. Mst.
- 9) Horum referri potest T. Manlii exemplum, qui in juventute a patre despectus & rusticis solum operibus adhibitus, vir deinde fortis & in patrem pius evasit. Vid. Val. Max. V. 4. 3.

## §. VI.

Huic altera, cur<sup>t</sup> matrimonia olim distulerint Boreales, affinis est ratio. Nempe rei milita-

militaris, præsertim piraticæ, studio adeo flagrabant, ut de re uxoria prius cogitare, quam expeditionibus bellicis fama & opes partæ essent, ingenuis natalibus indignum haberetur. Hanc gloriæ armis & sanguine mrendæ sitim, tot Danorum extra patriam vestigia, quibus exterarum gentium a seculis mediis historiæ sunt refertæ, affatim testantur. In Norvegia seculo octavo, nono & decimo, siqua fides est monumentis patriis, quibus circa hæc tempora idonea lux & certitudo negari non potest, alicujus nominis colonus vix fuisse videtur, quin bonam adolescentiæ partem piraticis excursibus insumserit (1). Accedit, quod fortitudinis bellicæ indubiis speciminibus quæsitæ celebritas inter præcipua fuerit, quæ viris amorem conciliarent foeminarum (2). His enim obscura, domique reses procantium vernilitas & ignavia maxime sordebat (3). Enimvero ætatem viginti vel saltem octodecim annis minorem antiqui Septentrionis leges vel tyrociniis armorum inhabilem censebant (4). Unde, si unum



alterumve lustrum bellicis experimentis erroribusque piraticis, historia ut plurimum suffragante, tribueris, tumque demum, ubi juvenilis ille pericula deposcendi ardor paulatim deferbuit, animum Boreales ad nuptias applicuisse dicas, pauca virorum conjugia trigesimo ætatis anno anteriora, pleraque inferiora statuenda videntur. Minor quidem in foemina ætas viro matura credi poterat; ante vigesimum tamen paucas nupsisse in temporum historia versatus sibi persuaserit.

1) Omnibus fere Norvegorum ab his temporibus biographiis hæc formula communis: *Hann hafði verið í bernadi hinn fyrri blut af sinnar, en setti nú at búom sínom, sem allár færdiz yfir hann*, 3: Priorem ætatis partem militiae dederat, ævo autem factus jam provecior, rei oeconomicæ in prædiis hæreditariis quietus vacavit. Vid. *Vatzdala-Saga*, ab initio. Mst.

2) Vid. infra §. IX.

3) Ejusmodi homines olim *Heimdragar*, i.e. domi hærentes, vocabantur. Vid. *Heimskr. Edit. Hafn* T. III. *Hist. Sigurdi Hierosolymip.* Cap. XXIV. p. 265. Conf. *Hist. Orcad. ed. Hafn.* 1780. p. 312. Hænc Afa, obscura connubia dedignans, procum Sturlogum ad penum maternam amandavit. Vid. *Hist. Sturlogi Laboriosi.* Cap. II. Mst. Viros, qui fortitudine mili-

tari



tari nondum inclaruerant, vix confessu in conviviis, nedum conjugio dignabantur foeminae. Vid. *Eigla*, Cap. 30. Mst.

- 4) Annis XX aut XIX juniores in piratarum aut satellitii regii commilitium cooptari leges Borealiū militares non sinebant. Vide *Fornsvikingorum Leges Castrenses*, *Artic. I.* in *Hist. Olaf. Tryggv.* ed. Scalbolt. P. I. Cap. CXXXII. Item *Heimskr.* T. I. *Hist. Ol. Tryggv.* Cap. CI. p. 301. Nec non *Flamanna* S. C. II. Mst.

## §. VII.

*Foeminam*, quam nuptiis ambirent, *proponere*, *patrum*, si viverent sique praesentes essent, cognatorum, uti & amicorum erat, *eligendi* vero *arbitrium ducturis* relinqui solebat (1). Utut enim patriae potestatis in Septentrione tantus olim, quantus uspiam fere gentium, fuerit rigor; in nuptiarum tamen negotio filias ille, in quibus thori coactio, ut infra monstrabimus, non infrequens, severius premebat (2). Filios autem, praesertim cum adultiorem aetatem attigissent, spontanea magis patrum reverentia, & prudentiae nec non benevolentiae paternae fiducia, quam imperium legale coërcuit (3). Horum igitur



conjugia, etsi minus probarent consulti que prius non fuissent patres, rata tamen habuerunt (4).

- 1) Vid. *Laxdæla S.* Cap. XXIII. Mst. & *Njála*, ed. Hafn. 1772. Cap. II. p. 3.
- 2) Vid. infra, §. VIII.
- 3) Nialus filio Helgio matrimonium proponens: *uxorem, inquit, tibi destinavi, modo mea sequi consilia velis. Cui Helgius: id vero facere mihi certum, cum te bene & cupere & consulere posse sciam.* Vid. *Njála*, Cap. XXVI. p. 40.
- 4) Sic Einarus Thambaskelfir filii Endridii cum Erlingi Solensis filia nuptias, etsi coactas, nec se consulto factas, tamen approbavit. Haud aliter etiam Eirici Blodöxii cum Gunhilda matrimonium, se clam & absente initum, ratum habuit pater Haraldus Pulchricomus. Vid. *Heimskr. T. I. Har. Pulchric. Hist. Cap. XXXIV.* p. 112.

### §. VIII.

Foeminarum autem nubentium longe fuit alia conditio. Illæ enim patrum imperio adeo erant obnoxia, ut ad ingratos sibi thalamos a patre possent adigi. Austeritatem patrum sæpius illas, etsi infelici plerumque successu, expertas testis est historia (1). In  
nuptiis



*nuptiis mulierum consensus patris*, &, si hic mortuus, fratris (2), imo filii (3), si adolevisset, adeo fuit *necessarius*, ut nisi hic esset impetratus, non illegitimum modo matrimonium, ducentique flagitiosum esset, & gener, ceu virginis ingenuæ raptor & stuprator, si jus suum exsequi pater posset & vellet, criminis capitalis reus atque securitatis publicæ exfors redderetur (4); sed omni quoque dotis & hæreditatis paternæ spe & jure injussu patris nubentes virgines cum suis liberis exuerentur (5). Patriæ illa potestatis severitas in primis filiarum nuptiis maxime valebat. Paterno enim imperio per primum filiæ conjugium sublato, vel saltem imminuto (6), quamvis, morte mariti interveniente, sub patriam tutelam revolveretur, si ad nova vota procedere placeret, filia jam vidua, in optione mariti sui facta juris & arbitrii, nec patris imperio usquequaque subiecta fuisse comperitur (-). Poterat nempe vidua oblatam denuo nubendi conditionem recusare, ipsi tamen suoapte nubere non licebat, absque consensu &



auctoritate tutoris, five is pater esset, five filius aut frater (8). Jus istud etsi patres olim habuerint, & interdum austere satis exercuerint, fuerunt tamen indulgentiores & æquiores alii, qui, in deligendis generis, uxores filiasque non modo consulerent, sed plenam mariti optionem filiabus concederent, datamque semel hac de re fidem vel cum vitæ periculo sancte servarent (9).

- 1) Olafus Sveciæ rex filiam Ingigerdam Jarisleifo Holmgardiæ regi invitam in matrimonium dedit. Vid. *Heimskr. T. II. Cap. XC. & XCV.* Sic Olufa Ketillo, jubente patre, invita nupsit. Vid. *Viglund Pulchri Vitam, Cap. V.* Hallgerda, vulgo Langbrók, cum inconsulta Thorvaldo a patre esset desponsa, ipsaque conditionem ut ignobilem averfaretur, regessit pater: *ekki legg ek svo mikir vid ofmetnad þinn, at hann standi fyri kaupom minom, ok skal ek ráða, en eige þú, ef okkur skill á. i. e. fastum tuum haud tanti facio, ut iccirco coëmptionis, quem ipse feci, contractum irritum fieri patiar: nos enim nisi consentiunt, meum erit imperare.* Vid. *Njala. Cap. X.*
- 2) Geiram sororem ad ingratas Burisleifi Vandalæ regis nuptias coëgit Sveinus Biberbis, Daniæ rex. Vid. *Heimskr. T. I Hist. Ol. Tryggv. Cap. XCIX.* Ipse quoque Olafus Tryggvii f. sororem Astridam ad minus placentes Erlingi Solensis thalamos adegit. Vid. *Libr. cit. Cap. LXII. & XLIII.* Sic Ingibiorga a fratribus



bus Hringo regi invita nuptum data est. Vid. *Vitam Fridrþiofi Vegeti, Cap. IV. & V. Mst.* Sic Steingerdam frater Berfio invitam despondit. Vid. *Kormaks S. Mst.*

- 3) Matrem ad ingratas nuptias cogere non potuit filius; sed nec matri absque auctoritate & consensu filii, in cuius erat tutela, nubere licuit. Quod si fecisset, & ipsi dos, & liberis ex novo matrimonio natis, hæreditas materna denegari potuit. Hanc ob causam Ruto, hæreditatem maternam postulanti, regessit Höskuldus: *Matrem Thorgerdam absque sua auctoritate Herjulfso nupsisse: matrem vero in sua ex lege tutela fuisse. Laxdæla S. Cap. XXI.*
- 4) Cum filiabus, quæ in patria potestate & domo fuere, invito patre matrimonium iniri non potuit, nisi ante e domo paterna raperentur. Hanc vero rapinam capitale fuisse crimen docet exemplum Thorgrimi Prudii, (vid. *Vit. Viglundi Pulcbri, Cap. V. in fine*), Biörni Hauldi, (vid. *Eigla, Cap. XXIII*). Thorkilli Thurfrosti, (vid. *Hist. Olaf. Tryggv. ed. Scälb. P. I. Cap. CVII. p. 116.*). & aliorum.
- 5) Hæreditatis, liberis raptæ, s. quæ absque consensu patris ducta fuit, denegatæ, exemplum insigne vide *Eigla, Cap. XXXV.*
- 6) Utrum patria potestas in filiam per hujus matrimonium penitus sublata, an imminuta tantum fuerit, quæri solet. Quid Romani hac de re senserint, vid. Heineccii *Antiquit. Rom. Libr. I. Tit. IX. §. 3 & 4. & Tit. XII. §. 5.* De Borealibus priscis peritiores judicent. Certe Mördo focer Gissurus Albus minatur, nisi mandata capeffivisset, se filiam, ei nuptam, domum



suam reducturum. Hæ minæ in virum juris patrii satis peritum vanæ fuissent, nisi patri id facere licuisset. Verum credi potest Gissurus, quo & contextus historiæ inducit, filiæ ad divorcium consensum supposuisse. (Vid. *Njála*, *Cap. CXXXVI*.) Adeo ut divortii facultas non tam penes patrem, quam filiam, Mörði uxorem, fuerit. Divortium vero arbitrarium, præsertim consentiente patre, quin uxoribus olim licitum fuerit, nullum est dubium.

- 7) Hallgerda primis nuptiis inconsulta & invita locabatur; iterum & tertio nupturæ pater liberam nubendi vel non nubendi optionem concessit, eamque tum non pater, ut ante, sed semet ipsa despondebat. Vid. *Njála*, *C. p. XIII. & XXXIII.*
- 8) De his, vide supra, *Not. (2) & (3).* Gudruna Ósvifi filia, uti & Droplauga, iterum nupturæ, filios nuptiarum auctores adhibuerunt. Vid. *Laxdæla*, *Cap. LXXV. & Fljotsdæla*, *Cap. XXIII.*
- 9) Hringus Jarlus mariti eligendi optionem filiæ Afæ concessit. Vid. *Vit. Sturlogi Laboriosi*, *Cap. II.* Nec aliter Eigillus Skallagr. f. Thorgerdæ. Vid. *Laxdæla*, *Cap. XXIII.* Ketillus Hængus solenni formula iuravit, nemini se filiam invitam in matrimonium daturum; quoque iuramenti fidem servaret, cum proci aliquoties singulari certamine conflixit. Conf. *Vitam Ketilli Hængi*. Mst.

## §. IX.

De adsciscenda conjuge deliberantes viri  
imprimis spectabant, I. *natalium splendorem*  
claras-

clarasque futuræ uxoris *necessitudines* (1); II. erectam petendæ sibi que fidentem *animi indolem* (2), , cujus liberos participes futuros sibi persuadebant (3); III. *pulchritudinem* (4); & IV. *dotem & spem hæreditatis* (5). Mulieres vicissim in procis desiderabant, I. *generis nobilitatem*, aut saltem *honestatem* (6); II. *vultum decorum & staturam corporis dignam & virilem*; & III. *celebritatem militarem*, rebus fortiter & strenue gestis promeritam (7). *Sacra communia* (8) & *ætas non admodum dispar* (9), nuptiisque saltem idonea, utrinque in censum veniebant. Viros formosos sibi mulieres optabant quidem; de exquisito autem nitore aut venustate vultus minus sollicitæ, id attentius considerabant, quid universa *vultus conformatio minaretur*, ex qua non modo secretiores animi recessus perspicere, sed futuram quoque ominari fortunam mira quadam arte & raro fallaci veteres callebant (10). *Militaris virorum statura* (11), quam in concipna membrorum proportionem sitam ad certas æstimabant regulas, maxime placuit foeminis, in  
reli-



reliquis etiam fatis delicatis; maritos enim fenes abominabantur, obscuro loco natos & sua conditione inferiores dedignabantur, ignavos autem molles & timidos, nullaque fortitudinis laude conspicuos, quam maxime fastidiebant.

- 1) Vid. *Laxdala S. Cap. XXIII.*
- 2) Heroica hac animi indole præditam foeminam antiqui *Kvenn-skörung* vocarunt. Tales procis vel maxime in votis fuerunt. Conf. *Laxdala S. Cap. X. & LXXV. Niála, Cap. XCVI.*
- 3) Nota sunt Ragnari Lodbrokii ante mortem verba: *Móðernis feck ec minom, Maugom sva at biðrtun duga.* i. e. *eam matrem filiis meis dedi, ut satis babeant animi.* Vid. *Ragnars-Qvida Stroph. XXVI.*
- 4) Rutus, de pulchritudine Halgerdæ sententiam rogatus, respondit: *satis nimiumque pulchra est; id quod multis erit damno.* Vid. *Niála, Cap. I.* Nempe tribus illa maritis nupta, omnibus causa mortis exstitit.
- 5) Vid. *Niála, Cap. II.*
- 6) Si par utrinque nubentium conditio, *jafnræði*; si foemina infra hanc conditionem nupta, *vorgesin*, dicebatur. Vid. *Niála, Cap. X.* Astrida Erlingi Solensis, (v. *Heimskr. T. I. Hist. Ol. Tryggv. Cap. LXII.*) & Ragnhilda Hakoni Ivare f. (v. *Libr. c. T. III. Hist. Har. Sev. Cap. XLIX.*) ut ignobiliorum matrimonium recusabant.
- 7) Ita inclytissimum antiquitatis fabulosæ heröem, Sigurdum Fabnericidam. Brynhilda & Gudruna ad furias usque

usque deamabant, teste *Edda*. Hildegunnæ Gunnarum, virum fortissimum laudanti, ab invidis responsum: *talis vobis foeminis Gunnarus videtur, ut qui parem non habeat*. Vid. *Njála*, Cap. LXXIII. Verum res notissima non eget exemplis. Conf. *Cleffel, Antiqu. Germ.* Cap. I. §. III.

- 8) Ob diversa sacra Geira Burisleifum maritum deseruit; eandemque ob causam Olafus Tryggvii f. Sigridam Imperiosam sibi pactam repudiavit. Vid. *Heimskr. T. I. Hist. Ol. Tryggv.* Cap. C. & Cap. LXVIII.
- 9) Maritum senem rem ingratam foeminis, maritisque uxorem decrepitam fuisse, historica probatione, per se facillima, non indiget.
- 10) Venustam virorum faciem parum moratas olim foeminas, docet exemplum Thorgerdæ, (v. *Laxdala*, Cap. XXIII.), & Steingerdæ, (v. *Kormaks S. Cap. III.*) Bellam faciem magis foeminam quam virum decere olim creditam, innuit proverbialis locutio: *húttur madur ok buglaus*, i. e. *albus vir & animi inops*. Vid. *Laxdala*, Cap. LX. Idem etiam docent verba Gunlaugi Orms-tungæ, Rafno objectantis, quod *vultu esset venustulo quidem, sed qui nihil magni promitteret*. Vid. *Vit. Gunl. Orms.* ed. *Hafn.* Cap. IX. p. 113. Istam faciei qualitatem, ex qua de indole & fortuna augurari liceret, Boreales, *svipur*, *yfirbragd*, vocarunt. Sic Halgerdæ oculos, *furacitatis indices*, haud vanus conjector agnovit Rutus. Vid. *Njála*, Cap. I. Sic Gissurus Albus, nebulonem alloquens, & iudolem ex vultu æstimens, dixit: *ekki deilir liur kosti, ef þú gefz vel*. i. e. *haud facies animi interpret, si tu te bene dederis*. Quasi cum Martiale dixisset;



*Crine ruber, niger ore, brevis pede, lumine laesus,  
Rem magnam præstas Zoile, si bonus es.*

Notum porro Gesti Oddleifi f. de Kiartano & Bollio, pueris primum sibi conspectis, quod hic illum olim occisurus esset, vaticinium. Ejusmodi exempla multa sunt. Sed nec ista auguria ex vultu Romanis ignota fuisse, docent illa Virgilii de Marcello, quippe præmature obituro. *Æneid. I VI.*

*Sed frons lata parum, & dejecto lumina vultu. & porro:  
Sed nox atra caput cava circumvolat umbra*

Nisi grammaticas tribus alumna reverentia prosequeretur, fere dixerim: Virgilii illud de Marcello: *Quantum INSTAR in illo est*, non similitudinem cum seniore Marcello, sed vultum juvenis præclara minantem, Borealium nempe, *svipur*, hic significare.

- II) Vir statura militari, *hermanlegur á vöxt*, dicebatur.  
v. *Níðla, Cap. XXV.*

## §. X.

Quandoquidem ingenua mulier sine consensu patris aut tutoris duci legitime non potuit, ad hunc consensum, uti & assensum ducendæ impetrandum & conciliandum necessaria erat *procatio*; actus nempe, quo cupita mulier in matrimonium poscebatur. Iter procandi ergo institutum (*Bónords-för*) ipse plerumque procus, nisi matrimonium parum  
penſi





penſi habere videri vellet, obire ſolebat, patre vel cognatorum aut amicorum præcipuis cõmitantibus (1). Antiquiſſimis temporibus reges etiam atque principes præſentes procarî ſolitos eſſe conſtat (2). Seqviori autem tempore legatis expertæ fidei & prudentiæ viris illud negotium principes mandabant, maxime ſi peregre uxor qværenda eſſet, qvo abire proco non vacaret (3). Ubi pater vel tutor cupitæ mulieris conventus, eam in matrimonium poſtulabat, non ipſe procus licet præſens, qvo verecundiæ & pudori conſultum videtur, ſed proci vice *proxeneta*, ſive is pater, ſive propinqvorum aut amicorum alius. Hujus porro erat, ſi placerent nuptiæ, de conditionibus matrimonii tranſigere. De illis cum utrinqve conveniſſet, contractus nuptialis teſtibus adhibitis eſt confirmatus. Contractus nuptialis legitime ratus, *Sponſalia*, *feſtar*, dan. *Trolovelſe*, dici conſuevit (4).

1) Vid. *Niála*, Cap. XIII. & XCVIII.

2) Vid. *Sax. Gramm. Hiſt. Dan. Libr. III.* p. 40. Ubi hæc:  
*Cum ejus temporis juvenes matrimonii poſtulationem propria*



*pria voce prosequendi consuetudinem haberent.* Sic in *Edda Semundi Atlii* (Attila), Hunnorum rex, se ipsum procatum ait: *Beidur för ec heiman, at bidia þin Gudrun.* i. e. *procuraturus domo proficiscebam, ut te, Gudruna, nuptiis ambirem.* Vid. *Asla-mál en Grænlenzco.*

- 3) Vid. *Heimskr. T. I. Hist. Ol. Tryggv. Cap. LXVI. & T. II. Cap. XCV. Conf. Cleffel. Libr. & Cap. cit. §. 10.*
- 4) Hanc fuisse & procandi, & sponsalia contrahendi consuetudinem docet *Níala, Cap. II. item Gunnl. Orms. Vita, Cap. IV. p. 54.*

## §. XI.

Ad integritatem matrimonii tantum facere borealibus olim visa sunt sponsalia, ut his non præmissis legitimæ non censerentur nuptiæ (1). Ad sponsalia vero hæc pertinebant: I. *procatio*, sine qua nullus sponsaliis locus; II. *impetrato* patris vel tutoris puellæ, vel, si per anteriores nuptias sui facta esset arbitrii, ipsius mulieris, *consensu*, a) *procus* mulierem sibi in matrimonium datum iri *stipulabatur*, quod olim, *at fastna ser konu*, dicebatur (2); b) *pater* vel tutor mulieris, vel ipsa, datum iri *spondebat*, quod, *at festa konu (sk)manni*, vocabant (3). Promissio hæc recipro-



ciproca, *eigin-ord* (4), dicta fuit; atque hic actus ipsam sponsaliorum substantiam constituebat; III. *Conditiones conventæ matrimonii* ineundi indicebantur; IV. *hæc omnia*, a) *junctis* contrahentium *dextris*, b) *conceptis* verborum *formulis*, & c) *coram* nuncupatis *testibus* classicis peracta sunt (5).

- 1) Svafius Snæfridam filiam regi Haraldo Pulchricomo in matrimonium se daturum negabat, nisi præviis sponsaliis eam legitimam duceret uxorem. Vid. *Heimskr. T. I. Hist. Har. Pulchric. Cap. XXV.* Hilderidæ filiis hæreditas ideo negata, quod eorum mater legitime non esset desponsata. Vid. *Eigla, Cap. VI. & IX.*
- 2) Vid. *Vit. Gunl. Ormst. loc. supra, §. 10. Not. (4). cit.*
- 3) Vid. *Njála, Cap. XIII. & XXVII.*
- 4) Vid. *Kormaks S. Cap. V. in fin. & Heimskr. T. I. Hist. Ol. Tryggv. Cap. XCIX. p. 298.* Interdum vox, *eigin-ord*, maris & foeminæ de conjugio ineundo fidem, mutuo, sed clam & absque sponsaliis datam significat. Vid. *Vit. Viglundi Pulchri. Cap. V.*
- 5) Vid. loca supra, §. X. *Not. (4). cit.* item *Njála, Cap. XIII.*

## §. XII.

Conditiones sponsaliorum conventæ, *festi-máldage* (1) olim dictæ, vel I. nuptiarum

C

rum



rum a) *tempus*, & b) *locum* definiebant, vel II. *pecuniariae* fuerunt. *Tempus*, quod sponsalia & nuptias intercederet, inter conditiones matrimonii necessarias, & de quibus in contractu sponsalizio transigi deberet, vel ideo referendum, quod hac conditione ab alterutra parte non impleta, ipse sponsaliorum contractus irritus redderetur (2). Eo tempore, quo sponsa sponsum expectare debuit, & intra quod alii nubere non potuit, *at sitia i festum* sponsa dicebatur (3). Diuturnitas temporis sponsalitii, pro circumstantiis varia, a contrahentium arbitrio dependebat, quod, prouti tempestas anni vel ad nuptias invitatis, vel in convivium nuptiale, quod quo splendidius & frequentius eo quoque honoratius habebatur, impensas facturis, magis minusve visa est commoda, *ad aliquot* plerumque *menses* extendebatur (4). Siquid vero negotii gravioris vel intra patriam vel peregre ante nuptias peragi e re nubentium videretur, *triennii* tempus contrahentes plerumque paciscebantur; cuius *triennii sponsalitii* in mo-  
numen



numentis historicis frequens mentio intercurrit (5). *Locus* nuptiarum ordinarius *apud sponfam* ejusque patrem aut propinquos erat. Si vero apud sponsum ejusve patrem aut propinquos celebrandæ essent nuptiæ, id præter consuetudinem in honorem sponsi nobilioris factum videbatur (6). Quamobrem locus, non secus ac tempus nuptiarum, ad conventiones sponsalicias, si non primarias, certe necessarias, pertinebat.

1) Vid. *Njála*, Cap. II.

2) Eoquod intra tempus sponsalitium non compareret Biörnus Hitdal. Athleta, Oddnya ei deponata alteri nupsit. Vid. *Vit. Biörni*, Cap. II. & *V. Mst.* Eandem ob causam non sponso Kormaco, sed Bessio nupsit Steingerda. Vid. *Kormaks S. Cap. V.*

3) Conf. *Vit. Biörni Hitdal. Atbl. Cap. II.* nec non *Hist. Ol. Tryggv. ed. Scalb. P. I. Cap. XXI. p. 85.*

4) Vid. *Laxdala*, Cap. VI. & *Njála*, Cap. II.

5) Triennium sponsalitium non modo inter sponfos, (vid. loca supr. Not. (3). *cir.* item *Njála*, Cap. II), sed inter pactos quoque conjuges in usu fuit; vid. *Vit. Gunl. Ormst. Cap. V. p. 80* & *Njála*, Cap. XCVIII.

6) Vid. *Laxdala*, Cap. XXIII. & *Njála*, Cap. XXXIII.



## §. XIII.

*Conventiones sponsaliorum pecuniariæ* reciprocae fuerunt, & utramque contrahentium partem obligabant. Nempe I. *a parte sponsæ dotem dicebat & promittebat pater*, vel alius quilibet, cujus sub potestate erat sponsa, vicissimque *stipulabatur* quid pro dotis usufructu maritus doti adjicere teneretur, quod matrimonio vel per divortium vel mortem soluto, præter dotem, quam filiae pater dixerat, sponsæ ejusve hæredibus cedere deberet (1). Dos a patre data, *heimansfylgia* (2), *heimanferd* (3) stipulatum autem dotis augmentum a sponso dandum, *tilgiöf*, appellabatur (4); illam Romani *dotem profectitiam* vocabant (5), hanc *adjectitiam* s. *addititiam* dixeris, ab *adventitia* Romanorum (6) probe distinguendam. Utraque *receptitia* fuit (7), & utraque simul sumpta a borealibus, *mundur* & *måle*, vocabatur; vox tamen, *mundur*, solum *adjectitiam* interdum apud auctores significare videtur (3). Quæ hac conditione locabatur, *måla-kona* dici solevit. Hæc conditio



tio fere, si sponsa sponso longe locupletior, vel sub conditione sterilitatis aut divortii usitata videtur (9). Erat & aliud conventionis sponsalitiae genus; quod, si bona nubentium fere aequalia & conjugium concors & foecundum speraretur, in usu fuisse constat. Nempe, ut alterutro conjuge mortuo bona communia inter superstitem mortuique hæredes, siue hi liberi essent communes, siue alii, ex æquo dividerentur; ideoque hæc conventio *helmingar-felag* dicta (10). Conventiones hæ *sponsaliorum pecuniariæ*, *festaka upmále* vocatae (11), ante artis scriptoriæ in Septentrione usum tantum *verbales* erant, *adhibitis* tamen *testibus* (12). Postquam vero literarum usus increbuit, non *instrumenta* tantum *sponsalia*, vulgo *kaupmála-bref* (13), sed auspices quoque & signatores in usu esse coeperunt.

1) Vid. *Njála*, Cap. II.

2) Vox ista occurrit in *Svarfdæla*, Mst. & passim alias.

3) *Heimanferd*, pro dote, vid. *Hist. Ol. Tryggv. ed. Sca'b. P. II. Cap. XXXV. p. 160.*

4) Vid. *Hist. Ol. Tr. l. cir.* item *Heimskr. T. II. Cap. XCV. p. 132.*



- 5) Vid. Heinecc. *Antiquit. Rom.* II. 8. 8.
- 6) Vid. Libr. & loc. cit.
- 7) Vid. l. c.
- 8) Vox *Mundur*, apud Auctores nunc dotem profectitiam & addititiam simul sumtas, (vid. *Njála*, Cap. VIII.), nunc solam addititiam significat. Vid. *Heimskr.* T. I. *Ynglinga-tal.* Cap. XVII. p. 20. Ubi *Visburus Audi Divitis filiam duxisse, eiqve pro dote tria prædia majora dedisse*, narratur. Dos enim profectitia, quæ a patre non a marito datur, hic intelligi nequit.
- 9) Vid. *Njála*, Cap. II.
- 10) *Njála*, Cap. II. & XIII.
- 11) Vid. *Njála*, l. c.
- 12) Vid. l. c.
- 13) Vox, *Kaupmála-bref*, in *Sturlunga*, ni fallor, occurrit; locum autem nunc non invenio.

#### §. XIV.

*A parte sponsi pater, aut quisquis ei patris erat loco, vicissim dicebat & promittebat, quantum bonorum, quod doti responderet in rem nubentium daturus & collaturus esset, quod, at leggja fram se med manne, Boreales vocabant; hanc pecuniam, quanar-mundur, Boreales (1), pecuniam maritam forte Romani dixerunt (2). Hæc pecunia, a dote addititia prorsus diversa, si doti esset æqualis,*  
æqva





æqua videbatur conditio (3). Integra autem conventio sponsaliorum pecuniaria, *festakaupmále*, aliquanto latiore quam §. XIII. significatu, nuncupari solebat (4). In his contractibus sponsalitiis, quoniam aliquid utrinque dandum promittebatur, patet veterum Borealium matrimonia, ejusmodi præviis sponsaliis inita, *nuptias per coëmtionem* dici mereri. Unde talis contractus sponsalitiis *kaup* (5), coemtio, & uxor dote addititia coëmta, *kona mundi keipt* (6) vocata. Idque jure meliori factum, quam apud Romanos, si ob solam assis traditionem, quo Romanæ maritos emebant, coemtio nuptialis dicta sit (7); ita enim umbram corpori, ritum & cerimoniam nudam, ceu signum, rei significatæ substitui, nemini non clarum. De Germanis refert Tacitus: *dotem non uxorem marito, sed uxori maritum offerre* (8). Idem de Borealibus tam ex Saxonis testimonio, quam aliunde adstrui posse quibusdam visum (9). Uxori maritum dotem obtulisse de Borealibus quidem verum, si dotem addititiam



dititiam (10), uti & dona nuptialia, inter ipsa matrimoniorum auspicia sponsæ & uxori a viris dari solita, intelligas. Nullam vero ab uxore ad maritum dotem profectam, adeoque omnes Borealium uxores fuisse *gratuitas*, historiæ Septentrionis, qualis adhuc superest, prorsus refragatur (11).

- 1) De hac pecunia in sponsaliis Ruti cum ageretur, dixit ad Mörðum Höskuldus: *eigi þarf oc leingi at bida, hvat ek skal áquæda; bann skal hafa &c.* i. e. nec diu expectabis, quantum dicturus sim; habebit enim &c. Vid. *Njála*, Cap. II. conf. Cap. XCVIII. nec non *Vit Björni Hird. Attl.* Cap. II. Vocem, *qvanar-mundur* hac significatione sumtam, vid. *Njála*, Cap. XCIV.
- 2) Vid. Plauti *Epidic. Act. II. Scen. I.*
- 3) Vid. loca supra Not. (1) cit. nec non §. XIII. Not. (10)
- 4) Vid. *Njála*, Cap. IX. XIII.
- 5) Vid. *Njála*, Cap. IX. X. & XXVII.
- 6) Vid. *Eigla*, Cap. IX. Conf. *Atlamálen Grönl. Mund gallt ec mærrí, Meidma fjöld þiggia, þræla þriátigi, þíar síau godar.* 3: Dotem claræ persolvi, cimelia multa accipienda, servos triginta, servas septem bonas. Ubi *mundur* dotem, quippe a marito datam, addititiam notat; ita tamen, ut dona nuptialia simul includere possit.
- 7) De *asse nuptiali*, qua Cajus Cajam emebat, vid. *Heineccii Antiqu. Rom.* I, 10. II.



8) De *Mor. Germ. c. 18.*

9) Conf. *Cleffel. Ant. Germ. Cap. I. §. VI.*

10) Vid. *supra. §. XIII.*

11) Fateor equidem Historiam borealem, quæ supra nomen adscendit seculum, adeo aut fabulis intermixtam, aut jejunam esse, ut instituta borealium non satis semper explicate commonstret. Verum quoniam in his interdum fabulis mores & opiniones gentium latent, posse quoque credo vel ex ipsa Eddarum mythologia dotis profectitiæ antiquitatem utcumque evinci. Nimirum Skadia sedem paternam in Thrymheim, cuius erat hæres, Niördo nupta retinuit & inhabitavit; non igitur uxor Niördi gratuita dici meretur. Atlius Giukungos iccirco vel maxime interfecit, quod thesaurum Fabnerianum sibi retinerent, quem uxori suæ Gudrunæ, mariti nempe prioris Sigurdi legitimæ hæredi, adeoque & sibi cum uxore dotis nomine deberi credidit Atlius. Sed, ut fabulas mittamus, quin temporibus seculo octavo inferioribus dos profectitia apud Septentrionales in usu fuerit, nisi historiæ borealis ignarus nemo facile dubitaverit. Conf. *Heimskr. Yngl. t. Cap. LIII. p. 61.* Nec satis scio, quid sibi velit Tacitus. (v. c. 18.), qui postquam *dotem non uxorem marito, sed uxori maritum offerre dixerat*, istaque munera maritorum dotalia, nempe *boves, frenatum equum, scutum, gladium & frameam*, recensuit, statim subjungit: *in hæc munera uxor accipitur, atque invicem ipsa armorum aliquid viro offert.* Quidni igitur hæc uxoris munera dos profectitia dicenda; ipsaque Germanorum matrimonia, non minus quam Romanorum & Borealium per coemptionem facta sunt?



## §. XV.

Solennes sponsaliorum cerimoniae ritu triplici constabant; ritu nempe I. *dextras jungendi*, II. *testibus denuntiandi*, & III. *verba sponsaliorum concepta proferendi* (1). Ut in omnibus stipulationum generibus, ita in sponsaliis dextras junxisse contrahentes diserta auctorum loca testantur (2). Hinc Romani uxorem *in manum convenire*, *in manum tradi* & *emancipari* dicebant (3). Boreales contractum data dextra factum a parte spondentis *handsaul*, a parte stipulantis *handfestning*, & in negotio sponsalicio, *festar*, strictiore vocis significato appellabant. Sponsus cum patre, vel cum ipsa sponsa, si nimirum hæc jure viduitatis sui esset arbitrii, jungebat dextram (4). Testimonium denuntiasse, (*at nefna ser vatta*), uterque contrahens videtur (5); eo tamen discrimine, ut si sponsa, quæ sui juris, auctore patre, aut qui ejus loco, se ipsa desponderet, non ipsa, sed pater aut tutor quilibet, testibus denuntiaret (6). *Testes classicos* de industria vocavi (7). Quemadmodum enim  
apud



apud Romanos in cērtis causis non omnes viri erant testabiles, sed qvi in una de V. civium essent classibus, sic apud Boreales etiam fuerunt, qvorum testimonium non recipere-tur. In causis certe criminalibus testes idonei non erant, nisi & jure coloni gaudentes in horum essent tribu & numero, & antestanti nulla vel naturali vel spiritali cognatione conjuncti (8). Erat porro solennis sponsaliorum formula, qvæ etsi mutuo interrogandi respondendique more, (*spondesne? spondeo.*), Romanis usitato (9), non constiterit, verbis tamen conceptis, ut in qvovis fere actu (10), qvi publice ratus foret, ita in sponsaliis, usi olim sunt boreales (12). *An-nulum pronubum* sponsum sponsæ dedisse non negaverim, præsertim cum annulorum dona in Septentrione olim frequentissima, & mutuis sponsi sponsæque donis nihil usitatus. Ast hunc pronubum anulum magis testifi-candi amoris quam firmandorum sponsalio-rum pignori, & vel ante legitima sponsalia sæpius datum (12), nec semper aut necessario spon-



sponsaliis accessisse constat, quandoquidem sponsalia legitime peracta absque illo satis rata & essent & haberentur. *Arrham* igitur *sponsalitiam* (13) Boreales olim ignorasse quin statutam, nihil succurrit, quod dissyadeat.

- 1) Vid. §. X. *Nor.* (4) & §. XL.
- 2) Vid. *Njála*, *Cap. II.* & *Vit. Gunl. Ormst. Cap. IV. p. 54.*
- 3) Vid. *Heinecc. Antiquit. Rom. Libr. I. Tit. X.*
- 4) Vid. loca supra, *Nor. 2)* cit. & *Njála*, *Cap. XIII.*
- 5) Vid. loca supra, *Nor. 2)* & 4) cit.
- 6) De hoc evidens in *Njála* locus, *Cap. XIII.* ubi pater patruusque testibus denuntiabant, Hallgerda vero jam vidua se ipsa despondebat.
- 7) De *testibus classicis*, vid. *Gesn. Thes. Lingu. Rom. ad vocem Classicus.*
- 8) Insigne hujus rei documentum exhibet *Njála*, *Cap. CXLIII.* Nimirum Colonus (*Bonde*) censebatur, & testandi jure gaudebat, si 1) *domi focum (eldsto) haberet*, 2) si *rem pecuariam (málnytia) faceret*, vel 3) si *fundi*, quem inhabitabat, esset dominus.
- 9) Vid. *Heinecc. Libr. cit. III. 16. 29.*
- 10) Hæ juris formulæ in *Njála* passim obviæ; Vid. *Cap. CXXXIX. CXLIII—CXLVI.*
- 11) Vid. *Vit. Gunl. Ormst. Cap. IV. p. 54.* Ubi hæc: *Dic quodam Gunlogus ad Thorsteinum: unus, inquit, actus legitimus est, quem me non docuisti; qua scilicet formula*



*formula uxorem mihi desponsam. Cui Thorsteinus, rem parvi negotii esse respondit, formulamque eum docuit.*

- 12) Fidei de conjugio ineundo, mutuo, sed clam & absque sponsaliis datæ, pignori Sigurdus Fabnericida Brynhildæ, (vid. *Söguþátt Sigurðar Fabnisbana*, Cap. 20—30. *Mss.*), Fridthiofus Ingibiörgæ, (vid. *Vit. Fridthiofi Vegeti*, Cap. III.), Olafus Tryggvii f. Norvegiæ rex Sigridæ Imperiosæ absenti, (vid. *Hist. Ol. Tryggv. ed. Scalb. P. II. Cap. XXXV. p. 159.* annulum pronubum dederunt.
- 13) De *Arrba sponsalitia* vid. Heinecc. *Libr. & loc. supra*, Not. 9) cit.

## §. XVI.

Fuerunt illa, sine quibus sponsalia justa & licita non erant. Ut enim I. *consensum patris*, aut qui nupturæ patris erat loco, taceam, requirebatur porro, ut ambo nubentes essent II. *ingenui*, III. *matrimonio soluti*, & denique IV. *sanguinis necessitate proxima inter se non conjuncti*. De consensu supra diximus (1). *Servi servæque*, uti apud Romanos aliasque gentes, ita apud Boreales non pro personis sed pro rebus habiti, *nulla legitima vel cum ingenuis vel inter se sponsalia contrahere aut matrimonia inire poterant* (2). *Monogynia*  
autem



autem ob omni ævo, aut quousque saltem ulla temporum adscendit notitia, in Septentrione adeo recepta fuit, ut etsi marito plures simul essent foeminæ, quibus cohabitaret, *unica tantum uxor esset legitima*; reliquæ, & vel prius legitime ductæ, aut facto divortio dimittebantur, aut concubinarum s. pellicum instar retinebantur (3). *Incesta porro conjugia abominatos Boreales* etiam ethnicos, vel solum Helgii, Daniæ Regis, exemplum docet (4). Quousque vero ethnici gradus cognationis prohibitos numeraverint, mihi quidem in incertis. Proximos, nempe *cum matre, sorore, filia*, vetitos fuisse, certum (5). Postquam Sacra Christiana recepissent Boreales, Juris Canonici hac in re præscripta secuti sunt.

1) Vid. supra §. X. & XI.

2) Qvod servi aut servæ vel cum ingenuis, vel inter se legitimo conjugio fuerint conjuncti, nupiam legitur. Quoties vero placebat maritali, libertate prius a dominis donari & manumitti solebant; cujus multa sunt exempla. Conf. *Hist. Ol. Tryggv. ed. Scalb. P. II, Cap. XIII. p. 27. & Laxdala, Cap. VI.*

3) Ad hujus rei documentum vel solum Haraldi Pulchricomi, primi Norvegiæ monarchæ, exemplum allegare





gare satis sit. Ille enim ducta Ragnhilda novem uxores dimisit, quas tamen antea in legitimo matrimonio habuerat. Vid. *Heimskr. T. I. Hist. Har. Pulchric. Cap. XXI. p. 97.*

- 4) Vid. *Sax. Gramm. Hist. Dan. Libr. II. p. 28 Conf. Hist. Hrolfi Krakii, p. 39. seqq. nec non Heimskr. T. I. Yngl. r. Cap. XXXIII. p. 41.*

- 5) Si patris cum filia conjugium olim vetitum, id quod Helgii docet exemplum (vid. supra, Not. 4.), etiam filii cum matre ob paritatem rationis illicitum fuerit, oportet; imo cum noverca, vid. *Hist. Hrolfi Krakii, Cap. XII Sororis quoque hymenaeos fuisse vetitos*, docet Knutus Inventus, celandi ergo incestus expositus. Vid. *Hist. Ol. Tryggv. ed. Scalb. P. I. Cap. LXX. p. 70.*

## §. XVII.

Solent juris romani consulti cupitas mulieres trifariam distingvere. Sunt nimirum illæ *speratae, pactae, sponsae* (1). Triplex quoque hoc discrimen in veterum Borealium institutis observatur. *Sperata* enim, *hugdar-kona*, & qui sperabat, *von-bidill*; *pacta*, *heit-kona*; & *sponsa*, *festar-kona*, dicebantur. Non amata quævis ideo *sperata* fuit, nisi quæ amantem redamaret, amorisque mutui & conjugii fidem vel dedisset, vel saltem non abnuisset; absque



absque tamen explicito patris vel necessitudinum consensu (2). Hæc fides, jure invalida, si a parte mulieris non servaretur, æqua quidem cum rivali inimicitias, vix aliter, quam singulari certamine dirimendas, suscipiendi causa videbatur; nulla tamen fraudato in præripientem actio ex lege competebat (3). *Pacta* dicebatur, quam pater quidem, aut qui patris loco, uxorem promiserat, sed absque legitimis sponsaliis. Hoc promissum ad certum tempus plerumque erat restrictum, intra quod alteram ducere proco, & alteri nubere pactæ non licebat. Si procus fidem non servasset, promissi pater & mulier non erant rei (4). *Sponsa* audiebat, quæ per legitima sponsalia sponso intra tempus sponsalitium in matrimonium addicta fuit. Nec pacta, nec sponsa, neutriusque procus intra tempus præscriptum, cum alio vel alia conjugium inire potuit, quod si fieret, is, qui fidem violasset, *malæ fidei reus* erat, quæ injuria non armis modo in æmulum, sed & actione contra eum, qui datam fidem violasset, vindicari

dicari potuit (5). Fides inter speratos conjuges non servata *laus-mæli*, inter pactos *brigd-mæli*, inter sponfos *trygd-rof* vocabatur (6); hoc crimen grave & instar *perjurii promissorii* (*eid-rof*) habebatur, quique violassèt, *vara-vargur* audiebat (7). Non modo cum sperata, sed cum pacta etiam & sponsa ante nuptias omne corporis commercium sponso illicitum, pro stupro habitum, nec sine petitiæ ejusque cognatorum magna ignominia & contumelia admitti potuit (8).

1) Vid. Heinecc. *Libr. cit.* III. 16. 20.

2) Tales omnes foeminæ, quæ aut mutui amoris & conjugii fidem, sed absque tam patris vel tutoris auctoritate, quam sponsaliis dedere, aut saltem amantem non averfabantur. Talis ergo Kolfinna Halfredi Poëtæ, vid. *Hist. Ol. Tryggv. ed. Scalb. P. II. Cap. XXI. p. 83.* Talis Ingibiörga Fridthiöfi, Olufa Thorgrimi, Ketilrida Viglundi, Gudruna Osvifi f. Kiartani, de quibus supra, & aliæ.

3) Vid. *Hist. Ol. Tryggv. l.c. p. 84.* nec non *Laxdala-S. Cap. XLVII. seqq.*

4) Talis Helga Pulchra Gunlogi Ormst. & Hildigunna Höskuldi, vid. *Njála, Cap. XCVIII.* Cæterum pactam a sponsa diserte discernit Thorsteinus, dicens: *Helga skal vera beit-kona Gunnlaugs, en eigi festur-kona. 2: Helga pacta Gunlogo eris, non desponsata.* Vid. *Vit. Gunlogi Ormst. p. 80.*



- 5) Vid. *Kormaks S. Cap. IV. & V.*
- 6) Vid. l. c. *Cap. V. Conf. Edd. Sæm. Od. Grípis-spá: Str. XXXI. & XXXII.*
- 7) Fidem mutuam de conjugio; vel sine legitimis sponsaliis datam, instar juramenti sanctam habuere veteres. Hinc Thorgrimus Olufam sibi fidem jurasse dicit, vid. *Vit. Viglundi Vegeti, Cap. V.* Brynhilda Sigurdum ob fidem matrimonii non servatam in se perjurum vocat. Vid. *Edd. Sæm. Od. Helreid Brynbildar*, ubi *eid-rof*, & *Od. Grípis-spá*, ubi *trygd-rof* & *vara-vargr* hoc sensu occurrunt.
- 8) Vid. *Heimskr. T I. Hist. Har. Pulcbric. Cap. XXV. p. 101.* Idem etiam docet Erlingi Solensis in Endridium, Einari Thambaskelferi filium, ob suspectam cum filia ante nuptias consuetudinem, ira.

### §. XVIII.

Sponsalia legitima *justæ* sequebantur *nuptiæ*; utriusque effectus *legitimum* fuit *matrimonium*. Si alterutrum non adesset, *matrimonium illegitimum* censebatur; si neutrum, *nullum*. Viri enim cum sponsa consuetudo absque nuptiis instar *stupri* erat, mulieri & liberis pariter ignominiosa (1), & cum foeminæ cognatorum contumelia, ut ante dictum, conjuncta; eoque solo a concubinato differbat, quod concubinæ non sponderentur. Nuptiæ vero absque sponsaliis, etsi consensus



ſus patris & aliqualis coëmptio adeffet, *ſkyndi-bryllup* 2: *conjugium ſubitum* dictum, legitimi matrimonii effectus non fortiebatur. Qvamvis enim liberi inde nati ſpuriiſ ali-  
quanto honeſtiores haberentur, hæreditatem tamen patris, præſertim ſi legitimi adeffet liberi, ſibi depoſcere non poterant (2). Hor-  
ſum quoque referenda ſunt illa principum conjugia, quibus, legitima uxore non repu-  
diata, aliam ſuperinduxerunt, quæ, quamvis concubina non eſſet, legitimæ tamen uxoris dignitate & juribus non fruebatur (3). Ex  
ejusmodi connubio, quod *matrimonium in-  
æquale* dici ſolitur, prognatos, *filios natura-  
les* quidam jurisperiti appellant (4); talisque *uxor ſecundaria* dici meretur. Si legitimi eſſent filii, naturales illi patri ab inteſtato non ſuccedebant; ſi vero legitimi non eſſent, vel  
a patre legitimati, vel pro legitimatis habiti, in dignitatem bonaque patris ſuccedebant (5). Unde patet filios ex matrimonio inæquali ſuſceptos neuti-  
quam fuiſſe ſpurios. Cæterum iſtud conjugium in ſeptentrione nulli niſi prin-  
cipi licitum vel moris fuiſſe videtur (6).



- 1) Kraka Ragnaro Lodbroko sui copiam ante nuptias facere recusabat, quippe citius commercium sibi & liberis ignominiosum dicens. Vid. *Ragnari Lodbr. Hist. Cap. V. Mss. Conf. §. XVII. Not. (8).*
- 2) Vid *Eigla, Cap. VI. & IX.*
- 3) *Matrimonii Inæqualis* illustre exemplum dedit Haraldus Severus, Norvegiæ rex, qui Thoram Thorbergi filiam uxorem duxit, ita tamen ut reginam Elisabetham porro retineret. Uxoriscerte, non concubinæ loco habebatur Thora, reginæ tamen titulo & dignitate nunquam fruebatur. Vid. *Heimskr. Tom. III. Hist. Har. Severi, Cap. XXXIII. p. 90.*
- 4) Vid. *Heinecc. Antiquit. Rom. Libr. I. Append. Cap. I. §. XLI. & XLII.*
- 5) Haraldus Severi ex Thora filii neutiquam nothi sed naturales erant, & a patre legitimati in regnum paternum succedebant. Vid. *Heimskr. T. III. Hist. Har. Sev. Cap. LXXXV. p. 152. & Cap. CIII. p. 171.* Haud absimile exemplum in Sveino Estritio, Daniæ rege, ejusque filiis reperies. Deinceps autem in Norvegia filii regum ex concubinato suscepti, adeoque nothi, pro legitimatis justisque patrum successoribus censebantur. Cujusmodi Magni Nudipedis, Haraldus Gillii, Sigurdi Bronchi & Sverreri, regum filii fuerunt.
- 6) Simultaneæ principum polygyniæ aliquot quidem exempla habemus; nempe, Hiörvardi, Amlethi, Hiörleifi Mulierosi, Alfi, Alfreci, Haraldus Pulchric. & aliorum. Verum ista matrimonia partim inæqualia, partim illegitima & potius concubinatus dicenda putamus, nec nisi regibus, qui omnia sibi licere credebant, usitata.



## §. XIX.

*Liberi ex legitima uxore nati legitimi, skilgetin v. skírborín börn, ex alia illegitimi, laungetin, fuerunt. Filius ex pellice v. concubina susceptus nothus, fridlu-sonur, ex adultera hórgetinn, ex ancilla ambáttar-sonur, ex serva píar-sonur, ex meretrice pútu-sonur, ex incestu meingetinn dicebatur. Nothi omnes citra consensum legitimorum hæreditatis paternæ exsortes, ecki ódalbornir, erant (1), matremque sequebantur (2); dona tamen illis pater, vel invitis legitimis, impertiri poterat (3). Nothi haud erant infames; aliqua vero ex ancilla vel serva, major etiam ex adultera, meretrice & incestu natos notæ macula adspersit (4). Veteres Boreales, si legitimos liberos non haberent, vel legitimorum consensum impetrarent, & nothos legitimare (5), & alienos adoptare, (at leida til arfs,) poterant. Adoptatos plerumque nutricio sinu simul receperunt, quod, at fostra einum barn, vocabant (6). Hoc autem cum ad educationem sobolis magis quam ad matrimonium pertineat, ut ab instituto nostro alienum, in præsens omittimus.*



1) Vid. *Laxdala*, Cap. XXVII.

2) Notum illud, *partus ventrem sequitur*, de liberis illegitimis Romanorum quod valuerit, testis est *Alex. ab Alex. Gen. Dier. Lib. II. Cap. V.* Cum impare, aut si Romanus cum peregrina, vel Latini nominis muliere, aut serva vel barbara jungeretur, nullum fuisse jus nuptiarum necessitudinisque. Itaque nati liberi sub patris jure aut familia non erant, sed matrem sequebantur. Borealibus idem etiam usu venit, ut liberi, sive spurii, sive ex matrimonio inæquali suscepti, non patri, sed matri ejusque cognatis adhærerent. De Haraldi Pulchric. liberis vid. *Heimskr. T. I. Hist. Har. Pulchric. Cap. XXI. p. 97.* Börn Haralds Konungs voru þar bver upsfadd, Sem möðerni áttu. 3: Jnguli Haraldi regis liberi, (nempe ex matrimonio inæquali nati), apud eos natos maternos educati sunt. Nec non Cap. XL. p. 118. Haraldr Konungr let sveininn fylgia möður sinni, oc voru þau at konungs búom meðan sveinninn var ungr. 3: Haraldus rex puerum, (sibi ex ancilla natum, matrem sequi jussit, quæ cum eo, dum adolescent, in prædiis egis commotabatur. Conferatur, de Hilderidæ filiis, *Eigla. Cap. VI.* de Snækolli liberis, ex capta susceptis, *Svarfdala, Mst.* De Höskuldo Niali ex concubina filio, apud matrem rem oeconomicam faciente, *Níala, Cap. XCIX.* Nec non de Olafo Pavone, ex serva nato, apud matrem adolescente, *Laxdala, Cap. XV.*

3) Luculentum hujus rei documentum exhibet *Laxdala*, Cap. XXVII.

4) Interdum spurii natales opprobrio fuere. Vid. *Víram Viglundi Vegeti, Cap. IV.* Conf. *Heimskr. T. I. Hist.*



*Hist. Har. Pulchric. Cap. XXVII. p. 105. Nec non Laxdala, Cap. XXIII. & XXIV.*

5) Vid. *Laxdala, Cap. XXVII.*

6) Adoptionis nutritiæ consuetudo olim creberrima. Sic Thórdus Goddius adoptavit Olafum Pavonem. (Vid. *Laxdala, Cap. XIX.*). Berfius Haldorum. (Vid. *Laxdala, Cap. XXIX.*). Hroarus Tungugodi Thidrandium. (Vid. *Fljotsdala, Cap. IV.*). Nialus etiam Höskuldum non nutriendum modo suscepit, sed, cum uxorem duceret Höskuldus, a nutricio non secus ac filius pecunia marita instructus est. Vid. *Njála, Cap. XCV. & XCVIII.*

## §. XX.

Sicuti legitimas ambire nuptias nemini ingenuo non licitum, ita omnis viri cum muliere consuetudo sine iustis nuptiis etsi licita, tamen minus honesta censebatur. Extra conjugium amata quævis mulier, quæ amantem palam non averfabatur, *vin-kona, unnushta* dicta fuit (1). Quoties vir foeminam ingenuam frequentius conveniebat, & sine arbitris alloquebatur, si spe nuptiarum, quæ ei, in cujus potestate erat mulier, non displicerent, id agere videretur, non fuit fraudi; sin minus, *pudicitiam mulieris attentare*, (at



*fifla konu*) credebatur (2). Hoc, quoniam famæ mulieris damnosum, cum procos honestos absterret, (quod, *at spilla kosti konu*, appellari consuevit), inque patrem & propinquos cupitæ contumeliosum esset, *patris*, aut qui patris loco fuit foeminæ, primum erat, *tentatori* præsumpto *domo* sua *interdicere* (3). Hoc si tentator negligeret, injuria fiebat, quæ iam vi & armis, (*med oddi ok eggju*) coerceri, quam actione contra lædentem instituta vindicari poterat (4). Amator honestus *bidill*, inhonestus *fridill*, dici solebat (5). Si quis virginem ingenuam aut viduam honestam clam patre aut cognatis potitæ gravidam reddidisset, *stuprum* commisit. Hoc crimen erat capitale, *legordis-sauk* olim vocatum (6). In servas autem, ancillas, aut palam impudicas stuprum non committebatur (7); ejusmodi enim foeminam ubi quis gravidasset, stupri neuiquam reus fiebat, sed levioris delicti, quod multa arbitraria, ei, in cujus potestate gravidata erat, solvenda luebatur. Virginem aut viduam ingenuam

genuam e domo paterna aut tutoris si quis intra patriam communem ad consuetudinem corporis per vim apertam auferret, *raptionem mulieris*, *konu-nám*, si clam & dolo fieret, *plagium* commisit, criminis capitalis reus. Rapta *herminin*, furtim subducta *stolin*, dicebatur (8). Si cum rapta aut subducta, ut primum licuit, nuptias amator celebraret, eamque deinceps, quantum in se, uxoris legitimæ loco haberet, mitigari delictum, imo consensu propinquorum deinceps impetrato, & ipsum conjugium, & liberi inde nati legitimari poterant (9). Si quis autem cum rapta aut subducta absque nuptiis cohabitaret, non rapinæ modo vel plagii, sed stupri insuper crimine se induebat. Extra patriam, ut in solo hostili, raptæ foeminæ pro servabus habebantur, & jure bellantium ac prædantium consuetudinario instar mancipiorum non modo usurpari, sed & venundari absque usurpantis ignominia poterant (10). Maritatum si quis corrumpere, (quod, *at leggiast med konu manns*, olim dicebatur,) *adulter*,



*hórr*, erat (11). Qui maritatum ad adulterium sollicitaret, *at glepia konu manns* dicebatur (12). Adulterium adeo olim flagitiosum tamque capitale habebatur, ut, vel si ab imperante committeretur, rebellionis & regicidii iusta causa videretur (13). Siquis foeminam absque sponsaliis, coëmptione dotali, & spe nuptiarum in contubernium adsumeret, *at taka konu fridlu-taki*, ipsaque actio *fridlu-tak* vocabatur (14). Sic adscita foemina, quæ *fridla* dicebatur (15), si non maritato constantius adhæreret, *fylgdar-kona* Borealibus (16), Romanis *uxor sodalitia*, *usuaria*, & quatenus sine dote assumpta, *gratuita* vocabatur (17); si maritato adhæreret Romanis *pellex*, Borealibus *fridla*, voce strictius sumpta, audiebat (18). Si præter uxorem legitimam *pellex*, vel si plures concubinae cum uno viro corpus miscerent, relativo nomine *eliur*, vocari siveverunt (19). Si præter maritum *moechus*, vel plures *moechi* unius foeminae copiam haberent, *quid-mágar* appellati sunt.

1) Vid. *Föstbrædra S. Mst. Conf. Edd. Sam. Od. Od-drúnar-gr. Prolog.*

2) Istæ



- 2) Istæ virorum ad mulieres itiones in *Vita Viga-Glumi* & *Vatzdala búsgaungur* appellantur. Crebri autem ejusmodi conventus & colloquia cum filiabus patribus semper suspecta & odiosa fuerunt. Vid. *Vit. Viglundi Veg. Cap. II. Conf. Fostbrædra S. de Thor-modo; Vatzdala de Hrolleifo, nec non Niála, Cap. LXXXIII.*
- 3) Tentatori mulieris domo interdicere, *at vanda um*, dicebatur. Vid. *Vatzdala, Fostbrædra S.* item *Hist. Ol. Tryggv. ed. Scalb. P. II. Cap. XXI. p. 82.* nec non *Flóamanna S. Mst. Cap. XIIIX, & Landnáma, P. V. Cap. X.*
- 4) Vid. *loc. Nor. (3) cit.*
- 5) Vid. *Edd. Sam. Völund. qv. & Helga. qv. Hadd. sk. item Oddrunar-gr. Prol.*
- 6) Vid. *Niála, Cap. LXIV. & LXXXIII.* Nec non *Vit. Fimbogii Robusti, Cap. XL.*
- 7) Cum servabus quidem *vencrem* fuisse *tutam* non mirum, cum mancipia apud Boreales jure civium non gauderent; vid. supra §. XVI. & infra §. XXIX. De impudica vid. *Reikdala, Mst.* Ubi stupri crimen amoliri Brandus. quidam voluit, ideo quod cum muliere, nomine Fridgerda, res esset, quæ corporis pluribus vulgati insimulabatur.
- 8) Rapinæ & furta mulierum antiquissimis temporibus in Septentrione crebra fuerunt. Quamvis enim legibus civilibus essent prohibita, eas tamen leges violare heroicum prædatoribus videbatur. Hinc profectum proverbium: *ecki fara Vikingar at laugom. i. e. inter arma silent leges.* Foeminæ raptæ vel subductæ triplex exemplum habetur in *Hervarar S. Cap. I. ed. Upsalæ. 1672. p. 1, 2, 3. Conf. Heimskr. T. I. Hist. Hald.*  

Nigri,



*Nigri*, Cap. V. p. 69. Postquam autem Frotho Tertius furta & rapinas in Dania lege promulgata vetuisset, (vid. *Sax. Gramm. Hist. Dan. Libr. V. p. 85.*), quæ lex deinceps diu viguit, (vid. *Ol. Tryggv. Hist. ed. Scalb. P. I. Cap. CXXVIII. p. 146.*), & postquam Haraldus Pulchricomus, universæ Norvegiæ regno potitus, populationes omnes intra patriam non modo lege lata prohibuit, sed severe etiam punivit, (vid. *Heimskr. T. I. Hist. Har. Pulchric. Cap. XXIV. p. 100.*), raptiones mulierum capitis poena luebantur. Vid. exempla §. VIII Not. (4) indicata. Conf. *Landnama, P. II. Cap. XXVIII.*

- 9) Conjugium cum rapta per subsequens matrimonium, patris raptæ aut propinquorum consensu deinceps impetrato approbatum, liberique ex rapta legitimari solebant; ex, gr. Thorgrimi Prudii, Biörni Höldi, & Thorkilli Thurrafrostii. Vid. *Vit. Vigl. Veg. Mst. Eigla, Cap. XXIII. & Hist. Olaf. Tryggv. ed. Scalb. P. I. Cap. CXVII. p. 132.*
- 10) Vid. *Heimskr. T. I. Hist. Ol. Tr. Cap. V. & LVIII. p. 192. 256 Laxdala, Cap XV, nec non Landn. P IV. Cap. II. & P. V. Cap. XII.*
- 11) Hörr, adulter, occurrit in *Ægis drecka, Str. XXX. Vid. Edda Sam. ed. Hafn. p. 163.*
- 12) *At glepia konu* hoc sensu occurrit in *Histor. Sverre-ri. Mst. de Philippo Comite.* Hinc mulierem pro suo cum Kolfinna adulterio solvendam *Glap-skuld* vocat Halfredus poeta, Vid. *Ol. Tryggv. Hist. ed. Scalb. P. II. Cap. XCIX. p. 307.*
- 13) Adulterium olim pro flagitio famoso habitum fuisse docet *Vita Thorsteini, Halli Sidenfis filii, Mst. Adulterii rebellione & eade principis vindicati exempla,*  
vide

vide *Heimskr. T. I. Hist. Har. Grafeld. Cap. XIV. p. 182. 183. & Hist. Olaf. Tryggv. Cap. LIII. p. 250. nec non Hist. Sverreri. R. de eade Comitis Philippi. Mss.*

- 14) Vid. *Vita Fimbogii Rob. Cap. XXX.*
- 15) Vid. *Vatatala de Hrolleifo.*
- 16) Vid. *Grænlands S. ed. Scalb. 1688. Cap. II. p. 13.*
- 17) De uxore sodalitia, usufructuaria, gratuita, & pellice, vid. *Heinecc. Antiquit. Rom. I. 10. 14. & Append. Cap. I. §. XXXVIII.*
- 18) Præter uxores legitimas, concubinas alere priscis Borealibus perquam usitatum fuisse, hasque pellices olim *fridlur* dictas esse, vulgo notum. Talis fuit Hrodnya Niali, vid. *Níala, Cap. XXV. Conf. Edd. Sæm, Gudrunar-qv. III. Prolog.*
- 19) Hrodnya Bergthoram, uxorem Niali, *elia*, vocat. Vid. *Níala, Cap. XCIX. In Appellationibus Eddæ poëticis Terra Friggæ, Frigga Terræ, Rindæ, Guuladæ & Gerdæ, item Sifa Jarnfaxæ elia vocatur, ideo quod illæ Odini, hæ Thori essent uxores.*

### §. XXI.

In Septentrione olim ut strupra & concubinatus satis frequentia, adulteria rariora, incestus rarissimi (1), ita *pæderastia* & *crimen bestialitatis* pæne inaudita fuerunt (2). De hominum cum geniis, larvis, dæmonibus, aut quicquid satyrorum panumque generis vetus habuit boreas, nec hac in parte cultis & literatis



ratis nationibus inferior, congressibus quæ memoriæ prodita inveniuntur, ut ad fabularum inanitates referenda consulto prætergredimur (3). Illud ad veritatem magis accedit, quod ante celebrem illam immigrationem Odinianam oras has Europæ boreales quondam inhabitaverit genus quoddam hominum, mole corporis vasta, victu & moribus immane, ferarum venando piscandoque captarum & carnibus victitans, & pellibus se vestiens (4). *Jötnorum* illa gens, quatenus Odiniana sacra, (nempe anthropolatricam), & mores recipere nolebat, internecino Odinianorum odio vexata, victaque paulatim & attrita in Norvegiæ Sveciæque partes maxime boreales & desertas compulsæ fuit: ibique antra montium rupesque inaccessas incoluit, nullis legibus, exiguo inter se & nullo cum reliquis hominibus commercio; vulgoque Jötni horribiles adeo & ab humanitate remoti habebantur, ut anthropophagi vel essent, vel crederentur (5). Hi odioso nomine *Trolli* vocati, artium porro magicarum abstrusioris



ris peritiæ insimulabantur; unde factum, ut artes hæ magicæ *Troldom*, & qvi eas tractant *Trolde* etiam nunc dicantur. Ad Haraldi usque Pulchricomi tempora circa finum Gandvik, uti & in Lapponiæ Norvegicæ, Svecicæ & Moschoviticæ desertis, imo in Halogalandia boreali aliquas horum reliquias superfuisse, contra tot relationum fidem inficiari non æquum aut integrum (6). Verum hos humanitatis & deorum hostes adeo detestabantur Boreales, ut, si quis in eorum manus incidisset, conclamatus haberetur, &, *at vera i trölla höndum*, diceretur (7). Non mirum igitur, si hominum humaniorum, qvi *menskir menn* vocati, cum his monstribus cyclopæis conubia non ominosa modo, sed & illicita atque illegitima sint existimata (8).

- 1) Illiciti qviviis amores, in *Edda Sam. Od. Sigdrifsmál*, *ofgaman* vocantur. De incestu, vid. §. XVI. Not. 4. 5. Qvibus hic addo: conjugium cum forore apud Vanos licitum, apud Asos & Boreales prohibitum fuisse, auctore Snorrio, in *Heimskr. Ynglinga-S. Cap IV. Tom. I. p. 8.* Unde Niördo, qv od ex forore filium susceperit, exprobrat Lokius. Vid. *Edda Sam. Od. Ægis-dr. Str. XXXVI.* Consuetudinem



nem cum fratris uxore incestuosam & adulterinam fuisse, docet idem Lokius, *Od. cit. Str. XXVI.* At matrimonium cum fratris mortui vidua licitum fuisse, Hedini (in *Edda Sæm. Od. Helga-qv. Haddinga-Sk.*), Egilli Skallagrimi f. (v. *Eigla. Cap. XXXIV.*) & Gislii Thorkilli f. (v. *Vir. Gislii Surti f. Cap. I.*), Brynjulfi Vestari f. (v. *Landnama, P. IV. Cap. III.*), exempla docent. Uxoris mortuæ, nec non fratriæ, sororem ducere etiam licitum fuit; vid. *Landn. P. III. Cap. XVI. & P. II. Cap. XXXII.*

- 2) Abominabiles illæ & horrendæ actiones *Firnverk* dicuntur, in *Edda Sæm. Od. Helga-qv. Hundings-b. priore.* Verum naturam multo reverentius habuere Boreales, quam gentes olim Asiæ & Europæ, quæ scientiarum & humanitatis laude vel maxime superbiebant, non illis modo, quas barbaras fastuose vocabant, nationibus, sed animantibus rationis expertibus hæc in parte magis belluinæ. Marium enim muliebria passorum, vel infandæ cum brutis consuetudinis historicum exemplum mihi quidem aut repertum nuspiam est, aut non succurrit. Nec est, ut istas impuritates Græcis Romanisque aut aliis invidemus. Nescio tamen, an huc trahi possint maledicorum quædam convicia, qui in adversarios quælibet opprobria fingere laudi sibi ducebant. Tale quidpiam Thorlaugæ, Gudmundi Potentis uxori in convivio nuptiali obiectabat Geirlauga: *nempe ejus maritum esse virum nullius animi & mollem, (eckki vel bugadr eda sniallr).* Illud, *eckki sniallr*, semivirum, scortum mare, seu cinædum hic innuit. Eo enim spectant Thoreri Háke s. Dicacis verba, qui cum Gudmundum in plenum lacte catinum retrorsum cofruere videret, in risum effusus ajebat: *ple-*  
*ramque*



ramque ante aliam sibi medicinam nates tuas quæsvisse dixerim; lac vero illas prius bibisse non credo. Aliquid enim simplici timiditatis exprobratione deterius Gudmundo hic objectum fuisse, vel inde concludas, quod istud opprobrium adeo ipsum ejusque uxorem pupugerit, ut non modo odio & injuriis mutuis, sed cadibus quoque occasionem dederit. Vid. *Reikdala S. Mst.* Idem hoc opprobrium *illmæli*, calumniam infamem s. famosam, vocat Skarphedinus. Vid. *Njála*, Cap. CXX. Omne autem hac de re dubium eximunt Broddii ad Gudmundum verba: *Inaꝥuales tibi, Gudmunde, manus sunt, si clivi Lioſavatnensis divergium, quominus ego & comites tranſeamus, prohibebis, parvum autem clunium interstitium a criminatione non defendis.* Vid. *Aulkofra S. Cap. ult.* Huc etiam referri potest Skarphedini in Floſium dictærum: *ef þú ert brúdr Svínfells-áſt, ſem ſagt er, hveria ina níundo nótt at hann geri þik at konu 3: Si vera de te fama refert, quod nona quavis nocte in foeminam conversus genio, montis Svínfelli incolæ, uxoris vicem præſter.* Vid. *Njála*, Cap. CXXIV. Simile quoddam Lokio in convivio Ægeri objicit Odinus, v. *Edd. Sæm. Od. Ægis-drecca, Str. XXIII.* Oſto tu annos ſubter terra fuiſti hos lactaria & foemina, ibique foetum enixus es; id quod ego ſemiviri indolem interpretor. Idem Lokio exprobrat Njórdus, *Od. cit. Str. XXXIII*, eumque ibi vocat deum patibicum, qui liberos pepererit. De Lokio porro tradit *Edda Snorrii*, quod, ut inmane, quod diis imminebat, periculum averteret, in equam conversus eqvo, cui *Svadilfure* nomen, ſe miſcuerit, exque ejus conſuetudine gravis eqvuleum pepererit; oſto pedibus inſtructum, qui deinceps famoſus ille Odini eqvus



*Sleipnerus* exstiterit. Ejusmodi obscœnitates invicem reciprocant *Sinfjötli* & *Gudmundus*, vid. *Edda Sam. Helga-quida Hundings-b. prior*. Verum ista a commentitiis opprobriis & mythica Eddarum penitus mutuari historicis harum foeditatum exemplis destituti cogimur.

- 3) Impuræ istius cum larvis & dæmonibus consuetudinis narratiunculæ apud scriptores externos frequentes occurrunt, quarum magnam satis farraginein apud *Sim. Majolum*, in *Dieb. Canicul. Cap. de Sagis*, qui cupit inveniet, quam huc transcribere non attinet. *Qvin & Fornandes*, (*de Reb. Get. ed. Hamb. 1611. pag. 103. 104.*), clarissimam olim potentissimamque *Hunnorum gentem ex niagarum mulierum*, quas patria sermone *Alyrumnas* cognominat, cum faunis consuetudine progeneratam memorat, creditque spiritus illos, unde progeniem trahunt, *Hunnos ad Scytbarum invidiam egisse*. Apud Boreales Bujus *Andridi filius*, teste ipsius *Vita*, *Cap. XIV. & XVIII.* ex oreade filium progenuisse traditur. Sic *Helgium Thoreri filium* cum larva foeminea commercium habuisse refert *Hist. Ol. Trygv. ed. Scalb. P. II. Cap. XXXIII. p. 147. 149.* Nec dæmoniacæ, si credere fas est, conceptione famosissimo *Apollonio Tyanæo* quicquam concedit *Eivindus Kinnrifa*, qui moriens confessus est: se dæmonem esse, & magicis *Finnorum incantamentis corpus humanum animare jussum*; parentibus enim suis, antequam id fieret, proles procreandæ copiam fuisse negatam. Vid. *Heimskr. ed. Hafn. Tom. I. pag. 280. Hist. Ol. Trygv. Cap. LXXXIII.* Ex nymphea marina alter veluti *Achilles* natus traditur *Grimus Ægirius*. Vid. *Vit. Hrolfi Ped. Cap. II. Mst.* Certe *Siculum* qven-



qvendam sub Rege Rogerio juvenem ex foemina marina filium suscepisse, memoriae prodit *Vincentius Hist. Libr. 3.* Verum ista suis auctoribus relin-  
quimus.

- 4) Giganteos istos Septentrionis nostri aborigines, cum Saxo, *Hist. Dan. Lib. I.* tum monumenta vernacula, qva eddico-mythica qva historica, satis copiose describunt, hisqve victum carnes, vestesqve ferarum pelles praestitisse docent. Ex notissimo hoc amictu foeminas giganteas peculiari nomine *Skin-kyrslor* appellat *Vita Ani Bogfveigeri, Cap. X. Conf. Vit. Sturl. Laboriosi, Cap. IX. nec non Vit. Grimi Hirsutigenae, Cap. II. & Oddi Sagittarii, Cap. IV. Mst.*
- 5) Boreales hos gigantes anthropophagos fuisse, docet *Vita Ketilli Hengi, Cap. II. Conf. Heimsk. ed. Hafn. Hist. Ol. Sancti, Cap. CLI. p. 253.*
- 6) Ejusmodi de Trollis s. gigantibus traditionibus referta sunt omnia fere vetustiora Septentrionis antiqui monumenta historica. Ut enim *Eddas, Hervarar-Sagam, Hrafnistensis familiae historias, Hauki Habroki Vitam, Olafi Trygv. Hist. ed. Scalb. P. II. Cap. XIII. p. 29-33. & p. 35. 36.* & plurimos alios auctores, ut, inquam, nobilissimum Septentrionis historicum, Saxonem Grammaticum, (de quo supr. Not. 4.), praeteream, suo rem ipse Sturlæsonius, vir a superstitione & fabulis anilibus satis cautus, testimonio suffulcit; nec in absolutissimo Historiae Norvegicae opere sibi temperavit, quin horum Trollorum mentionem interfereret. Vid. *Heimskr. T. I. Hist. Halfd. Nigri, Cap. VIII. p. 72. 73. & Hist. Har. Pulchric. Cap. XXV. 101. 102. item T. II. Hist. Ol. Sti, Cap. CLI. p. 252. 253. Libri Originum Islandiae, s. Landnaem auctor, historicus*



fane gravis & verax, Rafni cujusdam meminit, cujus familia materna fuit gigantea, (*bann var rifa attar at m6derni*). Vid. *Landn. ed. Hafn. P. II. Cap. XIX. p. 119.*

- 7) Vid. *Hift. Ol. Trygv. ed. Scalb. P. II. Cap. XXXIII. p. 150.* Droplaugæ ingenium & indolem annuum gigantis contubernium sic efferavit, ut hominum deinceps societati & conjugio minus idonea patri sit visa. Vid. *Fliorsdala S. Cap. V. & VI. Mft.*

- 8) Inauspicata cum foeminis giganteis conjugia plerumque fuerunt; ex. gr. Haraldî Pulchricomî cum Snæfrida, vid. *Heimskr. ed. Hafn. T. I. p. 102.* Haraldî Herferî cum Grimhilda, vid. *Vit. Grimi Hirfutigenæ, Cap. I. & II.* Hinc Ketilî Hångi cum Hrafnhilda, muliere gigantea, conjugium improbavit & irritum fecit pater Halbiörnus Semigigas, filiumque Ketillum ad matrimonium humanius invitum adegit. Vid. *Vit. Ketilli Hångi, Cap. III. & IV.* Illatubile gigantis conjugium abominanti Groæ sequentes versus tribuit Saxo Gramm. *Hift. Dan. Libr. I. in Vita Grami*, qui opiniones temporum de ejusmodi matrimoniis scite fati exprimunt:

*Quæ sensus exfors scortum velit esse gigantum?*

*Aut quæ monstriferum possit amare torum?*

*Quæ conjux fore dæmonum*

*Possit, monstri genî conscia seminis?*

*Suum giganti quæ fero*

*Confociare velit cubile?*

*Quis spina digitos foveat?*

*Quis sincera luto misceat oscula?*

*Quis membra jungat hispida*

*Lævibus impariter locatis?*

*Cum*



*Cum natura reclamat,  
Haud plenum Veneris carpitur otium:  
Nec congruit monstris amor  
Foemineo celebratus usu.*

## §. XXII.

Amoris mutui sibi conciliandi rationes vel honestæ fuerunt & licitæ, ut *munera* & *blanditiæ* (1), vel inhonestæ & illicitæ, quorum spectant *philtrea* (2), *magici runarum characteres* (3), nec non *alia incantationum genera* (4). Ad modos acqvirendi uxores suo quoque modo *certamina singularia*, vulgo *Holmgaungur*, referri merentur, antiquiori & heroico ævo, quod nihil non armis arrogabat, præsertim usitata (5).

- 1) In Eddæ Sæmundianæ Oda, *Háva-mál* dicta, bene præcipit Odinus, amandi ipse artium haud sane rudis:
- |                          |                          |
|--------------------------|--------------------------|
| Fagurt skal mæla         | i. e. Blande loquatur    |
| oc fe bióða              | Et dona proferat,        |
| fá er vill fióðs áft fá. | A foemina cupiens amari, |
| líki leyfa               | Formamque laudet         |
| ens líófa mans;          | Candida puella:          |
| fá fær er fríar.         | Positur qui procatur.    |

Et inferius.

Es þú vilt þer góða konu i. e. Tu quando vis bonam foeminam
kvedia at gaman-rúnom Sollicitare ad mutuos amores,
oc fá faugnod af. Tibique gaudio fucuros,



Faugro scaldu heita      *Egregia promissa facito,*  
 oc låta fast vera:      *Factisque fidelis maneto:*  
 leidiz mangi gott efgetr. *Fastiditur nemo beneficus.*

- a) Potiones amatoriæ sive PHILTRA, ut Romanis olim Græcisque & aliis, ita priscis Borealibus satis in usu fuerunt. Verum horum non secus ac illorum quicunque cordatiores fuerunt, istam venena colchica tractandi artem non nefariam solum & dedecoram sed damni quoque & periculi plenam existimarunt; utpote quæ, pro optato effectu, mentis delirium, morbos & mortem sæpius inferrent, si a malevolis vel minus peritis medicatus ille potus exhiberetur. Nota satis exempla virorum, quibus ista pharmaca vel mentem alienarunt, vel vitam etiam ademerunt. Lucretium poetam Eusebius, Lucillum Plutarchus, Imperatorem Caligulam Josephus, Svetonius & Juvenalis hoc modo ad furias primum, moxque ad mortem adactos testantur. Nec temere Ovidius:

*Non data profuerint pallentia philtrea puellis,*

*Philtrea nocent animis, vimque furoris habent.*

Eum etiam effectum haud raro habuerunt philtrea Borealia, ut, qui ea sibi porrecta bibissent, mentis & corporis valetudinem sint experti. De Haraldo Pulchricomo Sturlasonius perhibet: *Regem epoto, quod Snæfrida tradiderat, poculo, illico membris velut ignis astu correptis, impotenti & insano in puellam amore flagrasse: hisque furis venereis deinceps adeo agitarum, ut omnem regni regique dignitatis curam abjecerit; vixque tandem tertio a morte Snæfrida anno ex hoc fascinata mentis lesbargo convaluisse. Vid. Heimsk. ed. Hafn. Tom. I. p. 102.* Ingibiörga philtro pota non modo mentis & memoriæ usum perdidit, sed

cor-





corpore etiam intumescens vivebat. Vid. *Hrolfs Ped. Vit. Cap. XV. & XVII.* Effectum amoris Sigurdi Fabnericidæ, quem philtro dato accenderat Brynhilda, cum prædicit Griperus, in *Eddæ Sam. Od. Gripis. Spá:*

Hún firrir þic	i. e. Illa dimovet tibi
flesto gamni	Plerumque gaudium
faugr álití	Pulchra conspectu
fóstra Heimis.	Alumna Heimeri.
Svefn þú ne sefr	Somno non sopiris,
ne um sacer dæmir.	Nec negotia disputas,
gára þú manna	Non curas homines,
nema þú mey ser.	Nisi virginem obtuearis.

Cæterum philtro Borealium pro vario, qui petebatur, effectu, varia fuerunt. Si enim potionem quamvis medicatam, cujus virtus amori inserviat, philtro nomine dignaberis, triplex philtroꝝ genus reperiēs; nempe 1) somniferum, 2) obliviosum, & 3) eroticum. Primum quidem non conciliandi sed fruendi amoris causa dabatur. Baudvildam stupraturus Vaulundus, poculo somnifico eam confopivit. Vid. *Edd. Sam. Od. Vaulundar-qv.*

Bar hann hana bióri	i. e. Urgebat illam potu,
þvíat hann betr vissi.	Utpote qui doctior,
íva at hon í sessi	Ita ut in sede
Um sofnadi.	Condermiseret.

Secundum pharmaci amatorii genus oblivionem induxit, & exhiberi solebat illi, qui anteriore hominis viventis vel mortui præoccupatus esset amore, qui, ne novæ & excitandæ mentis cupidini officeret, prius erat restingvendus. Eandem scilicet viam ingressus est Virgilianus ille artis magister Cupido, qui, cum



*Didoni occultum inspirare ignem & fallere veneno pararet, prius paulatim abolere Sicbæum incipit, quam vivo in Æneam prævertere amore animum reginæ tentaret. Æneid. Libr. I. Oblivionis hoc poculum, óminnis-veigr, in Edda Sæmundi aliquoties vocatur. Tale Ingibiörgæ Mandillus, (vid. Vit. Hrolfi Ped. Cap. XV.), tale Sigurdo Fabneric. Grimhilda, (vid. Vitam Sigurdi Fabneric. Cap. XX—XXX.), tale eadem Grimhilda filiæ Gudrunæ, (vid. Edd. Sæm. Gudrunar-qv. Prolog.), exhibuere; eo quidem consilio & effectu, ut Ingibiörga mariti Stefneri (Stephani) sibi dilectissimi, Sigurdus Brynhildæ, quam tantopere deperibat, cuique fidem conjugii juratus dederat, & Gudruna mariti Sigurdi, jam occisi quidem, sed sibi adeo desiderati, ut novos recusaret thalamos, obliviscerentur. Medicatæ autem huic Grimhildæ potioni obliviosam infuisse virtutem, quæ & amorem mariti mortui, & injuriarum, ejus & filii communis cæde sibi factarum, quibus exasperata Gudruna ab oblatiis novis nuptiis abhorrebat, recordationem deleteret, ipsius Gudrunæ verba testantur. Vid. Gudrunar-qv.*

<i>Færdi mer Grimhildr i. e.</i>	<i>Ferebat mihi Grimhilda</i>
<i>full at drecka</i>	<i>Poculum bibendum,</i>
<i>ívalt oc fárlikt</i>	<i>Algidum &amp; acerbum,</i>
<i>ne ec facar mundac.</i>	<i>Ne offensas recordarer.</i>
<i>þat var um aukit</i>	<i>Illud erat auctum</i>
<i>urðar magni</i>	<i>Parcæ (fatali) potentia,</i>
<i>ívalkauldum sæ</i>	<i>Præfrigido liquore</i>
<i>oc sónar dreyra.</i>	<i>Et placatorio sanguine.</i>

Ad hanc quoque classem referri illa potio debet, quam Gandula Hedino exhibuit, perque eam Hedino Hildæ amorem inspiravit rabiosum, fatalem, & in amatæ paren-



parentes inhumanum. Vid. *Hist. Ol. Trygv. ed. Scalb. P. II. Cap. XVII. p. 54.* Tertium veneni amatorii genus hominem amore vacuum ad amandum incendebat, ideoque, *philtrum proprie*, dici meretur. Ejusmodi philtro Götvara Hanundæ animum & amorem Frothoni conciliavit, teste Saxone Gramm. Vid. *Hist. Dan. Libr. V. in Vit Frothonis III.* In eundem etiam Frothonem Alvildæ amorem philtro Craca deflexit, teste Saxone: *Cracam quoque traditum est, exhibitæ potionis temperamento Frothonis amori virginæ adegiſſe cupiditatem.* Vid. *Hist. Dan. Libr. V. p. 80.* Tale philtrum Haraldi Pulchric. mentem ad insanum Snæfridæ amorem furiauit. Vid. *Heinusk. loc. supr. cit.* Simili quoque amoris veneficio Brynhilda Sigurdum Fabnericidam sibi devinxit. Amoris enim conciliatricem potionem hic Brynhildam Sigurdo propinasse, ex effectu satis liquet; nec non ex claris ipsius Brynhildæ verbis. Vid. *Edd. Sam. Od. Sigdrifo-mál:*

Biór fari ec þer	i. e. Potum tibi porrigo,
bryn-þings apaldr	Bellicose heros,
magni blandinn	Virtute temperatum
oc megin-tíri.	Et inclyto valore,
fullr er hann lióða	Plenus is est carminibus,
oc lícn-stafa	Ac opitulantiſſimis literis,
góðra galdra	Magia salutari &
oc gaman-rúna.	Runis amatoriiſſis.

Idem etiam docet solennis illa formula, qua poculum Sigurdo porrigens Brynhilda deos deasque, quasi enascentis amoris auspices, invocat. Vid. *Edd. Sam. Od. cit.*



Heill dagr            i. e. *Salve Dies!*  
 heilir dags synir    *Salvete Diei filii!*  
 heil nótt oc nipt.    *Salve Nox cum nata!*  
 óreidom augom      *Lumine placido*  
 lítid ockr þinnig    *Nos heic adspicite!*

oc gefid sitiondum sigr. *Et sedentibus vota secundate!*

Reliqua porro numina, & hæc inter *Opem Tellurem*, implorat. Subit illa *Didonis*, primam in convivio pateram libantis & propinantis, formula solennis, occultique ea amoris diserta fatis index deorum invocatio:

*Juppiter, hospitibus nam te dare jura loqvuntur,  
 Hunc lætum Tyriisque diem Trojaque profectis  
 Esse velis, nostrasque hujus meminisse minores!  
 Adsit lætitiæ Bacchus dator & bona Juno!*

Juno scilicet, non modo Carthaginis tutelare, sed conjugii quoque ineundi auspex numen. Vid. *Æneid. Libr. I.* Noctem autem dum, salutat Brynhilda, eodem spectare videtur, quo Horatius ad Lyden, noctem *Cypridi* jungens. *Carm. Libr. III. Od. XVIII.*

*Summo carmine, quæ Chidon*

*Fulgentesque tenet Cycladas, & Paphon*

*Junctis visit oloribus:*

*Dicetur merita Nox quoque nania.*

Cæterum amatorium istud Brynhildæ poculum, *minnis-veigr*, potus memorialis, in *Edda* vocatur, quippe quo exhibens sui memoriam bibenti commendabat. Non negaverim quidem, vocem, *minnis-aul*, qualis in *Edd. Sam. Od Hyndlo-liód, Str. XLI. ed. Hafn. p. 342. 343.* occurrit, medicatam potionem, memoriæ qualiscunque, etiam ubi nullum amoris negotium agitur, datricem significare. Verum poculo, quod Sigurdo

Bryn-

Brynhilda propinavit, vim eroticam infuisse, superius allata docent. Medicatus iste potus, quo mariti memoriam & amorem Ingibiörgæ Mandillus restituit, *miunnis-aul* dicitur in *Vit. Hrolfi Ped. Cap. XVII.* Nec tamen dissimulandum, quosdam Eddæ Sæmundianæ codices chartaceos, eosque notæ melioris, poculum hoc Brynhildæ, non *miunnis-veigr*, sed *myunnis-veigr*, i.e. *potum amatorium*, appellare; voce nimirum a *munr* vel *munud* derivata, quorum illud in *Edda Sæmundi* sæpius, hoc in *Njala*, *Cap. VI. & VII.* occurrens, *amorem & voluptatem ex amore perceptam* significat. Ea, quæ philtorum compositionem ingredi solebant, nosse qui cupit, exteros quod attinet, *Horarii Canidiam* consulat. Recentiore, ut videtur, mixturam (ex *S. Majoli Libr. & Cap. cit.*) animi causa dabo. *Fluores menstrui, sperma, cerebrum felis vel asinini pulli, uterus hyanæ, virga lupi, remora, ossa ruberæ, scinci, hippomanes triplex, suum apria.* Horum cum nonnulla in terris Borealium vix haberi potuerint, eos etiam philtro sua simplicius, & aliquanto honestius miscuisse crediderim. En autem temperaturam potionis obliuioſæ Gudrunæ datæ, ex *Edd. Sæm. Od. Gudrunar-qv.*

Voro í þeim bióri	i.e. In illam potionem.
baul maurg saman.	Nociva multa convenerunt:
Urt aliz vidar	Germen omnigenæ arboris,
oc akarnin.	Et acernum (v. quercum),
umdaugg arins	Foco circumplua (fuligo),
idrar blótnar	Extra victimarum,
fvins lifr sodin	Suis hepar elixum,
þvrat hon facar deyfdi.	Quippe quod odia sopiree.



Porro amatoria hæc venena certis characteribus apud boreales consecrari sivevere, qui, formulis incantatoriis rite adhibitis, potioni medicatæ magicam addere virtutem credebantur. Hinc Brynhilda scyphum, quem Sigurdo porrexit, opitulantibus & amatoriis literis, nec non carminibus plenum dicit; de quo supra. De lethæo autem, quod modo memoravimus, poculo sequentia habet *Gudrunar-qvida*:

Voro í horni	i. e. Inerant poculo corneo
hverskyns stafr	Omnis generis literæ,
ríftnir oc rodnir	Incisæ & rubro tinctæ,
ráða ec ne máttac.	Quas interpretari nequibam.
lyng-síscr lángfr	Ericæ piscis longus
landz hadingia	Terræ luporum,
ax óscorit	Arista non secta,
innleid dyra.	Introitus animalium (forum).

In versu antepenultimo pro *hadingia*, lego *beidingia*, facili literarum permutatione. *Heidingi* autem est appellatio lupi æddica; *luporum terra* est desertum s. *eremus*, nota serpentum sedes. Tres vero characteres magicos appellatione ænigmatico-synonymica, a characterum vel figura vel nomine desumpta, utens, hic Gudruna indigitat. Horum primum *serpentemeremitanum*, secundum *aristam non sectam*, tertium *os bians animalium*, aut *fores patulas* vocat. De quibus quid ego quidem, salvo cujusvis iudicio, sentiam, infra commodior exponendi locus dabitur. Quemadmodum autem exteræ olim gentes contra philtrea & alia mala medicamenta variis se *amuletis* munire solebant, inter quæ *cyclamini radix*, *succinum* & *jaspis* Plinio & aliis laudantur, ita sua Borealibus antiquis adversus amatorias & alias venenatas potiones *phylacteria* fuerunt.

Harum

Harum artium satis consulta Brynhilda discipulam  
 amasium sic instituit. Vid. *Edd. Sam. Sigrdrifu-mál*:  
 Aulrúnir scaltu kunna i.e. *Characteres poteros noscitis*,  
 ef þú vill annars qvæn *Cauturus, ne alterius uxor*  
 vælit þic í trygd ef þú truir. *Te credulum perfida decipiat.*  
 á horni skal þær ristast *In scypho corneo illi incidendi,*  
 oc á handar baki *Atque in manu adversa,*  
 oc merkia nagli naud. *Ungueque litera N signanda.*  
 full skal signa *Poculum verbis sacrandum,*  
 oc vid' fári fíá *Et pernicies providenda,*  
 oc verpa lauki í laug. *Ac cepa injicienda potui.*

Tria scilicet fuerunt, quibus Circæ ista sacra fere  
 constabant; nempe *characteres magici, formulæ incan-*  
*tatoriæ, & vires naturæ occultiores.* Posteriora duo  
 memorat versus ille Virgilii: *Miscuerunt verbas &*  
*non innoxia verba.* Omnia vero avertendis amoris  
 beneficiis adhibenda hic præcipit Brynhilda. Cæterum  
 averruncis *characteribus* a veneno hostili sibi cavit  
 Egillus Skallagrimi filius. Cultri enim punctu san-  
 guinem sibi e vola elicuit, runicosque characteres  
 crateri corneo inculpsit, iisdemque proprium illeivit  
 sanguinem. Vid. *Eigla, Cap. XXVII.* Hæc de philtris.

- 3) De *characterum magicorum* in philtris seu beneficiis  
 amatoriiis tam præparandis quam refutandis usu supra  
 jam diximus. Verum citra potum etiam in animum  
 & amorem foeminarum virtute magica dominari  
 existimabantur hi characteres. Fuerunt autem illi vel  
*hostiles* vel *amatorii.* *Hostiles* s. *malefici* foeminas, re-  
 damare nolentes, ad furias & mentis impotentiam  
 redegerunt, atque adeo amorem spretum ulciscabantur.  
 Tales Gerdæ, nisi in Freyeri amorem consentiret, mina-  
 tur Skirnerus. v. *Edd. Sam. Od. För Skirn, Str. XXXVI.*



Þurs rist ec þer i. e. *Gigantem tibi sculpo*,  
 oc þriá stafi *Et tres characteres*,  
 ergi oc ædi oc óþola. *Feram rabiem & inquietem.*

Tria illa, quæ versu ultimo continentur, sunt nomina  
 characterum, ab eorum virtute & effectu magico haud  
 dubie conficta. Conf. *Edd. Sam. ed. Hafn. p. 85.*

Þurs autem appellative *gigantem*, proprie *literam*  
*alphabeti runici*, quæ vulgo etiam nunc usitata Þ  
 figura & potestate respondebat, denotat. Illius autem  
 magica virtus erat, ut foeminas in amore refractarias  
 puniret & cōpesceret. Eadem quoque est ratio, cur  
 in carmine mnemoneutico, quod literarum runicarum  
 nomina & potestates recenset, de litera þurs hæc verba  
 habeantur: þurs veldr kvenna kvillo, i. e. þurs agras  
*facit mulieres.* Vid. *Ol. Wormii Literat. Run. Cap.*  
*XIX. p. 95.* De quo minus cogitavit interpres ver-  
 borum, dum ea sic exponit: þurs est spectrum foeminis  
*infestum*; verum non larvas, sed virtutem characteris  
 magicam, quæ pestis erat foeminarum, auctor car-  
 minis innuit. Vid. *Libr. cit. p. 98. 99.* Amatorii  
*Characteres* foeminas ad amandum directe stimulabant,  
 cujusmodi characteres *man-rúnir*, s. *runæ muliebres*  
 vocari siveverunt. Vid. *Eigla, Cap. LII* Illos etiam  
*Brynhilda góða galdra, magiam beneficam s. amicam*,  
 item *gaman-rúnir*, i. e. *runas eroticas*, in carmine  
 supra allato appellare videtur. Characteres hi erotici  
 bacillo ligneo plerumque incidi solebant, & vel in  
 lecto hominis fasciandi, vel sub limine domus, quam  
 intraturus, vel alibi, quæ transituras esset, poni sole-  
 bat. Tale bacillum, runis eroticis inscriptum, me-  
 morat magnus ille Antiquitatum patriarum stator  
*O. Wormius*, cujus hæc in *Literat. Run. Cap. XXVI.*



p. 132. *Quin & in archivis meis ejus generis lignum, veneo, quod amatorias literas continere videtur. De ejusmodi bacillo, runis quibuscunque perarato (vulgo rûna-kebli), intelligenda sunt hæc Ven. Fortunati, Libr. 8. Epigr. 18. Barbara fraxineis pingatur Runa tabellis. Ut vero documento historico rem adstruam, luculentum ejusdem exemplum suppeditat Vita Egilli Skallagr. f. Ille enim ad tributa regia exigenda in Gothiam forte profectus, incidit in foeminam langvore corporis & insomnia laborantem. Miri hujus & immedicabilis mali causam investigans Egillus in lecto affectæ bacillum offendit, characteribus magicis inscriptum. Compertumque deinceps est, auctorem mali fuisse virum quendam, qui nuptias puellæ ambiens repulsam tulerat; ideoque, quo amorem cupitæ in se pertraheret, eroticos hos characteres in foeminam sculpserrat, sed qui unguis non satis admorsos saperent. Per artis enim imperitiam in characterum incisura adeo peccaverat, ut non sui amorem, sed mentis & corporis ægritudinem mulieri infuderit. Vid. Eigla, Cap. L. & LII. Quemadmodum autem philtris excitatus amor certis antidotis restringi poterat, ita characterum magicorum amoris conciliatrix efficacia sua quoque ratione traditur sublata, eaque duplici: nempe, vel characteres eroticos abradendo & exsculpendo, quo omnis eorum virtus intermoriebatur, vel novos & contrarii effectus characteres incidendo. Priorem rationem Skirneri ad Gerdam verba docent, cui cum maleficos characteres comminatus esset, addit sequentia: vid. Edd. Sam. Od. För-Skirnit. Str. supra cit.*



Sva ec þat afríft i. e. Ita id exsculpo,  
 sem ec þat áreíft Quemadmodum insculpsi,  
 ef geraz þarsaz þefs. Si opus visum fuerit.

Utraque autem ratione usus est Egillus: characteres enim vitiosos abrasit, & una cum bacillo, cui inscripti fuerant, combussit, eorumque loco alii bacillo, alios characteres incisos cervicali, cui indormiebat puella, inclusit, eoque modo fascinatæ prius foeminæ mentis & corporis sanitatem paulatim restituit. Vid. *Eigla*, l. cit. Enimvero, quod erótici characteres etiam extra septentrionem usitati fuerint, testem idoneum habemus D. Hieronymum, cujus hæc: *Amator magicis artibus instructus ab Æsculapii sacerdotibus rediit, & subter limen domus puellæ tormenta quædam verborum, & portentosas figuras, sculptas in aris cyprii lamina, defodit. Et illico amore insanire virgo, & amictu capitis abjecto rotare crinem, stridere dentibus, inclamare nomen adolescentis: magnitudo quippe amoris eam in furorem verierat.* Vid. S. Majoli *Libr. & loc. supr. cit.* De magicis autem hisce characteribus mentionem faciens, non possum quin cordato Arngrimi Jónæ iudicio & sententiæ subscribam. Ita vero ille, apud Wormium, in *Literat. Run. Cap. V. p. 34. 35.* Existimo verisimile esse, magos literatura aliqua usos, & quidem vulgari majori ex parte, sed virgulis & punctis, suo Marte excogitatis, corrupta. Certe notissimis alphabeti runici literis, Naud (N) & þurs (þ), virtutem magicam Edda Sæmundi tribuit, locis supra allatis. Nec difficile foret characteres poculo Gudrunæ dato insculptos, quos *serpentem, aristam non sectam, & fores vel biatum* nuncupat, ad figuras Runarum alphabeticas revocare. Nimirum figura Sól & Knefól,

(S)



(S), serpenti non dissimilis. *Aristæ* forma a characterè runico *Fe* (F), non multum abludit, præsertim si ejus pars superior ab altero latere virgulis quibusdam instruat. *Arista non sc̃cta* nominari videtur, sive, quod figura characteris erecta stare deberet instar aristæ non demessæ, sive quod ea lineolis infra verticem transversis aut decussatis, quod in Runis alias solenne, non esset interscindenda, quippe quod potestatem & virtutem characteris variaret. Utrum vero *Arista* hæc cum alio characterè magico, qui seqviori ævo *Arons-vaundr*, i. e. *virga Aronis*, dicta, quicquam habeat commune, aliis indagandum relinquo. Tertiū characteris nuncupatio orthographica quadam amphibolia, in voce *dyra* latenti, impeditur. Si enim *y* crassius efferas, *innleid dyra* est *introitus* s. *biatus animalium*. Qua occasione subeunt nomina literarum magicarum, nostra etiam ætatē non ignotarum, *Gapandi* & *Ginfaxi*. Horum utriusque nomen hiatum s. hiantem denotat; figura vero, quam alicubi vidisse mihi videor, a litera alphabeti runici *Madr* (M), quæ furcam quodammodo repræsentat, si recte meminī non admodum differt. Sin *y* tenue placuerit, *innleid dyra* est *introitus forium*, sive *fores apertæ*. Nimirum postes duo cum superliminari conjuncti ferale Græcorum Π, famosum illud patibuli notaculum, efficiunt. Eadem vero hæc figura in tabulis Runarum alphabeticis Wormii invariata visitur, & literam (P) valere dicitur. Vid. *Literat. Run. Cap. VI. p. 49. & Cap. IX. p. 60.* Nomen igitur, quod huic characteri indidit Gudruna, figuram utiqve patulam, & quidem malignam, indigitare videtur, quæ sive *patibulo* sive *furca* similior fuerit, nec mea refert, nec, ut opinor,



lectoris, cujus acriori iudicio in has conjecturas, nullo negotio multiplicandas, plenum ego arbitrium non indignanter concedo. Haud piget huc transcribere reliqua Arngrimi de magicis Borealium characteribus verba. *Runicas sua origine literas, nihil habere magicum, cuius facile persuaderi poterit. Pro confesso enim sumimus, nullam omnino characteribus ullis naturaliter inesse potentiam, sed tantum propter societatem a magis cum diabolo initam. A qua alieni & immunes non habentur vulgo characteres excogitari, sive runici, sive alii, sed depravatiissimi & deformatissimi. Quia idcirco amplius non sunt runici, sed magici & diabolici, & nullis nisi ejusdem artis consciis noti. Sic ad palliandum veneficium carminibus vel rhythmis alii usi sunt, & quidem lingua vulgari & vernacula, quibus vim omnem adscribere norunt, etiam ad benefaciendam. juvandum, medicandum, tam animi quam corporis morbis, atque ad ipsos cacodamones pellendos & fugandos. Vid. O. Wormii Lit. Run. Cap. V. p. 35. Eroticorum characterum vestigia me apud Græcos Romanosque, qui tamen satis amplum artis incantatoriæ apparatus habuerunt, invenisse non memini. Videtur ergo *Magia hæc symbolica* Borealibus fuisse peculiaris, quippe, ab Odino in Septentrionem inuenta, indeque cum emigrantibus incolis in reliquam Europam sensim dispersa. Vid. *Heimskr. Ynglinga-S* Cap. VII. ed. Hafn. T. I. p. 11. 12. Cui etiam suffragantur *Wulfg. Lazii* verba: *Litteras, quibus usi sunt Marcomanni, quos nos Normannos vocamus, infra scriptas addidi, cum quibus carmina sua incantationesque ac divinationes significare procurant, qui adhuc pagano ritui involvuntur. Qvas quidem literas ipse inspiciens Wormius,*  
cum*



cum vulgari Runarum borealium alphabeto fere eadem esse observavit. Vid. *Lit. Run. Cap. cit. p. 34.* Antiquissima tamen originis & Odino longe vetustiores eas fuisse, & ipse fatetur Odinus, in *Edd. Sam. Od. Runa-Cap. Str. V. VI.* & Ægyptiorum characteres magici perdocent, apud *Worm. Libr. & loc. cit.*

- 4) Carmina s. incantationes magicas ciendis amoribus olim apud externos inservivisse, dubitare non potest, quicunque vel *Virgilii Daphnim* & *Horatii Canidiam* legerit. Cæterum, prouti philtrea & characteres, ita voces etiam thessalæ, seu formulæ istæ incantatoriæ amorem vel excitabant vel sopiebant. Sic Varum veneficæ scientioris carmine suis incantamentis solum ambulare, Horatiana Canidia intellexit. Idem quoque de Massyla Didonis sacerdote canit *Virgilius, Æneid. Libr. IV.*

*Hæc se carminibus promittit solvere mentes*

*Quas velit, ast aliis duras immittere curas.*

Ut autem ad Boreales revertar, illis etiam Ævæ carmina s. incantationes amoris foeminei eliciendi instrumenta fuisse, vel ipse docet Odinus, qui in *Eddæ Sam. Od. Runa-Cap.* inter octodecim, quas calleat, artes, hanc mulierum mentis fascinandæ scientiam jactabundus numerat. Hinc Brynhilda poculum, quod Sigurdo propinabat, *plenum carminibus & beneficiis incantamentis esse* dicit. Qvin & ipsa deorum dearumque invocatio, qua & Brynhilda, (de quo supra), & *Skirnerus*, in *Edd. Sam. Od. Skirnis-f. Str. XXXIV.* usi sunt, ad magicas istas formulas referenda est; non secus ac illa philtum parantis Canidiæ, vid. *Hor. Epod. Od. V.*



O rebus meis

Non infideles arbitra,

Nox, & Diana, quæ silentium regis,

Arcana dum fiunt sacra;

Nunc nunc adeste!

Unicum ex Edd. Sam. Od. Háva-mál, incantamenti  
amatorii documentum subijciam:

Fjölcunnigri kono	i. e. <i>Foemina venefica</i>
scaltu firra þic í fadmi sofa	<i>In brachiis care dormias,</i>
svat hon þic liódom lyki.	<i>Quo te carminibus vinciat.</i>
hon sva görir	<i>Illæ enim faciet,</i>
at þú gáir eigi	<i>Ut fastidias hominum</i>
þings ne þíodans máls.	<i>Conventus &amp; colloquia.</i>
mat þú villat	<i>Cibum tu recusabis</i>
ne mannskis gaman	<i>Et quævis solatia;</i>
ferr þú forga-fullr at sofa.	<i>Ibis dormitum anxius.</i>

Foeminae cujusdam, nomine Olufæ, magicis vel characteribus vel incantamentis ad vesaniam redactæ, meminit *Landnámá*, P. II. Cap. XIX p. 119. Typicam sive effigiarum erotopoiam, Romanis aliisque satis solennem, apud Boreales nondum reperi. Curiosa magis ista, quam utilia, quis dixerit: nec inficior. Cum nostro tamen instituto quodammodo coherent, locisque quibusdam auctorum sub obscuris, & moribus majorum noscendis, quantulamcunque affundunt lucem. Nec ea nunc noxia crediderim. Nostræ enim ætati ab incredulitate prophana, cui luminosa veritas, quæ furvas istas superstitionum inanias dudum edomuit, vix satis sapit, quam ab anili majorum credulitate, plus equidem est periculi.

- 5) Veteres Boreales armis & monomachia sibi conjugia  
querere solitos, si exemplis irem adstructum, guttam  
mari



mari demere merito dicerer. Hujus enim rei documentis omnes fere historiae refertæ. Ecquis enim nescit, ut omnigenas fere lites & dissidia, ita corrivalium æmulationes, duellis olim in Septentrione dirimi tollique siveisse. Bello Helgius & Sinfjötlius, vid. *Edd. Sam. Od. Helga-qv. Hundings-b.* item *Sinfjötla-lok.* certamine singulari Skiöldus Daniæ rex Avildam (forte Alvildam), teste Saxone, *Hist. Dan. Libr. I.* Sturlaugus Asam, vid. *Vit. Sturl. Laboriosi, Cap. IV.* Thorgilfus Gudrūnam, vid. *Flóamanna S. Cap. XV. & XVI.* aliiqve innumeri, uxores meruere. Conf. *J. C. Cleffel. Antiquit. Germ. Sept. Cap. I. §. VII.*

### §. XXIII.

Matrimonium jam initum jus geminum dabat marito, nempe, I) *in uxorem*, & II) *in liberos*. Jus mariti patris in liberos, quod *potestatem patriam* constituebat, quod attinet, ejus prima, & quæ ex matrimonio proxime fluebat, pars fuit famosum illud jus vitæ & necis, quod in liberos recens natos Boreales ethnici habebant & exercebant; nimirum *jus proprios infantes exponendi & suscipiendi* (1). Reliqua potestatis patriæ capita, cum ad educationem liberorum propius pertineant, etiamsi ad effectus matrimonii remotiores



referri debeant, hic intermittimus. Mariti autem in uxores dominium apud Romanos maximum (2), nec apud Boreales exiguum fuit. Præter enim rei domesticæ penuariæ dispensationem, *quam potestatem clavium* Romani (3), *rád innan-stocks* Boreales vocabant (4), pauca in uxoris arbitrio sita fuisse constat, si sua potestate maritus austerius uti vellet. Certe injussu mariti nec enutrire liberos (5), nec filias elocare licebat uxori, nec earum sententia in eligendis generis quicquam valoris habebat, nisi quantum indulgentia mariti concefferit (6). Et in omnibus, quæ foris (*utan-stocks*); agenda, negotiis, arbitrium uxoris aut exiguum, aut nullum (7). Ne domo quidem ad parentes aut necessitudines invisas sine venia mariti longius proficisci uxor poterat (8). Quemadmodum autem fuere viri, qui nimia severitate suo dominio abusi sunt, ita nec uxores defuerunt, quæ jus suum extendere, virosque sibi obnoxios reddere nossent (9). Ejusmodi *mariti uxorii, at hafa quan-riki* v. *ofquæni* dicebantur (10.)





I) *Expositio infantum*, ut omnibus fere gentibus olim solennis, ita Græcis plerisque, si Thebanos excipias, apud quos lege vetitum infantes exponere. A Græcis ad Romanos mos iste transit. Apud hos infantes recens nati *humis ponebantur*, deinde consultus pater eos vel *exponi*, vel *tolli* jubebat; cui rei *Levanam* deam præfecerunt. Auctorum testimoniis in re tam nota non est opus. Interim, si placet, conferri poterit *S. Pirisci Lex. Antiquit. Rom.* ad voc. *Expositio*. Triplicis autem istius ritus, in puerperis Borealiū olim observati, manifesta vestigia apud auctores reperiuntur. Et quidem I) de *humis positione infantum recens natorum*, priusquam vel exponerentur, vel tollerentur & lustrarentur, insignis est *Landnæma* locus; ubi Asgrimō cuidam natus *infans in pavimento*, (scilicet humi) depositus *jacebat*, quem pater exponi jussit; vid. *P. V. Cap. VI.* Idem quoque ex *Gunlogi Orms-tunga Hist. Cap. III.* colligi potest, ubi infantem recens natam, quam exponi pater jusserat, humo levatam sibi que suscipiendam tradere volentes foeminas Jodisa mater prohibuit. Ita Freysteinus jussu Thorkilli Oddnyam adiit, infantemque (humis scilicet jacentem) sustulit & domo egressus est. Vid. *Hist. Ol. Trygv. P. II. Cap. XIII. ed. Scalb. p. 23.* II) *Expositio infantum* apud Boreales crebra satis fuit, semper tamen magis licita quam honesta videbatur. De hac consuli potest eruditissimus Perillustr. *Job. Eriici*, Viri de patria ejusque antiquitatibus optime meriti, de *expositione infantum apud veteres Septentrionales Tractatus*, ad calcem *Vitæ Gunlogi Vermilingvis, Hafniæ 1775. recus. p. 194. & sequ.* Coeterum exponendi arbitrium penes illum erat, qui imperio in familiam gaudebat. Cum vero



pater infantis ordinarie esset *caput familiae*, non mirum, si hic solus exponendi jure gauderet. Si vero *infans* esset aut *sine patre*, aut illo orbatum, exponendi potestas ad eum redibat, in cujus tutela fuit mater. Hinc Oddnyæ sororis infantem sine patre exponendum curavit Thorkillus; vid. *Hist. Ol. Trygv. l. c. III*) Sin enutriri placeret, *tolli infans*, humoque levatus ad patrem ferri solebat; quem ritum, at *bera barn at faudor sinom*, veteres dixerunt. Traditum sibi infantem *ulnis excipiebat pater*, (*soholem tollendam suscipere* Romanis vocabatur), & ex vultus inspectione futurae indolis & fortunæ auguria captans, nomen suscepto indidit, aquaque lustrali spargendum curavit. Solennem hunc susceptionis paternæ ritum exemplis jam adstructum ibimus. De Thorsteino Ingimundi Grandævi patre sic habet *Vatzdala, Cap. VI. Filium Thorsteino uxor peperit, qui recens natus patri rite suscipiendus ferebatur, (var borinn at faudor sinom). Hunc intuens Thorsteinus, puer, inquit, ille avum maternum Ingimundum nomine referet; futurumque ex nomine fortunatum auguror. Et de Ingimundo Grandævo, loc. cit. Cap. XII. Hoc circiter tempore infantem enixa est Vigdisa, masculum illum & perpulcrum. Infantem (nempe suscipiens) obtinuit Ingimundus, istius, inquit, pueri cordatam indolem composui oculorum ictus prænuntiant. Nomine haud longe quasito Thorsteinus vocabitur, comite precor nominis fortuna! Et paulo post: Secundum porro filium procreavit, quem, ubi patri etiam rite suscipiendus & nomine impertiendus ferebatur, intuens Ingimundus dixit: nihil non grande puer ille minatur, acribus præditus oculis. Paucos, si vita suppetierit, habiturus pares, animique parum flexibilis*



exibilis erit; amicis tamen & necessariis fidus, virque, nisi nihil cerno, fortissimus existet. Enimvero avunculi mei Jöculli, ex rogatu patris, nunc me meminisse res jubet: Jöculus igitur nominabitur. Matres etiam infantes suscepisse videntur, præsertim absente vel enutriti permittente patre. Hinc Asgrimi infans, dum exponendus humi jaceret, utriusque parentis susceptionem versibus octostichis flagitabat & obtinuit. Vid. Landn. loc. supr. cit.

Látit mic til móðor i. e. Ferte me ad matrem,  
mer er kallt á gólfi. Humi jacens algeo.

hvar man sveinninn sémri Ubi puer erit decentius,  
enn at síns föðurs örmum. Quam patris in brachiis?

De Jodisa habet Vita Gunl. Ormst. l. supr. cit. Konor vildo bera barnit at henni, enn þon það þess litla þörf. 3: Mulieres infantem illi (matri) suscipiendam ferre volebant, quod illa parum attinere dixit; ne scilicet marito palam immorigera videretur, si, quam exponere ille serio præceperat, ipsa susciperet. Tantum porro susceptioni paternæ ponderis inerat, ut hoc ipso ritu infans non modo vita donaretur, sed & a patre pro sua prole agnosceretur. Liberi a patre non suscepti, börn úborin, dicebantur. Hinc Unius Gardari filius cognomen, Uborni, 3: non susceptus, sortitus est; utpote qui absque auctoritate patris, tum forte peregrinantis, esset enutritus. Vid. Landn. P. IV. Cap. IV. In Vita Kormaci etiam occurrit foemina, Steinvör hin úborna; cujus cognominis alia origo ne conjectari quidem potest. Hinc Mirgiolæ fidem prædicat Landnama, P. II. Cap. XVI. Mirgiol varðveitti barn drottningar úborit, meðan þon var í lafígo. 3: dum regina balneo uteretur, infantem ejus



*non susceptum Mirgiola custodivit; clanculum nempe, nec sine periculo nutriendum intelligo, alias enim illa custodia vix tantæ fidei opus. Liberos a se non susceptos, atque adeo suo injussu nutritos, inficiari patres poterant; susceptos non item. Infantes enim a patre suscepti, lustrali statim aqua spargebantur, indito simul nomine. Lustrati autem, sive ritu gentiliū baptizati, absque nefariæ cædis crimine exponi aut interfici non poterant. Hujus rei evidens documentum exhibet Hórdi & Holmeusium Historia, Cap. VII. Þat var þá mord kallat, at vera út börn upp frá því þau voru vatni ausin ∴ Infantes jam lustratos exponere nefaria cædes habebatur. Ad hanc porro susceptionem infantum respicere mihi videtur auctor oðostichi a regis Knuti Magni, Londinum oppugnantis, militibus cantati:*

Margr fer ullur í illan  
oddsenno dag þenna  
fiar þar fæddir várom  
fornan serk um bornir.

Quod ego sic redigo & intelligo: *margr oddsenno ullur fer þenna illan dag i fornan serk, fiar þar fæddir várom um bornir. ∴ Savo hoc die pralianium multi veterem loricam induent, procul a loco, ubi nos mater peperit, pater suscepit. Vid. Knylinga S. Cap. XIV. Hinc vocula, borunn, quoties de liberis ad patrem refertur, proprie non genitum aut procreatum, sed susceptum significat, etiamsi eodem plerumque recidat, cum proprios infantes tollere patrum esset; ex. gr. in Edda Sam. Od. Hyndlu-líð, Str. XI. Þú ert Ottar borinn Innsteini &c ∴ Tu, Ottare, ab Innsteino susceptus (progenitus) es. Quemadmodum ipsum latinorum suscep-*



*susceptus*, ob eundem liberos tollendi ritum *genitum* usu denotat. Cæterum præter susceptionem paternam habuerunt olim Boreales ethnici *susceptionem* quendam *vicariam*, quando quis alienis liberis, patre vel mortuo aut absente, vel vivo etiam & præsentem, susceptoris officium præstaret. Vicaria hac susceptione aut I) *infantes* tollebantur, aut II) *pueri*. Illa *susceptio* vel 1) *nude* baptismalis s. *lustrica* fuit, vel simul 2) *honoraria*, vel 3) *nutritia*, vel denique 4) *adoptiva*; hæc semper nutritia & tutelarum fuisse videtur. *Susceptio vicaria infantum nude baptismalis* locum habuit, quoties infantem alienum, vel absente patre, vel iubente aut perinittente, aqua lustrica spargendum & nomine impertiendum, absque tamen ulla nutriendi aut adoptandi conditione quis suscipiebat. Lege tamen honestatis amore & benevolentia, quos susceperunt, prosequi omnes tenebantur; quæ consuetudo sacris christianis in Septentrione est antiquior. Helgius Droplögæ filius ultimo & sibi fatali conflictu, cum adversarium Helgium Asbiörni filium occisurus procederet, ad Össurum quendam adstantem sic fatur: Þar stendur þú Össur, oc man ececki vit þer síð, þú þú ióft mic vatni: Te illic stantem, Össure, non cavebo, eo quod me infantem aqua lustraveris. Quæ tamen opinio Helgium fefellit, utpote quem prætergredientem & incautum Össurus hasta transfixerit. Vid. *Fliótzdala*, Cap. XXX. Istitis igitur ethnicorum susceptoribus s. *patribus lustricis* christianorum patrini successerunt. Tale officium Magno, Regis Olafi Sancti filio, Sighvatus poëta, (vid. *Heimskr. T. II. Cap. CXXXI. p. 200.*), nec non Thoræ, Thorbergi Arnini filii, Steinus Skaptii f. (vid. *Libr. 6<sup>o</sup> T. cit. Cap.*



Cap. CXLIX. p. 235.), præstiterunt. *Honoraria* infantum *susceptio* dici potest, ubi in eligendo susceptore nobilitas & potentia, nec non spes favoris & patrocinii, citra tamen ullum nutriendi aut adoptandi promissum, præsertim spectabatur. Huc referenda sunt verba Snorrii, in *Heimskr. T.I. Hist. Har. Pulchric.* Cap. XL. p. 118. *Sá var þá síðr um gófigra manna börn, at vanda menn miðc til at ausa vatni oc gefa nafn.* 3: Circa hominum nobiliorum atque præstantiorum liberos erat tunc temporis consuetudo, ut studiose eos quærent, quibus infantem aqua lustrandi, ipsique nomen imponendi committerent negotium. Hoc de ethnica tempestate dictum. Idem quoque primis christianæ religionis temporibus moris fuisse, monstrant verba Steini, Thoram Thorbergi filiam suscipientis. *Libr. cit. T. II. p. 236. Steinn svarar því, at hann mundi eigi fleiðrom meybörnom undir Skíu balda.* 3: respondit Steinus, non futurum, ut pluribus infantibus foeminis susceptoris munus præstaret. Nempe ignobiles infantes sua susceptione indignos juvenis jactantior credidit. Sic Ha. aldi Pulchric. filium Sigurdus Comes, Sigurdi vicissim filium idem Hakonus, jam Norvegiæ rex, susceperunt; de quibus infra pluribus. In susceptione infantum vicaria, prouti quis *filium lustricum*, non modo baptizandum susciperet, sed, si ipsius ministerio, si jussu solum & auctoritate lustratio perageretur, suum alumnum, pupillum, aut hæredem simul agnosceret diceretque, *susceptio infans* vel *nutritia* fuit aut tutelar, vel etiam *adoptiva*. Sic Gormus Daniæ Rex, ideo quod liberis caveret, *Improlis* (*hinn barnlausí*) cognominatus, Arnfinni Comitissæ filium expositum & a suis inuentum sibi ferri



ferri jussit, inspectumque lavacro lustrico tingendum curavit, Knuti nomine donavit, suum filium dixit, enutrivit porro & modis omnibus ornavit, mortique tandem vicinus suum in regno danico successorem adoptavit. Vid. *Hist. Ol. Trygv. ed. Scalb. P. I. Cap. LXX. p. 70 & 71.* Plerumque tamen in susceptione lustrica, sive honoraria hæc esset, sive nutritia vel etiam adoptiva, suscepto pater lustricus suum ipsius nomen indere consuevit; quæ donatio nominis proprii, at *gefa nafn sitz*, vocabatur. Hoc Haraldus Auriberbis (Gullskæggr), Sogniæ Norvegicæ Rex, infanti, suo ex filia nepoti, præstitit; de quo *Landn. P. V. Cap. IX. Haunum gaf Haraldr Gullskæggr nafn sitt oc ríki. 3: Huic Haraldus Auriberbis nomen suum & regnum dedit.* Idem Haraldo Grafeldo recens nato avus paternus fecit Pulchricomus; teste *Heimskr. T. I. Hist. Har. Pulchric. Cap. XLV. ed. Hafn. p. 122. Eiríkr oc Gunnbilla dr áttu son, er Haraldr Konungr íðs vatni, oc gaf nafn sitt; segir sva, at sá skyldi konungr vera eptir Eirík faðr sinn. 3: Filium genuere Ericus & Gunbilda, quem Haraldus Rex aqua lustravit, suoque impertivit nomine, & post Ericum patrem regem futurum edixit.* Nempe inter coeteros filios Erico Blodöxio summum Norvegiæ imperium pater Pulchricomus ante dederat; vid. *l. cit. Cap. XLIV. p. 121.* Huic autem Erici filium Haraldum, deinceps Grafeldum cognominatum, etsi duos fratres germanos natu majores haberet; vid. *Cap. XLVI. p. 124.* Patri tamen Blodöxio & sibi in monarchia Norvegica, quam armis ipse paraverat, jure susceptionis adoptivæ eum succedere jussit. Infantum porro susceptionis nutritiæ exemplum in Haraldí Pulchricomí filio natu  
maximo



maximo Guttormus Dux, ipsius Pulchricomi avunculus maternus edidit; vid. *Libr. Tom. & Hist. cit. Cap. XIX. p. 79.* *Guttormr bertogi hafdi vatni ausit hinn ellsta son Harallds konungs, oc gaf nafn sitte, oc fósttradi.* 3: Regis Haraldi filium natu maximum aqua lustrica sparsit & proprio nomine donavit Dux Guttormus, illumque puerum educavit. Hæc Guttormi susceptio nutritia quidem fuit, nevtiqvam tamen adoptiva; etsi enim susceptus nutricio mortuo in Vikiz & Uplandiæ præfectura successerit, jussu patris Pulchricomi, non jure susceptionis factum id perhibetur, v. l. cit. *Cap. XXIX. p. 106.* Ejusmodi enim præfecturæ provinciales regni Norvegici fevda fuerunt, quorum potestas nevtiqvam hæreditaria fuit, sed ab imperantis arbitrio dépendebat. Et, si vel consensu imperantis impetrato ista successio provinciarum hæreditaria reddi potuisset, non tamen credibile est Ducem, qui prolem ipse masculam reliquit, (conf. *Eigla, Cap. XX.*), proprios filios alienorum susceptione adoptiva exheredes fuisse facturum. Simile susceptionis vicariæ ministerium alii Pulchricomi filio præstitit Sigurdus Comes Hladensis, ipsique non proprium, quod alias solenne, sed patris sui Hakoni nomen dedit; de quo *Heimskr. Libr. & Hist. cit. Cap. XL. p. 118.* *Sigurdr iarl iðs sveininn vatni, oc kalladi Hakon eptir faðr sinom Hakoni Hlada-jarli.* 3: Infantem aqua lustravit Sigurdus Comes, nomenque ei dedit Hakoni patris sui, Comitæ Hladensis. Hæc susceptio non adoptiva, & ne nutritia quidem effectus fuit; Hakonus enim ille jussu patris primum apud matrem, moxque apud Adalsteinnum Angliæ Regem educatus fuit, (vid. *Libr. cit. Cap. XL. & XLIII.*).

In





In patriam tamen redux Hakonus, patrem suum lustricum Sigurdum in adeundo retinendoque Norvegiæ regno adiutorem & amicum constantissimum expertus est. Vid. *Heimskr. T. I. Hist. Hak. Boni, Cap. I. p. 125. & Cap. VI. p. 131.* Coeterum lustricæ hujus susceptionis honorariæ officium Comiti Sigurdo reposuit Hakonus Rex. Vid. *Libr. & Hist. cit. Cap. XII. p. 135. & 136.* *Hina fyrsto iðla nott ól Bergliót kona varls svein-barn; eptir um daginn iðs Hakon kongr svein þann vatni, oc gaf nafn sitt. 3: prima nocte jolensi partum marcm enixa est Comitis Sigurdi conjux Bergliota. Sequenti d e infantem aqua lustravit, suoque nomine impertivit Rex Hakonus.* Hæc de susceptione infantum s. lustrica, tam paterna quam vicaria hætenus dicta. Verum fuit & alia susceptionis vicariæ species, qua quis alienum puerum, sive in gratiam patris vivi nobilioris, sive patre pueri absente vel mortuo, educandum, tutandum & ornandum recipiebat. Quemadmodum autem in susceptione lustrica infantes patris aut ejus vicarii brachiis s. ulnis excipi solebant, ita in susceptione puerorum solennis fuit ritus, ut *susceptus susceptoris genibus imponeretur*; unde hic suscipiendi actus, at *knesetia barn*, 3: *genuponere puerum*, & hoc modo susceptus, *knesetningr*, *genupositus* dici consuevit. Erat autem *genupositio* a vicaria susceptione infantum diversissima; hujus enim proximus semper finis fuit lustratio & impositi nominis baptismalis, quorum neutri in *genupositione* puerorum, utpote jam ante baptizatorum, locus fuit. Ille pueros *genuponendi* ritus antiquissimus quod fuerit, vel ex *Genes. Cap. L. v. 23.* colligi potest; ubi *Machiri filii supra genna Josebi nati*  
tra-



traduntur. Hoc tamen ad susceptionem infantum lustricam, quam avos nepotibus in septentrione sapius præstitisse exemplis supra adductis monstravimus, potius referendum existimo, quam ad genupositionem puerorum, quem ritum priscis Borealibus peculiarem tamdiu credimus, quamdiu ejus vestigia apud exteros reperire non contigerit. Jam exempla quædam genupositionis dabimus. In *Heimskr. T.I. Hist. Har. Pulchric. Cap. XXI. p. 97. hæc habentur: Guttormr bertogi bafði varni ausit hinn ellzta son Harallds konungs, oc gaf nafn sitt; bann knesetti þann svein oc fõstradi, oc bafde med ser i Vik austr. 1: Maximum natu Regis Harald filium Dux Guttormus aqua lustraverat, suo ipsius nomine illi indito; hunc porro puerum genuposuit, & educandum secum in Vikiam abduxit. Aliud porro exemplum eadem Harald Pulchricomi Historia suppeditat. Nimirum legatione missa Haraldum Pulchricomum cavillatus fuerat Adalsteinus Angliæ rex. Illi igitur vicem redditurus Pulchricomus Haukum Habrokum in Angliam ablegavit, qui regem Londini forte convivantem offendit adiitque. Itaque aulam cum XXX comitibus ingressus Haukus Regem consalutat; vicissimque a Rege salvere jussus & propius accedens, puerum Hakonum derepente genibus Regis imponit. Puerum intuitus Rex Haukum, qui sic ageret, interrogat. Respondet Haukus: *Haraldus Rex jubet te hunc sibi ex ancilla pellice natum educare. Excandescens ad hæc Rex gladium juxta positum arripit stringitque, quasi puerum occisurus. Tum Haukus: knesett þefir þú sveininn nû, oc mattu myrda bann ef þú vill; enn eigi munto med því eyda öllum sonom Harallds konungs. 2: puerum, inquit, hunc genuposuisti; eum igitur**

igitur nefarie, si placuerit, occidere poteris: eo autem facto omnes Haraldis Regis filios, (nempe cædis futuros ultores), non interimis. Hoc dicto aula egressus navem repetiit, illicoque solvens in Norvegiam vela fecit. Vid. *Hist. cit. Cap. XLII. p. 120.* Puerum autem Rex Anglus educavit; non quod se Rege Norvegico hoc facto inferiorem aut ei subiectum fateretur, sed quod puerum a suis relictum sibi que traditum deferere aut violare suo fastigio indignum censeret. Hinc factum, ut Hakonus adultior *Adalsteini-Alumnus* sit cognominatus. Tertium genupositionis exemplum Historia Hakoni Boni exhibet. Hic enim ubi regno Norvegiæ potitus esset, Ericus Blodöxius, legitimus Pulchricomi filius & successor, in Angliam profugit; ubi Northumbriæ præfectura feudali ab Adalsteino Rege donatus est. Mortuo autem Adalsteino, ejusque fratre Jatmundo (Edmundo) in Angliæ solium evecto, expulsus Northumbria Ericus in Anglia prælio cecidit; quo facto ejus vidua Gunhilda cum liberis in Orcades primum, deinde in Daniam se recepit, ubi a Rege Haraldo Gormi filio cum suis benigne fuit excepta. Hic de Rege Dano Snorrius: *Haralldr konungr Gormsøn tók til fósturs Haralld Eiriksøn, oc knesetti bann; fæddiz bann þar upp i hyrd Dana konungs. 3: Rex Haraldus Gormi filius Haraldum Erixi filium nutriendum suscepit & genuposuit: ille igitur in Danorum Regis aula educatus est.* Vid. *Heimskr. T. I. Hist. Hak. Boni, Cap. X. p. 134.* Triplex igitur genupositio fuit: nempe, si puer a subdito patris honoris ergo susciperetur, *genupositio humilis*, qualis Guttormi Ducis; si ab eo, qui patri pueri non subiectus sed æqualis esset, *genupositio officiosa*, qualis



Adalsteini Regis; si denique patre orbatus puer susci-  
peretur, *genupositio pupillaris* erat, qualis Haraldi  
Gormi filii. Allata porro exempla docent, pueros  
vel a patre lustrico, vel ab aliis genuponi siveisse.  
Pulchricomi filium idem Guttormus Dux, & indito  
nomine lustravit, & genuposuit. Hakonum Bonum  
Comes Sigurdus lustravit, genuposuit Rex Adalsteinus.  
Haraldum Grafeldum avus paternus Pulchricomus  
lustravit, Haraldus autem Gormi f. Rex Daniae genu-  
posuit. Qværi ultra potest, utrum *genupositio* Borea-  
lium adoptionis quædam sit species, & quænam porro  
*genuponentis officia* fuerint. Si adoptionem hæreditas  
nominis sacrorum & pecuniæ sequi debet, si is solus  
adoptare queat, qui neque jam procreare liberos possit,  
& cum potuerit, sit expertus, ut vult *Cicero, in Orat.*  
*pro Domo, Cap. XIII.* ab ista Romanorum adoptione  
toto coelo differre genupositionem Borealium cuivis  
facile liqvebit, utpotè cui nihil horum adfuisse exem-  
pla adducta condocent. Certe in *hæreditatem bono-  
rum* adeundam, quæ *adoptionum* & *arrogationum*  
omnium princeps, erat *finis*, genupositis nihil juris  
fuit, nisi aut per testamentum subsequens, aut con-  
ditionis instar accessoriæ genupositioni interdum forte  
adjectum illud fuerit, cujus tamen exemplum mihi  
non succurrit. Sin vero adoptionem vocare placuerit  
*actum, quo quis filii loco habendum recipit, qui filius  
natura non est; sive, quo quis se ad officia, quæ nisi  
propriis liberis præstare nemo tenetur, alieno puero  
præstanda obligat, genupositionem Borealium adoptio-  
nem quandam restrictam s. limitatam dici posse non  
negamus. Genuponentis autem officia tria præcipue  
fuerunt; nempe, ut 1) susceptum enutrirer, quorsum  
educa.*



educatio & tutela referenda sunt; II) ut illi ad ætatem virilem provento de munere vel conditione vitæ, quæ se pro nascendi sorte condigne sustentare possit, prospiceret, quod, at koma einom til þroska, (vid. *Heimskr. T. II. Hist. VII. Cap. XXII. p. 22. conf. Reikdala, Mst. de Thorsteino*, qui apud Gudmundum Potentem adolevit), dici solebat; & III) ut morte violenta peremti necem ulcisceretur. De primo nullum omnino dubium esse potest, cum genupositio semper nutritia fuerit. Secundum autem officium & Hakono Adalsteinus, & Haraldo Grafeldo Haraldus Gormi filius præstitere, dum regnum patrium occupaturos alumnos uterque nutritius omni ope juverit. Inter privatæ fortis homines nutritius alumno honestum conjugium procurare, illumque pecunia maritali (s. antiplerna) instruere debebat. Conf. Niala, Cap. XCIV. & XCIIX. Inter officia porro paterna olim pertinuit vindicta sanguinis. Filiorum enim cædem ulcisci patris fuisse, plurima docent exempla patrum; nimirum Haraldi Pulchricomi, vid. *Heimskr. T. I. Hist. III. Cap. XXXI. & XXXII. Qveldulfi*, vid. *Eigla, Cap. XX. nec non Niali*, qui filiis superesse, & eorum necem non vindicare, vel seui turpe putabat. Vid. *Niala, Cap. CXXX. & aliorum. Quo minus autem, cum alumni tutela, & reliquis officiis patris, si successionem ab intestato exceperis, fere omnibus, vindicta sanguinis in nutricium translata fuerit, nec natura rei nec locus Nialæ dubitare permittit, qui simul coetera nutricatus officia percenset. Ibi autem ad Ketillum Höskuldo nutricatum offerentem sic mater: Þú skalt veita þessum sveini allt þat er þú mátt, þá hann er roskinn, ok þefna hanns, ef hann er með vap-*



non veginn, oc leggja fe til kvanar-mundar banom; oc skalt þu þo sveria þess. Hann jättade þessu öllu. 3: In hunc tu puerum, ubi adoleverit, quæcunque potueris, beneficia conferto; ejus armis peremti necem ulciscitor; uxorem ducturo pecuniam maritalem sufficito; & hac quidem juratus promittito. Facturum vero se pollicitus est Ketillus. Quamvis autem nulla hic genupositionis fiat mentio, de nutricatu tamen pueri, cujus genupositio ritus & cærimonia externa fuit, hic agitur. Nec mirum porro est, si, quæ infantes a patre suscepti & lustrati, eadem quoque genupositi sanctitate gavisi fuerint, &, prouti illos exponere aut perimere nefas erat, hos etiam occidere aut insidiis fallere flagitiosum fuerit. Hinc Haukus, loco supra allato, *occisionem genupositi, mord*, 3: *cædem nefariam* appellat. Hinc ab insidiis genuposito struendis abhorruit Daniæ Rex Haraldus Gormi filius, & Hakono Hladarum Comiti ad hoc facinus se inducere volenti respondit: *Haralldr Eiriks son er föstur son minn oc knesetningur*. 3: *Haraldus Erics filius est alumnus meus genupositus*. Et paulo infra: *Þetta mun callat ille verk at svíkia föstur son sinn*. 3: *Alumnus suum dolis circumvenire scelestum facinus habebitur*. Vid. *Heimskr. T. I. Hist. V. Cap. X. p. 198. Conf. Hist. Ol. Trygv. ed. Scalh. P. I. Cap. LVII. p. 53. 54.* Verum enimvero, quod genupositio nullum alumno in hæreditatem nutricii jus dederit, tam allata superius de genupositione auctorum testimonia paulo pensius inspecta, quam alia alumnorum exempla ostendunt. Sic Olafus Pavo suum ex fratre nepotem Bollium, vid. *Laxdela, Cap. XXXII.* Ketillus Höskuldum, eundemque deinceps Nialus, nec non Thorhallum Asgrimi



- Afgrimi filium, vid. *Niala*, Cap. XXVII. XCIV. XCV. & alii alios nutriendos & educandos, non item adoptandos susceperunt. Unde patet Borealium *nutricatum* (*barnsóstr*) duplicis fuisse generis; nempe, vel *genupositum* absque spe hæreditatis, vel *adoptivum*. Nutricatus adoptivi exempla quædam supra, §. XIX. Not. 6. attulimus. Hæc de *susceptione* liberorum, tam *infantum lustrica*, vel *paterna* vel *vicaria*, & hæc *nude baptismali*, *honoraria*, *nutritia*, *adoptiva*, quam *puerorum genupositione humili*, *officiosa* & *pupillari*, hactenus aliquanto forte fusius differuisse non poenitet, cum haud sciam, utrum hoc argumentum apud alios explicate satis traditum & excussum reperiatur. Accedit, quod *susceptio paterna*, cujus alia quælibet liberorum *susceptio vicaria* erat & *imitatrix*, hic, ubi de *matrimonii effectibus* agitur, loco haudquaquam alieno pertractata censeretur debeat. Ethnicam enim illam prolem exponendi vel tollendi s. suscipiendi potestatem, inter præcipua patrisfamilias, & speciatim mariti patris jura numerandam nemo facile negaverit.
- 2) De Romanorum in uxores potestate diserta sunt auctorum loca. Uxores in mariti manu mancipioque esse dicit Gellius; vid. Noct. Att. XII. 6. Mulieres porro, quæ ob sexus imbecillitatem antiquitus in perpetua fuerunt tutela, per coemptionem nuptialem e patris, aut qui patris loco eis fuerat, tutela in viri potestatem ita recidebant, ut maritis essent loco filiarum, auctore Boethio, qui ideo asserit eas, statu priore per nuptias mutato, capite esse diminutas. Conf. S. Pitisci Lexic. Antiquit. Rom. ad voc. Uxor. Unde in manum conventionem minimam esse capitis diminutionem asserit Ulpianus, Tit. X. 13. Conf. Heinecc. Antiqu. Rom. I.



10. 6. Horum spectant verba Ambrosii, *Exhort. ad Virgin.* Quoniam, quæ nupserit, ad servitutem pecunia sua venditur, meliore conditione mancipia quam conjugia comparantur: in illis meritum servitutis emitur, in istis pretium ad servitutem additur. Hinc illa Medea, apud Euripidem, II. 230.

Omnium, quæ vivunt & sentiunt,  
Nos mulieres miserrimæ sumus,  
Quas primum oportet magna pecunia  
Maritum emere, & dominum corporis  
Accipere.

Cum his contendere possunt illa Virgilii, *Æneid. Libr. IV.* Liceat phrygio servire marito. Nec non hæc: *Connubia nostra Reppulit & domum Æneam in regna recepit.* Ubi maritum uxoris dominum poeta vocat.

- 3) Ritus ille Romanorum nuptialis, quo novæ nuptæ claves tradi solebant, non tam partus facilitatem signabat, ut vult Festus, *conf. Alex. ab Alex. Genial. Dier. Libr. II. Cap. V.* sed innuebat potius, uxoribus simul rerum omnium domesticarum, quæ clavibus concludi solent, curam ac custodiam, totam denique domus ac rei familiaris administrationem dispensationemque permitti; interpretante S. Pitisco, *Lex. Antiqu. Rom. ad vocem, Clavis.* Quemadmodum autem inter contrahendi matrimonii initia claves tradi, ita, facto divortio, eas uxori adimi solitas docet Cicero, *Philipp. II. 28.* Minam suas res sibi habere jussit ex XII tabulis; claves ademit, exegit. Hinc Ambrosius, *Epist. 65.* Mulier offensa claves remisit, domum revertit.





- 4) Inter órnatum sponſæ, die nuptiali geſtandum, *claves* quoque fuiſſe, quaſi poteſtatſis oeconomicæ a nova nupta intra limen mariti capeſſendæ ſymbolum, docet *Edda Samundi, de nuptiis ſimularis Thori*:

Bundo þeir þór þá i. e. Thorum igitur redimiebat	
brúþar líni	Byſſo nuptiali,
oc eno miela	Atque magno illo
meni bríſinga.	Monili flammeo;
Leto und hanom	Succingebant illum
hrynja lucla	Clavibus tinnulis,
oc kvenvaþir	Vesteque muliebri
um kne falla.	Genibus circumflua.
Enn á brióſti	Pectori autem præponebant
breida ſteina	Planas gemmas,
og hagliga	Ex apice concinno
um haufód typto.	Caput amiciebant.

Vid. *Od. Pryms-Quida, Str. XIX. ed. Hafn. p. 190.* Uude nullo negotio colligitur, ritum hunc nuptialem priſcis etiam Borealibus in uſu fuiſſe. Nec ſecus in divortiis *claves* reddi ſolitas, qui monſtret, locum ex Sturlunga dabo; ubi Halſdano marito Steiuvara, ni fratri ſuo Thordo opem ferat, divortium minari videtur. *Lítiðt man verða ockart ſamþicki, ef þu veſtir ei þordi brodur minom; mun þá ſva fara, er midr er ſköpudo, at ec man taka vapnin, oc vita ef nockrir menn vilja mer fylgia; enn ec man fá þer af bendi þár-lyklana. o: Parum utique, (ait Steinvara), concordēs erimus, ſi fratri meo Thordo auxilio non fueris. Illudque contra naturæ & decoris ordinem accidet, ut ſumtis ipſa armis, ecquos ad incrementa partium pertrahere queam, experiar; claves autem penurias tibi traditas reſignem.* Vid. *Sturl. P. VII. Cap. II.*



Istam oeconomiae dispensationem, quæ uxoribus sive vit committi, veteres *råd innan-stocks*, 3: potestatem *intra limen*, (vid. *Niála*, Cap. VI. & *Fliótsdala*, Cap. VII.), nec non *bú-råd*, (vid. *Niála*, Cap. XXXIV.), & *bús-umfyslan*, (vid. *Laxdala*, Cap. X), dixerunt. Idem de Germanorum veterum uxoribus Tacitus perhibet; nempe, *domus & penatium curam foeminis delegatam*; item, *domus officia uxores & liberos exsequi*. Vid. *Libr. de Mor. Germ.* In quæ Taciti verba non male commentatur Cleffellius: *Consistebant hæc domus officia potissimum in eo, ut agros colerent, pecuariam exercerent, textura operam darent, atque familiæ suæ prospicerent, in conficiendis sartorum loco vestibus; præterea autem, ut medicinam tractarent, vulneraque & morbos tum maritorum suorum, tum universæ familiæ curarent*. Vid. *Cleff. Antiquit. Germ. Sept. Cap. I. §. XX*. Quæ quidem pleraque omnia de veterum Borealiū uxoribus vere possunt dici.

- 5) Maritorum dominio adeo obnoxia fuerunt Borealiū uxores, ut vel proprios infantes injussu patris nutrire ipsis minime licuerit. Cum enim liberos exponendi consuetudo ante sacra christiana, quæ istam tandem inhumanitatem edomuere, satis crebra fuerit, iuvitis tamen matribus illud plerumque factum fuisse credibile est, cum amore naturali in id, quod ipsa pepererit, nulla non animans propendeat. Verum prævaluit imperium mariti, penes quem solum & tollendæ & exponendæ sobolis arbitrium erat. Unde frustra deprecantes matres, ad infantes, si, cum nascerentur, domo forte absuerint, exponendos, severitate & minis adegisse mariti leguntur. Ad comitia patriæ profecturus Thorsteinus Egilli filius, uxori Jofridæ, quæ,  
dum



dum abforet, paritura videbatur, præcepit, ut, si prolem foemellam eniteretur, exponendam curaret. Factum autem illiberale, & viro lautitia rerum & amicitiiis circumfluente indignum, dissuadenti uxori respondit Thiorsteinus: *Veiztu skaplyudi mitt, at eigi man blydisamt verda, ef af er brugðit.* 3: Nota tibi indoles mea; cujus si mandata migrentur, baud bene aut impune cessurum. Nec imperium mariti negligere palam sustinuit Jofrida, etsi vitæ infantis clam consuleret. Vid. *Vit. Guul. Vermil. Cap. III. ed. Hafn. p. 36. 39.* Thorgerdam quoque uxorem janjam parituram domo profecturus Asbiörnus, quicquid enixa fuerit, exponere iussit; adjectisque minis adeo terruit, ut mariti mandato morem invita gesserit. Vid. *Vit. Fimbog. Rob. Cap. II. Mst.* Cumque deinceps illa, quæ infantem mater exposuisset, a fratre Thorgeiro Liofavatnensi indignante rogaretur, trux mariti imperium causabatur: *Hon segir, at þon þyrði eigi annat fyrri reidi oc grimleic bónda sínis, oc var þetta hanns ráð; enn ec unna sva mikit sveininom, at ec vilda gjarna hafa uppfædt.* 3: Respondit illa se, iræ mariti scivituræ præmetuentem, secus facere non ausam, remque ejus imperio gestam; sibi vero infantem & tum quidem adeo dilectum, ut libenter nutritura fuisset. Vid. *Libr. cit. Cap. VI.*

- 6) Filias elocandi arbitrium penes solum patrem, vel qui nupturæ pro patre esset, ejusque consensum in nuptiis filia unice necessarium fuisse, supra §. VIII. not. 1. &c. docuimus. Huic virginem sibi in matrimonium pactam poscenti Alviso, fidemque ratam nemini irritam faciendam urgenti, regessit Vingthorus, vid. *Edd. Sam. Od. Alvis-mál, Str. IV.*



Ec man bregða	i. e. Ego vero faciam irritum,
Þvíat ec brúðar ánk	Cum mihi virginis sit
flest um ráð sem fadir.	Plurima potestas, ut patri.
Varat ec heima	Domi non eram,
Þá er þer heitit var.	Cum tibi pacta esset.
At fá einn er giaufir	Qui solus decorum sum lo-
med Godum.	candi arbiter.

Generos eligere, patris solius fuisse, docent verba Ketilli; *Vit. Viglundi Pulchri*, Cap. V. Ec atlaði at Þórir jarl mundi siálfur eiga at ráða dóttur sinni, oc mundi þat kaup lögfullt er hann giörði. ∴ Credidi vero Thorerum Comitem filiam elocandi jure solum gaudere, eumque, quem ille fecisset, coëmtionis contractum lege valiturum. Idem innuunt Osvisi ad filiam Gudrunam, oblatañ nubendi occasionem recusantem, verba. Vid. *Laxdala*, Cap. XLVI. Medan ec er uppi, skal ec bafa forsiá fyrir ydr börnom minom, um þá luti, er ec kann betr at siá enn þer. ∴ Quamdiu superstes ero, vestras liberorum rei moderari meum est; eas saltem, quarum major mihi quam vobis est prudentia. Quemadmodum igitur nulla filiabus maritorum, ita nec ulla generorum uxoribus, optio jure competeat. Unde factum, ut patres, absentibus & inconsultis uxoribus, filias persape desponderint; quemadmodum Biörnus Jorunam, vid. *Laxdala*, Cap. X. Egillus Thorgerdam, vid. *l. c.* Cap. XXIII. Osvisus Gudrunam, vid. *l. c.* Cap. XXXIV. Höskuldus Halgerdam, vid. *Njala*, Cap. IX. & alii alias. Haud tamen defuerunt mariti, patres & tutores minus austeri, qvī in eligendis generis & uxores consuluerunt, & filiabus, neptibus aut sororibus nubendi arbitrium permiserunt. Horum supra, §. VIII. not. 9. aliquot exem-



exempla attulimus, quibus plura subungere non difficile. Thuridam Olafi Pavonis filiam cum nuptiis ambiret Geirmundus, abnuît primum pater; intercedente autem deinceps matre virginis Thorgerda, consensit Olafus, his ad uxorem verbis: *ei skal þetta göra i móti þer beldr en annat, þó ec væri fúfari at gipta þaua öðrum manne. 3: In hoc quidem, ut in aliis, tue voluntati mos geretur, utut alium filiae maritum dare voluiffem. Vid. Laxdala, Cap. XXIX. De secundo Thraini matrimonio habet Níala, Cap. XXXIV. Gunnar spurde þar mæðr þvert þar vildo játa þessom kaupom. þar kváðuz eigi bregða mundo. 3: Gunnarus matrem & filiam, (suam nempe uxorem & privignam), rogavit, utrum nuptialem coëmtionem ratam esse vellent. Illæ se non facturas irritam responderunt. De matrimonio filiae Thuridæ non modo uxorem & filiam, sed focerum quoque, utpote virginis avum maternum & nutricium, consuluit Gunnarus Hlifæ filius; vid. Vit. Hænsna-Thorveri, Cap. X. Mst. Nubendi arbitrium filiae Jorunæ permisit pater Biörnus; vid. Laxd. Cap. X. Item filiae Thordisæ Snorrius Pontifex, lib. cit. Cap. LXXIIX. Sorori Sigridæ Thordus Hræda, vid. Vit. Thordi Hræda, Cap. VI. Nepti Hildigunnæ patruus Flosius, vid. Níala, Cap. XCIIX.*

- 7) Oeconomica & penuaria dispensatio, nec non familiæ moderamen domesticum uxoris erant; res autem extraneæ & ab his diversæ mariti. Hinc ad uxorem Halgerdam, in convivio apud amicum Nialum insolentius agentem, maritus Gunnarus: *þat er makligast at þú fennir vid þeimamenn þína, en eigi i annara manna hyhilom. 3: Te domi cum familia altereari par est, non autem in alienis adibus. Vid. Cap. XXXV. Hor-*  
sum



sum etiam spectant Niali ad Gunnarum de ejus uxore verba: þurfa muntu at láta bana eigi ollo fram koma. 3: Ejus libidini non omnia permittere tua utique refert. Vid Niála, Cap. XXXVI, nec non Gunnari ad uxorem: ráða muntu tiltekium þinom, en ec skal ráða bversu málin-lúkaz. 3: Tu, quid inceperis, videris, coeporum exitum ipse moderabor.

- 8) Patrem invisura Unna Rutum maritum, priusquam abiret, propositi fecit certiore, vid. Niála, Cap. VI. De Signya habet *Historia Hérði & Holmensium*, Cap. VII. Eptir þing um sumarid það Signy Grimkel, ad bann leifdi henni norður til franda sinna; bann quadst mundu þat leifa henni, en þó skyldi hun ei lengur biott vera enu þal ann mánuð. 3: Post comitia æstiva borcam versus ad cognatos eundi Grimkelum veniam precata est Signya. Ille se permissurum dixit, ita tamen ut ultra dimidium mensem domo non abesset. Idem quoque de Thorlúga Helgii uxore memorat *Fliótsdala*, Cap. X. Hun beiddiz at fara á kynnis-leit upp ad Bessastöðum at sinna föður sinn. Hun var þar uppi viku, oc þá þótti Helga mál hun færi heim aprur, oc sendir eptir henni þræla tvo oc uxa. 3: Illa veniam Bessastadum eundi patremque visendi maritum precata est. Hic cum septiduum esset commorata, Helgius, cui diu satis domo absuisse jam videbatur, duos ad eam arcessendam servos cum bove rhedario ablegavit. De Ingvelða narrat *Svarfdala Mst.* Þat var eitt sinn at Ingvellr settist i kne Klausa, oc það bann at losa sér at fara ofann at Brecko, oc quadst ecke scyldi lengi i burto vera, oc er nú allblid. 3: Aliquando genibus Klausi mariti insidens, ad prædium Breccam eundi veniam inter blanditias Ingvelða precabatur, haud dju se abfuturam pollicita.

- 9) Uxorum in maritos imperiofarum exemp'a in historiis passim intercurrent. Bergliota in conventum populi viros cum marito suo Einaro Thambaskelfero, siquid, secus ac ipsa vellet, decerneret, conflicturos adduxit. Vid. *Hist. Ol. Trygv. ed. Scalb. P. II. Cap. CV. p. 321.* Impotens quoque uxoris dominium Gudrunæ Osvifi filiæ omnes mariti experti sunt. Vid. *Laxdæla, Cap. XXXIV. LV. & LXXVI.* De se suaque conjuge factus est Thorhallius quidam: *Sva man þat fara sem vant er, at bon man verda ein at ráða, o: Eveniet autem, quod solenne, ut illa sola dominetur. Vit. Thordí Hræda, Cap. V.*
- 10) Voces *kvan-ríki* (*imperium uxorium*), & *ofgvani* (*nimietas uxoria*), hoc sensu occurrunt in *Njála, Cap. CXXXV. & Heimskr. ed. Hafn, P. II. Hist. Ol. Sancti, Cap. CXLII. p. 237.*

## §. XXIV.

Quin *jus vitæ & necis in uxores flagitiosas*, veluti mariti aut liberorum vitæ insidiantes & adulteras habuerint Boreales, dubitari non potest (1). Adulteria quidem apud plebrasque olim gentes morte plectebantur, & in Septentrione olim, ut apud Romanos *vir uxoris erat judex domesticus* (2). Rara tamen uxoris a marito occisæ exempla inveniri credo, tum quod cæde mulierum vel infantum, ut imbel-



bellium, manus polluere viro forti indignum existimaretur (3), tum quod isthoc supplicio opus marito non esset, utpote qui uxorem pro lubitu non modo repudiare, & alii vel vilissimo supponere (4), sed & aliis modis decentioribus punire poterat. Quæri ulterius potest, *utrum polyandria successiva uxori- bus unquam apud Boreales fuerit prohibita*, ita ut primo marito mortuo non supervivere, nedum alteri denuo nubere, ipsis licuerit. Pro affirmante sententia adstruenda afferri solet Taciti de Germanis testimonium, ex quo *matrimonium secundum foeminis illicitum fuisse* colligitur (5). Citantur porro heroinarum quædam exempla, quæ maritis vel amatis ne essent superstites, morte voluntaria sese peremerunt (6). Urgetur porro tam Olafi Trygvini Historia, cujus auctor causam, cur ab Erico Victorioso Sveciæ Rege uxor Sigrida Imperiosa diverterit, fuisse *legem* perhibet, *quæ uxores cum maritis defunctis simul sepeliri jubebat* (7), quam Eddæ denique auctoritas, quæ docere videtur, credidisse Borea-





Boreales, foeminas, quæ morte violenta sibi allata maritos defunctos comitarentur, sedes honoratas apud Frejam post fata paratas manere, reliquis cum promiscua obscure morientium plebe ad Helam abeundum (8). Verum ex his omnibus plus exsculpi posse non opinor, quam quod foeminarum amor fidesque conjugalis, cujus argumentum morte voluntaria fortius dari non potuit, nec non univiræ in præcipuo olim, ut apud alias gentes, ita apud Boreales, honore fuerint (9). Maritis sponte commori uxoribus quondam gloriosum (10), magis tamen ex decoro quam debito id factum. Heroicis quarundam exemplis innumera aliarum opponi possunt, quæ mortuo marito non modo superstites, sed ad secundas quoque nuptias citra opprobrium progressæ leguntur (11). Nec inter leges Borealium antiquissimas, vel Frotho-nianas apud Saxonem, quæ tamen legitima matrimonia satis adstabiliunt (12), nec Odinia-nas apud Snorrium (13), tale quidpiam reperitur; quod tamen hos duumyros, quibus  
tanta



tanta antiquitatis patriæ notitia, si lex usu valuisset, tacituros fuisse mihi nevtiquam persuadere possum. Accedit, quod per divortia, non maritis modo sed & uxoribus ab omni ævo in Septentrione licita, ista lex, si unquam exstiterit, facillime eludi, & parum vel effectus vel usus habere potuerit (14).

- 1) De Gallis veteribus, quibus multa morum cum priscis Borealibus similitudo passim observatur, tradit Julius Cæsar, *de Bell. Gall. VI. 19. Viri in uxores, sicuti in liberos, vitæ necisque habent potestatem: & quum pater familias illustriore loco natus decessit, ejus propinqui conveniunt; & de morte, si res in suspensionem venit, de uxoribus in servilemmodum questionem habent; & si compertum est, igni atque omnibus tormentis cruciatus interficiunt. Asam uxorem, quæ vitam suam hosti prodiderat, in conventu populi capitis damnatam, mitigata tamen poenâ, cum dote profectitia ad suos remisit Rex Hiörleifus Mulierosus. Vid. Hist. Halfr Regis, ejusque pugilum. Mss. Uxori Gudrunæ Gaukii filix, cum filios communes a se jugulatos marito epulandos exhibuisset, quin & virum suum se porro interfectorum dixisset, lapidationem & vivicomburium maritus Atlius comminatur; vid. Edd. Sæm. Od. Atla-mál en Grönlensco:*

Brend mundo á báli i. e. Pyre imposta combureris,	
oc barin grióti ádr.	Lapidibus prius obruta:
Þá hefr þú árnat	Tunc affecuta eris,
þazu æ beidiz.	Quod semper appetis.

Poenam



*Poenam nempe & mortem invenies, quam continua flagitiorum temeritate mereri satagis.* Svanhildam uxorem & proprium filium Randverum, adulterii infimulatos, crudeli mortis genere punivit Ermenrecus rex. Vid. *Edd. Sæm. Od. Gudrunar-bvaut, Prolog.* Hanc narrationem a Jornande, Rerum Gothicarum (vid. Cap. XXXV.) scriptore mutuatum Eddæ Sæmundianæ auctorem innuere videtur Perillustr. Joh. Grammius, in *Notis ad Meursii Hist. Dan. Libr. II. Col. 77 & 78.* Rem equidem eandem utrobique narrari nemo inficiabitur, ita tamen, ut rei gestæ notitiam auctor Eddæ, quam Jornandes, multo plenior habuerit. Hanc igitur non Jornandi, sed propriis peregrinationibus & militiæ tam russicæ, quam constantinopolitanæ debere priscos Boreales verosimilius dixeris. Certe Aforum, Volsungorum & Giukungorum montimenta in hippodromo constantinopolitano representata vidit Sigurdus Hierosolymipeta. Vid. *Heimskr. Tom. III. Hist. XII. Cap. XII. p. 245. & 246.* Fragmentum Historiæ Ragnari Lodbrokii, quod circumfertur, non moror, cujus auctor Odam Edd. Sæm. quæ *Gudrunar-grátur* dicitur, parum fidus interpret tantum non exscripsit; & ne Saxonem quidem, qui eo omnia contorquet, ut Hermanrico (Jarmerico) inter Reges Daniæ locum faciat, eo forte argumento inductus, quod potentissimum hunc regem in terras, imperio Danico olim subjectas dominatum, alicubi legerit aut audiverit. Hermanricum enim hunc *Venezis, Sclavis & Haestis*, qui populi Danis olim per intervalla paruere, imperitasse vel ipse Jornandes (*libr. cit. Cap. XXXIV.*), testatur. Si, cum Illustriss. Suhmio, duos Ermenrecos, alterum nempe potentissimum illum Gothorum

H

regem,



regem, seculo IV celebrem, alterum famosum Hal-  
landiæ, quæ Daniæ olim pars, regem, in exitu seculi  
V occisum, (vid. *Hist. af Daum. T. I. p. 183. &*  
*316.*), fuisse dicas, omnia, quæ Saxo & Edda de  
Jarmérico (Jörmunreco) tradunt, in posteriorem erunt  
conjicienda. Verum quid de Jornandis Hermanrico  
tum faciendum sit, nescio, quem mors mulieris  
*Sanielb*, jussu regis ab eqvis divulsæ, a fratribus *Saro*  
& *Anmio* vindicata, cum eddico Jormunreco, qui  
*Svanbildam* eqvis proterendam objecit, a fratribus inter-  
fectæ *Saurlo* & *Hamde* punitus, eundem credere, ob  
factorum & nominum haud exiguum similitudinem,  
fere persvaserit. Eddicum autem & Jornandis Her-  
manricum s. Jormunrecum Daniæ regem statuere non  
ausim. Verum ista historicis relinqvenda. Adulte-  
rium porro Constantinopoli capitale fuisse, docet *Vita*  
*Gretteri Robusti*, Cap. XCVII. þat var þá dauda-  
fök, ef kona yrði opinber at slicom glap, at þafa annan  
mann með bónda sínom. 2: Crimen erat morte dignum,  
si illius flagitii foemina convinceretur, quod cum alio,  
præter maritum, viro consueverit.

- 2) Adulteria apud Scythas, Borealium aborigines, olim  
capitalia fuisse, docet laudatqve Horatius, *Carm. Libr.*  
*III. Od. XXIV.*

*Conjux nec nitido fidit adultero.*

*Dos est magna parentium*

*Virtus, & metuens alterius viri*

*Certo foedere castitas!*

*Et peccare nefas, aut pretium est mori.*

Jus vitæ & necis in uxores adulteras, vinosas, aliis-  
que se sceleribus polluentes, veteres Romanos habuisse,  
& domi suæ tanquam judices de uxorum criminibus  
cogno-

cognovisse, ex Dionysio Halic. Plinio. & aliis probat Heineccius, *Antiquit. Rom.* I. 10. 6. Privatum hoc & doimesticum, quo ex consilio propinquorum in uxores adulteras aut aliter flagitiosas viri ipsi animadvertabant, judicium vigebar ad Augusti usque Imperatoris tempora, qui adulterii crimen publicis judiciis vindicari præcepit, & quo infrenem & civitati perniciosam libidinum licentiam coerceret, lata *Lege Julia*, adulteria morte puniri, & vicinos hac de re attestari jussit. Ad quam legem respicit Horatius, *Carm. Libr. IV. Od. V.*

*Nullis polluitur casta domus stupris:*

*Mos & lex maculosum edomuit nefas:*

*Laudantur simili prole puerperæ:*

*Culpam poena premit comes.*

Ista quidem omnia fere veterum Borealium matrimoniis apprimè conveniunt. Mariti enim, si suum jus exsequi possent vellentque, uxores animo impotentes coercuerunt, delinquentes pro re nata vel verbis vel verberibus castigarunt, & arbitrium domesticumque dominium in eas exercuerunt. Sic uxorem Thorgerdam, genero Geirmundo infensam, (vid. *Laxdala, Cap. XXIX.*), nec non filii Kiartani vindictam ac Bollii eadem sitientem, gravitate viro digna compescuit Olafus Pavo, vid. *Libr. cit. Cap. LVI. conf. Cap. LIX. & LXI.* Huc pertinent Niali ad Gunnarum verba, quod omnia uxoris arbitrio committere caveret. Vid. *Niála, Cap. XXXVI.* Verbis quidem uxores reprehenderunt mariti, Gunnarus Halgerdam, vid. *Libr. & Cap. cit.* Nialus Bergthoram, vid. *Libr. cit. Cap. XXXVII.* & alii alias. Colaphum uxori- bus mariti inflixerunt, Hildæ levem ob causam rex



Hiörleifus Mulierofus, vid. *Hift. Hafs ejusque Pug.* Halgerdæ prodigæ & procaci Thorvaldus, vid. *Níala*, Cap. XI. in se aspere dicaci Glumus, vid. *Libr. cit.* Cap. XIV. furti reæ & verbis contumaci Gunnarus de Hlidarenda, vid. *l. c.* Cap. XLVIII. Thordifam etiam uxorem Börkus, vid. *Eirbyggja*, Cap. XX. & Gudrunam Ofvifi filiam Thorvaldus, vid. *Laxdæla*, Cap. XXXIV. alapis percusserunt. Severius vero & plagosum imperium maritale refractariæ & fastidiosæ uxori Helgæ minatus est Thorgilfus Orrabeini-Alumnus, vid. *Hift. Floamannorum*, Cap. XXXI. *Frá því er sagt eitthvart sinn, at þau Þorgils oc Helga sátu uti, oc brein banan vid bananum. Haninn leggir at benni oc ber bana, þángar til þun mæðiz. Þorgils mælti: ser þú Helga sameign þeirra bæfnanna. Hvers er þat vert segir þun. So má vera segir Þorgils annara vidureign. 3: Accidisse fertur, Thorgilfo & Helga extra ades forte sedentibus, ut gallina prementi gallo quiritans ogganniret: hanc adorsus gallus ocus insectatur, & verberibus, usque dum illa defetisceret, prostigat. Tum Thorgilfus: videsne, Helga, galli cum gallina conflictum? Rem vero parum notabilem, Helga regeffit; at quæ aliis, excipit Thorgilfus, agendi exemplo esse queat. Haud raro tamen asperior uxorum, præsertim animo & necessitudinum fiducia pollentium, tractatio divortiis & cædibus occasionem præbuit. Si quid autem causæ gravioris inter conjuges incidisset, res in propinquorum concilio, domesticis & vicinis testibus adhibitis, quemadmodum apud Romanos, dirimi solebat. Rutus cum uxore ad focerum iturus, cum se ab illa delatum iri prævideret, vicinos comites adscivit. Cumque Mördus, Ruti focer,*

ab

ab Höskuldo Rutí fratre, cur sua sorte parum contenta esset filia, quæreret, respondens Rutus domesticos suos & vicinos, quæ ratione se erga uxorem gereret, testari iussit. Illis vero auditis & causa cognita, Mördus ad filiam: *domum, inquit, tu redito, & tua conditione acquiescito; omnia enim testimonia magis marito quam tibi patrocinantur.* Vid. Niála, Cap. VI. De eadē maritorum Halgerdæ, quibus ipsa mortis causa fuerat, in propinquorum utrinque convenientium concilio disputatum & transactum fuit, vid. L. c. Cap. XII. & XVII. Uxorem furti ream in foro tuiturus Gunnarus, uxoris propinquos arbitros & consiliarios adhibuit; suumque ob affinitatem officium agnovit Rutus, suam hac de re sententiam dicere, vid. l. c. Cap. LI. Nec desunt exempla conjugum, qui causas matrimoniales ad iudicium publicum, præsertim si divortium legitimum intenderent, retulerint. Hiörleifus Mulierosus uxorem Asam, vitæ mariti insidiatam, in foro publico capitis damnari fecit, de quo supra. Divortia quoque legitima in foro publico renunciata fuisse, docet exemplum Thordi Ingunæ filii, de quo Laxdæla, Cap. XXXV. *þá spretr þódr upp, oc geingr til löghergis; nefndi ser síðan votta, at þan segir þkilir vid Audi. 3: Exsiliens tum Thordus rupem judicalem adiit, ibique, nuncupatis testibus, divortium Audæ renunciavit.*

- 3) Cædes uxoris a marito peracta infreqvens & monstri similis. Unicum tamen exemplum suppeditat Landn. P. II. Cap. XXX. p. 160. 161. Ubi Halbiörnus quidam uxorem Halgerdam, Oddi Tungensis filiam, discordem, & se alio migraturum sequi recusantem occidit; cujus mortem pater ipse ulcisci nolens, per



alios tamen vindicavit. Coeterum masculæ fortitudinis adeo delicati amatores fuerunt prisce Boreales, ut eam eade muliebri contaminari noluerint; heroë Virgiliano haud minus generosi, cujus hæc in *Æneid. Libr. II.* verba: *nullum memorabile nomen Foeminea in poena est, nec habet victoria laudem.* Hinc Ejulfus Griseus, cum ab Auda Gislî uxore magna affectus ignominia & pessime mulctatus adeo exarserit, ut eadem foeminæ his verbis: *drepiþ þana, þó blaúð sé, o: illam, utut secus muliebri, occidite*, comitibus imperaverit, illi, rem factu infamem, (*níðings-verc*), palam averfati, ducis dicto audire noluerunt; vid. *Vit. Gislî Sursonii, Cap. XXXII.* Similiter etiam Thorbiörnnum, Biargeyæ membra frangi, ejusque comitem Thorhallum occidi jubentem, Brandus quidam, ipsius Thorbiörni comes & amicus, indignitatem facti præfatus, minis deterruit. Vid. *Vit. Havardi Isfordenfis, ed. Hol. 1756 pag. 46.* Nimirum in inermes aut imbelles a mis aut vi grassari, res sordida & nefaria habebatur. Horsum spectant verba Saxonis Grammatici: *Olim impuberem aut invalidum vita spoliare rubori deputabatur. Adeo cuncta verecundiæ momenta prisca pugilum fortitudo servabat.* Vid. *Hist. Dan. Libr. V. p. 90.*

- 4) Frotho III. Daniæ Rex uxorem Hanundam adulterii manifestam solo repudio punire cogitavit; verum svasu Erii Diserti repudiatam ad Rolleri, viri privati & sua conditione longe inferioris, nuptias adegit; teste Sax. Gramm. *Hist. Dan. Libr. V. p. 70. & 81.* Hiörleifi Mulierosi, uxorem Asam in se maleficam & judicio publico capitis damnatam, tantum repudiantis exemplum; supra allatum est. Nempe a eade foemi-



foeminea tam abhorruerunt Boreales, ut mortis cruentæ exempla vix statuerint nisi in veneficas, quarum poena maxime solennis fuit lapidatio. Qvin etiam fuerunt, qui uxores flagitiosas ne repudio quidem punirent; quemadmodum Scottus Ulvildam Frothonis I sororem. Hæc enim, qui maritum dormientem jugularent, mercede quosdam conduxerat. Verum ille de infidiis præmonitus, immissos percussores obtruncare satis habuit, ulteriori, ut videtur, uxoris poena neglecta. Vid. *Sax. Gramm. Libr. II. p. 24. 25.*

- 5) Verba Taciti *de Mor. Germ. Cap. 19.* hæc sunt: *melius quidem adhuc eæ civitates, in quibus tantum virgines nubunt, & cum spe votoque uxoris semel transfigitur. Sic unum accipiunt maritum, quomodo unum corpus, unamque vitam, ne ulla cogitatio ultra, ne longior cupiditas, ne tanquam maritum, sed tanquam matrimonium ament.* Verum illa Tacitus ad quasdam Germanorum civitates expresse restringit. Inter has civitates Erulos fuisse Lipsius existimat, apud quos adeo secundo matrimonio non locus, ut uxor marito mortuo laqueo sese statim juxta sepulcrum indueret, nisi invisæ vivere mallet & infamis: teste *Procop. Libr. II. de bell. Goth.* Tantum igitur ex hoc Taciti loco colligi fateor, quod secundæ nuptiæ apud quosdam Germanos vel illicitæ, vel minus saltem honestæ olim habitæ fuerint. Illa autem auctoris verba: *unum corpus, unam vitam, ne ulla cogitatio ultra &c.* non ita intelligenda credo, quasi maritos defunctos morte voluntaria & violenta sequi omnes Germanorum uxores aut lege tenerentur, aut fuerint solitæ, sed quod maritis mortuis nulla viduis ulterioris matri-



monii spes, cogitatio aut cupiditas esse deberet. Si enim omnibus viduis commoriendum maritis fuisset, & liberis communibus alendis ac educandis, atque adeo civitati pessime consultum esset, & clarius quoque, si hoc sibi voluisset, locuturum fuisse Tacitum existimamus. Certe infra, ubi funera Germanorum describit, *bis nullam ambitionem fuisse, idque solum observatum, ut corpora clarorum virorum certis lignis cremarentur; struem rogi nec vestibus nec odoribus cumulatam, sua cuique arma, quorundam igni & equum, (neviqum vero uxorem), adjici solita.* Et paulo infra: *mortuos lugere foeminis, (adeoque & viduis superstitis), honestum fuisse, viris meminisse,* perhibet. Vid. *Libr. cit. Cap. 27.* Ante de Germanis belligerantibus narraverat Tacitus: *eos captivitatem longe impatientius foeminarum suarum nomine timere.* Vid. *Libr. cit. Cap. 8.* Quorsum autem uxoribus suis captivis metuerent, si hæ maritos cæsos voluntaria morte sequerentur; hanc enim nulla captivitas prohibere potest. Verum ista, ut nonnulla alia apud Tacitum, cum mica salis accipienda putamus: quemadmodum illud, *L. cit. Cap. 14. Infame in omnem vitam & probrosum, superstitem principi ex acie recessisse.* Boreales quidem præcipue sibi gloriæ duxerunt, regi suo in acie commori. Quo nomine Rolfi Krakii milites apud Saxonem laudantur: *Tantum excellentissimi regis meritis ea pugna a militibus tributum est, ut ipse cades omnibus oppetendæ mortis cupiditatem ingeneraret, eique morte jungi vita jucundius ducerent.* *Hist. Dan. Libr. II p. 38.* Laudantur etiam Norvegi, qui, rege suo Haraldo Severo prælio in Anglia cæso, oblatam sibi a rege Anglorum pacem & vitam indigna-



indignabundo clamore rejiciebant; dicentes, prius se confusæ stragis acervos propriis corporibus cumulaturos, quam vitam & veniam hostibus debituros. Vid. *Heimskr. T. III. Hist. IX. Cap. XCVI.* Biörni quoque Aulæ-magistri, qui in prælio Stiklastadensi una cum Rege Olaso Sancto occubuit, mortem collaudat Sighvatus poëta:

Fell i her med hollum i.e. *In acie cecidit cum fide*  
hann verdungar maunnum. *Ipse Regis satellitibus.*  
leyfdr er at hilmis höfði *Cluet mors viri, ad caput*  
bródr-audigs sá daudi. *Gloriosi Regis prostrati.*

Vid. *Libr. cit. T. II. Hist. VII. Cap. CCXLI p. 376.* Nec tamen Vöggo, qui regis Rolfi eadem vindicavit, nec Haraldo Severo, Finno & Thorbergo Arnii filiis, ex pugna Stiklastadensi superstitibus, nec Stirkaro Aulæ-magistro, aut aliis ex prælio in Anglia profugis, modo regem suum mascule & fideliter vivum propugnassent, & cæsum, si licuisset, fuissent ultri, regi ex acie superesse, ulli unquam fuit vituperio.

- 6) Foeminarum, morte propria maritos defunctos vel amafios secutarum, duo sunt genera. Quædam enim spontaneo & violento suicidio sese peremerunt, aliæ autem doloris & desiderii impatientia vel subito præfocata perierunt, vel lente tabescentes luctu & squalore sensim confectæ sunt. Posterius utrumque mortis genus, at springa af barmi, 3: dolore rumpi, veteres dixerunt. Ad priorem classem referenda est Ognæ illa, quæ singulare mariti & rivalis certamen inspectans, cæso marito, semet ipsa ferro trajecit. Vid. *Hervarar-S. ed. Upsal. Cap. I. p. 2.* In harum quoque numero ponenda est Asmundi uxor, de qua Sax. *Gramm. Hist. Dan. Libr. I. p. 14.* Conjux Gnnubilda,



ne ei superesset. spiritum sibi ferro surripuit, virumque fuso insequi quam vita deferere præoptavit. Hujus corpus amici sepulturae mandantes, mariti cineribus adjunxerunt. Dignam ejus tumulo rati, cujus charitatem vitæ prætulerat. Sygne (Signya) Saxonis, suum Hagbarthum suspendendum spontaneo suspendio ipsa prævertit. *Hist. Dan. Libr. VII. p. 131.* Nec suo hic loco defraudari debet mythicis Eddarum fabulis decantatissima Brynhilda Budlii filia, quæ Sigurdo Fafnericidæ amorem & matrimonii fidem jurata addixerat. Hæc enim, ubi promissis fidem non servari, & Sigurdum aliam uxorem, nempe Gudrunam Giukii f. duxisse, se vero alii marito, nempe Gunnaro, nuptam videret, zelotypiæ & amoris ulciscendi oestro percita maritum ad occidendum Sigurdum induxit primum, illoque cæso semet ipsa ferro interfecit, & cum Sigurdo, non secus ac uxor, simul efferri & concremari voluit. De hoc *Edda Sam. Od. Brynildar-qv. Prol. Brynildr vildi eigi lifa eptir Sigurd. Hon let drepa þrala sína átta oc sinum ambáttir. Þá lagdi hon sic sverdi til bana. 3: Brynilda Sigurdo supervivere noluit. Servos suos octo & quinque ancillas interfici curavit, & gladio deinceps adacto semet ipsa vulnere lethali transfixit.* Hos autem servos & ancillas cum se & Sigurdo cremari quod præceperit Brynhilda, ejus ex religionis Odiniæ principii illa ratio datur, quod eo gratiores Odino & diis inferis advenas futuros crederent, quo plures secum cæsos Valhallam adducerent. Sed vereor, ne ipso Odino, saltem ultimo, ritus ille sepulchralis longe sit antiquior. De Gallis refert Julius Cæsar. *Bell Gall VI. 19. Funera sunt pro cultu Gallorum magnifica & sumtuosa, omnia- que*

que, quæ vivis cordi fuisse arbitrantur, in ignem inferuntur, etiam animalia, ac paulo supra banc memoriam, servi & clientes, quos ab iis dilectos fuisse constabat, justis funebribus confectis, una cremabantur. Hæc semiseculo circiter ante æram christianam scripta sunt; quo tempore Odiniciana sacra in Evropam vix inducta, nedum in Gallia constabilita crediderim. Aliqua ritus in Septentrione vestigia mansere. Servus enim, mortuo domino Asinundo, necem sibi conscivit, & simul cum domino tumulatus est. Vid. *Landn. P. II. Cap. VI. p. 72.* Audita Ingimundi Grandavi morte, duo ejus amici Eivindus Sörqverus & Gautus, morte cruenta semet ipsos interfecere. Vid. *Vatzdala, Mst. conf. Landn. P. III. Cap. V. p. 202. 203.* Adeo vilis in dominorum & amicorum funere vita fuit. Attilæ Hunnorum regis, quocum magna Brynhildæ nostræ Eddicæ sanguinis & temporis propinquitas fuisse creditur, funere refert Jornandes, *de Reb. Get. ed. Hamb. 1611. p. 131. & 132.* Tunc, ut illius gentis mos est, crinium parte truncata, informes facies cavis turpavere vulneribus, ut praliator eximius non foemineis lamentationibus, sed sanguine lugeretur virili. Ubi deinceps laudes carmine funereo recitatas, reliquamque apparatus pompam, & convivium funebre, quam *Stravam* vocant, descripsit, refert loculum regis auro, argento & ferro sumptuose exornatum, adjectis armis hostium cæforum, phaleris vario gemmarum fulgore pretiosis, & diversi generis insignibus aulicis, noctu & secreto terra reconditum. Denique addit: *Et ut tot & tantis divitiis humana curiositas arceretur, operi deputatos trucidarunt, emerfitque momentanea mors sepelientibus cum sepulto.* Ad quæ obser-



observatu dignum est 1) quod corpus regis Hunnici non cremaretur, 2) quod nulla uxoris Attilæ, quam nuper duxerat, quæque morienti affuit, simul occisæ aut sepultæ fiat mentio, & 3) quod rex clam & noctu sepultus, & qui sepulturæ adhibiti, simul fuerint occisi; quod tamen non in honorem regis defuncti factum videtur, sed ne thesauros cum rege tumularos vel ipsi deinceps diriperent, vel aliis refodiendos proderent. Eadem consuetudo inter Boreales etiam obtinuit; hi enim, cum ex promisso Odini crederent ea se pecunia post mortem fruturos, quam ipsi terra abdidissent, (vid. *Heimskr. T. I. Hist. VIII. p. 13.*), morti vicini ingentes thesauros locis incognitis & accessu difficilibus defodere, simulque ministeria operi adhibita, ne locum manifestarent, jugulare solebant; quemadmodum fecerunt Skallagrimus, ejusque filius Egillus, (vid. *Eigla, Cap. XXXIIX. & LXIV.*), nec non Ketilbiörnus Mossellenis, vid. *Landu. P. V. Cap. XII.* Ut autem ad foeminas, quæ heroicum in viros amorem morte spontanea & violenta testatæ sunt, redeamus, illis accenseri digna est Bergthora Niali-uxor, quæ simul cum marito & filiis comburi, quam iisdem superesse maluit, Flosioque vitam ipsi offerenti magnanima respondit: *ec var ung gefin Níali, best ec því beitit þanóm, at eitt skyldi gánga yfir okkr bæði, ɔ: Níalo juvenis nupta sum, illique unum utriusque exitum futurum promissi.* Vid. *Níala, Cap. CXXX.* Illarum autem uxorum magis crebra sunt exempla, quæ ad maritorum vel amasiorum mortem præ nimio dolore vel repente conciderunt exanimes, vel ægritudine paulatim collecta vitam brevī amiserunt. De Nanna Nesi filia habet *Edda* Snor-



Snorrii, cujus codex chartaceus melioris notæ mihi ad manus: Þá var borit út á skipit lík Baldrs, oc er þat sá kona hans Nauna Nefs dóttir, þá sprack hon af barmi oc dó, var hon borin á bálit, oc flegit i eldi. 3: Tum corpus Balderi in navem, (in qua cremandus erat) transfertur; quod cum ipsius uxor Nauna Nefi filia videret, suffocata dolore corruit mortua. Rogo igitur & ipsa imponitur, ignisque subjicitur. Eodem mortis genere obiit Ingibiarga, quæ ad nuntium mortis Hialmari, quem penitus dilexit, sella retro defluens illico expiravit. Vid. Vit. Oddi Sagittarii (vulgo Örvar-Oddi) Cap. XII. Lento autem dolore macerata mortuos maritos brevi infecuta sunt, Sigruna eddica Helgium; de qua Edd. Sam. Od. Helga qu. Hundings-b. II. Prolog. Sigrun vard skammli af barmi oc trega. 3: Præ dolore & desiderio (mariti) brevi Sigruna superfuit. Svanhvita Regnerum; de qua Saxo, Hist. Dan. Libr. II. pag. 28. Regnero apud Sveciam defuncto, conjunx ejus Svanhvita parvo post & ipsa, morbo ex moerore contracto decedit, fato virum infecuta, a quo vita distrahi passa non fuerat. Fieri namque solet, ut quædam ob eximiam charitatem, quam viris impenderant, etiam vita excedentes comitari contendant. Thyra Regina marito Olaf Tryggvii filio, in prælio Svoldrensi vel cæso vel fugato, novem tantum dies superstes, luctu & cibi abstinentia voluntaria periit. Vid. Hist. Ol. Trygv. ed. Scalb. P. II. Cap. LXXVII. p. 314. Hrefna Kiartanum maritum lethifico dolore luxit; de quo Laxd. Cap. LIIX. Aungvan tók Hrefna mann eptir Kiartan; hon lifði litla bríd eptir þat hon kom norðr, oc er þat sögn manna, at hon bafi sprungit af barmi. 3: Defuncto Kiartano procos omnes



omnes aspernata Hrefna, brevique, postquam boream  
versus ad suos redierat, superstes ex luctu obiisse vulgo  
traditur. Huc referri potest Helga Pulchra, & Oddnya,  
qvæ non maritos, invitæ enim nupserant, sed viros,  
qvibus prius in matrimonium pactæ fuerant, illa  
quidem Gunlogum Ormstungam, hæc Biörnnum Hit-  
dalsensium Athletam, ad ægritudinem & inortem  
usque luxerunt. Vid. *Vit. Gunl. Vermil. Cap. XIII.*  
& *Vit. Biörni Hítald. Atbl. Cap. XXXIV. Mst.*

- 7) De divortio Sigridæ Imperiosæ cum Erico Victtorio  
Sveciæ rege, locum Oddi Monachi ex Historia Olafi  
Trygvini, quoniam mihi ad manus non est, (nec  
enim in hujus regis Historia Scallholti edita, nec in  
Heimskringla Snorrii tale quidpiam reperio), addu-  
cam ex Bartholini *Antiquit. Dan. Cap. X. p. 507.* Sumir  
segia, at þu vildi fyrir því eigi með bonum vera, at  
þat voro lög i laudi ef mislaudi yrði böna, at konu  
skyldi setia i þang hía bönum, en þu vissi at þat lá á  
konungi, at hann skyldi eigi lifa um tíu vetr. Oc þu  
hann því til sigs fer, þá er hann bardist við Styrbiörn,  
at hann skyldi eigi leingr lifa síðan, en tíu vetr. 3:  
Tradunt quidam eam idcirco cum illo remanere noluisse,  
quod lex istius patriæ, si ex conjugibus maritus more-  
retur, superstitem uxorem tumulo simul inferri juberet;  
Novit autem regem decem annos non supervivere posse,  
cum contra Styrbiörnum dimicans votum novisset, se  
non ultra decem annos vitæ exinde expetere, modo  
victoriam adipisceretur. Conf. *Joh. G. Keyseri An-  
tiquit. Septentr. & Celt. Sect. II. Cap. II. §. X. p. 147.*  
Nec non *J. Chr. Cleffel. Antiquit. Germ. Sept. Cap. I.*  
*§. XIX. p. 63. 64.* Verum fateor ego hanc vidua-  
rum exterminatricem legem, de qua, ut ab incertis tradi-



traditionibus profecta, dubitare Oddus ipse videtur, mihi adeo suspectam esse, ut eam nunquam in Septentrione vel latam fuisse, vel usu viguisse fere dixerim; utpote cujus, nec apud Saxonem, nec in toto Historiæ Norvegicæ opere Sturlæsoniano, quod ritus, instituta & leges Septentrionis antiqui, ut alibi, ita in Svecica illa *Ynglingorum Historia*, passim percenset, nec in aliis monumentis patriis biographico-historicis, quod meminerim, ulla fiat mentio; & ne exemplum fere, si ea, quæ superius attulimus, exceperis, quæ historici ut rara & insolentia annotarunt, quod utique non fecissent, si maritis superesse per legem publicam & communem patriæ consuetudinem viduis nefas fuisset. Accedit, quod non modo virginum, sed nuptarum quoque foeminarum, connubia per certamina singularia & bella acqvirendi modo, in regnis his borealibus ante monarchiam nihil fuerit frequentius; quod, si omnibus viduis violenta morte cum primo marito pereundum, & nullæ nuptiæ secundæ licitæ fuissent, locum habere non potuit. Nequid de innumeris fere exemplis dicam, quæ viduas non modo marito primo superstites fuisse, sed & ad iteratum matrimonium citra omnem opprobrii aut infamiæ notam progressas esse docent. De quibus infra pluribus.

- 8) Vid. *Job. G. Keyßl. Antiquit. Septentr. Sect. II. Cap. II. §. X. p. 147.* Sequior sexus Valballe excludebatur, nisi uxor mariti fata sequeretur. *J. Cleff. Antiquit. Germ. Sept. Cap. I. §. XIX. p. 62.* Secundæ quoque nuptiæ mortuo marito usitata fuisse non videntur; & p. 63. Accedit quod mulieres mortuis maritis se ipsas comburere coactæ fuerint, ut gaudiis Valballe fruerentur, quorum participes alias fuisse non poterant; sed exclu-



exclusæ iis erant, nisi violenta morte una cum maritis extinctæ. Uterque vir secutus videtur Tb. Bartholinum; cujus hæc in *Antiquit. Dan. Libr. II. Cap. VI. p. 352. & 353.* verba: *Palatium ejus (Frejæ), dictum Laxa Sessjö, magnum est & pulchrum, quo secundum aliorum opinionem recipiendæ credebantur eorum animæ, qui ipsam præcipue colerent, & nobiliores mulieres ac vim vitæ suæ inferentes.* Hanc opinionem porro Bartholinus partim Magno Olafio, qui matronas sibi honorificum apud Frejam post mortem hospitium promississe scribit, partim Thorgerdæ Egilli f. verbis se debere fatetur; hæc enim cum inedia voluntaria se patri commorituram simularet, non prius, quam apud Frejam, coenare se velle dixit. Vid. *Eigla, Cap. LVI.* Porro, *Libr. cit. Cap. X. p. 507. sequ.* id agit Bartholinus, ut uxores cum maritis defunctis crematas & sepultas fuisse demonstret. Provocant autem hi viri, mea quidem laude majores, quo suæ opinioni patrocinentur, partim ad legem Oddi supra memoratam, partim ad *Eddas*, partim ad *foeminarum* maritis sponte commoritarum exempla. De Lege quidem nostram ante sententiam exposuimus, & exempla quoque tetigimus, infraque tangemus. Pro *Eddis* autem hic spondeamus, nihil iis, nisi valde fallimur, contineri, quod reliquis exclusis, iis tantum foeminis, quæ mortuis maritis, violenta & spontanea se nece pereimerint, Valhallæ gaudia & Frejæ hospitium polliceatur. Thorgerdæ autem exemplum adeo huc non facit, ut contrarium potius adstruat; illa enim non maritum, sed patrem fratremque sponte moriendo secuturam se dixit. Ast Nanna marito quidem commortua fuit, verum non tam morte spontanea quam naturali, etsi  
subi-



subitanea, utpote præ dolore extincta. Nec enim ipsa sibi vim attulit, nec ab aliis occisa fuit. Unde etiam cum marito Baldero apud Helam ab Hermodo inventa est; ibique usque post Deorum Crepusculum utrumque conjugem mansuros, Edda magistra credimus. Et quæ, quæso, amorem conjugalem morte voluntaria testatis heroinis ad Frejam post mortem abeundum, cum hæc dea, a marito Odo deserta, Odinique aut uxor, (teste *Edda in Appellationibus Poëticis*), aut concubina, (vid. *Hist. Ol. Trygv. ed. Scalb. P. II. Cap. XVII. p. 49.*), neutri in amore fidelis, utpote Aforum Alforumque commune scortum, quod illi, nec inficiente patre Niördo, exprobravit *Lokius*, (vid. *Edd. Sam. Od. Ægis-dr. Str. XXX. & XXXIII.*), neutrum morte violenta aut voluntaria secuta, utpote Odino & diis omnibus superstes, teste *Heimskr. Hist. I Cap. XIII. p. 16.* Equidem Magno Olafio, foeminas nobiliores apud Frejam post mortem paratas sibi sedes credidisse statuenti, minime refragor; hoc enim tam Thorgerdæ verba, quam Gefiunæ exemplum, docent. Etenim hæc dea, semper virgo, eas mulieres, quæ virgines moriuntur, post mortem recipere in Edda Snorrii dicitur. Quemadmodum porro viri militares morte violenta peremti Valhallæ gaudia sibi promittebant, ita foeminas ingenuas & nobiles post fata, dearum, Fryggæ, Frejæ, aut aliarum, prouti quæque hanc vel illam viventes præ cæteris coluissent, hospitia sperasse, plusquam credibile putamus. Etsi vero mors cruenta ex religionis Odinianæ principiis diis gratissima fuerit, & Freja casorum stragem cum Odino partiri in Edda perhibeatur, mortis tamen sanguineæ decus ad viros,



non ad foeminas pertinuisse videtur. Unde dii mares, Odinus & Niördus, morti vicini, quo mortem cruentam imitarentur, corpus suum ritu religioso hasta notari fecerunt, teste *Heimskr. T. I. Hist. I. Cap. X. & XL. p. 14. & 15.* quod deas, Fryggam, Frejam, vel alias, fecisse nuspiam legimus. Qvodsi autem Frejam foeminarum morte violenta, quibus tamen ipsa non exemplo, & ne simulato quidem, præiit, delectatam dixeris, certe, cur violentæ istius mortis solum maritorum amorem causam esse voluerit, nulla idonea nec ex Eddis, nec, ut opinamur, aliunde ratio dari poterit, verbis Thorgerdæ, ut ante dictum, palam reclamantibus.

- 9) Univiras ubique fere gentium existimatas, secundas vero nuptias minus honoratas, vel etiam illicitas fuisse, loca supra, §. II. Not. 1. adducta docent, quibus plura nullo negotio adjici possent; verum illis res nota fatis non eget. Idem etiam Boreales, etsi matrimonium iteratum pro illicito non haberent, sensisse vix ullum est dubium. Laudatur Hrefna Kiartani uxor, ulterius post fata mariti matrimonium averſa: a. *Aungvann tók Hrefna mann eptir Kiartan. 3: Nullum Hrefna, post Kiartanum, maritum sumſit.* vid. *Laxdala, Cap. LIX.* Auda, cum ad virum hostibus prodendum ab Ejulfo sollicitaretur, oblatam melloris & commodioris matrimonii conditionem fastidiose & contemptim rejiciebat, omnes sibi præ Gislio maritos fordere palam confessa. Vid. *Vit. Gislii Surſon. Cap. XXXI. p. 172.* Et si ad altiora tempora adſcendere placuerit, Svavam ex Edda Sæmundi producemus, quæ moribunda conjugii Helgio, Haddinga-skate dicto, ut se mortuo fratrem suum Hedinum matrimonio sibi



sibi jungeret, inducere tentanti, respondit: v. *Helga-  
qv. Haddinga-sk. Str. penult.*

Mælt hafda ec þat, i.e. <i>Fidem verbis dederam</i>	
i munar heimi	<i>In sede geniali,</i>
þar er mer Helgi	<i>Ubi me lectis Helgius</i>
hringa valdi.	<i>Annulis donabat,</i>
myndiga ec loftig	<i>Me minime lubentem,</i>
at lidinn fylci	<i>Post fata regis (mariti),</i>
iöfr okunnan	<i>Principi incognito</i>
armi veria.	<i>Daturam circum brachia.</i>

- 10) Uxores, quæ maritorum fata morte spontanea & violenta comitatae sunt, admirationem & honorem insignem meruisse, suo exemplo docet Porcia, Catonis Uticensis filia & Bruti uxor; de qua sic *Val. Max. IV. 5.* *Tuos quoque castissimos ignes, Porcia, cuncta secula debita admiratione prosequuntur: quæ cum apud Philippos victum & interemtum virum tuum Brutum cognosceres, quia ferrum non dabatur, ardentes ore carbones haurire non dubitasti, muliebri spiritu virilem patris exitum imitata. Hoc Porciæ facinus etiam concelebrat Martialis, Libr. I. Epigr. XLIII.*

*Conjugis audisset fatum cum Porcia Bruti,*

*Ex subtrac̃ta sibi quæreret arma dolor.*

*Nondum scitis, ait, mortem non posse negari.*

*Credideram satis hoc vos docuisse patrem.*

*Dixit, & ardentes avido bibit ore favillas.*

*I nunc, & ferrum, turba molesta nega.*

Similem ob causam a Plinio & Tacito Arria Pæti uxor laudatur, quæ, quo maritum capitis damnatum ad mortem virili animo oppetendam excitaret, ipsa prius pectus suum perfodit, & extractum e vulnere pugionem marito porrigens, memorabili hac voce



usa dicitur: *Pate, non dolet.* De hoc etiam *Mart. Libr. I. Epigr. XIV.*

*Castra suo gladium cum traderet Arria Patro,  
Quem de visceribus traxerat ipsa suis,  
Si qua fides, vulnus, quod feci, non dolet, inquit:  
Sed quod tu facies, hoc mihi, Pate, dolet.*

Nec splendoris minus aut gloriæ Borealiū uxori-  
bus lethificū maritorū amorem peperisse, Saxonis  
de Gunnilda, Asmundi mariti cruentæ mortis &  
sepulcri socia, docet ephiphonema. Vid. *Hist. Dan.  
Libr. I. pag. 14.* Facet itaque Gunnilda, aliquanto  
speciosius virum busti quam thori societate complexa.  
Idem innuit Brynhilda, cum marito Gunnaro sua &  
suorum fata moribunda caneret, Gudrunamque ipsius  
sororem secundis nuptiis Atli fore uxorem, quem  
suis ipsa manibus esset peremtura, prædiceret. Vid.  
*Edd. Sæm. Od. Sigurdar-qv.*

Sæmri væri Gudrun,	i. e. Plus deceret Gudrunam,
fystir occur	Glorem, me atque
frumver sinom	Primivirum suum
at fylgia daudom.	Mortuos comitari.

*Primivirum (frumver)* Sigurdum Fafnericidam Bryn-  
hilda intelligit, primum scilicet Gudrunæ maritum,  
nuper occisum, & cuius ob amorem semet ipsa inter-  
fecerat Brynhilda.

- 11) Non modo eddicæ heroides, Svava Helgio, Gudrunæ  
Sigurdo & Atlio, de quibus supra, sed & historicæ,  
Moalda Gunnaro, Auda Prædives Rörico, Aslauga  
Regnero Lodbrokio, (vid. *P. F. Subms Hist. af Danm.  
T. I. p. 456. 469. 574.*), Thyra Dannebod Gormio  
Grandævo, (vid. *Hist. Ol. Trygv. ed. Scalb. T. I.  
Cap. LXXIIX. p. 81.*); Asa Malefica Gudrödo, &  
alia

alia Afa Guðrödo Venatori, (vid. *Heimskr.* T. I. *Hist.* I. Cap. XLIII. p. 53. & Cap. LIII. p. 61. conf. *L. cit.* *Hist.* II. Cap. I. pag. 65.); Gūnhilda Ericō Blodöxio & Afa Haraldo Grānkio, (v. *Heimskr.* T. I. *Hist.* IV. Cap. V. p. 129. & *Hist.* VI. Cap. XLIX. p. 244. 245.), & hæ quidem foeminæ principes & reginæ, suo omnes seculo illustrissimæ, maritis supervixerunt. Privata conditionis viduæ, Droplöga Thorvardo, (vid. *Fliótsdala*, Cap. IIX. & IX.), Thorgerda Kollo, (vid. *Laxdala*, Cap. IIX.), Jofrida Thoroddo, (vid. *Vit. Guñl. Vermil.* Cap. I. pag. 20. conf. *Not.* 17. p. 21.), & innumeræ aliæ aliis maritis mortuis, temporibus ethnicis non modo superfuerunt, verum ad novas etiam progressæ sunt nuptias.

- 12) Leges Frothonis III exhibet Saxo Gram. *Hist. Dan. Libr. V.* p. 85. 86.
- 13) Leges Odini commemorat Snorrius. Vid. *Heimskr.* T. I. *Yngl. S.* Cap. IIX. p. 13.
- 14) Quam facile illa lex, si unquam exstiterit, eludi per divortium potuerit, suo exemplo monstravit Sigrida Imperiosa. De divertendi facultate, uxoribus Borealium ab antiquissimis temporibus licita & exercita, vid. infra, §. XXIX. & XXX.

### §. XXV.

Ad maritorum in uxores potestatem regredior. Hujus præcipua fuere capita :

I) *Jus uxorem remaneipandi*, & II) *alteri emancipandi*. Per stipulationem sponsalitiā



& infecutas nuptias foemina ex patris potestate in viri potestatem transibat, atque, ut veteres Romani loqui solent, *in manum*, i. e. in potestatem viri *conveniebat* (1). Ejusmodi actum, quo pater filiam marito in manum tradebat, *emancipationem filiae* Romani vocabant (2). Quoniam igitur unum quodque eo modo dissolvi potest, quo colligatum est, & quæ in jure contrahuntur, contrario jure pereunt (3), ita potestatem in uxorem, per justas nuptias in se translatam, potuit maritus eodem, quo tradiderat pater, jure, & abdicare & in alterum transferre. Nimirum potuit maritus uxorem sibi a patre mancipatam, & remancipare (4), & non secus ac pater filiam, alteri emancipare (5). Utique igitur uxoris, non dimittendæ modo, sed & alteri in matrimonium dandæ, jus habuere mariti, non solum Romani, sed & prisca Boreales. Argumentis historicis utrinque res adstruitur (6).

1) Romanorum uxores, sive per *confarreationem*, sive *coëmptionem* maritis locarentur, in viri potestatem transibant. Hac de re Heineccii verba afferre non piget.

Vid.





Vid. *libr. & loc. supr. §. XXIII. Not. I. cit. Auctores* sane omnes fatentur, uxorem convenisse in manum. Manum vero in jure significare potestatem *trahititium* est. Imo Gellius multo disertius uxorem ejusmodi in *mancipio* fuisse statuit. In *mancipio* vero esse procul dubio includit potestatem, imo & ipsum dominium juris *Quiritium*.

- 2) Nempe *emancipare* liberos pater dicebatur, cum eos e potestate patria dimitteret. Hoc in filiabus fiebat, cum illæ per *coëmptionem* nuptialem maritis in manum traderentur. Huc spectant ista Terentii, *Andr. Act. I. Scen. V.*

*Te isti virum do, amicum, tutorem, patrem.  
Bona nostra hæc tibi permitto, & tuæ mando fidei.  
Hanc mihi in manum dat. — — —  
Accepi, acceptam servabo.*

Conf. Heinecc. *Antiquit Rom. I. 10. 15. & I. 12. 11.*

- 3) Verba sunt Heineccii, *Libr. cit. I. Adpend. §. XLVII.*  
4) *Remancipationem* Romani dicebant actum, quo maritus uxorem per *coëmptionem* adscitam repudiabat. Vid. Heinecc. *Libr. cit. I. 10. 13.* Hinc Festus dixit: *Remancipatam* Gellius esse ait, quæ *mancipata* sit ab eo, cui in manum convenerat. Quemadmodum triplici ratione matrimonia apud Romanos contrahebantur, nempe *confarreatione*, *coëmptione* & *usu*; ita triplex quoque dabatur matrimonia rescindendi modus. Nimirum conjugum per *confarreationem* initum *diffarreatione*, per *coëmptionem* *remancipatione*, & *usu* contractum *usurpatione* solvebatur. Vid. Heinecc. *Libr. cit. I. 10. 1. & I. Adpend. §. XLVIII.* Divortia autem ex lege Romuli, & semper deinceps, certas ob causas maritis concessa fuisse, supra, §. II.



Not. 2. monstravimus. Eadem quoque Borealibus licita & crebro satis usitata olim fuisse, infra mox ostendetur.

- 5) Apud Romanos potestatem patriam per coëntionem nuptialem a patre in maritum transisse, ita ut quæcunque patri in filiam, ea marito quoque in uxorem licuerint, multa sunt quæ evincant. Nempe uxores 1) antiquissimis temporibus assumere nomina maritorum, tanquam filiarum: ex gr. Antonia Drusi, Domitia Bibuli, Messalina Neronis, &c. 2) tanquam liberi nihil sibi, sed omnia maritis adquirebant; 3) maritorum erant hæredes, non secus ac filiarum; 4) maritos factorum judices domesticos agnoscebant, a quibus delinquentes non modo castigari, sed & pro arbitrio puniri poterant; & 5) insignis hac de re *Caji* apud *Pariatorem* locus: *Sororis loco liberis fuisse matrem aut novercam, quæ per in manum conventionem apud patrem eorum jus filiarum consecuta sit*; quæ omnia plenius pertractat Heineccius *Libr. cit. I. 10. 6. III. 1. 2.* Nihil tamen evidentius rem illam demonstrat, quam 6) lepidum istud Qviritorium jus, quo marito uxorem propriam, a se remancipatam, non secus ac filiam, alteri despondere & in matrimonium dare licebat. Et hoc quidem non furtim & in angulo, sed palam & solenniter, non ab umbraticis hominibus, sed a viris clarissimis, jurisque patrii cum peritis tum observantibus factum, gravissimorum auctororum fide & testimoniis constat. Catonem Uticensem, quo viro virtutis & justitiæ vix alius rigidior satelles, uxorem Marciam præsentem despondisse Hortensio, refert Plutarchus, in *Catone*. Liviam, Drusi Claudiani filiam, despondente Nerone, cui ante nupta fuerat, Casari August-

Augusto nupfisse, perhibet Vellejus, II. 94. Hanc Caesar (Augustus) cupidine forma, abstulit marito, incertum an invitam; adeo properus, ut, ne spatio quidem ad enitendum dato, penetibus suis gravidam induxerit; teste Tacito, *Annal. V. 1.* De hoc matrimonio Dio Cassius, *Hist. Rom. XLIX. 44.* refert. Ambigentem Caesarem, fasne sibi esset, eam praegnantem ducere, a pontificibus sciscitatum fuisse; responsumque, si, an concepisset mulier, dubitaretur, opus esse ut nuptiae differrentur; quia vero de eo constaret, nihil impedire, quin statim fierent. Fortasse id in jure a majoribus tradito vere invenisse pontifices; profecto vero ita, ac si nihil invenissent, respondisse. Haecenus Dio. Pontifices illos per ludibrium consultos existimat Tac. *Annal. I. 10.* Addit porro Dio, *L. cit.* Respondit autem Liviam ipse maritus, dicta dote, ut pater. Tertium id genus matrimonii exemplum ex eodem Dione dabimus, *Hist. Rom. LIX. 12.* Paucis interpositis diebus Caeus (Caligula Imperator) Lolliam Paullinam duxit, coacto ejus marito Memmio Regulo, ut eam sibi desponderet, ne praeter leges videlicet non desponsam duceret. Hujus conjugii meminit Svetonius, in *Vita Caei Imper. c. 25.* Lolliam Paullinam C. Memmio consulari, exercitus regenti, nuptam, subito ex provincia evocavit, ac perductam a marito conjunxit sibi. In quae Svetonii verba Josephus Scaliger sic commentatur: Augustus uxorem Liviam a priore viro Nerone abducens, eam tanquam a patre traditam accepit; ita etiam Caligula Lolliam Paullinam a Memmio accipiens, coegit eum sese illius patrem profiteri. — Non poterat eam ducere, nisi desponsatam: desponsare autem patris est. Patrem igitur maritum sese dicere coegit. In



quo tamen, an non falsus, & ab Eusebio, eadem asserente, seductus vir magnus fuerit, nescio. Non enim, ut patrem se uxoris diceret, Cajus Memmianus adegit, patria enim in uxores potestate jure Quiritium gaudebant Romani, sed, ut hac potestate contra propriam voluntatem uteretur, dum uxorem invitus remanciparet, & Cajo in matrimonium desponderet daretque, ad hoc ab Imperatore coactus fuit.

- 6) Jus illud singulare Quiritium, quo uxorem maritus vivus cedere, & alii in matrimonium dare potuit, in Septentrione olim exercitum viguisse, quis crederet. Rem tamen exempla mox adducenda condocent. De Gramo Daniæ Rege habet Saxo, *Hist. Dan. Libr. I. p. 6. Educatoris sui Roari filiam, coævam sibi collataneamque, quo majorem incunabulis gratiam referret, uxorem adscivit; quam postmodum Bessô cuidam, quod ejus strenua opera sæpenumero usus fuerat, mercedis loco conjugem tribuit.* Ob nullam igitur uxoris offensam aut culpam, sed in gratiam amici, conjugem alteri cessit Gramus. Secus autem Frotho III. Daniæ Rex fecit, qui uxorem Hanundam in poenam adulterii Rollero elocavit; quæ uxoris cessio cum repudio ignominioso conjuncta fuit, teste Saxone, *Hist. Dan. Libr. V. p. 81.* Ne quis autem suspicetur, hoc solis olim regibus licuisse, exempla dabimus, quæ privatos etiam homines idem sibi juris in uxores sumsisse commonstrent. Paulo infra prima occupatæ Islandiæ tempora duos insulæ colonos Landuama memorat, Illugium & Holmstarrum, qui uxores inter se commutarunt. Verba auctoris hæc sunt, *Vid. Landn. P. I. Cap. XXI. p. 49. 50. Illugi Raudi keypri vid Holm Starra bædi lundom, oc konom, oc lausa-fe öllo, þá feck Illugi Jörun-*



*Þórunnar dóttur Þormóðar Þjóðstara sonar af Alftanesi. Enn Sigríður sem hann átti áður hengdi sig í bofenu, þófar þá vildi eigi manna-kaupin. 3: Illugius Rufus & Holmstarríus tæm þrædia & uxores, quam omnia bona mobilia inter se commutarunt. Fortunam igitur Þormodi filiam, Þjóðstara Alftanesensis neptem, tum duxit Illugius. Sigríða autem, ejus antea uxor, maritorum permutationem exosa, in fano uicem sibi suspensio conscivit. Unde inconsultis uxoribus id fecisse maritos simul colligitur. Emtio venditio insolens quidem & faceta, sed quæ jure licita fuisse videtur. Id igitur reuera effectum dederunt Illugius & Holmstarríus, quod Plautini senes, Callicles & Megaronides per jocum reciprocavunt: *Vin commutemus (uxores)? tuam ego ducam, & tu meam?* Vid. *Trinum.* l. 2. 21. Aliud porro uxoris in matrimonium alteri concessæ exemplum Floamannorum Historia suppeditat. Nimirum Þorgílfus quidam, Comitís Atlíi Gracilis, (cujus in *Heimskr. T. I. Hist. III. Cap. XIII. p. 87. & 88.* & alias passim fit mentio), pronepos, cum in Norvegiæ ad prædia avita reposcenda trajecisset, a Comite Hladensi Haco, qui Norvegiæ regnum tunc temporis usurpabat, ad reditus Regis Norvegi exigendos unacum præfecto regio, nomine Thorsteino-Albo, in Hæbudas mittitur. In hac expeditione naufragium passus, & apud Olafum, Chatnesiæ, quæ Scotiæ pars maxime borealis freto Pethlandico & Orcadibus obtenditur, Comitem hyemans Gudrunam Comitís sororem, pirata Surto eandem ambiente singulari certamine prostrato, uxorem meruit. Negotiis deinde sibi mandatis in Hæbudibus prospere defunctus, cum uxore & sociis in Norvegiæ revertitur. Hic aliquam-*



aliquamdiu excursibus piraticis vacans, susceptoque interim ex uxore filio Thorleiko, in patriam tandem priusquam abiret, amico & socio Thorsteino Albo uxorem Gudrunam in matrimonium locavit, his ad Thorsteinum verbis usus: *Ec bes reynt þic góðann dreing; mun ec nú oc launa þer med einnre giöf; skal ec gefa þer Guðrúno kono mína, því þat bes ec fundit, at þú besr lagt ástar-þocka til bennar, þótt þú basir vel med þat farit. Þorsteinn þackadi miðe giöfna, oc þótti mönnum mikils um þetta verðt. 3: Te virum fortem bonumque expertus dono nunc uno remunerabor. Uxorem enim meam Gudrunam, in quam tunc quidem, sed qui honestatis & amicitiæ regular nunquam migraverit, amor mihi suboluit, in matrimonium tibi dabo. Insignes pro munere gratias Thorsteinus retulit; factumque præclarum iuit in ora sermonesque hominum. In Islandiam deinceps redux Thorgilfus, ducta uxore Thoreya, liberos procreavit. Vid. Hist. Floamann. Cap. XVII. sequ. Hæc de ultronea uxoris cessione jam dicta. Verum fuit etiam, cum uxorem maritus alteri invitus cedere cogeretur. Quando quis nimirum alterius uxorem suam esse cuperet, moris erat, ut marito procus conditionem denuntiaret, ut, aut certamine singulari secum confingeret, aut uxorem sibi concederet. Quodsi in arenam descendere maritus non sustineret, uxor erat provocanti cedenda, quæ cessio ignaviæ infamis notam sequacem marito semper impressit. Hunc modum acqvirendi matrimonia per monomachiam, qui, at skora á bólm til kono, vocabatur, & in Septentrione ad religionis usque mutationem viguit & legitimus habebatur, supra §. XXII. Not. 5. tetigimus. Illa consuetudo creberrima*

berrima etsi exemplorum abundet copia, unum tamen alterumve, ne fidem lectoris gratuitam poscere videamur, brevitatis studiosi dabimus. Uxorem sibi cedendam. Biörnus Arium postulavit; de quo vid. *Vit. Gislíi Sursonii*, Cap. I. *Biörn giörði Ara tvo kosti, hvört er hann vill beriaft við hann í bólmí þeim er þar liggr í Svínadal, oc heitir Stocka-bólmí, edr vill hann selja bonum í hendur kono sína. Hann quaddst skiótt heldr beriaft vilja, enn bæði hann oc kona hanns yrðu at skaumm.* ∴ *Alternam Ario Biörnus conditionem proposuit; alterutrum nimirum eligere jubet, ut, aut secum in parva Svínadalia, (locus erat Norvegiæ), insula, quæ Stocka-holmur dicta, duello dimicaret, aut uxorem sibi emanciparet. Arius illico, certamen suæ & uxoris ignominiæ se prælaturum, respondit. Eandem ob rationem Samus quidam a Bialfio fuit laceffitus; teste Hist. Floamann, Cap. XXXI. Sá madr bió skamt frá Þorgilse er Sámr bet. Kona hanns bet Þorsinna. Sá madr var þar í sveit er Biálfe bet, oc var uværdarmadr. Hann glapti kono Sáms, oc settiz í bú hanns laungam, enn beitadiz við bónda: Honum likadi þetta illa. Biálfe baud bónda bolmgungo, ella gefa upp kono sína.* ∴ *Haud procul a Thörgilso habitavit Samus, qui uxorem habuit nomine Thorsinnam. Erat in ea tribu Bialfus quidam, turbulenti vir ingenii, qui in adibus Sami hospes gratuitus & incatus diu hæsit, quin & matrem familias ad illicitam consuetudinem sollicitant, maritum, rem ægrius ferentem, minis terruit, & aut singulari secum pugna digladiari, aut uxorem emancipatam sibi concedere iussit. Provocato tamen a ium, qui sua vice cum provocante confligetet, substituere licebat; quo hic officio vicario cum Thorgilsus fun-*



fungeretur, Samus æmulo liberatus est. Cæterum non tam de cōacta, quæ ad modos acquirendi uxorem pertinet, quam de ultronea uxoris cessione hic agitur. Non solum uxor legitimis ducta nuptiis, sed & *foemina viro in matrimonium pacta, alteri ultro concedi poterat.* Biörno Hitdalsensium Athletæ, priusquam in Norvegiam trajiceret, in matrimonium pacta fuit Oddnyæ quædam. In Norvegia autem Biörnus contribuli suo Thordo Kolbeini filio annulum tradidit, Oddnyæ a se muneri deferendum; de quo *Vit. Biörni Hitdal. Atbl. Cap. III. Mst. Þorðr fór vel með erindom Biarnar þat sinni, oc sagði hann koma munda at vitia ráða-bagðins við Oddnyo, oc feck henni bringinn, enn quæd Biörn hafa gefit sér ráða-baginn ef hann andadiz, eða kæmi hann eigi til Íslands.* 3: Biörni mandata tunc quidem fideliter executus est Thordus, annuloque Oddnyæ tradito, dixit Biörnum, quo pacti matrimonii fidem adimpleret, rediturum; sibi vero hoc matrimonium dedisse, si ipse vel peregre moreretur, vel in Islandiam non redierit. Ejusmodi autem donatio, nisi patris vel tutoris foeminæ consensus accederet, rata fuisse non videtur, conf. *Libr. cit. Cap. V.* Quandoquidem autem de matrimonio alienato & in alterum translato sermonem hic instituimus, omittenda non videtur species conjugii, ut parum triti & vulgaris, ita suis in Antiquitatibus patriæ exemplis non destituti. Quando vir, alienum nomen mutuatus, mulieris procum ageret, desponsamque uxorem duceret, eo tantum consilio & eventu, ut eam, sibi interim intactam, ubi tempus & locus permiserint, alteri marito destinato conjux personatus uxorem traderet. Istud *matrimonium vicarium & fiduciarium* non absurde dix-





dixeris. Hac ratione Gunnaro Giukungo uxorem Brynhildam Budlii filiam conciliavit Sigurdus Fafue-  
ricida. Rem ita *Eddæ & Historia Volsungorum, Cap. XXXV.* perhibent. Gunnarus, Brynhildam uxorem ambiturus, fratres suos & Gudrunæ sororis maritum Sigurdum comites assumfit. Ubi autem ad Brynhildæ sedes perventum esset, locus igne circumdatus traditur, quem nemini præter Sigurdum transire licuit. Hic igitur, igne penetrato, ad Brynhildam ingreditur, *Gunnarique nomen & personam professus, illam uxorem procatur & obtinet.* Aliqvot ibi dies moratus, noctuque communi cum Brynhilda lecto utens, *gladium nudum simul eubantibus interponit,* & miranti hoc Brynhildæ, ut id fieret, vitæ suæ interesse respondet. Ad suos deinde regressus *Brynbildam,* rei per fraudem gestæ igneram; *Gunnaro,* ut marito destinato, *in matrimonium tradidit.* De hoc do'lo qveritur Brynhilda in *Edd. Sæm. Od. Helreid Brynb.*

Svafo víð oc undom	i. e. Dormiebamur contenti
i sæng einni	In uno cubili,
sem hann minn brodir	Non secus ac frater
um borinn væri.	Meus esset germanus.
hvarþki knátti	Neutri nostrum
hönd yfir annat	Brachiis alterum
átta nóttom	Octo noctibus
occort leggja.	Amplecti licebat.

Hæc etiam fuit causa, cur Brynhilda sibi & Sigurdo simul *cremandis nudum interponi gladium præceperit.* Vid. *Edd. Sæm. Od. Sigurðar-qv.*

Liggi occur enn milli	i. e. Etiam nunc inter nos
málmr hringvaridr	Faceto cinctum metallo
eggðvaft járn	Acutumque ferrum,

fvà



sua endrлагit.

Þá er vid bædi

bed einn stígom

oc hetom þá

hióna nafni.

*Ita repositum, ac*

*Quando uterque*

*Stratum idem ascendimus,*

*Tumque dicebamur*

*Nomine conjugum.*

Cæterum moris antiquis fuisse videtur, quando quis foeminae, quam tamen attingere nollet, noctu accumberet, nudum cubantibus ensẽ interponere. Hoc saltem nocturno castimonie custode usus traditur Hrolfus Pedes, Ingegerdam in Daniam secum perducens; de quo *Vit. Hrolfi Ped. Cap. XVI. Mss. Þau toko náttstad undir skógi einom, oc skuto ser laufskála oc láo samian bædi, enn leto nakit sverd i milli sin.* 2: Forte sub sylva quãdam nocturnae quietis locum eligebant, ubi casa sibi ex arborum ramis raptim excizata, eodem ambo strato utebantur, ita tamen, ut nudus ensis cubantes dirimeret. Et si vero Ingegerdam uxorem speraret Hrolfus, opinioni tamen temporum & decori obtemperandum fuit, omne sponsi cum sponsa ante nuptias corporis commercium infami contumelie ducentium; cujus testem habemus Saxonem, in *Hist. Dan. Libr. V. p. 89. Interea Hithinus apud Högnium quorundam obtreccatione insinulatus est, quasi filiam ejus ante sponsalium sacra stupri illecebris tentasset, quod tunc immane cunctis gentibus facinus habebatur.* Conf. supra, §. XVII. Not. 8. §. XIIIX. Not. 1. & §. XX. Alterum matrimonii vicarii & fiduciarii exemplum *Vita Viglundi Pulchri, Cap. XVI. pag. 29. 30.* subministrat. Ob cædes patratas capitis publice reus Viglundus cum patria tantisper excedere cogeretur, suaque interim Ketilrida a proco incommodo, cujus rebus mater Ketilridæ impe-



imperiosa studebat, urgeretur, Viglundi patruus Helgius, consilio prius cum amantium patribus clanculum inito, *Thordique nomine assumpto*, e longinquo profectus *Ketilridam in matrimonium* poposcit, & patre despondente invitam *obtinuit*, domumque, ubi nuptias se celebraturum dixit, secum abduxit. Eo perducta Ketilrida uxoris loco in speciem Helgius utebatur, dilatis tamen nuptiis. Tradita enim domestica clavium potestate, in *lecto communi*, sed latiore & *sponda intermedia distincto*, nec sub iisdem stragulis, noctu Ketilrida cubabat. Nempe, si ita fors ferret, ex. gr. in itinere vel hospitio, ut in eodem cum viro cubili nox agenda foeminæ, vel innuptæ vel alteri maritatæ, sine opprobrio id fieri potuit, modo interjectus asser aut sponda cubantes sejungeret. Talis accubatio nocturna nec fraudi fuit Sturlogo Laborioso, Ase jam marito, & Vefrejæ, de quibus *Vita Sturl. Lab. Cap. VI. Þá let kerling stock á milli þeirra, en láu þó hafi á einu bægindi um nóttina, oc áttu tal saman.* 3: Tum jacentibus asserem anus interposuit, ita tamen, ut eidem ambo cervicali incubantes, noctem colloquio transigerent: nec Kormaco & Steingerdæ, de quibus in hospitio fortuito pernoctantibus, habet *Vita Kormaci Mst. Um nóttina hvíldi sino megin brikar hvart þeirra,* 3: per noctem juxta cubantes interposita sponda dirimebat. Duravit autem ante memoratum Helgiū & Ketilridæ contubernium, usque dum *Viglundo* in patriam *reverso Helgius*, exposita fallacia, *Ketilridam* marito destinato uxorem, legitimis nuptiis ducendam, concederet, (in *Hist. cit. Cap. XII. p. 33.*), his inter alia Viglundum alloquens: *Nú vil ec eigi leynd þic nafni míno: ec heitir Helgi, oc er ec sonr Eiríks íarls.*



oc sva fadir þinn. Bad ec því Ketilridar, at ec villða geyma bana banda þer; er þú oc óspillt af mer. 3: Nec nomen meum te diutius celabo: Helgius enim dicor, eodem, quo pater tuus, nempe Erico Comite, patre prognatus. Ketilridæ autem matrimonium eo consilio ambiebam, ut illam tibi uxorem conservarem; nec ulla a me corporis consuetudine illa hætenus est temerata.

### §. XXVI.

Discissi a viris matrimonii exemplis refertissima est historia borealis (1). Solvebant autem mariti conjugium, I) partim effectu & usu (2), si aut uxorem vel ipsi abeundo defererent (3), vel repudiatam ad suos dimitterent, nec recipere vellent (4), aut præfenti vel cohabitationem & officia conjugalia denegarent (5), vel novam uxorem publicis nuptiis superinducerent, absque tamen solennitatibus divortiorum legitimis. Quocunque hoc modo matrimonium solveretur, *divortium usufructuarium*, Borealibus, at *láta konu eina* (6), vocabatur. II) Partim ritibus solennibus (7) adhibitis uxori repudium renuntiabant, quod *divortium legitimum*, at *segia skilit*

*skilit vit konu*, appellari consuevit (8). Ad legitima diyortia *causæ fonticæ* (9) legibus definitæ reqvirebantur. *Causæ fonticæ diyortiorum*, olim *brautgangs-sakir* dictæ (10), fuerunt omnia, siue delicta graviora, siue defectus naturales, quæ uxorem matrimonio aut indignam aut inhabilem reddere putabantur. In hunc censum venere, adulterium, si vitæ mariti insidiaretur, si liberos vel supposuisset, vel contra mariti mandatum aut alendos e medio sustulisset, aut exponendos clam aluisset, si filiam injussu mariti nuptum dedisset; si sexum vestitu mentita esset; horum veneficia, sterilitas, senectus, imperiosa morum asperitas, & forte alia referenda sunt (11). In diyortiis legitimis, si liberi essent communes, eosque pater retineret, dotem reddere maritus non tenebatur. Si sterile fuisset conjugium, dos repudiata, maxime si ob defectus naturæ, nulliusque delicti gravioris rea dimitteretur, denegata fuisse non videtur (12). Idem quoque de diyortiis usuariis valet, nisi quod causas fonticas de-



clarari haud necesse esset; ejusmodi enim uxorum repudia satis frequentia & fere arbitraria olim fuerunt (13).

1) Postquam uxorem Romæ primus ob sterilitatem Carvilius Ruga dimisisset, eo sensim divertendi licentia excrevit, ut illi Augustus, eumque secuti Imperatores, latis legibus modum imponere sint coacti. Qua de re & ea, quæ supra §. II. attulimus, & longe plura apud illos, qui de divortiis Romanorum data opera scripserunt, consuli possunt. Inter alios, vid. S. Pitisc. *Lex. Antiquit. Rom. ad voc. Divortium.* Alex. ab Alex. *Gen. Dier. Libr. IV. Cap. VIII. p. 953. sequ.* nec non Heinecc. *Antiquitat. Rom. Libr. I. App. §. XLIV. sequ.* In Septentrione autem quamvis matrimonia univérse satis casta, & adulteria ut infamia ita capitalia olim fuerint, divortia tamen ab omni ævo licita ac usitata fuisse, exemplorum in historiis obvia farrago commonstrat. Ex tanta vero multitudine, ubi res poposcerit, inferius pauca dabuntur.

2) Divortiorum duplex esse genus, ipsa rei natura loquitur. Si enim in foro publico, ob causas fonticas, ritibus, cærimoniis, & verbis solennibus lege præscriptis solvatur matrimonium, *divortium legitimum*; sin absque his conjugum inter vivos cesset, *divortium usuarium*, dici debet. Utrumque Romanis notum fuisse, Ovidius testis: *De Remed. Amor. v. 669. sequ.*

*Tutius est, aptumque magis discedere pace,  
Quam petere a thalamis litigiosa fora.*

Ejusmodi divortii meminit Cicerò, *de Orat. I. 40.* Cum pater familias uxorem prægnantem in provincia reliquisset, Romæque alteram duxisset, neque nuntium  
priori



*priori remisisset.* Qvin & usufructuaria ejusmodi divortia cum legitimis eundem valorem habuisse, ex *Caji ad Leg. Juliam de Adult.* verbis satis colligitur: Si ex lege repudium non sit missum, & ideo mulier adhuc nupta videatur, tamen si quis eam uxorem duxerit, adulter non erit. Boreales quoque maritos tacitis hiis & usufructuariis divortiis, quæ dimissæ uxori ad alteras nuptias jus dederint, crebro usos, exemplis mox probatum ibimus.

- 3) Odus Frejam, quæ postea Odini vel conjux vel concubina fuit, de quo supra, §. XXIV. Not. 8. p. 129. Vanlandius Sveciæ rex Drifam, vid. *Heimskr. T. I. Hist. I. Cap. XVI. p. 19.* Oddus Sagittarius Alvaram, vid. *Vit. Örvar-Oddi, Cap. X.* Asmundus Thoram, vid. *Landn. P. II. Cap. VI. p. 72.* Geirmundus Thuridam, quæ postea Gudmundo nupsit, vid. *Laxdala, Cap. XXIX. & XXX.* Skidius Ingveldam, vid. *Svarfdala. Mst.* aliique multi uxores abeundo deseruerunt. Desertio uxoris, quæ plerumque contumeliosa & affinitatibus semper ingrata fuit, vel palam fiebat, vel clam & furtim. *Fugitiva* & clandestina uxoris *derelictio*, quæ, ut *blaupaz brót frá kono*, dicebatur, præsertim si ob ignaviam pauperem, uxorem & liberos aleæ detrectantis fieret, sordida & infamis habebatur; poteratque desertor ad suos sustentandos a magistratu tribuli vel uxoris necessariis adigi. Ejusmodi nebulonem, nomine Asbiörnnum Vegghamar, commemorat *Flórisdala, Cap. XIV. Mst.*

- 4) Hanundam repudiatam ad patrem remittere decrevit Frotho III. vid. *Sax. Hist. Dan. Libr. V. p. 81.* Aam uxorem cum dote ad suos remisit Hiörleifus Mulierosus, teste *Vita Halsi ejusque Pugil.* De Visburo



Sveciæ rege tradit *Heimskr. T. I. Hist. I. Cap. XVII. p. 20.* *Visbur* geck at eiga dóttur *Auda* ens *Andga*. — Enn *Visbur* let bana eina, oc feck annarar kono; enn bæn fór til fódur síns med sonu sína. 3: *Visburus Audii Divitis filiam uxorem duxit.* — *Verum, ea derelicta, aliam thori sociam adscivit Visburus; quare ad patrem illa rediit, filiis comitata.* *Haraldus Pulchric. ducta Ragnhilda, uxores, quas antea habuit, dimisit; quæ ad suos cum liberis se contulere.* *Vid. Heimskr. T. I. Hist. III. Cap. XXI. pag. 97.* *Thorbiörnus* *Klercus* repudiatam *Ingigerdam* uxorem, patre orbam, ad fratrem *Sveinum* remisit; quam frater bene quidem excepit, insigni tamen contumelia hac re affectus sibi videbatur, *vid. Hist. Orcad. ed. Hafn. p. 249.* De *Viga-Skuta* habet *Vita Viga-Glumi, ed. Hol. Cap. XVI. pag. 210.* *Glúmr* gipte þorlaugu dóttur sína *Viga-Skutu* ad *Myvaine* norður, oc fyrir sakir þeirra fundurlyndis, þá let hann bana fara heim til þverár, oc let bana eina. Þar líkadi *Glúmi* þúngt. Síðan had bennar *Arnor Kerlingar-nef*, oc átti bana. 3: *Filiam Thorlaugam Viga-Scutæ Myvænensi uxorem locavit Glumus.* Horum vero adeo discors matrimonium fuit, ut uxorem maritus repudiatam ad prædium *Tbveraa*, (penates paternos), remisit; quæ res *Glumum* graviter uffit. Illam deinde *Arnorus*, cognomine *Kerlingar-nef*, nuptiis ambivit & obtinuit. Ex quibus locis liquet, tum repudium uxoris, ejus cognatis semper ingratum & contumeliæ loco habitum; tum repudiatæ ad alteras nuptias progredi integrum fuisse.

- 5) Thori consortio si uxorem maritus prohiberet, eo ipso repudium fecisse censebatur, aut saltem uxori divertendi causam & occasionem dedit. *Gudruna Olaso Trygvi.*





Trygvino nuptiis copulata, regem maritum in thalamo cultro transfodere voluit; quod præsentiens rex, cultro illi erepto proripuit se stratis. Illa itidem surgens abiit; nec unquam postea ejusdem cum rege thori particeps facta est. Nempe ipso facto repudiata ad suos rediit, vid. *Heimskr. T. I. Hist. VI. Cap. LXXIIX. p. 275.* Oddnyam uxorem, illicitæ cum Biörno consuetudinis suspectam, lecto geniali maritus prohibuit; res tamen, abeunte Biörno, ad conjugum qualemcunque concordiam perducta est, vid. *Vit. Biörni Hirdal. Atbl. Cap. XIV. Mst.* Thorkillus uxorem Asgerdam, fidei conjugalitatis proditæ confessam, in lectum communem admittere cum nollet, illa divortium idcirco legitimum comminabatur. Quod audiens maritus iram paulatim remisit, affinitatum similitudines & dotis jacturam haud dubie veritus; vid. *Vit. Gislai Sursonii, Cap. IX. p. 131.*

- 6) Sic vocatum olim fuisse uxoris repudium, usurpando factum, docet *Heimskr. Tom. I. Hist. I. Cap. XVII. p. 20.* & *T. I. Hist. VI. Cap. XLIX. p. 245.* & *T. III. Hist. XII. Cap. XXXIX. p. 291.* nec non *Vit. Viga-Glumi, Cap. XVI. p. 210.* & *Laxdala, Cap. XXXV. Mst.*
- 7) Solennes legitime divertendi ritus & Romanis & Borealibus olim fuerunt. Apud Romanos antiquissima fuit *diffarreatio*, quæ, teste Festo, *Libr. IV. genus erat sacrificii, quo inter virum & mulierem fiebat dissolutio. Dicta diffarreatio, quod fiebat farreo libo adbibito.* Conf. *S. Pitisci Antiquit. Rom. ad voc. Diffarreatio*; nec non *Alex. ab Al. Dier. Gen. Libr. II. Cap. V. p. 281.* Hoc sacrificium triste admodum & mali ominis, inque illo multos ritus & caerimonias



tristiores adhiberi solitas fuisse, ex Plutarcho probat Heineccius, *Antiquit. Rom. Libr. I. App. §. XLVII.* Ubi autem ista diffarreatio in desuetudinem abiit, matrimonia *remancipando* solvebantur. Hæc ipsa remancipatio suas habuit cærimonias. Nempe solebant 1) tabulæ dotales confringi; 2) claves adimi; 3) dici solennia verba, hæc scilicet: *res tuas tibi habeto*, vel, *res tuas tibi agito*; eademque 4) per libertum pronuntiari, juxta illud Juvenalis, *Sat. IV. v. 145.*

*Collige sarcinulas, dicet libertus, & exi;* vel 5) per nuntium missum conjugî notificari. Denique Augustus, ut divortiis modum statueret, *Lege Julia* cavit, ut 6) divortium fieret, adhibitis præter libertum septem testibus, civibus romanis puberibus; alias pro irritò haberetur. Vid. Heinecc. *Antiquitat. Rom. Libr. I. App. §. XLIIX.* Borealium autem divertendi ritus si cum his conferas, nullum quidem diffarreationis vestigium invenies. Illud autem univèrse de sacrificiis Borealium observandum venit, quod parcam admodum & mancam eorum notitiam nobis relinquant monumenta patriæ; eamque maxime ob causam, quod, si quasdam Eddæ Sæmundianæ Odas exceperis, ab ethnicis temporibus nihil nobis supersit scriptum. Unde factum, ut quicquid de religiosis præsertim majorum ethnicorum ritibus nobis nunc constat, a Christianis scriptoribus sit profectum, quibus paganæ religionis mysteria, & parum cognita, & adeo odiosa fuerunt, ut illa describere rem piaculo dignam existimarent, & hæc omnia abominando magiæ diabolicæ, æternis merito damnandæ tenebris, nomine, (*forneskia*), traducerent. Hæc fata si Romanorum



norum Græcorumve Antiquitates, patriis, ut ego quidem opinor, non admodum vel sapientiores, vel magis aut piæ, aut scitu nobis necessariæ, habuissent, multis magnisque & impendiosis eruditionis antiquariorum voluminibus orbis nunc literatus careret. Verum nec tabulis dotatilibus confringendis, quæ temporibus ethnicis, quibus omnia pactorum & conventionum genera sola testium memoria servari oportuit, nullæ fuerunt, nec libertorum in divortiis ministerio usos unquam Boreales comperio. Claves autem, ut intra nuptiarum auspicia traditas, ita in divortiis redhibitas fuisse, quis dubitet? vid. *supr.* §. XXIII. Not. 2. & 3. Verum hoc magis pro effectu, qui dispensationem uxoris domesticam & penuariam sublatam ac cessantem non potuit non sequi, quam pro ritu vel cærimonia divortiorum apud Boreales olim habitum credimus.

Tres igitur tantum legitime *divertendi ritus*, a Borealibus observari solitos, compertos habemus. Fuerunt autem illi: 1) Solennis *divortiorum formula*, 2) *locus*, in quo pronuntiari debebat, 3) *testes nuncupati*. Hæc tria nos docet auctor Nialæ, rituum & formularum legis patriæ satis sedulus observator. Nimirum Mördus filiam Unnam hunc, quo a marito Ruto, ne quam scilicet, ubi in formulis parum cavisset, exceptioni aut cavillationi, reposcendæ doti interventuræ, daret locum, legitime diverteret, modum docuit. Vid. *Niala, Cap. VII. ed. Hafn. p. 14.* Þá skalle þú gánga til hvílo þinnar oc þeir menn með þer sem forunnatar þínir eru. Þú skalle nefna vatta bíá hvílu blánda þíns, oc segja skilir við bann laga-skilnadi, svo sem framast má at alþingis máli oc allzberiar lögum. Slika vattnefno skalle þú bafa fyrir karl.



dyrum. 3: Tunc cubile tuum adito, viris, qui tecum abibunt, comitata. Ibi tu ante lectum mariti testes nuncupato, legitimumque ac accuratissima atque in universalibus populi comitiis valitura juris patrii normæ congruum, divortium marito renuntiato. Eadem ante fores marium coram testibus nuncupatis pronuntiato. De Unna porro, ad patrem in comitiis tunc versantem delata, idem porro auctor, l. 8 cap. cit. perhibet: *bon geck til lögbergs, oc sagdi skilit vid Rár.* 3: Illa *rupem judicialem*, (locum iudicii publici), *adiens*, Ruto divortium palam renuntiabat. Tria igitur hic sunt observata. Nempe, 1) *verba concepta*, sine quibus nihil, quod actioni legis subesset, peragebant veteres Boreales; vid. *supr.* §. XV. Not. 10. Formula hæc divertendi, quantum ex loco allato colligitur, his verbis constituisse videtur: *Ec N. segi skilit vit N. laga-skilnadi*, 3, *ego N.* (marito v. uxori) *N. legitimus divortium renuntio*; sive, quod eodem recidit: *ego N.* (maritum v. uxorem), *res suas sibi agere legitime jubeo*. 2) Tribus porro locis pronuntiare divertendi formulam filia Mörðus præcipit; nimirum, a) *ante thorum genialem*, b) *ante fores ædium principes*, & c) *in foro*, s. conventu populi publico; conf. *Niala*, Cap. XXIV. Hanc loci observationem etsi in divortiis renuntiandis non habuerint Romani, eorum tamen in adoptione ritus similes reperio. Adoptionem enim, quæ alijs apud prætorem aut magistratum quemcunque, apud quem legis actio erat, fieri solebat, (vid. *Gell. Noct. Att. V. 19.*), etiam non tantum in templo, verum etiam in cubiculo *ante thorum genialem* fieri siveisse docet Plinius, *Paneg. VIII.* Itaque *non tua in cubiculo, sed in templo; nec ante genialem thorum*



zborum, sed ante pulvinar Jovis Opt. Max. adoptatio peracta est. Lecti autem geniales in atrio ex adverso forium, unde adversi dicti, sternebantur; quod ex verbis Horatii, *Libr. I. Epistol. I. v. 87. Lectus genialis in aula est*, quidam probant. Unde ritus divortia ante fores renuntiandi antiquam originem quis deduxerit. Cæterum fores ædium in prædiis rusticis primariæ, posticas enim plures habuerunt, apud præcos Boreales binæ fuerunt; per quarum unas matri familias ac foeminis nobilioribus ac ingenuis, per alteras maribus, hospitibus, & famulitio introitus patebat; unde illæ *kvendyr* (fores foeminarum), hæ *karldyr* (fores marium), nuncupatæ sunt: hæ autem fores ædium principes fuere. Observatio igitur locorum inter Romanos & Boreales in re, uti non prorsus eadem, ita nec omni ex parte diversa, (adoptatio enim non secus ac divortium ad matrimonia refertur), cognationis plusquam fortuitæ non nihil habere videtur. In loco judicii publici, atque adeo in comitiis populi, divortia olim legitima renuntiari siveisse, docet insuper exemplum Thordi ex *Laxdæla*, Cap. XXXV. superius allatum. Verum tria hæc renuntiandi matrimonii loca non semper observata fuerunt: satisque legitime renuntiatum matrimonium interdum est visum, si, aut domi ante lectum mariti, (conf. *Fliótsdæla*, Cap. XXIX. & *Laxdæla*, Cap. XIX.), aut in comitiis communibus & superioribus, quod Unna & Thordus fecere, aut in comitiis tribulibus & inferioribus, (conf. *Laxdæla*, Cap. XXXIV. & XXXV.), facta esset divortii renuntiatio. 3) *Testes* quoque in divortiiis legitimis nuncupatos esse, loca supra cit. docent, in quibus fere semper recurrit: *hann*, (*bon*), *nesndi*



*nefndi ser votta, oc sagdi skilit vit N. 3: Ille (illa) nuncupatis testibus uxori (marito) divorcium publice renuntiavit. De his vero divortiorum ritibus id denique observandum est, eosdem adhibitos olim fuisse, five maritus ab uxore, five a marito uxor diverteret.*

- 8) Divortia publice & ritibus adhibitis renuntiata sic olim vocata fuisse, omnia, quæ de divortiis legi imè renuntiatis vel supra allata sunt, vel inferius afferentur, loca inspecta monstrabunt.
- 9) De justis five *fonticis divertendi causis* apud Romanos notum est illud Nævii: *Sonticam esse oportet causam, propter quam perdas mulierem.* Quasdam earum, ob quas legitime dimitti uxor possit, causarum, supra §. II. Not. 3. recensuimus; quibus hic addimus, sterilitatem, juxta Carvili exemplum, & illud Varonis, ap. Non. II. 73. *A se annos multos quod parere non posset, foras eam betere jussit*; similitates cum focru, morum perversitatem, impudiciam. Vid. Heinecc. *Antiqvæ Rom. Libr. I. App. §. XLV.*
- 10) Voces, *braugångr* pro divortio, & *braugångs salk* pro fontica divortii causa, sumtas, vid. *Laxdala*, Cap. XXXIV. & XXXV.
- 11) Tanta divertendi licentia maritis præsertim fuit, ut uxorum repudia fere essent arbitraria, eaqve divortia pro legitimis haberentur, quæ rite & publice essent renuntiata. Nec mirum igitur, si *ob defectus naturæ*, ex. gr. senectutem, sterilitatem, & imbecillitatem uxoris, solvi conjugium potuerit. Quodsi enim ob impotentiam naturalem uxor a marito, quod Unna fecit, divertere potuit, idem etiam ob eandem causam marito in uxorem licuisse nullum est dubium.

Omnia



Omnia porro *flagitia* & crimina *alias capitalia* justas uxoris repudiandæ causas fuisse, cuius planum & perspicuum. Uxorem *ob adulterium* Frotho III, *ob vitam mariti attentatam* Hiörleifus Mulierofus, eandemque ob causam Gudrunam repudiavit Olafus Trygvii f. Vid. *Heimskr. T. I. Hist. VI. Cap. LXXIIX. pag. 275.* Uxori Ingigerdæ, *ut ejus fratri Sveino injuriam reponeret*, Thorbiörnus Klerens, vid. *Hist. Orc. p. 248.* Uxori Thorhildæ, *in se garrule procaci* Thrainus, ubi tamen loci legitimi parum habitatio, vid. *Njala, Cap. XXXIV. ed. Hafn. pag. 50.* Uxori Audæ *ob vestitum virilem* Thordus Ingunæ f. eo quod braccis instar virorum uteretur, quod legitima divortii habebatur causa, teste *Laxdala, Cap. XXXV.* divortium palam renuntiavit. *Ob hospitium domi frequentiam* ab uxore Thora divertit Asnundus, vid. *Landn. P. II. Cap. VI. p. 72.* *Ob inutuum discordiam* cum uxore Thorlauga Víga-Skuta, *ob imparitatem conditionis & natalium* Ragnarus Lodbrochius, Haraldus Pulericomus, Haraldus Granskus, cum uxoribus aut divortium fecerunt, aut facere saltim cogitarunt; de quibus supra. *Ob diversa sacra & senectutem* Sigridam Imperiosam, in matrimonium sibi pactam, repudiavit Olafus Trygvii f. vid. *Heimskr. T. I. Hist. VI. Cap. LXVI. & LXIIX. p. 264. & 266.* Uxori Thordisæ, *si morem mandatis non gereret*, & Gunnarum Thidrandicidam se absente hostibus proderet, repudium minabatur Helgius Asbiörni filius. Vid. *Fliótsdala, Cap. XX* Hinc ob paritatem rationis satis prone fuit, uxores, quæ injussu maritorum filias elocassent, liberosve supposuissent, aut contra viri mandatum vel alendos exposuissent, vel  
expo-



exponendos aluissent, utpote *mariti dominio immorigeras* & contumaces, jus ad divortium maritis fecisse; quorsum etiam spectabant Thorsteini & Asbiörni in uxores minæ, supra §. XXIII. Not. 5. nobis memoratæ. His equidem omnibus uxorum repudiis ritus solennes non semper adhibitos fatemur; verum ubi de causis divortiorum fonticis agebatur, parum intererat rituum. Haud graviores enim divortia legitima solvendi matrimonii causas interdum habebant, quam repudia sine ritibus facta. Ritus solennes ideo tantum adhibiti videntur, ut repudium, aut eo acrius, quo solennius & manifestius, uxorem ejusve cognatos pungeret, aut, si ob flagitia uxor dimitteretur, dotis retinendæ jus haberent mariti; non nunquam forte etiam repudium palam renuntiantem causæ fonticæ simul declaratæ publice excusabant. Hanc certe ob rationem Thordus Ingunæ f. cum in comitiis Audæ uxori divortium renuntiaret, causam quoque divortii propalam exposuit. Vid. *Laxd. Cap. XXXV.*

- 12) De conventionibus sponsaliorum pecuniariis supra, §. XIII. & XIV. agentes, eas duplices fuisse monstravimus; nempe vel dotem uxoris profectitiam cum stipulato dotis augmento, vel dimidiam bonorum communium partem, matrimonio aut per mortem alterutrius conjugis, aut per divortium soluto, maritus reddere debebat. Utraque conditio in nuptiis Ruti stipulata fuit, vid. *Njala, Cap. II. p. 3. Mörðr svaradi: hugsat bessi ec kostin. Hún skal bafa LX bundrada, oc skal aukaz þrídungi i þinum gardi; en ef þit eigir erfingia, þá skal helmingar-felag med yckr. 3: Regessit Mörður: conditionem jam animo desinivi. Sexaginta bundradas, (CCXL imperiales), habebit, quibus*



bus sub tuâ manu tantum accedet, quantum est dotis profectitiæ dimidium. Sin vero liberos habueritis, bona communia conjuges ex æquo sortiemini. Posterior tamen conditio usitatissima fuit; ut in nuptiis Glumi, vid. Niala, Cap. XIII. *Síðan voru virð fe Hallgerðar, oc skyldi Glumr leggja í móti iann-m.kit*, oc skyldi vera *belmingur-felag med þeim*. 3: Bona Halgerðæ tunc æstimated fuerunt, tantundemque ex suis in rem communem conjugum Glumus conferre debebat; adeoque bona communia inter conjuges ex æquo dividua stipulati sunt. Oddnyam Biörno uxorem cum pacificeretur Sculius, tantundem ex suis in rem conjugum se erogaturum spondit, quantum non modo Oddnyæ doti profectitiæ, sed & hæreditati, quæ sperabatur, paternæ responderet; vid. *Vit. Biörni Hitdal. Atbl. Cap. II. Mst.* Verum temperare mihi non possum, quin Julii Cæsaris de Gallorum priscorum matrimoniis verba hic interferam. Vid. *Bell. Gall. VI. 19.* *Viri quantas pecunias ab uxoribus dotis nomine acceperunt, tantas ex suis bonis æstimatione facta cum dotibus communicant. Hujus omnis pecuniæ conjunctim ratio habetur, fructusque servantur. Uter eorum vita superarit, ad eum pars utriusque cum fructibus superiorum temporum pervenit.* Hæc Gallorum matrimonia, vel nato Servatore antiquiora, adeo Borealium conjugiiis conveniunt, ut rem magis eandem quam similem merito dixeris. Hic enim 1) bona nubentium inter auspicia matrimonii facta æstimatione utrinque æqualiter in rem communem collata; hic 2) dotem profectitiæ ab uxoribus datam, & 3) dotem additiæ, sive stipulatum dotis incrementum, (*vilgjof*), pro usu fructu dotis profectitiæ, simul cum ipsa



ipsa dote, soluto matrimonio, reddendum, quilibet recognoscit. De dotis igitur profectiæ in Evropa antiquitate cum Tacito vix est quod disputetur. De prisca quidem Borealibus res dubiis est exempta, vid. supra, §. XIV. Seculo enim nouo, quo vergente novi coloni, plerique ex Norvegia, quidam ex Dania & Suecia, multi ex Hibernia, Scotia & Orcadibus in Islandiam commigrarunt, sponsalitia hæc stipulatio adeo recepta fuit, ut cum plurima matrimonia Landnama memoret, expressam plerisque dotis profectiæ, (*heimanfylgia*), mentionem adjiciat. Novos autem hos Islandiæ colonos, antequam in legem Ulfiotianam consentirent, terrarum, unde exierant, instituta & ritus retinuisse, notissimum est. Ad institutum revertimur. Interdum ex parte sponsæ pater aut tutor stipulabatur partem bonorum mariti dimidiam, etsi sponsa parum aut nihil dotis ad matrimonium contulisset; qua conditione, vel ob imparitatem natalium, vel amoris impatientiam, subinde sponsus acquieuit. Hoc pacto Droplöga Halsteino, vid. *Fliótsdæla*, Cap. XXIII, & Gudruna Thorvaldo nupsit, illamque conditionem Thorvaldus facto divortio implere, & dimidiam bonorum partem uxori a se divertenti cedere coactus est; vid. *Laxdæla*, Cap. XXXIV. Illud vero & Romani & Boreales circa matrimonia & dotem, uxori post divortium reddendam vel non reddendam, ex legibus & institutis patriis observasse videntur, ut, si matrimonium legitimum & æquale, ac liberi communes essent, uxorque vel a viro ob causas fonticas, nempe flagitia, ex. gr. adulterium, veneficium, infidias mariti aut liberorum vitæ structas, &c. repudiaretur, vel ipsa temere & absque mariti culpa aut divor-



divortii causa fontica diverteret, *liberi legitimi patrem secuti sunt, & dos, uxori negata, pro liberis alendis apud patrem jure manebat. Sin vero illegitimum esset conjugium, sive inæquale, ut inter principem & privatam, ingenuum & servam, sive vel citra consensum patris aut justii tutoris, vel absque sponsaliis aut nuptiis viro foemina consuevisset, liberi inde nati illegitimi, & vel naturales vel nothi erant, matremque sequebantur; dos autem, ut in nuptiis nulla data, ita nec ulla post repudium foeminae reddita. Si sterile esset matrimonium, uxori ob flagitia repudiatae, aut temere & sine culpa viri divertenti, vel si uxor suoapte divertens & ritus divertendi solennes adhibens quid peccasset, a marito dos negari potuit. Extra hos casus ad dotem in sponsaliis stipulatam uxori sive repudiatae, sive sponte divertenti, reddendam adigi maritus jure poterat. De conjugiiis illegitimis cum Romanorum tum Borealium, in quibus & conjuges nullam maritis dotem profectitiam afferebant & liberi inde nati, qui matrem sequebantur, tam dotis maternae, nempe profectitiae, quæ nulla erat, hæreditandæ, quam hæreditatis paternæ, nisi legitimarentur, exfortes fuerunt, supra §. XII. Not. 2. & §. XIX. Not. 1. 2. & §. diximus. Quid autem Romani uxoribus illegitimis post repudium nullam de bonis mariti partem, & liberis ex tali conjugio natis nullam patris hæreditatem tribuerint, docent verba Ciceronis, ad Treban. Top. c. 4. Si mulier, cum fuisset nupta cum eo, quicum connubium non esset, nuntium remisit, quoniam qui nati sunt, patrem non sequuntur, pro liberis manere nihil oportet. Quid autem de uxore legitime ducta, & a viro divertente, ejusque liberis*



fenferint Romani, patet ex verbis Ciceronis, *Libr. & Cap. cit.* Si viri culpa factum est divortium, & si mulier nuntium remisit, tamen pro liberis manere nihil oportet. Luculenta sunt illa Ciceronis loca, ex quibus colligo: 1) ex conjugio illegitimo nati, post repudium matrem sequebantur; ex legitimo autem matrimonio procreati liberi, post divortium patrem sunt secuti. 2) Si uxor legitime ducta diverteret culpa mariti, liberos pater, neququam vero dotem retinere potuit. 3) Si nulla mariti culpa fieret divortium, aliquid pro liberis apud patrem manere oportebat; adeoque uxori, aut ob flagitia repudiatæ, aut temere & sine causa fontica nuntium marito remittenti, dos vel integra, vel aliqua ejus pars negabatur. Uxores autem Romanorum, ob delicta graviora repudiatas, dote spoliari a maritis potuisse, Titinnii exemplo monstrat Heineccius, *Antiqu. Rom. Libr. I. App. §. XLV.* Ad Boreales ut redeamus, quin uxores, ob scelera capitis & repudii reæ, dotem, vel liberis communibus, matris quippe hæredibus, vel marito læso debitam, amiserint, dubitari nequit; nec historicis in re tam manifesta argumentis est opus. Uxoris legitime ductæ, Hallæ-Lytingi filiæ, suopte sed nulla mariti culpa a se divertentis, liberos & dotem, fratre Hallæ Geitero invito, & dotem sororis frustra repositente negarique frendente, retinuit Brodd-Helgius, vid. *Vit. Vapnsfiordens. Capit. VI. Mst.* Uxori Vigdisæ a se divertenti omnem bonorum partem denegavit Thordus Goddius, eo quod nulla sua culpa, sed temere & absque causa fontica divortium sibi renuntiasset; horum autem matrimonium fuit sterile, vid. *Laxdala, Cap. XIX.* Uxoris Unnæ, quæ divortium

solen-

solenniter renunciaverat, dotem poscenti primum socero Mördo, eo quod fastuosè & àvare secum actum sentiebat, oblata monomachia, quæ ultimâ litium arbitra omnem legis actionem infregit & suspendit, reddere recusavit Rutus; improle etiam illud matrimonium fuit, vid. *Niala*, Cap. VIII. Eandem denuo postulanti Gunnaro, quod divortii locis legitimis sibi renunciati, testes producere non posset iterum denegavit: verum propria arte refutatus, oblata monomachia, invitus tandem solvere coactus est; vid. *Niala*, Cap. XXIV. Alias a matrimonio sterili divertentibus uxoribus, modo vel repudiata nullius delicti gravioris convinci possent, vel ob culpam mariti & causas fonticas divortium ipsæ renuntiassent, dotis loco dimidia plerumque bonorum pars a maritis exigi darique solebat. Dotem reposcere tutor & cognati uxoris divertentis debebant, quod, *at giöra fiär/skipi med biðnom*, s: bona communia inter conjuges divertentes partiri, vocabatur; vid. *Flótsdala*, Cap. XXIX. *Laxdala*, Cap. XIX. XXXIV. XXXV. *Niala*, Cap. CLI. *Vit. Gislis Surson*, Cap. IX. ed. Hol. p. 138. quo postremo loco, uti & in *Vita Kormaci*, vox, *mundr*, dotem addititiam solam, & a profectitia distinctam, significare reperitur. Conf. *supr.* §. XIII. Nor. 8.

- 13) In divortii usu, nimirum absque ritibus solennibus factis, quæ frequentissima fuisse supra monstravimus, nisi vel scelestâ repudiaretur, vel temere & absque culpa mariti uxor diverteret, dotem reddidere mariti, maxime si sterile conjugium fuisset. Si autem liberos communes aleret pater, nulla dos reddebatur; sin matri alendos relinqueret, dos quoque, & insuper de



bonis mariti pecunia pro liberis apud uxorem manere oportebat. Hunc etiam Geirmundus, ab uxore Gudruna diversurus, pecuniam cum filia communi relinqvendam obtulit, vid. *Laxdala, Cap. XXIX*. Hinc Thorgilfus, cum uxorem suam Thorsteino in matrimonium dedisset, quod sine prævio divortio fieri non potuit, prædia quædam hæreditaria, quæ in Norvegia possidebat, pro filio Thorleiko, qui matrem sequi debebat, Thorsteino simul tradidit; vid. *Hist. Flómann. Cap. XVII*. Secus autem in casu simili fecit Augustus Imperator, qui prægnantem Liviæ, despondente marito Tiberio, duxerat, filium, ut primum natus esset, patri Tiberio remisit, teste Dione.

### §. XXVII.

Non viris solum, sed & uxoribus in Septentrione olim *divertendi fuit facultas*; nec secus illæ quam mariti solvendi matrimonii causas habebant, poterantque *matrimonium discindere, vel ritibus divortiorum adhibitis, vel absque his maritum deferendo* (1). Discedendi causæ uxoribus vel *legitimæ*, aut jure saltem consuetudinario receptæ, vel *æquæ* fuerunt. Illæ vel apud maritum erant, vel apud discedentem uxorem. Ad priores re-  
feras



feras, si maritus diversis sacris uteretur (2), si officia conjugalia uxori vel denegaret (3) vel præstare non posset (4), si vestitu muliebri probrosum se redderet (5), si contumeliose & non pro dignitate matris familias uxorem tractaret, & alia (6). Causa discedendi legitima a parte uxoris habebatur, si ob senectutem aut valetudinem dispensationi domesticæ non amplius sufficeret; tum enim *claves abdicare* & *con-nubium deprecari* uxori licebat, quod, *at beidaðr þúi*, olim vocabatur (7). Pro æquis discedendi causis existimabantur: thori coactio patris aut tutoris imperio facta (8), senectus mariti (9), ejusdem ignavia uxori ignominiosa (10), pellicis imperiosæ fastidium, auxilium necessariis vel amicis negatum, & forte alia (11). Nevtiquam tamen uxoribus tanta, quanta maritis, divertendi licentia fuit; si enim temere & absque causa fontica maritum uxor deseruisset, aut in solennibus divortiorum ritibus, si hi adhiberentur, parum cavisset, vel dote privari (12), vel a marito reposci & invita retrahi poterat (13).



- 1) Etsi dotem uxoribus vel ob causas fonticas repudiatis, (vid. *Laxdala*, *Cap. XXXV.*), vel absque ritibus divortendi legitimis maritum suoapte deserentibus, cujus exemplum Sigrida Imperiosa, Ericum Sveciæ regem, & Thyra Burislasum Vandal. reg. derelinquentes dederunt, interdum reddiderint mariti, divortium tamen publice & nuncupatis testibus, priusquam discederent, viris, ubi tempus locusque patiebantur, renunciare solebant uxores, præsertim si dotem jure reposcendam & reddendam sperarent. Unde filiam Unnam, priusquam a Ruto diverteret solennes divortendi ritus docuit, & omnes accuratissime observare iussit Mördus, nequam scilicet, siquid in his formulis deliquisset, ubi dos reposceretur, cavillandi illinc & excipiendi occasionem Ruto aucuparetur, vid. *Njala*, *Cap. VII.* His igitur ritibus adhibitis Unna Ruto, Thordisa Börko, Vigdisa Thordo, Gudruna Thorvaldo, Steingerda Holm-Bersio, Ranveiga Thorgrimo, aliæque aliis maritis divortium renuntiabant. Sine solenni autem hac & publica divortii renuntiatione maritos deseruere Scadia Niördum, Thyra Burislasum, Thora Skiöldum, Sigrida Rögnvaldum, & aliæ; de quibus infra pluribus.
- 2) *Effectus matrimonii*, sive per confarreationem sive coitionem initi, vel maxime princeps, apud Romanos fuit *sacrorum communio*. Unde Romulus mulierem viro nuptam participem esse voluit omnium bonorum & sacrorum; vid. *Dion. Hal. Libr. II.* Et Modestinus, *Libr. I.* *Nuptia sunt conjunctio maris & foeminae, consortium omnis vite, divini & humani juris communicatio.* *Sacra vero Romanorum vel publica vel privata fuerunt.* Illorum ante nuptias, horum per nuptias



nuptias uxor fiebat particeps, & in sacra viri transire dicebatur; conf. *Heinecc. Antiquit. Rom. l. 10. 14.* Exinde patet, matrimonium romanum inter contrariæ aut diversæ religionis conjuges consistere nequuisse. Hæc etiam fuit ratio, cur nullum, nisi cum cive, matrimonium Romanis fuerit licitum. Nec nullam horum similitudinem prisca Borealium instituta referunt. Præter enim fana sive templa deorum publica & communia, habuerunt domi suæ sacella sive lara-ria; qvale illud Thorsteini, vid. *Hist. Hórdi & Holm. Cap. XXXVII. p. 122.* & Borsii, vid. *Flótsdala, Cap. XXVI.* quorum neuter erat tribulium prætor sive pontifex (*góde*), sed ambo privatæ fortis homines. Utique igitur *Borealibus* cum publica, tum domestica & privata sacra fuere; utrumque autem Boreali-um uxores sacrorum mariti privatorum consortes jure matrimonii necessario factæ sint, nec ne, non definio. Hoc certum, *inominata* olim habita matrimonia, a diversæ religionis hominibus contracta. Ingibiarga ethnica suas nuptias ambienti Hålfredo Poëtæ respon-dit: *Margt er t. því tiliklegt; en ei se ec fyrir allri virdingu þar um: þú ert madr skírdr oc trúendr, en þu eró blót mikil, oc manó menn ecki þola, at þú baldir víð þann fíð, er þú befr íáttat; en i ánnann stáð víst, at þer dugi ei vel, ef þú fellir níður þann átrúnad.* 3: Multis parum probandis rebus istud negotium obsi-detur: tu homo baptizatus & peregrinus, loci autem bujus incola, ethnicis sacrificiis impense dediti, sacro-rum, quæ tu prosteris, nec sine certo imminentis mali periculo abjicies, copiam tibi & culturam non sunt per-missuri; vid. *Hist. Ol. Trygv. ed. Scalb. P. II. Cap. XXXI. p. 131.* Nec vanum fuit mulieris prælagium;



vid. *l. c.* pag 131. & 132. Opinionem temporum testatur porro Menglada ethnica, quæ Ormo, viro christiano, sibi quamvis alias perquam accepto, propter diversa sacra nubere nolebat; vid. *Hist. Ol. Trygv. ed. Scalb. App. p. 15.* *Mer ertú vel i þocka, þó at við megom ei niótaz sakir trúar þinnar. 3: Te animo satis carum habeo; mutui autem connubio frui, diversa, quæ colis, sacra prohibent.* Nec alia magis prægnans ratio fuit, cur Jötnorum connubia olim abominati sint Boreales, quam ista sacrorum diversitas: Jötnorum enim gens Odiniānam religionem semper averfata fuisse videtur; conf. §. XXI. Not. 7. & 8. Itaque minime mirum, si *diversa sacra inter causas* divortii *fonticas* olim habuerint Boreales. Hinc Sigrída quædam, cum ad religionem, quo damna conscientię farciret, christianam amplectendam peregre proficisci vellet, maritum Rögnvaldum, mutandæ sedis & religionis patriæ haud perinde cupidum deseruit, vid. *Hist. Ol. Trygv. ed. Scalb. P. II. Cap. XX. p. 69.* Ob diversa sacra Burislafum Vandal. regem, ad cujus thalamum a fratre Sveino Biberbi Dan. R. ob rationes politicas coacta fuerat, Thyra dereliquit. Eandem ob causam Sigrídā Imperiosā, sibi pactā uxorem, Olafus Trygvinus N. R. repudiavit; vid. *Heimskr. T. I. Hist. VI. Cap. LXIIX. p. 268. & Cap. XCIX. & C. p. 298 299.*

- 3) Marito Thorkillo, *thori consortium* sibi neganti, divortium legitimum coimpinata est Asgerda, vid. *Vit. Gistii Surson, Cap. IX. p. 138.* *Eigi man, ec leingi þafaz til hvíluunar við þik, oc um tvo kosti áttu að velia: sá er annar, at þú tak við mér, oc lát sem ecki þafi iordit; annars man ek nefna mér votta nú þegar,*

oc



oc segia skilit við þik, oc man ec láta fœdur minn heima mund minn oc heiman-fylgiu, oc man þat þá kostur, at þú hafir allrei hvilo-þraung af mer síðan. 3: Qvo mibi tbori copia fiat, haud diu te fatigabo: ex duabus, quas tibi facio, conditionibus, utram libet eligito: aut enim tu me recipito, eorum, quæ inciderint, immemor; aut ego, nuncupatis ilicet testibus, legitimum tibi divortium renuntiabo, dotemque, tam profectitiam, quam adjectitiam a te reposcendam patri meo mandabo. Et sic quidem obtinebis, ut tibi per me nunquam deinceps lectus fiat angustior.

- 4) Propter physicas id genus rationes & obstacula naturæ legitimum divortium Unna Ruto renuntiavit; vid. Niala, Cap. VII.
- 5) Sexum vestitu mentiri non probrosum modo sed & capitale priscis Borealibus habebatur. Idem etiam inter conjuges justa divertendi causa fuit; vid. Laxd. Cap. XXXV. Si foemina instar virorum braccis utitur, aut vir pectus adeo aperit, ut nudas papillas vulgo conspicuas præbeat; utrumque fontica divortii causa. Miror horrido maritali supercilio usum videri C. Sulpitium Gallum, qui uxorem dimisit, quod eam capite aperto foris versatam cognoverat, (vid. Val. Max. VI. 3. 10.), cum repudiari ab uxore maritum voluerint Boreales, si pectus & papillas foris aperiret.
- 6) Proci maritorum in uxores contumaces, impudicas, aut aliis criminibus deditas, olim rigidissimum fuit dominium, ita isthoc imperio, quod leges dedere, in innocentes abuti, perquam illiberale & indolis abjectæ indicium existimabatur. Olim apud Boreales, perinde ac semper & ubique, quo quis civis melior, eo etiam honestior maritus. Olafus Pavo, vir suo loco &



tempore natalibus generosis, nec non moderatione, prudentia & aliis virtutibus, magis quam pro genio seculi insignis, in uxorem Thorgerdaim inconsulte commotam gravis, alias semper commodus, ac in rebus sibi etiam minus placentibus indulgens fuit; vid. *Laxdala*, Cap. XXIX. Pecuniam non modo ad necessitates & impensas domesticas, verum ad decus etiam & splendorem, pro conditione status & facultatum, uxori sufficere maritorum erat. Indoles enim in uxoribus liberalis & heroica, qua prædita mulier, *quennskörungur*, vocabatur, borealibus maxime placebat. Hinc Einarus Thveraaensis, cum ejus filiam Jórúnam Thorkillus ambiret, de procantis re domestica interrogavit, *filiam suam*, (utpotè liberalem), *res lautas decere*, (*dóttor minni hefir mikit fe*), subjiciens; vid. *Reikdala*, Cap. XVII. *Mst.* Cum Thorvaldo Gudruna desponderetur, inter conditiones matrimonii pro sponsa pater stipulabatur: at *Gudrún skildi ein ráða fyrir sér um fe þeirra*, þegar þau kámi í eina sang; *eiga allz helming*, þvart sem samfarir þeirra yrði lengri eðr skemri; *hann skyldi oo caupa benni gripi*, sva eingin jafnsiád kona atti betri, en þó matti hann balda blúi síno fyrir þær sakir. 3. Gudruna, ut primum thori genialis facta consors esset, & plenum pecunie communis arbitrium, & soluto matrimonio, sive diu illud sive brevi duraverit, diudiva honorum pars cederetur. Illamque emtis cimeliis muliebribus adeo exornaret, ut nulla foemina æque dives præstantioribus esset instructa; ita tamen, ut familia domestica sustentandæ satis superesset. Hæc uxori, e domo paterna parum dotata, spondit Thorvaldus. Ubi vero illa fidem promissorum immoderatus & superbe exigeret, immo-



immodicas tandem impensas pertæsus maritus, Gudrunæ alapam inflixit. Unde illa, qva ob colaphum, qva ob conditiones matrimonii non impletas, legitimum marito divortium renuntiavi. De his omnibus, vid. *Laxdala*, Cap. XXXIV. Börko itidem ob colaphum, quem tamen insolenti, quamvis excusabili facinore meruisse videri poterat, nuntium Thordisa remisit. De quo *Eirkyggia*, Cap. XX. Þórðis sagði skilit við Børk bónda sinn, oc fann þat til saka, at hann hafði lostið bana, oc þun vildi ecki liggja undir höggum hans. Var þá skipt fe þeirra, oc gekk Snærrí at fyrir bönd móður sinnar; hann var beunar erfingi. 3. Marito Börko, quod se verberasset, ejusque pati verbera ipsa noller, causata Thordisa legitimum divortium renuntiavit. Bona igitur communia inter conjuges divisa sunt. Rem matris curavit Snorrius, ipsius quippe natus haeres; conf. *Vit. Gíslis Surson*. Cap. XXXV. p. 178. 179. Plagofum igitur mariti dominium, nisi facto inhonesto & inexcusabili essent merita, fonticam divertendi causam uxoribus dedit. Imo mortis causa interdum maritis exstitit ira uxoris verberata, quam sibi exitialem Olafus Trygvinus N. R., vid. *Heimskr. T. I. Hist. VI. Cap. CXVI. p. 330. sequ.* nec non tres Halgerdæ mariti, vid. *Njala*, Cap. XI. XVI. XVII. LXXIIX. & alii experti sunt.

- 7) Genus hoc divortii, cujus causa fontica fuit senectus decrepita aut alia imbecillitas, quæ uxorem dispensationi domesticæ inhabilem redderet, olim licitum exercitumque fuisse docet *Historia Vapnsfjordens. Cap. VI. Mst* Þat er sagt, at Halla Lyrings dóttir tók til orða, við Brodd-Helga, oc mælti: samfarir ockar bafa lengi góðar verit; en nú kenni ec miðc vanbeilfu, oc



man þer verða skömm forusta fyrir blá þíná. Helgi svarar: ec þickiz vel kvongadr, oc atla ec at una þéssu meðan ockart líf vinnz. En þá var sú síðvenia at heidaz ur blá i þer mundir. 3: Brodd-Helgium (maritum) Halla Lyingi filia his verbis allocuta traditur: nostrum diu connubium mutuus beavit amor; nunc autem adversa valetudinis manifestus index dolor rei tue oeconomica breve mihi inoderamen permittet. Respondet Brodd-Helgius: bona conjuge hactenus consentus, illa porro conditione, quamdiu utrique nostrum visa supererit, acquiescam. Moris autem erat illa sempestate, claves abdicaudo connubium deprecari. Paulo post domo profectus Helgius Thorgerdam cognomine Sylfram duxit uxorem; Halla autem a fratre Geitero arcessita abiit. Dotem sororis Helgium, in jus vocatum, frustra postulavit Geiterus; liberi autem communes divertentium apud patrem mansere.

8) Ad ingratum Bersii conjugium a fratre Thorkillo coacta Steingerda, marito huic divortium deinceps legitime renuntiavit, teste Vita Kormaci, Mst. Burilafum Thyra, cui invita nupserat, deseruit. Thorvaldo etiam filiam Gudrunam inconsultam desponderat, nuptumque nec lubentem dederat pater Olvifus; verum illa marito parum grato nuntium remittendi occasionem quæsiuit, brevique invenit. De quibus supra.

9) Viros senes averfatas uxores monstrant verba Ketilridæ de proprio marito: Illt er at eiga gamlan bónda. 3: Mala res, maritus senex; vid. Vit. Viglundi Pulcri, Cap. XVII. pag. 31. nec non Torfii de sororis Signyæ matrimonio: Þetta man Signyo ecki mikit til yndis, er maduriinn er bæði gamall oc harðráðr; vid. Hist.

Hörði



*Hörði & Holm. Cap. III. p. 71.* Senem Burislafum Thyra averfabatur & deferuit. Seni etiam Thorgilso invita nupsit, virumque deferere voluit Helga; vid. *Hist. Flóamann. Cap. XXX. Mst.*

- 10) Etſi de priſcis Borealibus aſſerere non poſſim, qv od de Carmanis refert Alexander ab Alex. ſcilicet: *neminem uxorem duxiſſe, niſi qui hoſtis caput prius ad regem detuliſſet*; vel qv od Stobæus & Mela de Amazonibus & Sauromatis memorant: *neminem inire connubium, niſi qui hoſtem confeciſſet*; conf. *Job. Schürzen App. Curioſ. & Praët. T. II. ad voc. Nubere*; certum tamen eſt, fortitudinem militarem & res armis præclare geſtas in maximo qvondam apud Boreales honore fuiſſe; idqve adeo, ut hac laude deſtitutus vir foeminis prociſ, & vel in convivio aſſeſſor, (vid. *Eigla, Cap. XXX.*) forderet. Genium ſeculi ludi puerorum ſatis loqvuntur, in qvibus colludio ut indignus arcebatur, qv nullum animans occidiſſet, vid. *Hist. Flóamann. Cap. X.* Turpe viro cenſebatur, nunqvam cum hoſte armis conſflixiſſe; ejusmodi enim vir per opprobrium, *humanum ſanguinem nunqvam vidiſſe*, dicebatur. Unde Skarphedini de nutricio ſuo jocus: *Siá madr beſir þó bellz veriz bradſeigr, er látiz beſir fyrir fóſtra minom, er allðri beſir ſed mannz-blóð.* 3: Ille morti properæ nimis devotus fuit, qvem occidit nutricius meus, qv hominis ſanguinem manare nunqvam vidiſ, vid. *Niala, Cap. XL.* Minime igitur mirum, ſi foeminis qvovqve proci & mariti, fortitudinis & rerum armis geſtarum gloria cluentes placuerint, puſillis vero animis & ignavia, (*dáðleyfi oc litil-menſku*), diffamati maxime forderent, vid. *ſupra, §. IX. Noz. 7.* Rem palam interpres temporum Saxo teſtatur;



tur; vid. *Hist. Dan. Libr. V. p. 69.* Illa se Frothbonem, tanquam famæ & claritudinis inopem fastidire dicebat. Nulli etenim quondam illustrium foeminarum connubiis idonei censebantur, nisi qui sibi ingens famæ pretium gestarum insigniter rerum fulgore struxissent. Summum in proco vitium desidia fuit. Nullum magis in nuptiarum petitorè, quam claritat's inopia damnabatur. Sola gloriæ ubertas coeterarum rerum opulentiam exhibebat. Puellæ quoque non tam procantium se formas, quam edita speciosa facinora mirabantur. Morienti Atlio ignaviam uxor Gudruna exprobrat; vid. *Edd. Sam. Od. Atla-mál en grönlenzco.*

Kvöl þótti qværi 3:	<i>Acre dolebam, vivens</i>
at koma i hús Atla.	<i>Intrare domum Atlii,</i>
átti ádr kappi	<i>Uxor ante herois,</i>
illr var fá missir.	<i>Malo damno amissi.</i>
Comta þú af því þingi	<i>A comizio nunquam redisti,</i>
er ver þat frægin	<i>Quod quidem audiverimus,</i>
at þú sauc söttir	<i>Ubi causam alii impegeris,</i>
ne síðedir adra.	<i>Vel refutaris alienam.</i>
vildir ávalt vægia	<i>Volebas perpetim cedere,</i>
en vætki halda.	<i>Non asserendo vincere.</i>

*Mariti igitur ignaviam inter æquas diverrendi causas habitam; exemplis facile probatur.* Thorhallium uxor Olufa graviter increpuit, quod Thordum, in vitæ periculo versantem, præ metu destituisset; vid. *Vit. Tbordi Hrade, Cap. XII. pag. 74.* Sú kona er illa gipt er þik á, því þú ert sílfþalinn oc buglaus. 3: *Quæ tibi nupsit, male nupta est, jactatori scilicet, & animi inopi.* Et porro (p. 76.), cum Thordum iterum non modo deseruisset Thorhallius, sed hostibus etiam prodidisset, in perfidum & ignavum maritum efferbuit





buit Olufa, de quo auctor: *Oc var vit fialft blis, at  
 bon mundi skiliaz vid bann fyri þessar sakir. 3: pa-  
 rumque abfuit, qvin illi idcirco nuntium remisferit.*  
 Divortium marito Biörno comminabatur Valgerda,  
 nisi Kario fortem & fidelem operam præstaret, vid.  
*Niala, Cap. CLI.* Qvin & Thordo Goddio divor-  
 tium solenniter Vigdifa renuntiavit, propterea quod  
 cognatum suum cædis reum, quem illa prius in tute-  
 lam receperat, ignave & sordide hostibus prodidisset;  
 vid. *Laxdala, Cap. XVII. & XIX.*

- II) Maritorum concubinas post matrimonium vix patie-  
 bantur uxores ingenuæ & erectioris indolis. Mel-  
 corcam, quam in Norvegia emerat, domum cum  
 perduxisset Höskuldus, uxorem tamen Jorunam reve-  
 ritus, ulteriori pellicis consuetudine statim abstinuit,  
 breviqve, ob dissidium cum uxore, Melcorcam unacum  
 filio Olafo domi retinere non sustinuit, sed alio  
 translato sustentavit; vid. *Laxdala, Cap. XIV. & XV.*  
 Mariti Helgii concubinam domo ejecit Thordisa,  
 filiam tamen mariti ex concubina susceptam retinuit  
 & liberaliter educavit; vid. *Íliotsdala, Cap. X.*  
 Auxilium, uxoris necessariis aut amicis negatum, pro  
 æquis divertendi causis existimatum fuisse, docent  
 adducta superius Vigdifa, Valgerdæ & Olufæ exempla.  
 Bollio marito divortium minata est Gudruna Ofyri f.  
 ni fratribus suis Kiartanum occisuris opem comes  
 tulerit; vid. *Laxdala, Cap. LX.* *Lokit man óchar  
 samfaurom, ef þú nít skerz undan ferd þessari, 3: De  
 conjugio nostro actum erit, si huic te expeditioni sub-  
 duxeris.* Thorkillo etiam maritorum suorum post-  
 remo eadem Gudruna repudium denunciavit, si  
 Gunnarum Thidrandicidam, quem in tutelam illa  
 rece-



receperat, interfecerit; vid. *Fljótsdala*, Cap. XXII. *Vil ek, segir þun, at þú görir þanum eckeri grand, nema þú vilier við skiliom ockari felag upp frá þessom degi, o: Nihil mali ipsi facias, volo, nisi nostrum connubium ab hoc ipso die finitum iri malis; conf Laxd. Cap. LXXXVI. Vera quoque divortii, quod cum marito Börko Thordisa fecit. causa fuit cædes Gislíi Sursonii, Thordisæ fratris, cujus impulsor & auctor Börkus fuerat, *Vin. Gisl. Surf. Cap. XXXV. Thor-*disa alia maritum Arngrimum, eoquod consobrinum suum Steinulfum infantem ob zelotypiam interfecisset, deferuit; *Vit. Viga-Glumi, Cap. XXI. p. 220. Fuerunt & alia, quæ uxoribus divertendi occasionem dedere. Teste Edda Snorrii, Scadia Niördum deferuit, quia sede mariti Noatunensi minus acquiescebat, Odinoque deinceps nupsit; conf. Heimskr. T. I. Hift. I. Cap. IX. p. 13. Groa Skiöldum, ut suo connubio indignum deferuit. Vit. Bardi Suafells-ás, Cap. IV. ed. Hol. p. 166. Interdum etiam uxoris pater vel tutor matrimonium resciderunt, quod, at brygda gjaford, vocabatur; sive quod conjugium absque sua auctoritate contractum haberent irritum, sive quod maritum conditiones matrimonii a sua parte minus implere, vel alias ob causas foeminæ conjugio indignum censerent. Ulvildam sororem Ubboni marito, in se quippe rebeli, ademit, invitamque alteri nuptum dedit Frotho I. D. R. Idem quoque Regnero, quod Svanhvitam sororem in iussu suo uxorem duxisset, bellum intulit. Sax. Gramm. Hift. Dan. Libr. II. p. 24. Gestus Oddleifi filius Thorgerdam sororem Thorbiörno cuidam in matrimonium locavit certis conditionibus, quas si minus servasset, sibi jus solvendi**

con-



conjugii reservavit. *Vit. Havardi Isfyrd: ed. Hol.*  
*p. 40* Þá gærdi Gestr kost á, at Þessi ráð skyldu  
 takaz, ef Þorbiörn beri haunum þvi med bænda-taki, at  
 láta af ójöfnudi oc rángindom, biðda hvertom manni  
 þat er á, oc bafa lög oc rett. Einn ef þann vildi ecki  
 gánga at Þessu, þá skyldi Gestr brygða gínfordit, oc  
 góra skilnat þeirra. Þessu játar Þorbiörn, oc kaupar  
 at so maltu. 5: Tum conditionem, quæ conjugium  
 fieret, Gestus proposuit: Si nimirum fidem sibi porrecta  
 dextra daret Thorbiornus, facturum, ut ab aliorum  
 violenta lesione & injuriis sibi temperaret, suum cuique  
 tribueret, jus & æquum servaret. Hoc autem si minus  
 præstaret, Gestu integrum futurum, ut facto legitimo  
 conjugum divortio matrimonium rescinderet. Hoc de  
 se spontente Thorbiorno, coemptionis contractum dicta  
 lege fecerunt. Conventiones matrimonii pecuniarias  
 retractando divortii occasionem dedisset Thorgilsus,  
 nisi amice deinceps de re illa transactum fuisset.  
 Nimirum Thornyam absente patre patruus Hæringus  
 in matrimonium locaverat, dotemque nubenti de bonis  
 patris dixerat. In patriam autem reverso Thorgilso  
 nimia filiae dos data videbatur. Hujus igitur partem  
 magnam reposcebát; nec gener aut filia abnuebant.  
 Filia autem domum patris illico migravit, maritoque  
 deserto, dotem redditam se secuturam dixit. *Hist.*  
*Floamann. Cap. XXX.* Er Þorgils kom heim, kom  
 þar Þorny dóttir hans. Þorgils spyr hvort hún vill,  
 hún quædz vilja fylgia se sinn, ef þónum þætti þat  
 meiri sömi at skyliá med þeim Byrni. 5: Ubi domum  
 redisset Thorgilsus, eodem statim infecuta est filia  
 Thornya; rogantique patri, quo itura esset, regessit,  
 se dotis comitem (ad patrem) redire, si suum ille cum



*Biarnio divortium satis decorum putaret. Divortium autem nolens Thorgilfus, dotem filiae, quae utrisque placebat, attribuit.*

12) Vid. supra, §. XXVI. Not. 12.

13) Thorgilso invita nupserat Helga Thoroddi filia, cumque domo forte maritus abesset, illa domesticorum quodam comite adscito, ad patrem rediit; haud dubio maritum deferendi consilio. Redux domum Thorgilfus, ubi uxorem abiisse comperit, sumtis paulo post armis ad praedium foci pergit, aedesque ingressus, Helgam coram omnibus manu prehensam tacitus abducit, domumque revertitur. Stupentibus coeteris, cum Skaptius Helgii frater domesticos Thorgilsum persequi, sororemque ipsi per vim ademptam reducere juberet, regessit pater Helgae Thoroddi: *Þorgilt sekir eptir sino, oc skal mönnonn ei hlíða at fara eptir þeim. 3: Quod suum est, Thorgilfus reposcit: eosque insectari veto. & interminor; vid. Hist. Floamann. Cap. XXX. Uxorem ita fugitivam Thorgilfus porro retinuit.*

### §. XXVIII.

Potestatem patriam, per emancipationem sponsalitiā & nuptias sibi traditam, maritus per divortium potuit non solum remancipando amittere, sed iterum quoque emancipando in novum maritum transferre (1). Verum dantur quoque exempla eorum, qui



qvi uxorem se mortuis habendam per nuncupationem testamentariam alteri legaverint; ad cujus tamen ratihabitionem uxoris consensus necessarius fuisse videtur (2). Accessit interdum voluntas principis significata, cujus auctoritas majestatica, ut ad reliquas actiones subditorum, quæ alias privati essent arbitrii, dirigendas, ita in matrimoniis contrahendis, plurimum sæpe valuit (3). Per divortium legitimum sub patriam potestatem, nempe si ad patrem reverteretur, utrum redierit foemina nec ne, non dixerim. Sed, conjugio morte mariti soluto, patria quoque potestas intermoriebatur; nec enim sub potestatem patriam, sed sub tutelam vidua recidebat. Absque auctoritate patris, aut tutoris, nubere quidem denuo non potuit, sed nec ad novas nuptias a patre invita cogi (4). Patre mortuo vel peregre absente, tutela ad filium viduæ adultum, si hic non esset, ad fratrem, & inde porro ad mares pro gradu cognationis, vel pro electione viduæ ad alium transibat (5).



- 1) Vid. supra, §. XXV. conf. Not. 4. & 6.  
 2) Ringus, Ringarikia. in Norvegia rex, Fridthiofo Vegeto, cum uxorem Ingebiargam, se mortuo in matrimonium ducendam, tum bona omnia testamento legavit, regniqve administrationem fiduciariam & filiorum, donec adolevisſent, tutelam commendavit. Uxorem quidem moribundus ipſi legitime quod desponderit, ex illius ad Fridthiofum verbis perſpici- tur; vid. *Hist. Fridthiof. Veg.* (in meo exemplari) *Cap. VII. Mſt.* *Brædur bennar munu ei unna þer virðingar, ne feſta þer kono ſem ek. 3: Fratres illius (Ingebiargæ), tuo honori invidentes, eam tibi, ſicut ego, in matrimonium non deſponſabunt..* De testamentaria autem illa deſponſatione ligata Ringi verba idem auctor proferret, loc. cit.

Gef ec frægom	i. e. <i>Lego celebri</i>
Fridþiöfi kono	<i>Fridthiofo uxorem,</i>
oc alla með	<i>Et omnia ſimul,</i>
eigo mína,	<i>Quæ poſſideo.</i>

De conſenſu Ingebiargæ nullum poterat eſſe dubium; eam enim Fridthiofum, cui ante coactas cum Ringo nuptias fidem matrimonii dederat, adhuc ſincere ſed honeſte amare ſatis conſtabat. Secus Helgius, Haddinga-skate dictus, ut fratrem ſuum Hedinum, ſe mortuo, maritum adſciſceret, moribundus uxorem, a novis nuptiis abhorrentem, precibus inducere tenta- bat; vid. *Edd. Sam. Od. Helga-qv. Haddinga-Sk.*

Bíd ec þic Svava	i. e. <i>Te, Svava, precor,</i>
brúdr grátattu	<i>Noli flere conjux!</i>
ef þú vilt míno	<i>Si quid mea fueris</i>
máli hlyða,	<i>Orationi datura,</i>
At þú Hedni	<i>Ut Hedino tu</i>



hvílo görvir  
oc jöfr úngan.  
ástom leidir.

*Thalamum instruas,  
Principemque juvenem,  
Amore prosequaris.*

Unde liqvet, uxoris consensum hoc in casu fuisse necessarium.

- 3) Huic uxoris emancipationi testamentariae auctoritatem regis majestaticam interdum accessisse docet exemplum Bardi cujusdam, qui amico Thorulfo uxorem & bona omnia, nec non tutelam filii impuberis, moribundus testamento legavit. De hoc Eigla, Cap. VIII. Bárdr let kalla kóng til sín, oc segir; ef sva verdr, at ec deyi úr sárom þessom, þá vil ec þess bidia ydor, at þer látit mic ráða fyrir arfi mínom, Kongr játar því. Þá mælti Bárdr. Arf minn allann vil ec taki Þorúlfi Qvöld-Ulfsson, land oc lausa aura; bönom vil ec gefa kono mina, oc sön minn til uppfædzlo, því ec trúi bönom best til þess. Hann festi þetta mál sem lög stódo til, eptir þat andadiz hann. 3: Bardus regem, ut ad se veniret, per internuntios precatur, eumque praesentem sic affatur: quod si acciderit, ut hac mihi vulnera vitam adiuvant, te, domine, ut mihi haredis optionem & arbitrium concedat, rogatum volo. Annueute roge, pergit Bardus: bonorum omnium mobilium & immobilium Thorulfum Qvöld-Ulf filium haredem dico; illi porro, quippe cujus fides mihi minime dubia, uxorem meam in matrimonium, uti & filium educandum, lego & committo. Hanc suam voluntatem, juris formulis rite adhibitis cum sanxisset, ipse decessit. Neque hoc testamentum aut fides principis aut eventus destituit. Regiae enim auctoritatis, quae testamentum Bardi ratum juberet, nuntiis & tesseris instructus Thorulfus, ubi viduam ejusque patrem convenisset,



mandato regio & ultima Bardi voluntate significatis, eorum ad nuptias consensum, virtutis ipse palam notæ & expertæ, facile impetravit. Reges autem & principes in contrahendis subditorum matrimoniis, auctoritate sua persæpe usos, cui suam voluntatem illi, penes quos elocandi alias arbitrium erat, præ reverentia & metu submiserint, exempla multa testantur. Haraldus Pulericomus N. R. Ingemundo Vigdisam, Comitis Thoreri Taciturni filiam, Rolfi vero Peditis f. Roberti, primi Normanniæ Ducis, ex fratre neptem, operæ sibi in prælio Hafursfiordenfi strenue navatæ præmium, uxorem conciliavit, teste *Vattdala Mst.* Sveinus Estritius D. R. colonum qvendam, uxorem repudiare jussum, meliore & nobiliore deinceps conjugio beavit; vid. *Heimskr. T. III. Hist. IX. Cap. LXIX. p. 141.* Idem Rex Steino & Biörno Sigtryggi filiis ingenua in Dania matrimonia prospexit; vid. *Vit. Kroca-Refi, Cap. XIV, ed. Hol. p. 68.* Haraldus Severus N. R. Ulfo Ospaki filio, peregrinationum & periculorum socio & comiti Jorunam Thorbergi filiam uxorem dedit; vid. *Heimskr. T. III. Hist. IX. Cap. XXXIX. p. 97.* Eysteinus Magni f. N. R. Ivaro posita in matrimonium, quamcunque peteret, modo regil non esset sangvinis, se daturum pollicetur, vid. *libr. & T. cit. Hist. XII. p. 251.* De Sverrero quoque ipsius historia perhibet, quod regno Norvegiæ sine æmulis potitus, Byrkebeinds suos non modo lautis officiis, sed honestissimis quoque & nobilissimis conjugiiis sit remuneratus. Verum in re nota exempla cumulare superfluum.

4) Vid. supr. §. VIII. Not. 7. 8.





- 5) Jus elocandæ mulieris penes patrem primitus & jure sanguinis fuisse constat. Conjugio autem filiæ per mortem mariti aut divortium soluto, sub patris quidem, si viveret, nec peregre esset, tutelam rediisse filiam, docet exemplum Halgerdæ, vid. *Niala*, Cap. XIII. & Gudrunæ, vid. *Laxdala*; Cap. XXXIV. & XXXV. Neutiquam tamen jus matronale per legitimas nuptias adepta filia, soluto matrimonio sub potestatem patriam retrudebatur, aut a patre ad novas nuptias invita cogi poterat, etsi illo auctore nubere deberet; vid. *Niala*, Cap. XIII. & XXXIII. & *Laxd.* Cap. XXXV. & XLVI. Patre vero orbata viduæ tutela ad filium adultum & fratrem, & si hi non essent, ad avum paternum vel maternum, indeque porro ad patruum vel avunculum transferebatur. Enim vero de ordine successionis tutelaræ, quæ inter mares adultos ordinem successionis ab intestato secuta videtur, cum nemine contendere volo. Filium adultum matris viduatæ & fratrem sororis tutores & nubendi auctores fuisse, supra, §. VIII. Not. 2. 3. 8. monstravimus. Höskuldus tutelam Melcoræ, suæ pridem & servæ & concubinæ, in Olafum, filium illius adultum, sensim transtulit; Melcorca autem, indignata se negligi, ut vicem illi reponeret, Thorbiörno cuidam, auctore filio Olafo, Höskuldo autem inconsulto, nupsit; vid. *Laxdala*, Cap. XXII. Auctore porro fratre Gesto nupsit Thorgerda; vid. *Hist. Havarði Lsfyrd.* p. 42. Et auctore Klaufio soror Sigrida; vid. *Svarfdala Mst.* Conf. *Eirbyggja*, Cap. LXIIX. Auctore avo materno nupsit Thorgerda; vid. *Niala*, Cap. XXXIV. Avo autem paterno auctore, patre nimirum absente, nupta fuit Thordisa, vid. *Landnama*, P. III. Cap. XX. p. 269.



Hildigunnam Flofius, (vid. *Niala*, Cap. XCIIIX.), & Thornyam Hæringus, (vid. *Hift. Flóamanni*. Cap. XXIX.), neptes patrui, patribus mulierum vel mortuis vel peregrinantibus, in matrimonium locarunt. Ávunculo autem Thorsteino Svarfado auctore Sigrida Grifo nupta fuit, teste *Svarfdala*, *Mst.* Verum fuit etiam, cum elocandæ mulieris arbitrium ab ipsius necessariis ad alios migraret, nempe vel ad *nutricium*, vel ad *amicum*, vel ad solam *foeminam*. Nutricatus autem veterum Borealium duplex fuit, nempe adoptivus & genupositivus, vid. §. XXIII. *Not.* I. p. 101. Utique igitur mirum non est, si cum officiis patris jura simul patria, & inter hæc jus mulierem in matrimonium locandi, in nutricium translata fuerint. Propria tamen auctoritate alumnas nuptum dedisse non videntur nutritii, nisi patre mulieris, vel illo, qui jure sanguinis ejus esset tutor, mortuo, peregrinante, mulieris conditionem negligente, vel quacunque ratione tutelari potestate exuto, aut exui digno. Sic Ingigerdam alumnam, patre mulieris mortuo, Halfdano Eyfsteini f. jure nutricatus elocavit Sculius Comes; teste *Vita Halfd.*, *Eyft.* f. *Mst.* De Thyra, quæ patre Haraldo Gormii f. D. R. dudum orbata, & a fratre Sveino Biberbi D. R. Burisleifo Vandalorum regi ethnico & seni nubere coacta, eoquod illegitimum aut saltem iniquum matrimonium, & potestate tutelari abusus frater videbatur, maritum clam deseruit, & Olafo Trygvino N. R. inconsulto fratre Sveino nubebat, habet *Hift. Ol. Trygv.* ed. *Scalb.* P. II. Cap. XXXVI. p. 162. *Énn er þetta mál var zalat, feck Olafur K. þyri Drottningar, ok fastnadi þán lík stalf meá ráði Áussurar fóstura síns, o: Ubi*  
*autem*



autem de hoc negotio transactum fuit, Thyram Regi-  
nam uxorem duxit R. Olafus, ipsaque se, auctore nut-  
ricio suo Assero, in matrimonium despondit; conf.  
*Heimskr. T. I. Hist. VI. Cap. C. pag. 299.* Nec  
abfimile Olafi Sti N. R. cum Astrida matrimonium  
fuit. Etenim Olafus Sveciæ rex in comitiis Upsa-  
lensibus filiam legitimam nomine Ingigerdam, Olafu  
N. R. uxorem invitus promiserat, & Gothiæ Comiti  
Rögnvaldo negotium vicarium, ut suo nomine regi  
Norvego filiam in matrimonium desponderet, palam  
& publice mandaverat. Facti autem postea poenitens  
rex Svecus, datam publice fidem fefellit, & Ingiger-  
dam regi Holmgardiæ in matrimonium desponsavit;  
qua re & Olafum N. R. & Comitem Rögnvaldum  
graviter læsisse videbatur. Hi igitur, quo injuriam  
regis Sveciæ vindicarent, consilia inter se clanculum  
communicabant, quorum is fuit exitus, ut Rögnvaldus  
assumptam aliam Olafi Sv. R. filiam, sed naturalem,  
nomine Astridam, secum in Norvegiam abduceret,  
eamque regi Norvegiæ Olafu propria auctoritate, &  
inconsulto patre in matrimonium desponsaret & elo-  
caret. De hoc *Heimskr. T. II. Hist. VII. Cap. XCIV.*  
*p. 131.* Rögnvaldr Jarl fastnadi Astridi dóttir Olafs  
Svía konungs Olafi Noregs konungi, með þeirri bei-  
manfylgiu, sem ádr lafði skilit verit, at Ingigerdr  
syster bennar skyldi bafa heiman bafa. Konungr skyldi  
og veita Astridi þvilika tilgiöf, sem hann skyldi bafa  
veitt Ingigerdi systor bennar. Var þá sú veizla  
aukin, oc var þá druckit brullap Olafs konungs oc  
Astridar drottningar með mikilli vegfemd. v: Rögn-  
valdus Comes Astridam, Olafi Sv. R. filiam, Olafu N.  
R. desponsavit, eadem cum dote, quam ut acciperet



Ingigerda illius soror; domoque secum ferret, antea fuerat decretum & statutum; sponsæque itidem dona daret rex eadem, quæ Ingigerdæ ejus sorori daturus fuisset. Tum majori apparatu structo convivio, nuptiæ Olafi regis atque Astridæ reginæ ingenti cum magnificentia sunt celebratæ. Hæc sponsalia, sive vi mandati, a rege Sveco de filia regi Norvego despondenda in comitiis Upsalensibus sibi publice dati, (vid. *libr. T. & Hist. cit. Cap. LXXXI. pag. 105.*), sive nutricatus Astridæ officio in se interim suscepto, Astridam enim non ipse, sed Egillus quidam Vestrogothus educaverat, (vid. *L. T. & Hist. cit. Cap. LXXXIX. p. 118. 119.*), jure se facere credidit Rögnvaldus; præsertim cum pater Astridæ, utpote fidei publicæ, de matrimonio filiæ proditæ reus, hac contumelia, & locandi filias jure exui dignus censeretur. Utcumque res fuerit, regis Norvegi cum Astrida nuptiæ pro legitimis habitæ, & Olafi S. R. Astridæ patris consensu deinceps approbatæ fuerunt, vid. *L. T. & Hist. cit. Cap. XCVII. p. 143.* Thordus Gellerus suam ex sorore neptem Thuridam, quam enutrivit, vivo & præseunte patre Gunnaro, jure nutricatus Hersteino cuidam uxorem despondit & elocavit; teste *Vita Thorero Gallinarii, Mst.* Si foeminæ nec tutor jure sanguinis, nec nutricus esset, ex amicis rerum suarum curatorem pro arbitrio elegit, cujus consilium, ut in aliis, ita etiam in negotio matrimonii illa sequebatur. Arbitraria tamen hæc electio foeminæ suadendi magis jus & potestatem, quam auctoritatem electo curatori dedisse videtur. Hinc Gudruna Osvisi filia, cum illum nuptiis ambiret Thorkillus, ipsæque & patre & fratribus, qui ob eandem Kiartani omnes exilio multati fuerant,



fuerant, esset orbata, Gudrunæ autem filii ætatem legitime maturam vixdum attigissent, Snorrii Prætoris, quem amicorum fidissimum & sapientissimum sæpe fuerat experta; sententiam & consilium seqvebatur; vid. *Laxdela*, Cap. LXXV. Hic Gudruna procum Thorkillum commendanti Snorrio sic respondet: *Synir mínir muno ber mesto umráða Bolli oc Þorleikr: en þú ert sá hinn þridi maðr Snorri, er ec man þar ráð undir eiga, er mer þykir mesto skipta, því þú hefr mér lengi beilráðr verit. 3: In hac re filiorum meorum Bollii & Thorleiki sententia plurimum valebit: tu vero, Snorri, tertius ille es, cujus arbitrio res meas, quæ majoris quidem momenti fuerint, commissura sim; dudum enim mihi soles utilia suadere. Porroqve conditionem matrimonii acceptura dixit: *Mioc munon ver blyða forsiá Snorra ber um, því ofi bafa hanns ráð beilust verit. 3: Snorrii in hoc negotio curæ prudenti obtemperabimus; sua enim consilia nobis saluberrima fuerunt.* Sin autem vel extra patriam constitutæ foemina tutorem legitimum præsentem non haberent, vel intra patriam a tutore neglectæ defererentur, oblata, quæ placeret, nubendi conditione, suoapte & propria auctoritate sæpius nupsunt. Thorgerda in Norvegia Herjulfo cuidam, legitimo tutore Höskuldo, ipsius quippe filio adulto, non consulto, semet ipsa despondit, & suoapte nupsit. Unde maternam hæreditatem fratri uterino Ruto Herjulfi filio jure denegare sibi Höskuldus videbatur; vid. *Laxd.* Cap. VIII. & XXI. Foemina quædam nomine Svala, Thorarinum Langdalenfium Prætorem legitimum quidem intra patriam tutorem habebat; verum ille, cum a proco Svalæ consensum ad nuptias posceretur, conditionem foeminæ*



foeminæ se negligere, nuptias nec vetare nec permittere, sique fiant, absque sua auctoritate & consilio fieri declarat. His auditis Syala semet ipsa despondit, & proco Ospago nupsit; conf. *Hist. Bandamann. ed. Hol. pag. 3.*

## §. XXIX.

Jura maritorum hactenus explicuimus. Unde patet magnam maritis apud Romanos, nec minorem apud priscos Boreales, in uxores fuisse potestatem. Uxores quidem non fuerunt *res Mancipi*, nec instar servarum per æs & libram, ut Romanis loqui moris fuit (1), a viro alteri Mancipari aut venundari (*at seliaſt man-sali*), nec in servitutem redigi (*at piáſt*), poterant (2); fuerunt tamen in manu Mancipioque (*undir handar-jadri*) mariti, ut eas, misso repudio, & remancipare, & alteri emancipare viris licuerit (3). Hæc tamen emancipandi facultas quum per divortia uxoribus licita coërcebatur, tum rarius exercita videtur (4). Verum tantis juribus congrua maritorum officia & obligationes respondebant. Fuit enim virorum, uxores, ut honoris & bono-

bonorum consortes, digne & liberaliter habere, alere, eisqve sumtus pro familia honeste sustentanda necessarios subministrare (5). Siqvid porro habuerit uxor, cujus alios postulare, aut in alios qvod deliquerit, *quoniam ipsa in-jus quidem vocari* (6), *non autem causam in foro agere poterat* (7), uxorem omnimodo patrocinio tueri, ejus culpam redimere, omnemqve ejus læsionem & ignominiam, qua potis esset, averruncare & vindicare maritus tenebatur (8).

- 1) Uxores Romanorum etsi a patre emancipari marito, & a marito remancipari, qvum & alteri emancipari qviverint; etsi, inquam, uxor & capite deminuta ac in manu mancipioqve mariti, & maritus uxoris dominus fuerit, vid. supra, §. XXIII. Not. 2. *nevti-quam tamen uxor romana inter res mancipi numerabatur.* Res autem mancipi fuere prædia Italica, jura prædiorum, servi, quadrupes, hæreditas, filii familias, margaritæ & sepulcra. Hunc rerum mancipi catalogum, quem uxor non ingreditur, veteres secutus exhibet Heineccius, *Antiquit. Rom.* II. 1. 18. Quamvis porro & pater in filiam, & maritus in uxorem flagitiosam jus vitæ & necis habuerit, vid. *Hein.* I. cit. I. 9. 5. & I. 10. 6. minime tamen licebat vel patri filiam, vel marito uxorem instar mancipiorum in servitutem vendere aut tradere, sive, ut Romani loquebantur, *per as & libram mancipare.* Hoc enim ritu



ritu alienari non poterant nisi res mancipi, in quarum numero filius quidem, sed nec uxor erat, nec filia. Conf. Heinecc. *Antiquit. Rom.* I. 9. 6. & I. 12. 6. & 7.

- 2) *Man* apud priscos Boreales *servos utriusque sexus* denotat. Græcis *μαυς* erat servus; conf. Landn. ed. *Hafn. Indic. voc. poet.* p. 495. *Manus* etiam Romani famulos vocarunt, vid. *Gesn. Thes. L. L.* Hiuc *Manfal*, servi venditio v. traditio, & *mancaup*, servi emptio v. acceptio, item servus emptus v. acquisitus; quæ Borealiū vox. cum Romanorum *mancupio* cognationem plusquam fortuitam habere mihi quidem videtur. Ideoque, *at selia mansali*, idem est ac, in servitutem vendere five venundare; vid. *Heimskr. T. I. Hist. VI. Cap. LVIII.* p. 256. conf. *Landn. P. IV. Cap. II.* p. 281. & *P. V. Cap. XII.* pag. 370. 371. Servi Borealiū, quorum ob continuos in terras externas excursus piraticos ingenti multitudine vetus Septentrio abundabat, primitus omnes jure belli libertatem amisisse videntur. Homines enim vel nobilissimos populando captos dominus vel in servitutem ipse redigere, vel vendendo aliis emancipare poterat. Perpetuumque servitutis jugum pati cogebantur, non ipsi modo, qui capti fuerant, sed & captorum liberi, qui matris domino cedebant, nisi vel a suis lytro numerato liberarentur, vel ipsi pretio aut operis libertatem redimerent, vel denique a domino gratis manumitterentur, quales a Romanis *liberri*, a Borealibus *leysingiar* vocati sunt. In servitūem redigere, *at þiá*, olim dicebatur; unde Dan. *Tyende* pro operis, ortum videtur. De Mirgiola, regis Hibernici filia & Comitissæ Scoti uxore, ejusque filio Erpo, habet Land-



Landnama, P. II. Cap. XVI. p. 108. *Sigurdr jarl* z6c þau at berfánga, oc þiáði. 3: *Hos bello captos Sigurdus Comes in servitutem redegit. Klaufi vildi ecki láta þiáz. 3: Klaufus servitutis jugum sibi imponi non patiebatur; vid. Svarfdala, Mst.* Civibus autem ingenuis, intra patriam communem & legibus communibus viventibus, utrum vel obaratis vel delinquentibus servitutis jugum imponi potuerit, nec ne, non desinjo. Ejus certe rei exempla historica mihi non succurrunt; nec hujus sunt loci. Proprios filios non modo exponere, occidere, in carcerem detrudere, sed & ter in servitutem venundare, patri permisere prisce Romanorum leges, vid. *Heinecc. Antiqu. Rom. I. 9. 5. & 6.* Verum hac in parte Borealium veterum instituta minus barbara fuerunt. Liberorum enim venditionis nullum in historia boreali vestigium mihi repertum. Infantes recens natos exponere patri jus fuit, ita tamen, ut magis licitum, quam honestum haberetur; vid. *supr. §. XXIII. Not. 1.* Semel autem susceptos quod pater venum dederit, inauditum. Sororis servæ, & a domino ad ignominiam familiæ, post consuetudinem coactam expulsæ, filium Klaufium Griso, qui eum advexerat, in servitudinem redigendum commisit avunculus Thorsteinus; nevtquam vero vendidit, sed pecuniam insuper amplam domino fiduciario pro alimento impuberis numeravit, quæ pecunia, *fulga*, auctori Svarfdalæ vocatur. Uxores quidem repudiare, castigare, quin & flagitiosas occidere Romanis, nec non, nisi dispudisset, Borealibus licebat; vid. *supr. §. XXIV. Not. 1. 2. & 3.* In servitutem vero uxorem legitimam venundare, utrisque nefas & infandum.

2) Vid.



3) Vid. supra, §. XXIII. Not. 2. §. sequ. §. XXIV. Not. 1. 2. & §. XXV. Not. 1. 6.

4) Vid. supra, §. XXVII.

5) Hoc maritorum erga uxores officium fuisse vel exinde colligitur, quod illius negatio justam divertendi causam uxoribus persæpe dederit; vid. supra, §. XXVII. Not. 6. Quandoquidem autem rei penuariæ & vestiarie cura ac dispensatio penes uxores erat, pecuniam & sumtus ad alimentum atque mercedem operarum, ad suas & liberorum vestes & ornatum, quantum facultates permetterent, & nascendi vel ordinis conditio exigeret, uxori sufficere maritus debebat. Hoc etiam inter conventiones matrimonii, præsertim si parum dotata, sed nobilior, pecunioso & ignobiliori nuptum daretur, quod, at *gefa kono til fiár*, veteres dicebant, (conf. *Njala*, Cap. CXLIX. & *Vit. Havardi Isfyrd.* p. 53.), interdum expresse stipulatum fuisse, docet *Laxdala*, Cap. XXXIV. & *Fliótsdala*, Cap. XXIII. & XXIV. Penus igitur & domesticæ oeconomix dispensatio solius fere uxoris arbitrio permitteri debebat. Unde cum sua conditione minus contenta esset Unna, ejusque causam pater Mördus quæreretur, testes domestici, quos Rutus produxerat, rerum, quascunque vellet, illi copiam & arbitrium a marito fieri dixerunt, (*saugdo bana eina ráða þvi sem þín vildi*), vid. *Njala*, Cap. VI. Hinc Halgerda Gunnero, unde id ciborum haberet, roganti, *þat er eeki karla*, at *annaz um matreidu*. 3. Penum curare non esse virorum, respondit; vid. *Njala*, Cap. XLIX. Et quemadmodum splendida liberalitas inter præcipuas virtutes in Septentrione olim æstimabatur, sic avara maritorum & parciproma fordities male audiebat,



bat, & uxoribus earumque necessariis maxime displicebat. Hinc Urfa, regina maritum Atislum Sv. R. quippe tenacem & avarum, deferere constituit; teste Saxone, *Hist. Dan. Libr. II. pag. 29.* Cum supra memorata Halgerda maritum Thorvaldum alimenta familiæ, quæ deessent, prospicienda postularet, is vero, quantum satis esse solet, prospexisse se diceret, illa pro more suo non minus procax quam prodiga regessit: *ecki fer ec at þvi, þóttú hafir svelle þic til fiár oc fadir þinn: o: si tu cum patre per esuriam voluntariam ditescere quæsiueris, parum ego moror;* vid. *Njala, Cap. XI.* Alimenta etiam familiæ suppeditanda, (*saung i bá*), Ketillum Hængum uxor Sigrida poposcit, quæ ille statim paravit; vid. *Vit. Ketill. Hængi, Cap. VI.* Plagosam vero & illiberalem uxoris ingenue tractationem, nisi insignibus flagitiis meritam, non inodo fonticam divertendi causam uxori dedisse, sed maritis quoque exitialem fuisse, supra §. XXIV. Not. 2. & §. XXVII. Not. 6. monuimus.

- 6) Foeminas quidem in jus raptas apud Romanos, decemviro-  
rum saltem tempore, fuisse, docet exemplum  
Virginie; vid. *Liv. Hist. III. 44.* Posteriori tamen  
ævo matronas in jus vocari, non rapi potuisse, testis  
est Val. Max. II. 1. 5. Mulieres porro Romanorum  
comitiis & foro carere solitas, ex verbis ejusdem  
auctoris, III. 8. 6. *Quid foemina cum concione?*  
colligitur. Non in senatum venire foeminis fas  
erat, & causas apud magistratum agere adeo non  
solebant, ut, sicubi egerint, res monstri similis visa  
fuerit. Cujus rei documento esse possunt, cum Val.  
Maximi, VIII. 3. 1. verba: *ne de his quidem foeminis  
tacendum est, quas conditio natura, & verecundia stola,*



ut in foro & judiciis tacerent, cohibere non potuit; tum Plutarchi in *Num.* testimonium, qui, cum aliquando mulier in forum progressa causam pro se egisset, senatum deos consuluisse perhibet: ecquid hoc exemplum urbi portenderet; adeo nefas & insolens videbatur, mulierem in forum prodire, & vel suam ibi causam agere. Sed nec ullius publici muneris participes fuisse Romanorum antiquorum mulieres, fuse probat Heineccius, *Ant. Rom. III. 21. 11. & 13.* Borealium autem foeminas ob delicta graviora in jus vocari potuisse, monstrat, ut reliqua prætermittam, exemplum Hildigunnæ, cui ob magiam Einarus quidam diem dixit; actio tamen a filio Hildigunnæ, qui citantem armis aggressus prostravit, perempta fuit; vid. *Landn. P. II. Cap. VII. p. 75. sequ.* nec non Halgerdæ, cui Otkillus furti postulata dicam impegit; vid. *Njala, Cap. L.*

- 7) In foro causam egisse mulieres Borealium, aut raro aut nusquam reperies; & siquid tale inciderit, res erat in Septentrione, non minus quam apud Romanos, insolens & nigro cygno similis. Arma & jura tractare viri debebant; penus & familiæ domesticæ cura foeminis relinquenda. Sexus officia mutare non magis licitum aut decorum, quam sexum vestitu dissimulare; quod nefas & capitale duxisse Boreales, supr. §. XXVI. Not. 11 ostendimus. Virorum vices præoccupare in foemina semper protervum & temerarium; muliebribus etiam muniis fungi viris non turpe modo & probrosum, sed infame quoque habebatur. Veterum Borealium amazones, *Skioldmøer*, Saxoni & aliis memoratæ, dictorum fidem nevtiquam infringunt. Ritus enim & instituta gentium non ex  
rario-

rarioribus exemplis, sed communi & legibus attemperata consuetudine determinari debent. Amoris & zelotypiæ impotens Brynhilda perdilectum sibi Sigurdum, ne ejus conjugio glos frueretur, occidendum curavit; moxqve sibi ipsi, ne Sigurdo superesset, mortem cruentam propria manu conscivit. Sigurdi autem uxor Gudruna, ut fratres, ad quorum tamen perniciem ipsa maritum stimulasse videtur, occisos ulcisceretur, filios propria manu jugulavit, & jugulatos patri epulandos apposuit; moxqve maritum in lecto cubantem suis manibus ferro peremit. Ejusmodi autem facinora more gentis licita aut recepta fuisse, nemo sanus statuerit. In foro generali Unna quidem marito divortium solenniter renuntiavit, quod & ipsum insolens & novum videbatur, (*þetta gerdo menn at nyiom ridindom*), teste Niala, Cap. VII. Unde foeminas maritis domi plerumqve repudium renuntiare solitas colligitur, vid. supr. §. XXVI Nor. 7. Ipsa tamen vel litem forensem contra Rutum instituere, vel suam causam in foro agere haud sustinuit, quod primum pater Mördus, ut tutor filia, deinceps autem Gunnarus fecere; manifesto indicio, mulieri in foro causam agere haudquaquam licitum aut moris fuisse. Uxorem etiam furti postulatam Gunnarus in foro defendit. Matrem filii, sororem fratres aut alii cognati tuebantur. Mulieris igitur forense patrocinium, innuptæ tutori, nuptæ marito incubuit. Quodsi mulieri nec maritus, nec inter cognatos tutor patrocinio causæ idoneus esset, poterat ipsa de necessariis, extra sui tutelam constitutis, vel amicorum uni, causæ suæ actionem & defensionem coram testibus nuncupatis legitime mandare; quem actum Boreales, at



*handfala einom fauk*, Romani autem, *litis dominium in alterum transferre*, dicebant; vid. *Niala*, Cap. XXI. & XXII. p. 31. 33. Hoc foeminæ-saltem viduæ licuisse, Unnæ monstrat exemplum. Uxori vero de nullo negotio, in quod actio legitima dabatur, suopte vel jure contendere, vel pacto transigere licebat; quo respiciunt verba Gunnari ad uxorem, cædenti Svarti suis auspiciis peractam a marito pecunia fuisse repensam indignantem; *tuum erit coeptorum arbitrium; meum autem causarum exitum moderari*; vid. *Niala*, Cap. XXXVI. Prisci quidem Romani non fidejussiones tantum, sed omnes omnino mulierum intercessionibus ex quocumque contractu irritas habebant, foeminasque in forum prodire, & ullum civile negotium peragere vetabant. Huc spectant verba Val. Maximi, IX. 1. 4. *Sed quid ego de foeminis ulterius loquar, quas & imbecillitas mentis, & graviorum operum negata affectatio, omne studium ad curiosiorem sui cultum hortatur conferre?* Post abrogatam autem legem Oppiam, cujus & Livius, XXX. 5. & Val. Maximus, IX. 1. 3. meminere, foeminæ & paulo liberius vivere, & negotiationibus, versuris, ac intercessionibus vacare coeperunt. Quæ tamen licentia Augusti & Claudii edictis & senatus consulto fuit coërcita; vid. *Heinecc. Ant. Rom.* III. 21. 14. Hæc si cum Borealium institutis contendere velimus, eandem hic, quæ apud Romanos regulam valuisse comperies. Nimirum, quamdiu foemina sub virili esset tutela, tamdiu nihil negotii civilis, quod publice esset ratum, (res enim domesticæ & privæ, quæ sui erant arbitrii, hic excipiendæ), absque tutoris competentis auctoritate peragere poterat. Triplex autem mulierum inge-



ingenuarum discrimen hic observandum venit. *Virgines sub patria potestate* degebant, & hac orbatæ cognatorum *tutelæ* erant *obnoxia*. *Uxores in mariti dominio* erant constitutæ. *Vidua*, per justum matrimonium jus matronale semel consecuta, conjugio legitimo soluto, *sub patris* aut *cognatarum tutelam* recidebant. Si vero familiam deinceps alerent, tutorum potestati haud usquequaqve subjectæ fuerunt. Qvin etiam patris aut tutorum obitu, vel ipsis curam foeminæ negligentibus, vel si mulier, patria & necessitudinibus relictis, alio migraret, ubi nullum jure sanguinis tutorem haberet, *tutela foeminæ* penitus intermortua est & *obsolevit*. Hoc in casu multa civilia, & quidem a domesticis rebus diversa, negotia obire matronis licebat, quæ foeminis, tutorum aut maritorum potestati subjectis, facere non erat integrum. Poterant enim ejusmodi viduæ propria auctoritate, adhibitis tantum testibus, hæredes adoptare, servos manumittere, res nullius occupare, res suas vendendo vel donando alienare, alienas emendo comparare, & alias civiles negotiorum, quæ jure valerent, dispositiones facere, unde dominium mariti uxores, & potestas patria vel tutoris auctoritas reliquas mulieres exclusit. De his autem infra pluribus agetur. Hic tantum superest, ut paucis dispiciatur; *utrum foeminis olim magistratum gerere*, aut ullius publici muneris participes fieri, *licuerit*. De Romanis quidem mulieribus, quas sub perpetua fuisse tutela juris doctores affirmant, saltem quamdiu antiquis & Imperatorum lubidini novum obnoxiiis legibus res publica floruit, res omnino neganda videtur; de uxoribus maxime, quas & capite deminutas mariti dominium reddidit.



*Rem tamen sacram sapius fecere matronæ; quin & ejus cura Vestalibus virginibus publice commissa fuit, quæ ideo munere publico, sed sacro fungebantur. Hinc patria potestate, ut primum a pontifice captæ, exhibant; vid. Pitisci Lex. Ant. Rom. ad voc. Vestales. Idem uxoribus Dialium, quæ jure sacerdotii, quod gerebant, indultum fuisse, Heineccium, (vid. Antiqu. Rom. I. 12. 14.), annotare miror; ubi vir magnus, aut Tacito nimis credulus, aut ejus verba parum feliciter interpretatus videtur. Ita vero Tacitus, (Annal. IV. 16.):* *Et, quando exiret e jure patrio, qui id flaminium apisceretur, quæque in manum flaminis conveniret. Ita medendum senatus decreto, aut lege: sicut Augustus quadam ex horrida illa antiquitate, ad præsentem usum flexisset. Igitur tractatis religionibus, placitum, instituto flaminum nihil demutari. Sed lata lex, qua flaminica Dialis, sacrorum causa, in potestate viri, cœtera promiscuo foeminarum jure ageret. Nimirum flamen per dignitatem muneris, ejus autem uxor per solum conjugium potestate patria exhibat, qua solvebantur omnes, quæcunque per justas nuptias, si vel privato nupsissent, in manum viri convenere. Nec illa potestatis patriæ immunitas, uxori flaminis concessa, restringebatur, ut vult Heineccius, illo senatus decreto, quod Tacitus (loc. cit.) memorat: sed lata lex, qua flaminica Dialis, sacrorum causa in potestate viri &c.; etenim si sub potestate viri, in cujus manum convenerat, esset flaminica Dialis, certe paterno imperio, quod per nuptialem filiae emancipationem semper expiravit, fuit exempta. Illud interim ex allato Taciti loco observari dignum, quod flaminis Dialis uxores, etsi publico & sacro funge-*





fungerentur munere, etsi in cæteris, teste Tacito (*loc. cit.*), pari cum Vestalibus honore mactarentur, quas virgines sancti muneris dignitas ab imperio patrio, cui nulla non virgo obnoxia fuit, reddidit immunes, a solita mariti potestate neququam eximerentur. Ad Boreales autem ut regrediamur, *eorum instituta* priscis Romanorum hac ex parte satis congrua, *foeminis nullam functionem publicam, nisi sacram, concessisse* reperiemus. Regnorum horum Borealium historiam; sacris christianis in septentrionem nostrum introductis anteriorem, qualis hodieque superest, qui excusserit curatius, inveniet, opinor, regum solia, sellas magistratus, & tribunalia judicum, foëminis raro aut nunquam patuisse. Et vel ipsa, quæ historiam præcedit, mythologia Borealium testatur, deos solos belli tempore duces, domi iudices & imperantes egisse. Nec unquam vel regimini subditorum, vel præliis aut consiliis se, dum viverent, immiscuerunt, nec in deorum crepusculo se immiscebunt deæ Borealium; hac in re græcanicis deabus perquam dissimiles, quarum fortitudine muliebri Juppiter, reliquique dii mares, sæpe eguerunt & usi sunt. Deabus certe, dum viverent, nihil functionis publicæ, præter sacrificiorum curam, tribuit Snorrius; vid. *Heimskr. T. I. Hist. I. Cap. VII. p. 12.* Cæterum, quam ab imperio muliebri abhorruerint Boreales prisci, nihil magis ostendit, quam quod principis sui prius filio, ex pellice fordida, & haud dubie interdum mendaci, nato, quam filiæ ex legitimo & illustri thoro, indubiisque natalibus progenitæ, rerum summam toties tradiderint. Jura sexus supergressas Borealium Pallades sive Amazones, supra memoratas, non moramur. Has enim, præ-



occupato virorum officio, arma tractasse, exercitus classesque ductasse, provinciis dominatas esse, non magis mirum aut legitimum, quam sicubi servi cum dominis bella gessisse, aut vel canes, si qua fides, regionibus imperasse leguntur. Post bellum Bravicum Sigurdus Ringus Hetham Sialandis præfecit. Illi autem foemineis parere legibus probrosum rati, Olonem accedunt, postulantes, ne clarissimi regis militiæ assuetos muliebri jugo obnoxios haberi pateretur. Præterea ad ipsum se defecturos, si pro conditionis illorum deformitate tollenda arma susciperet, pollicentur. Hæc verba Saxonis, (*Hist. Dan. Libr. VIII. pag. 147.*), mores & judicia temporum declarant. Quod vero de summo valuit imperio, id etiam de inferiore magistratu foeminis prohibito, absque errandi periculo dici posse persuasum habemus. Templorum autem & sacrificiorum curam mulieribus subinde demandasse Boreales, easque exinde, *bof-gydior*, vel *blót-gydior*, *o: templorum aut sacrificiorum antistitas* dictas fuisse, ex historiis probatu facile. Snorrius in *Heimskr. T. I. Hist. I. Cap. IV. p. 8.* refert: *Dóttir Niardar var Freya, hon var blótgýdia.* i. e. *Filia Niörði erat Freja; illa facta est sacrificiorum antistita.* Nec non, *loc. cit. Cap. XIII. p. 16.* *Freya heit þá upp blótum, þótt hon ein lifði þá eptir godanna; o: Freja tunc temporis sacrificia rite curabat, sola quippe diis omnibus tum superstes.* Nunquam tamen Freja Svecis imperitasse legitur, etsi sola diis reliquis, ideoque & patri & fratri, qui Svecis dominati fuerant, superstes. Apud Barmos etiam, quos eisdem cum Borealibus deos coluisse *Vita Seurlögi Laboriosi, Cap. XIX.* testatur, antistita foemina templo præfecta fuit. Quocum etiam *Herrodi*



& *Bosii Historia*, eadem fere referens, conferri potest. Nec abludit *Vita Fridtbiofi Vegeti*, quæ in festo deorum sacrificio, quod *dísa-blót* veteres dixere, reges ipsos, regumque uxores, sacris ministrasse perhibet, *Cap.V. Voro þá kóngar at dísa-blóti*, oc *sáto vit dryckio*; *eldar voro á gólfino*, oc *sáta kóngar vit eldana*, oc *baukudo god sín*; enn *sumir smurdo* oc *þerdo med dúkom*; 3: *deabus sacra peragentes reges, computationi (festæ) vacabant. In pavimento ignes succensi, ad quos reges deorum suorum simulacra torrebant*; eadem vero alii *ungebant* & *abstergebant mantilibus*. Hi autem reges erant Helgius & Halfdanus fratres, Beli filii. Idem porro auctor paulo inferius: *þegar Fridþjófr geck utar eptir gólfino*, *sá bann bringinn góða á bönd kono Helga*, *þar bæn bakadi Baldr vid eldinn*. *Fridþjófr tók til bringfins*, enn *bann var fastr á bendinni*; oc *dró bann bana utar eptir gólfino*; enn *Baldr fell á eldinn*. *Kona Hálfðanar geck skíðtt til banns*; ok *fell þá þat godit á eldinn*, *sem bæn hafði bakat*. *Lystir nu eldinom á badi godin*, enn *þau voro ádr smurd*, oc *þadann úti rasrit*; *sua búsit tók at loka*; 3: *Fores cum repeteret Fridtbiofus, annulum eximium, (quem Ingebiargæ ipse dederat), in manu uxoris Helgii, quæ Balderum (deastrum) ad ignem torrefaciebat, conspicatus est. Fridtbiofus, annulo apprehenso, cum manui adstrictus haberet, gestatricem per pavimentum ad fores secum pertraxit, adeo ut Balderus interim in ignem corrueret. Hunc ereptura cum Hálfðani uxor. accurreret, simulacrum, quod ipsa torruerat, manibus elapsum igni permisit. Ambo igitur simulacra, utpote nuper pollincta, ignis corripuit, flammaque illico ad regulas glomerata delubrum incendio*



*brevi involvit.* Hinc patet, principibus foeminis, etiam maritatis, non secus ac flaminicæ Diali, rem sacram apud Boreales facere olium permissum. In Islandia quoque, haud longe a primis occupatæ insulæ temporibus, binas templorum antistitas (*bofgydior*) invenio; quarum unam Thuridam nominat Landnama, *P. IV. Cap. X. p. 308.* alteram, nomine Steinvaram, Historia Vopnfiörðens. *Cap. V.* commemorat. Neutra tamen judicis aut magistratus officium gessisse (*baft manna-forráð*), sed templi tantum ædem, sacra & reditus curasse videtur. Hoc exinde colligo, quod, cum tributum templo solvendum negaretur, Steinvara Brodd-Helgii, viri in tribulium magistratu constituti, auxilium imploraverit. Mulieri igitur parere priscorum Borealium genio utique adeo repugnabat, ut, quamvis fuerint foeminæ, quæ publicis negotiis se immiscuerint, qualis Thyra Dannebod in Dania, vid. *Hist. Ol. Trygv. ed. Scalb. P. I. Cap. LXXIII. sequ.* Gunhilda Regum-mater in Norvegia, vid. *Heimskr. T. I. Hist. V. Cap. I. sequ.* Thorbiarga, vid. *Vit. Gretteri Rob. Cap. LIV. p. 128.* & aliæ, tamen non propria, sed maritorum aut filiorum auctoritate, magisque usurpando quam jure, id fecisse dicendæ sint.

- §) Quoniam Borealium uxores in potestate maritorum fuerunt, jure filiarum, ut videtur, gaudentes, *maritos vicissim cujusmodicunque patrociniũ & tutelam uxoribus debuisse* nihil mirum. Dotem uxoris Thyræ a rege Burislafō, quem maritum illa deseruerat, reposcerē, suum agnovit Olafus Trygvinius N. R. poposcitque expeditione sibi & Norvegis fatali; vid. *Heimskr. T. I. Hist. VI. Cap. C. p. 300. sequ.* Pro vul-



vulnere Ejulfo a Thordisa, cujus fratrem occiderat, inflicto, multam pecuniariam maritus Börkus expendit; vid. *Vit. Gislí Surf. Cap. XXXV. p. 178.* Domesticorum cædes, jussu uxorum alternatim patratas, aliquoties redemerunt mariti Nialus & Gunnarus; vid. *Niala, Cap. XXXVI—XLIV.* Furtum Halgerdæ cum rumoribus vulgari coepisset, fratrem suum Gunnarum, Halgerdæ maritum, Kolskeggus sic alloquitur: *Þú man þyckia skyldazr at bata fyrí kono þína, oc þycki mer ráð, at þú farir at finna Otkel oc biðdir þónom góð bod. Þetta er vel mál, segir Gunnar, oc skal svo vera; o: Uxoris culpam redimere tui vel maxime res officii habebitur; auctor igitur tibi fuerim, ut Otkelum convenias, aquasque damni refarciendi condiciones illi offeras. Cui Gunnarus: monitum honestum effectui dabitur; vid. *Niala, Cap. XLIX.* Cum vero oblatae litis amice componendæ condiciones Otkelus rejiceret, Gunnarumque & uxorem furti postulatatos in jus vocaret, actionem oblata monomachia peremtorus fuit Gunnarus. Quod cum pars adversa rescivisset, litis æstimationem Gunnari ipsius arbitrio permisere; vid. *Niala, Cap. XLIX—LL.* Uxoris etiam quaecunque læsionem & contumeliam tentatam refellere, factamque vindicare mariti fuit. Hinc cum in convivio quodam ignominiam & opprobria passa sibi Halgerda videretur, his ad vindictam verbis maritum accendere frustra conabatur: *til lítills kemr mer, at eiga þinn vascasta mann á Íslandi, ef þú hefnir þessa eigi Gunnar; o: Tibi vero, Gunnare, viro in Islandia manu promissimo, nupsisse, si hoc non ulcisceris, parum mihi prodest; vid. *Niala, Cap. XXXV.* Divortium marito Thorvaldo minabatur Freydisa, vi, quam sibi factam**

mentie-



mentiebatur, contumeliam ulcisceretur: quibus virum adeo commovit, ut in innocentes cæde grassaretur; vid. *Heimskr. T. I. Hist. VI. Cap. CXX. p. 323. 324.* Cum injuriam quamlibet uxori factam graviter ferre & punire solerent Boreales, nihil tamen vel acerbius pupugit maritos, vel audacius vindicari sivevit, quam thori maritalis pollutio, sive uxori vis illata fuisset, sive ipsa ad adulterium seducta. Hanc enim contumeliam etiam rebellionem ac cæde principis sæpius ultii sunt subditi; vid. *supr. §. XX. Not. 13. conf. Vit. Thordi Hræda, Cap. II. p. 60.* Inter privatos etiam hæc injuria, si fieri posset, cæde moechi, ac, ni vis uxori illata esset, ipsius etiam repudio plerumque constitit. Qvin & zelotypia interdum & levis mariti suspicio homicidiis frequentem præbuit occasionem; vid. *Petr. Fridr. Subms Hist. af Daunem. Tom. I. pag. 467. conf. Heimskr. T. I. Hist. I. Cap. XXIV. p. 29. Hist. Ol. Trygv. P. II. Cap. LXIX. pag. 248. sequ. Vit. Viga-Glumi, Cap. XXI. p. 220. Vit. Kroka-Refi, Cap. XII. p. 61. 62.*

### §. XXX.

Nunc quosdam matrimonii effectus a parte uxoris dabimus. Nimirum legitime sponsa mulier per justas nuptias fiebat *materfamilias*, *Hufs-freyia* (1), & *jus matronale* nanciscebatur. Ad jus illud matronale pertinebat, I) *dignitatis & honorum mariti communio*;

II)



II) *potestas clavium*; III) *potestatis herilis*, & IV) *patriæ participatio*; V) *facultas legitime divertendi*; & denique VI) *jus dotem post divortium aut mortem mariti, vel partem bonorum per sponsalia stipulatam retinendi*. Equidem inter omnes, ut opinor, gentes usu venit, ut qvo maritus jure nascendi, officio, auctoritate vel opibus, inter cives plus polleret, eo quoque major uxori haberetur honor. Hoc in *conviviis* (2), *spectaculis* (3), & quocunque *solenni foeminarum confessu* a priscis Borealibus observatum. De potestate clavium in antecedentibus dictum (4). *Familia domestica* famulos (*verk-menn*), famulasque (*grid-konur*), servos (*prælar*), servasque (*ambáttir*), nec non liberos continebat. Jus igitur in familiam potestatem & herilem & patriam importabat. Quamvis vero *suprema in familiam potestas penes patrem familias*, qvi caput erat *familiæ*, esset, fieri tamen non potuit, qvin *uxor*, cui tam ad dispensationem penuariam seu potestatem clavium utiliter exercendam, quam ad educandos liberos, *familiæ obsequiis* erat opus,



opus, *divisam cum marito in familiam potestatem haberet*. Poterat utiqve uxor, absente præsertim vel consentiente marito, famulos famulasqve conducere (5), conductisqve, uti & servis ac liberis operas imperare (6), & familiam universam regere, castigare, proqve meritis punire & remunerari (7). Suis tamen limitibus ista matris familias in familiam potestas erat circumscripta. Fuit enim, quod matri familias in familiam non liceret; quippe nec operas ad eadem conducere, nec conductis, servis, vel liberis, homicidia, furta, rapinas, aut alia flagitia imperare potuit (8), nec in mancipia jus vitæ & necis habebat, aut ea manumittendi jure gaudebat, utrumqve enim soli servorum domino licebat (9); nec cædis aut criminis capitalis reos & aliunde profugos in tutelam recipere poterat (10); nec in peccatis liberorum connivere, nec eos injussu mariti vel exponere, vel exponendos alere, vel mancipare; nec filias in matrimonium dare uxori licebat (11). *Jus matronale* retinebant *viduæ*, quæ viris mor-



mortuis *familiam alebant*; earumque major in familiam, quam uxorum, quæ in manu mariti fuerunt, potestas erat (12); nec enim tantum tutori in viduam, quantum marito in uxorem licuit. Plus etiam nobiliori quam ignobili uxori usu licuisse videtur (13). Etsi autem nunquam non fuerint *uxores imperiosæ*, quæ jura maritorum usurparent, id tamen marito indulgente & connivente magis, quam ex justo factum censeretur debet (14). De jure tam divertendi (15), quam dotis, vel pactæ bonorum partis post legitimum divortium vel fata mariti herciscendæ, supra egimus (16).

- 1) Quemadmodum *patrem familias*, qui respectu uxoris maritus, liberorum pater, & operarum herus fuit, prisci Boreales, *bonde*, dixerunt, honestissimo olim nomine, & solis ingenuis, imo principibus interdum viris, (vid. *Heimskr. T. II. Hist. VII. Cap. LXXIX. p. 102.*), nec diis nunquam, loci nempe dominis, (vid. *Vit. Fridtbiofi, Cap. IV.*), dari solito, qui vocis usus illustri Svecorum familiæ Bondeanæ originem dedit; sic *mater familias*, quæ viro uxor, liberis mater, & operis heras fuit, olim, *búfs-freya*, Dan. *Husfrue*, unde modernum *Hustrue*, appellari consuevit. Vocem hanc a Frejæ deæ nomine desumptam jamtum observavit Snorrius; vid. *Heimskr. T. I. Hist.*



*Hist. I. Cap. XIII. p. 16.* Cæterum cum Freja s. Freya, ejusque frater Freyr, ut foecunditatis numina olim a Borealibus culta fuerint, fertilitatis notionem utrumque nomen involvere quibusdam creditur. Certe Freyr & Freya, cum vocibus fra, Dan. Frøe, semen, item frær, & friór, fertilis, etymologicæ cognationis quicquam habere haud absurde dixeris; adeo ut Venus illa Borealium Freya, quæ in Edda Snorrii amorem conciliare dicitur, haud secus ac illa Romanorum, non viventibus modo, sed & vegetantibus progignendis præfuerit. Quin frater cum sorore, Freyr & Freya, quatenus pro diis naturalibus sumuntur, vel esse videntur unum idemque numen, satis quidem congruum Barbatæ Romanorum Veneri, quæ utriusque sexus fuisse existimabatur: nimirum, cum ad productionem vitæ, tam animalis quam vegetativæ, utrumque sexum concurrere nossent veteres, ideo numen illud, quod generationi & foecunditati præfecere, utriusque sexus esse persuasum habebant: horum verba Virgilii nonnulli referunt, de Venere Æneæ matre loquentis: *Ducente deo flammam inter & hostes Expedior. Æneid. Libr. II. v. 632.* Vel, quo tempore naturam pro auctore naturæ, nempe aut corpora universi adspectabilis totalia, solem, lunam, terram, aut elementa & vires naturæ, ex gr. ignem, mare (aquam), ventos (aërem), &c. religiose colebant majores, Frejrum & Frejam, quemadmodum Græci Romanique Phoebum & Phoeben s. Apollinem & Dianam, ut symbolica lunæ solisque numina venerati sunt, quorum quippe virtute benefica omnia, quæ gignuntur, indigere credebant. Alii autem nomina, Freyr & Freya, dominum dominique appellative significare autu-

autumant. Sic *Dala-freyr* in *Sturlunga*, *Dalensium* dominum, & *Biarga-freya* in *Vita Örfar-Oddi*, rupium, dominam sive oreadem denotat. Hinc Danorum *Frue*, Germanorum *Frau*, voces cum priscorum Borealium *Freya*, sive originem sive vim spectes, prorsus eadem, nihil aliud quam dominam vel heram innuunt. Huic sententiae patrocinator ipse Snorrius, loco *Heimskr. sup. cit.* *Freya vǫrd þá hin frǫgasta, sva at með hennar nafni skyldi kalla allar konor eignar, sva sem nú heita fruvor. Sva heitir oc hver Freya yfir sinni eign, enn sú búst-freya er bú á. o: Maximam celebritatem tum adeptæ est Freja, tantamque, ut ejus nomen foemina omnes referant illustriores, quæ nunc Fruvor (domina) audiunt. Sic quævis foemina, eorum, quæ possidet, Freja (domina), ea autem, quæ oeconomia domesticæ est domina, busfreja vocatur. Luculentus sane locus, & qui notionem vocis, búst-freya, ex mente veterum simul definit. Nimirum búst-freya, (mater familias), Snorrio est, quæ oeconomiam domesticam possidet & curat; quod cum absque ministeriis fieri nequeat, busfrejam vocamus, quæ familiam domesticam alit, sive id vivente marito uxor, sive viro mortuo, vidua faciat. Hæc autem notio vocis, búst-freya, in historicis majorum monumentis ubivis fere obvia, exemplis alterius adstrui non eget.*

- 2) Convivia majorum varia fuere; vel x) pro fine diverso, ex, gr. *blót-veitsla*, convivium sacrum, sive sacrificatorium; *festar-öl*, convivium sponsalitium; *brúð-kaup*, nuptia; quod non coëmptionem, ut quibusdam visum, hæc enim ad sponsalia pertinebat, sed acceptionem sponsæ solennem, vi vocis significat; verbum enim,



at kaupá (capere), non tantum emere, sed etiam accipere denotat: *erfi*, vel *erfis-öl*, convivium parentale, sive in honorem mortuorum; *beim-bod* & *vina-bod*, convivium amicum, &c. Vel 2) pro tempore, quo celebrata sunt; ex. gr. *haust-bod*, convivium autumnale; *jóla-bod*, convivium jolenfe, &c. In omnibus his conviviis eum discumbendi ordinem, ut, qui cujusque dignitati conveniret, convivis locus daretur, quod, at *skipa maunnom i sati*, disponere convivas, dici solebat, observarunt Boreales. Viri in scamnis lateralibus (á *lángbeck*), foeminae in intima ædis parte in tabulato transverso, (á *palli*), segreges plerumque sedebant. Priscus hic Borealiun ordo in *Vita Gunnl. Vermilingv. ed. Hafn. Cap. XI. Not. 53. p. 138. sequ.* non copiose modo & erudite descriptus, sed scite etiam depictus visitur. Hic viris pro officio, autoritate & natalibus, foeminis autem pro marito, si nuptæ, innuptis pro patris dignitate, sua sedes assignabatur; unde muliebris nonnunquam æmulatio, rixarum, & inter viros homicidiorum subinde mater, enata legitur. In convivio Bergthorshvolensi Thorhallæ locum a matre familias Berghthora concedere iussa Halgerda Gunnari uxor, rem graviter adeo tulit, ut jurgiis primum & opprobriis, mox reciprocis domesticorum cædibus hæ viragines certaverint; vid *Niala, Cap. XXXIV. sequ.* In convivio Hiardarholtensi, cum, quo ordine disponi foeminae deberent, quæreretur, respondit Kiartanus: *Hrefna skal sitja i öndvegi, oc vera mest metin at allri þíónustu, á meðan ec er á lífi. 3: Hrefna sedem primariam occupato, illique omnium primas, quamdiu ego vixerim, ministeria deferunt. Hrefna hæc Kiartani fuit uxor; primariam autem foeminarum in convi-*  
viiis



viis sedem, Hiardarholti & alias occupare sive fuerat Gudruna Ofvifi filia, Bollio tunc nupta. Quæ cum hæc Kiartani verba audiret, iram, quæ gravem animo conceptam mutato vultus colore testabatur, silentio tunc quidem compressit, quæ tamen infecutis injuriarum mutuarum vicibus sensim exarsit, nec nisi eade Kiartani demum restincta fuit; vid. *Laxdæla, Cap. L. sequ.* Nec aliter de primatu & prærogativa maritorum, & sua illinc pendula, duæ magnatum uxores, Geirlöga & Thorlöga, in convivio nuptiali contendebant: Unde magna simultatum & homicidiorum seges pullulavit; teste *Reikdæla Mst.*

- 3) *SPECTACULA veterum Borealium* diversa fuerunt & multa; nulla tamen scenica vel histrionica, sed pro ingenio populi mascula & asperiora. *Horum triplex* ego genus constituo; fuerunt nempe, 1) *Ludi*, 2) *Exercitia militaria*, & 3) *Pugnæ*.
- 1) *Ludos* habuerunt Boreales vel *publicos*, vel *domesticos* & *privatos*. *Ludos* autem *privatos*, ex. gr. *laturunculorum*, *aleæ*, *musicos*, &c. quoniam pro spectaculis haberi nequeunt, horum referre nolumus. *Inter ludos publicos*, qui quidem nobis innotuerint, frequentissimi fuerunt sequentes.
- 1) *Skinn-dráttir*, *ductus corii*. Hujus meminit *Laxdæla*, vid. *Cap. XLIX.* ubi ad colludendum sollicitatus Kiartanus respondit: *Litt þessic tamit mic vid leika um bríð þic næsta; því annat var tíðara bíð þíð Olafi kóngs, enn vera vid skinn-drætti;* 2) *Aliquanto elapsi proxime temporis intervallo ludis parum me exercui; alia enim negotia Olafi regis satellitibus frequentiora, quam coriis ductandis vacare. Hujus ludicri duo statuenda sunt genera;*



unum nempe *bráskinns-leikr*, alterum *vefp-dráttir*.  
 a) *Hráskinns-leikr*, sive ludus crudi corii, antiquissimus ille, & non ad heroica solum, sed ad gigantea etiam tempora referendus, universe triplex fuisse videtur. α) Nimirum *crudas* animantium, ex. gr. taurorum, urforum, eqvorum, recens mactatorum pelles viri in diversa summo nisu ductabant, usque dum corium vel rumperent, vel unus alteri extorqueret. Et hoc fuisse vetustissimum & vulgare corii ductandi, sive ludicri, quod *skinn-dráttir* vocatur, genus, vel ipsum nomen innuit. β) Alterum in aula Frothonis III. D. R. usitatum refert Saxo, vid. *Hist. Dan. Libr. V. p. 75*. *Vernæ regis, ut ludibrio venientem exciperent, lubricum limini substravere pellem. Quam ingrediente Erico celeri funis tractu corripientes lapsum insistenti fecissent, ni Rollerus pone subiens pectore nutabundum exciperet fratrem. Ericus itaque semisus, nudum habere tergum fraternitatis inopem, referebat.* Hoc vero ludibrium, ludam quendam vulgarem fuisse, & res ipsa ambigere prohibet; & insecutum Frothonis dicterium: *corium meretur, qui corio concidit*; vid. *loc. cit. p. 77*. Vetus enim adagium esse credo; adagio autem ludus originem dedit. Quemadmodum vero antiquior pleraque apud Saxonem, ita hæc Erici Diserti historia, veteris lingvæ danicæ adagiis est refertissima; quod vel locus supra allatus testatur. Illa enim Erici: *nudum habet tergum fraternitatis inops*, quid quæso aliud, quam vetus verbum: *ber er hver á baken, nema bródr eigi*; quod danice dederis: *bar er hver paa Ryggen, som ikke bar en Broder*. Hanc autem gnomam, alias notissimam,



simam, quæ Grettero, ictu lethali percussio excidit, vid. *Vit. Grett. Rob. Cap. LXXXIIX. p. 154.* hic in transitu ideo notavi, quia in notis Stephani præter morem non est observata. Ecquæ autem cum hoc ludicro coriario convenientiam habeat ludus vernaculus, Stephanio, in *Not. ad Sax. memoratus*, qui, *at drage Katte-skrud*, hodieque vocatur, definire non ausim. γ) Tertia ludi, *bráskinus-leikr* dicti, species erat, quæ *crudas* animalium *pelles* complicatas & *constrictas in pileæ modum* inter se *jactabant*. Hic ludus pervetustus, & circa religionis christianæ in Septentrione initia obsoletus, dudumque solis gigantibus in conviviis usitatus perhibetur; vid. *Vit. Gest. Bardi f. ed. Hol. Cap. III. p. 174.* b) Aliud porro ductandi corii genus, & quidem recentius, vel saltem diutius exercitum, fuit *reip-dráttir, ductio funis*; funes enim ex coriis in Septentrione fieri solitos notissimum. Funis ductandi ludicrum vel *statarium* vel *cursorium*. α) Statarii gemina quoque species, parvo quidem discrimine. Aut enim *circulum funalem*, aut *funem simplicem* inter se distendebant. N) Prius, *at toga haunk vid einn*, dicebatur. Hoc ludi genere cum Westmaro, vita pignori posita, certavit Ericus Disertus, teste Saxone, in *Hist. Dan. Libr. V. p. 78.* ubi ludus ipse satis accurate simul describitur: Quo viso, Westmarus verbis superiorem viribus incessere statuit, vincentis præmium in victi nece constituens, ut utriusque salus in pignore posita videretur. Nec Ericus conditione uti abnuvit, ne lingua quam manu promptior existimari posset. Erat autem tale certaminis genus: *Circulus vimine vel fune contextus,*



magno pedum manuumque conatu decertaturis raptim  
 distrabendus exhiberi solebat, fortiori tribuens pal-  
 mam: quem colluctantium si quis alteri detraxisset,  
 victoria donabatur. In quem morem agonizans Ericus,  
 correptam acrius restem manibus concertantis ex-  
 cussit. Eodem quoque certaminis genere cum  
 Sveino Efrutio D. R. contendere, colluctantique  
 ansam funalem extorquere, (toga af haunom haunkina),  
 sibi per quietem videbatur Haraldus Severus N. R.  
 cum rege Dano postridie depræliaturus; quod som-  
 nium, utpote faustum victoriæ omen, militibus  
 folers imperator exposuit, neq vanus fuit somniator,  
 teste *Historia Norvegica Mst.* 2) Si vero funem  
 simplicem, vel unum vel duos, nimirum sua singu-  
 los manu distenderent, at draga reip via einn,  
 speciatim vocabatur, ita tamen, ut hac nomen-  
 clatura latius sumta ludus uterque appellaretur.  
 Ludicrum illud, *Funiculorum Certamen*, vocat &  
 describit Saxo, eoqve Ericum Bonum D. R. solum  
 non singulos, sed quatuor simul robustissimos collu-  
 fores superasse narrat; vid. *Hist. Dan. Libr. XII.*  
*p. 224.* Nec minori robore funiculorum certamen  
 exhibuit. Quippe unum dextra, alterum sinistra  
 continens, eorum extrema quatuor præstantibus robore  
 viris ex adverso distrabenda commisit. Quibus cum  
 nequicquam sede sua detrabere laborantibus, ipse  
 funem utrumque modo dextra, modo lava corripient,  
 ingeni fortitudine effecit, ut aut tenentibus restim  
 excuteret, aut eosdem ad se magnopere renitentes  
 appelleret, funemque ducere nequeuntes sequi cogeret.  
 Uterque hic ludus locum fecit adagio veteri: vandr  
 er vit ramann reip at draga; quod Saxo, loc. cit.  
 vertit:



vertit: *arduum contra fortem fune contendere*. Fuisse quidem Romanis ludi genus, quod, *funem* sive *restim ducere* vocabant, auctorum quorundam loca monstrant. Habuerunt enim Romani mutuum, per funem intermedium in diversa distentum, vires periclitandi certamen; adeoque cum *funiculorum certamine* Borealium, Saxoni memorato, prorsus idem. Nec aliud præ se ferunt verba Tertulliani, vid. *Libr. de Pudicitia, Cap. II.* Sed non decet ultra de autoritate scripturarum ejusmodi *funem contentiosum alterno ductu in diversa distendere*. Cui congruit *Job. Salisb. de Nug. Curial. Libr. III. Cap. VIII.* Aut si nomen comoediæ gratiosius est, non duco contentionis funem, dum constat inter nos, quod totus fere mundus, juxta Petronium, *exerceat bistrioniam*. Satis etiam similis fuit puerilis Romanorum ludus, quo, *restim ducere* dicebantur, dum *sparteam restim tamdiu inter se trahabant*, donec aut *rumperetur*, aut alteruter, *omissa funis prehensione*, in nates caderet; observante J. Scaligero, & J. Fr. Gronovio. β) *Cursorium funem ducendi exercitium* Romanis fuit saltationis quædam species; genus nempe choreæ, qua pueri & puellæ manibus invicem confertis, longo ordine saltabant; quemadmodum commentatur Dacieria in verba Livii, XXVII. 37. *In foro pompa constitit, & per manus recte ducta virgines sonum vocis pulsu pedum modulantes incessebant*. In hoc igitur ludo, manibus funem tenentibus, saltare solebant. Choreæ princeps & præfultor funem duxit, quem alii præeuntem sequebantur. Ad ejusmodi choream, qua manus inter saltandum jungebantur, respicit Horat. *Carm. II.*



*Quam nec ferre pedem dedecuit choris,  
Nec certare joco, nec dare brachia,  
Ludentem nitidis virginibus, sacro  
Dianæ celebris die.*

Et multo clarius idem auctor. *Ep. I. 10. 47.*

*Imperat aut servit collecta pecunia cuique,*

*Tortum digna sequi potius quam ducere funem.*

Eodem etiam spectant verba Terentii. *Adelpb. Act.*

*IV. Sc. 7. v. 34. Tu inter eas restim ductans*

*salsabis.* Enimvero nec illam restim aut funem

*ducentium choream* veteres Boreales ignorarunt.

Huic certe perquam simile ludi genus habuerunt,

*bring-bror* vocatum, quod dan. *Ringbrud* sonaret.

In hoc ludo longus saltantium sive cursantium

ordo in orbem fere curvatur; manus omnium in

seriem conjunctæ per alternatas successionum vices

a proximis binis sursum levantur, subter quas om-

nibus ludentibus aliquoties transeundum. Præ-

sultoris partes maxime laboriosæ, qui, dum ludum

aperit, *at briôta bringinn*; v: orbem frangere, dici-

tur. Ludi hujus mentionem facit *Vita Armanni*, quæ

*Hrapôa* ante biennium in lucem prodiit; historia

quidem valde fabulosa, nec tamen heri aut nudius

tertius conficta, & satis idonea testis rei, cujus

etiam nunc reliquiæ, quas ipse puer vidi, in Islandia

superfunt. Hujusce ludi aliqualis similitudo in

modernis *choreis*, quæ *Anglicana* dicuntur, obser-

vatur reliqua. Quo autem cognationis gradu anti-

quam hanc Borealium choream, *bring-bror*, con-

tingat ludendi modus, qui dan. *at dandse Harpe-*

*skrep med et Haandklade imellem sig*, nominatur,

(vid. Stephan. Nor. in Sax. loc. supra cit.), meum

quidem



quidem iudicium interponere nequeo, utpote qui istud ludicrum non viderim. Fallor autem, nisi antiquissimus Græcorum *κορδαξ* & *κορδακισμος* in Borealium *brîng-brot* recognoscitur; quod genus saltationis laboriosum Athenæo, turpe & inconditum, ut pervetusta & obsoleta fere omnia, Svidæ dicitur. Unde Aristoph. in *Nub.* οὐδε κορδαχ' ειλκυσεν. vid. Schol. Verum illud, *κορδακκι ελκειν*, manibus nexis in orbem saltare, explicant viri docti, & cum restis ductandæ ludo, de quo supra, comparant; conf. *S. Pitisci Lex. Ant. Rom. ad voc. Restim.* Utique & rem & nomen nota Romanis fuisse docet Petronius, 52. *Trimalchio: nemo, inquit, vestrum rogat Fortunatum meum, ut saltet; credite mihi, cordacem nemo melius ducit.*

- 2) Erat quoque ludus convivalis pervetustus, sed gigantibus & athleticis, ut videtur, solis usitatus, *bnûtu-kast* dictus; quo jactis ossium nodis semet invicem ex adverso accumbentes inter mensam impetebant; jacta vero ossa inter volandum excipiebat adversarius, & retorquebat. Hoc in aula Rolfi Krakii D. R. inter mensas nuptiales facitatum refert Saxo, vid. *Hist. Dan. Libr. II. p. 30.* conf. *Vit. Gesti Bardi f. Cap. V. p. 176.*
- 3) In conventibus domesticis celebrioribus id genus præsertim athletæ, qui, quod absque bellicis corporis muniminibus prælia inire solerent, *berferki* vocabantur, spectaculum interdum edidere, quod pervadendæ flammæ periculum, at vada loganda eld, dici consuevit; conf. *Hist. Ol. Trygv. P. II. Cap. XV. p. 42. 43.* Illud ignis pervadendi discrimen in aula Atissi Sv. R. cum suis athleticis adiit &



edidit Rolfus Krakius; teste *Vita Rolfi Kr. conf. Sax. Hist. Dan. Libr. II. p. 29.*

- 4) *Glíma* sive *fáng, luſta, παλμ*. *Luſta* Borealium fuit vel *ludicra*, vel *ſeria*. *Hæc* certaminis ſingularis ſpecies, quæ *monomachia inermis* dici meretur, luſtantium alterutrius morte finiebatur. Interdum ſpectaculi publici loco edebatur; & tum in arena luſtatoria petra ſuperne acuta erigi ſolebat, cui uterque luſtantium alterum vel primum vel ſupinum illidere, illiſoque vel peſtus vel dorſum perfringere ſatagebant. Ejuſmodi petram, quæ ab uſu, *fánga-bella*, i. e. *petra luſtatoria*, dici conſuevit, domi ſuæ ſæpius habuere latrones, cujuſ ope hoſpites viatores obtruncare ſolebant. Nonnunquam inter luſtandum unus alterum medium complexus, brachiis adeo ſtringebat, ut ſpinam dorſi infringeret; quod, *at gánga* v. *bríſta á bak aptv*, vocabatur. Interdum adverſarium huini proſtratum victor ſuperincumbens eliſis faucibus ſuffocabat, quod, *at ſnara úr báls-lidom*, dicebant; vel, ſi ferri copia non eſſet, ſibiſque ab hoſte robuſtiore, etiam proſtrato, ſuperior metueret, dentium morſu gulam frangebat; quod, *at bíta einn á barka*, vocabatur; vid. *Eigla, Cap. LXV*. Hoc pugnæ genere hoſpites ſuffocare ſolitur Anteum, eundemque ab Hercule luſtando viciffim obtritum poëtæ referunt. Id genus monomachię exemplis abundat hiſtoria Borealis, quorum unum alterumve, ubi de pugnis agetur, inferius dabimus. *Luſta ludicra* fuit certamen gymnicum, in quo luſtantium alius alium in terram proſternere ſibiſque ſupponere nitebatur. Eratque *duplex*, altera *erecta*, qua certantes ſeſe invicem



vicem dejicere studebant, rectique manebant; altera *super pavimento*. a) Nec uno modo *stantes* certabant. Aut enim confertis brachiis manu apprehensis, aut mutuo complexu alter alterum medium stringebat, manuque vel utraque balteum, vel, si viri luctarentur, dextra balteum, sinistra braccas, ambo prehendebant. Illa *lucta brachialis*, Boreali-  
bus *lausa-tauk* audiebat; hæc *lucta* in specie sive *ordinaria*, (*rett glíma* sive *fång*), vocabatur. æ) Illa plus virium quam artis requirebat, & ut simplicior, sic antiquior fuisse videtur. Hæc tamen plerumque singularis fuit. Interdum tamen unus cum pluribus impellendo raptandoque, (*sviptingar* veteres dixere), luctabatur. Hæc pancratii species, a lucta ordinaria prorsus diversa, & ne lucta quidem brachialis dici satis digna, ad hanc tamen, quam ad ordinariam propius accedit. Istiusmodi luctatione cum duobus simul, qui corporis viribus maxime præstabant, viris certabat Grettelus Robustus; vid. *Vit. Grett. Rob. Cap. LXXVII. pag. 147.* β) In *lucta ordinaria* ars & exercitatio plurimum pollebat, ita ut ejus peritus longe robustiorem prosternere, nec ipse ullo pacto dejici posset. Utrumque luctæ genus Romanis & Græcis olim in usu & deliciis fuisse, qui horum gymnasticen, quingvertium, & ludos de industria tractarunt, auctores ubertim docebunt. Utraque, & maxime quidem ordinaria lucta, mutua corporis contorsione, tractu, pressione, impulsu, aliisque variis supplantandi artibus constabat. Non tamen pugnis se mutuo cædebant luctatores; unde famosus ille, & Anglis hodieque satis usitatus *conflictus luctatorius*, sive *lucta pugillaris*, certa-



certamen ex lucta & pugilatu commixtum, & pancrætiæ genus habendum, magis antiquo Borealiū *áflog*, (vid. *Niala*, Cap. XXXVII. p. 56.), quam luctæ ordinariæ respondet. Quemadmodum autem Græci Romaniqve luctatores suas *embolas*, *parembolas*, *paratheses*, *systases* &c. ita multas etiam supplantandi artes Boreales habebant, quæ omnes generali nomine olim vocabantur *braugd*, dan. *Sving* v. *Sned*; vid. *E. Olavsens* og *B. Poulsens Reise igiennem Island*, T. I. §. 67. p. 46. Obiter moneo, a vocola *Sned* (*snid*), unde *snedig* (*snidugr*) *solers*, antiquam vel luctæ speciem, vel technam luctatoriam, *snid-glíma*, compositam videri; vid. *Vit. Fökulli Buji*. f. Cap. II. pag. 183. Reliquis etiam technis luctatoriis peculiaria fuerunt nomina, quorum quædam in scriptis antiquis occurrunt; ex. gr. *sveifla*, vid. *Grett. Rob.* Cap. LXIIX. p. 141. *latísa-miödm*, *Vit. Fökulli Buji* f. Cap. II. pag. 183. *Hal-krókr*, loc. cit. Cap. III. pag. 184. Quædam etiam nunc in usu; ex. gr. *leggja-bragd*, *kne-bragd*, *klof-bragd*, *rass-bragd* &c. Ejusmodi *strophis luctatoriis* semet mutuo circumvenire & subvertere conati sunt. Palam igitur est, Borealiū luctam poposcisse, cum vires & vigorem, tum agilitatem & artem exercitio quæsitam, uti totius corporis ac artuum; ita maxime pedum, qui in hoc certamine, cujus finis erat supplantatio, artis fallaciis primum & præcipue tentabantur. Idem quoque Romanis Græcisqve luctatoribus notis fuisse, testatur lepidus ille Plauti de vino joçus: *Pseudol. Act. V. Sc. I. v. 6. Pedes capreat primum, luctator dolosus est*. Hinc illum, cui pedes ad luctandum arguti & agiles,

*föt-*



*föt-mitkr*; eum autem, qui torpentes minusque vegetos pedes haberet, *föt-ftinn*, Boreales vocabant.

b) *Luäta super pavimento* Græcis & Romanis usitata, teste Antyllo apud Pitiscum, fuit *pancratium volutatorium*, in quo certantes bumi prosternebantur, atque ibi invicem complicati, seque mutuo convolventes, alter alterum sibi supponere nitebantur. Hoc quidem ludicri genus Borealibus etiam usitatum fuit. Ejus triplex genus mihi notum: nempe, *luäta sedentaria*, *anaclinopale*, & *reluctatio prostrati* s. *subjacentis*, quam veteres *umbrot* vocarunt.

α) Inter Erii Boni D. R. artes & exercitia *luätam sedentariam* numerat Saxo, *Hist. Dan. Libr. XII. p. 224.* *Hastæ aut lapidis jactu sedens stantes vincebat: neque illi situs, quominus fortitudinis suæ experientiam ederet, officere potuit. Eodem corporis situ ex robustissimis duos luäta aggrediebatur; dumque alterum attricaret, alterum genibus compressum urgebat; nec ante desistit, quam primum hunc, deinde illum pedibus subjiciendo, amborum manus post terga vinciret.* Cum hac Erii R. *luäta sedentaria* conferri potest illa Græcorum, Aristoteli memorata, (ap. Pitiscum ad voc. *luäta*), quæ *palæstricæ in genua subsidentes per pulvere[m] procurrere & luätari solebant.*

β) *Luäta etiam brachialis speciem* quandam ipsemet puer vidi, quo alter erecte colluctantium se resupinum repente in tergum dejiciens adversarium simul ad lapsum secum detraxit, detractumque & superincumbentem genibus brachiisque subito involvit, & sic implicatum circumplexus in latus detorsit, sibi que supposuit. In *felinam* hanc *luätam* nescio ecquid magis apposite quadret, sensum enim



enim subobſcænum non moror, quam illud Mart.  
*Libr. XIV. Epigr. 201.*

*Non amo, qui vincit, ſed qui ſuccumbere novit,*

*Et didicit melius την ανακλινοπαλην.*

Cæterum ludicram hanc anaclinopalen, ſi ex antiquiorum exemplorum defectu, Borealibus rarius uſitatam fuiſſe concludas, non admodum repugnabo. γ) Serio porro & de vita in loco declivi luſtantes ambo ſubinde collapſi in terram ſunt, proſtratiqve ſemet inutuo convolvebant, donec alter alterum, ſive niſu fortiore, ſive caſu ſibi ſubjectum tenere poſſet; quemadmodum Halfredus poëta & Thorleiſus Sapiens, vid. *Hiſt. Ol. Trygv. ed. Scalb. P. II. Cap. XXIIIX. p. 114.* Jökullus & Hrolleiſus, vid. *Varnsdala, Mſt.* Interdum etiam proſtratus tam violenter reluſtabatur, ut ſuperiorem fere excuteret; quemadmodum fecit Thorbiörnus Sleggia, idqve tanto conatu & viribus, ut Fimbogium jam victorem, ſi ſurgeret adverſarius, ſibi metuentem, ad gulam ſibi dentibus frangendam adigeret, quod alias giganteum & belluinum habebatur, vid. *Vit. Fimb. Rob. Cap. XL.* Proſtratus etiam repugnabat Grimus Ægiriſ; vid. *Vit. Hrolſi Ped. Cap. XXIII.* Verum *jacentium hæc luſtatio*, cum neceſſitatis & virium magis, quam artis fuerit certamen, haud ſcio, an, quæ luſta ſuper pavimento vocetur, ſatis ſit digna. Luſtatorium autem certamen, adeo familiare & proprium Borealibus fuit, ut vel antiquis Græcorum quinqvertionibus hæc in parte pares & palmam dubiam reddituros fuiſſe, non dubitem. De Stareathiero narrat Saxo, *Hiſt. Dan. Libr. VI. p. 105.* Deinde apud Byzantium invictæ opinionis  
gigan-



*gigantem Tannam nomine, corporis viribus fretus colluctando devicit, ignotasque terrarum partes proscripti titulo petere coëgit. Ungventis ad luctam se præparasse Boreales, non comperio. Luctam ludicram pube tenus vel nudi, vel leviter vestiti obibant. Vestes enim, quæ media corporis texere, ad luctam se componens exuit Grettterus, teste ejus Vita, Cap. 8. p. supra cit. Grettir kastadi kubli-  
nom oc þvínast öllum hulklaðom; 3: Grettterus amiculum, moxque omnia medii corporis indumenta abjecit. Et paulo inferius de se ipso Grettterus: ecki sit ec her lengi klæðlaus, 3: baud diu hic devestitus barebo. Ad hunc certe locum respexisse videtur Arngrimus Jonæ, de lucta veterum agens; vid. Crymog. Libr. I. Cap. VI. p. 56. In palæstra viri ac juvenes, experiendi roboris gratia, etiam nudi colluctantur, quæ consuetudo Spartanorum fuit, nisi quod nostri pube tenus tantum se denudarent. Illud scilicet ex Olympiacis certaminibus mutuati, ne subligacula exuerent. Raro tamen proxima corporis velamina aut indusia palam exuisse, sed leviter vestitos luctas ludicras obiisse, & genius populi, & omnia fere, quæ de luctis agunt, auctorum loca fidem faciunt. In seria autem, si vacaret, crassiore quodam vestis genere, quam fanga-stackr, i. e. amiculum luctatorium, appellabant, adversus violentas colluctantis manus, nonnunquam se præmuniebant, vid. Hist. Kjalnes. Cap. XV. p. 27. conf. Vit. Gunn. Keldugnups-fist, Mst. nec non Vit. Vilmundi Vidutan. Cap. XIV. Mst. Cæterum tantus apud Boreales luctatorii certaminis olim fuit honor & usus, non ad artus solum & membra exercitio  
robo.*



roboranda, sed in conflictibus etiam singularibus, si res armis non succederet, vel in solitariis per eremos & sylvas, quæ latronibus tum scatebant, itineribus, ubi, ne repente & inermes opprimerentur, ars hæc gymnastica multis fuit salutis, ut nihil nimium dixisse existimandus mihi videar, si poetæ latini de venatione Romanorum verba ad luctam Borealiū convertero:

Arctois solenne viris opus, utile famæ,  
Vitzque & membris; juvenes cum lucta docebat,  
Et flexu selem superare, & viribus ursum.

- 5) *Knatt-leikr*, ludus pilæ, σφαίρομαχία, a *knauttr*, sphaera lusoria, sic dictus, quemadmodum apud Romanos præcipuè commendationis fuit, quo viri clari & illustres, Augustus, apud *Sveron. Cap. LXXXI. 1.* Mutius Scævola augur, ap. *Val. Max. VIII. 8. 3.* Dionysius Tyrannus, apud *Cic. Tusc. Quæst. 20.* studiosissime luserunt, ita Borealibus prisceis peracceptus & tritissimus quod fuerit, ex frequenti ejus mentione apud historicos obvia facile colligitur. Quinetiam regum olim & principum filios hoc ludi genere delectatos, docet inter alia *Vita Thorsteini Vikingi f. Cap. IX. Mst.* Ubi Niörffi regis & Vikingi Comitiss, (de quibus vid. *Illustriss. Suhmii Hist. af. Danm. Tom. I. pag. 137.*), filii pilæ colludebant. *Þeir laugðo leika opt með ser kóngs synir oc Vikings synir. — Þat var einn dag at þeir haufðu knattleik kóngs synir oc jarls synir; geck þá enn með miklu kappi fyri þeim kóngs sonum: blifðiz þorsteirn þó við eptir vana. — Þeim Fökli oc þorsteini var skipat saman, enn Olafi oc þórir, oc svo þverium, sem aldur hafði til; geck nú svo um daginn.*

daginn. Þat bar til at Þórir setti niðr knauttinn  
sua bardt, at hann stauck yfir Olaf oc kom fjarri  
niður. Olaf reiddiz þá, oc þótti Þórir göra leik  
til sín; sökti hann knauttinn, enn er hann kom aptur,  
voru menn bættir, oc atluðo heim. Olaf sló þá  
med knettinum til Þóris; enn er hann sá þat, blióp  
hann undir böggiz, oc kom knatt-tred i haufudit oc  
sprack fyrir. Þorsteirn blióp á milli, oc fleiri menn  
adrir, oc voru þeir þá skildir. 3: Inter regis Co-  
mitisqve filios ludorum certamina mutuo sape condic-  
tuere. — Die quodam pilæ ludum cum filiis Comit-  
is non sine solito ardore & æmulatione regis filii exer-  
cebant, cedente pro more & connivente Thorsteino.  
Jökullo Thorsteinus, Olaf autem Thorerus commit-  
titur; reliqui pro conditione ætatis compositi hoc die  
ludebant. Accidit forte, ut pilam solo tanta vi  
adigeret Thorerus, ut resiliens illa, Olafumqve super-  
volans procul decideret. Rem in sui ludibrium factam  
interpretatus Olafus excanduit, & pilam deciduam  
quæsiturus discessit. Jamqve finem ludendi fecerunt  
reliqui, domum jam cogitantes, cum rediens Olafus  
pilam in Thorerum contorsit. Hoc videnti, ictum-  
qve subtercurrendo evitatur Thoro clava pilæ  
capiti illisa cutem carnemqve pertudit. Intercul-  
lantes cum Thorsteino ceteri eos abinvicem separa-  
runt. Ad hoc exemplum compositæ, nec exitu  
dissimiles sunt pleræqve de ludo pilæ auctorum  
veterum relationes. His igitur fidem facemqve  
præferentibus debentur, quæ de isthoc ludicro ma-  
jorum novimus. Nimirum pila pugno emissâ  
bacillo ligneo ad hoc formato retundebatur. Lignum  
hoc Romani *clavam* & *flagellum* vocabant, Boreali-



bus autem *knatt-drepill*, vid. *Vit. Grett. Rob. Cap. XVII. p. 92. fopp-dreppr*, vid. *Vit. Vigl. Pulc. Cap. XII. p. 24.* item *knatt-tre* (lignum pilare), vid. *Vit. Thorsteini Vikingi f. Cap. cit. & Vit. Gisl. Surf. Cap. XIII. p. 151.* dicebatur. Artis erat, pilam ad se missam, ne in terram decideret, vel manu excipere, vel ligno pilari repellere; quod *pilam volantem geminare* vocabant Romani. Collusores autem illum, ad quem iacta fuit pila, ne eam excipere posset, vel manu impellere, vel volantem pilam aut ipsi præripere, aut ictu clavæ abigere certabant. Ille vero, qui ad se volantem pilam manu vel flagello non exceperet, adeo ut ejus culpa intercedisset, pilam humi collapsam ipse quærere & referre debebat; vid. *Vit. Thorsteini Vik. f. Cap. cit.* De Gislío Thorbiörni filio habet ejus *Vita*, *Cap. XV. p. 146.* *Gisli feldi Þorgrím, oc þar knöttinn út, oc vildi tákka af hönum knöttinn, enn Þorgrímur beitti.* Gislíus Thorgrimum ad lapsum impulit, ita ut pila extra sphaeristerium (ludentium aream) volans intercederet; deinde pilam ei extorquere voluit Gislíus; Thorgrimus autem pervicax retinuit. conf. *Vit. Þorði Hráða, Cap. V. p. 64.* Nec non *Eigla, Cap. XXVI.* item *Hist. Hörði & Holm. Cap. XXII. pag. 102.* Ubi autem pilam factori interceptam flagelli ictu collusor abigeret, at *slá knöttinn út fyrir öðrum* Borealibus, pilam expellere Romanis dicebatur. Hoc Grettero Audunus, vid. *Vit. Grett. Rob. Cap. XVII. p. 92.* Viglundus Jökullo, vid. *Vit. Vigl. Pulcr. Cap. XI. p. 24.* fecere. Unde patet, Boreales, non secus ac Romanos, *raptim & expulsam pila lusitare* solitos. Enimvero pilam  
illam

illam Borealiū non vento, instar Romanorum  
*foliis*, nec pilis aut lana refertam, sed *liqueam*, vel  
 saltem perquam *strictam* & gravem fuisse, exinde  
 conjicio, quod collusoris humeris impacta hominem  
 grandem & robustum prostraverit; vid. *Vit. Gisl.*  
*Surson. Cap. XV. pag. 146. Gíslí rók knauttinn á*  
*skéidi, oc rekr á milli herða Þorgrími, sva hann*  
*steipir áfram. 2: Gíslíus, intervolutam pilam exci-*  
*piens, Thorgrimo inter scapulas tanta vi adegit, ut*  
*ille pronus corrueret. Fronti etiam nonnunquam*  
*illisa, vulnus plagamque tantam edidit, ut cutem*  
*carnemque pertunderet, (sua sprack fyrir); vid.*  
*Vit. Thorst. Vik. f. Cap. cit. & Vit. Vigl. Pulcr.*  
*Cap. XI. & XII. pag. 24. & Vit. Grett. Rob. Cap.*  
*XVII. p. 92. conf. Eígla, Cap. cit. Qvi effectus*  
*laxis, mollibus & levioribus illis Romanorum pilis*  
*vix attribui possunt.*

- 6) *Dannz, saltatio vel chorea*, cujus species erat *bring-*  
*broz*, de quo supra. Alia etiam saltandi genera &  
 qualemcunque artem exercuisse Boreales, testatur  
 illud stichidion, quod omnes virgines cum Ingolfo  
 lubenter saltasse perhibet; vid. *Hist. Ol. Trygv. ed.*  
*Scalb. P. II. Cap. XXI. p. 81. Saltationes etiam*  
*musicas quod habuerint Boreales, & quidem Islandi,*  
*(in Islandiam vero ex Norvegia & aliunde hæc cum*  
*incolis migrasse, plusquam probabile arbitramur),*  
*non meis, sed Arngrimi Jonæ verbis fidem lector*  
*habeto; cujus ex Crymogæa, Lib. I Cap. VI. p. 57.*  
*locum huc transscribere non piget. Saltationes fue-*  
*runt musicæ; ut sticuli & orbis saltatorius. Stati-*  
*culos voco saltationem ad statos musicos concentus;*  
*quæ carmen vel cantilenam, quasi præceptum saltandi*  
 P 2 adbibet.



adbibet. Præcinit autem unus: duo pluresve paulo subcitant: reliqui ad numerum s. rithmum saltant. Orbis saltatorius (*Viki-vaki*) viris & foeminis alternatim incedentibus constabat & quodammodo interfectis & divisis. Videtur utrumque saltationis genus, saltationis Græcorum simulacrum aliquod referre: & quidem orbis saltatorius, opus Lacedæmoniorum non absimilis: nisi forte hæc in re, quod hic singuli ordinē cantilenam aliquā cantant per certas pausas, dimidiis versibus, (quā choro reliquo, una voce canendo repetuntur) constantes: ad finem singulorum versuum, principio vel fine primi versus reduplicacione quadam, (aliquando etiam sine ea), intercalato. Si plura saltationum genera quis numerare velit, hæc tamen referri commodè possunt. Dico autem ingenuas tantum. Hæc ille. Ego quidem hæc saltandi exercitia satis rustica & incondita fuisse mihi persuadeo. Veteres enim Boreales, quorum ars musica rudiuscula credi potest, magis certos telorum, quam modulatos pedum ietus curasse videntur.

- 7) *Handfaxa-leikr*, ludus (trium) gladiatorum, inter artes & exercitia Olafi Trygvini N. R. numeratur. Hoc ludī genus, quod nobiliores soli calluisse videntur, describit *Heimskringla*, T. I. Hist. VI. Cap. XCII. p. 291. *Olafr konungr* lec at þrimor handsoxum, sva at iannan var eit á lopti, oc bendi æ medalkastann. 3: Tribus gladiis manualibus (brevioribus) ita ludebat Olafus rex, ut, uno semper in aëre librato, retrolabentes omnes capulo prebensos exciperet. Hoc ludī genere cum Olaso Trygvino contendebat Endridius Ilbreidus Norvegus, vid. Hist. Ol. Trygv. ed. Scalb.

P. II. Cap. LXXV. pag. 265. & 266. nec non Sigmundus Bresteri f. Færøensis, vid. l. 6<sup>a</sup> p. cit. Cap. XXXIV. p. 157. ubi tamen gladios, quibus ludebat, recidentes mucrone prehensisse rex Olafus narratur. De Gylfio, Asgardum adeunte, habet Edda Snorrii: *Gylfi sá mann í ballardyrnum, oc lec at bandsauxom, oc hafdi fögur senn á lopti.* 3. In aula vestibulo virum quendam conspexit Gylfius, qui gladios manuales per ludum excussos versabat, ita ut quatuor simul in aëre volarent. Sex igitur gladiis simul ille lusitabat; quod forte fabulam sapit, antiquitatem tamen ludi satis adstruit. Horumdum memini, non possum quin Germanorum veterum ludum gladiatorum afferam, etsi cum Borealium *band-saxa-leik* non prorsus eundem, ad eandem tamen ludorum classem referri dignum. Hunc autem ita describit Tacitus, de mor. Germ. c. 24. *Genus spectaculorum unum, atque in omni coetu idem, Nudi juvenes, quibus id ludicrum est, inter gladios se atque infestas frameas saltu jaciunt, exercitatio artem paravit, ars decorem. Non in questum tamen aut mercedem; quamvis audacis lasciviae pretium est voluptas spectantium. Verum enimvero, qui hic Germanorum ludus Tacito tam peregrinus videatur, haud scio, cum nihil aliud fuerit, quam species quaedam ludicri pervetusti, Romanis Græcisque notissimi, quam nunc pyrrhicam, nunc saltationem panathenaicam, bellicrepan, enopliam, auctores vocant, vid. Alex. ab Alex. Dier. Gen. VI. 19. Quodnam vero huic scriptori mentem male numen amicum eripuerit, ut cum pyrrhica enoplica, trojam, quæ circense spectaculum ludicrum, equestris pugnae*



simulacrum fuit, Virgilio, *Æneid. Libr. V. v.* 545—603, descriptum, eandem credidisse, Tranquillo impingat, augurari nequeo. Certe veterum *pyrrhicha* Germanorum *saltationi inter gladios*, quam Borealium ludo, *handfæxa-leikr* dicto, multo fuit similior.

- 8) *Sund* vel *sundferi*, *natatio* vel *ars natandi*. Hac adeo excelebant Boreales prisca, ut cum marinis etiam feris natando interdum certaverint. Hinc tracta locutio: *syndr sem selr*, 3: *phoca instar natandi peritus*; vid. *Niala*, Cap. XIX. Supra laudatus Endridius phocam majorem inter natandumprehendit, illique velut eqvo insidens litori advehitur; tandemque, ne mortuam se cepisse spectantes crederent, vivam dimisit; vid. *Hist. Ol. Trygv. Cap. cit. p. 263*. Duplex artis periculum & honos. Ille vicisse censebatur, qui vel longius spatium *natando* transmisisset, vel diutius *sub aquis*mersus *durasset*. Illud a) *lång-sund*, hoc b) *kaf* s. *kaf-sund*, (*urinatio*), dicebatur; vid. *Heimskr. T. III. Hist. XII. Cap. XXIV. p. 264*. Integrum milliare maris, & socio nonnunquam inter scapulas gestato, natando quidam ementi leguntur; vid. *Hist. Ol. Trygv. Append. de Sigundo Brest. fil. p. 28. & Vit. Grett. Rob. Cap. LXXX. pag. 149*. Subter aquis etiam simul luctari moris fuit; durabatque plerumque contentio, donec alteruter viribus defectus & pæne suffocatus esset. Ars autem hæc natandi viris, inter continuos excursus piraticos & prælia navalia, sæpe fuit salutaris; eamque non promiscuæ solum plebis homines, sed nobilissimi quoque, quin principes etiam & reges, ad exemplum Julii





Julii Cæsaris, callere & exercere laudi sibi ducebant. Ejus etiam, qui reliquarum fere omnium artium peritissimus traditur, mira sæpe specimina edidit Olafus Trygvinus N. R. multiqve alii; conf. præter *loc. supr. cit.* *Heimskr.* T. III. *Hist.* XII. Cap. XXXV. p. 284.

- 9) *Hlaup, saltus.* Ad saliendo etiam corpora affuefaciebant Borcales, quippe quod exercitium viris militaribus in pugnis & conflictibus, sive ictus, quos clypeo excipere non poterant, evitare, sive hostes numero longe superiores effugere vellent, egregium sæpe usum præstitit. *Triplex artis periculum* fuit, nempe, quo quis *altius* aut sursum *exsilire*, aut ex loco edito *desilire*, quoque *longius intervallum saltu* sive *prorsu* sive *retorsu*, seu denique *obliquo* & laterali emicando *transmittere* quis posset, eo plus laudis abstulit. a) Magnam artis peritiam Gunnaro Njala tribuit, Cap. XIX. *Gunnar bliþ meir enn þad sina i lopt upp med öllum berkladum, oc eigð skemra aptur enn fram fyri sik.* c. Gunnarus cataphractus (universa armatura gravi instructus), in altitudinem, propria proceritate majorem, (septem circiter pedum), nec brevius retrorsum quam prorsum, corpus saltu libravit. Emicandi hac agilitate Karius Sölmundi filius, cum a pluribus simul hostibus infestis ictibus peteretur, sæpe sibi consuluit; vid. Njala, Cap. LXXXV. p. 125. XCIII. 145. CXLVI. 245. CXLVII. 253. Hördus, nec non Helgius, in ultimo vitæ periculo, triplicem arinatorum coronam sibi circumdatam transiliere; vid. *Hist. Hórdi & Holmens.* Cap. XXXV. pag. 119. Idem quoque fecit Sigurdus quidam,



manibus ligatis & lethali vulnere faucius, vid. *Hist. Ol. Trygv. ed. Scalb. P. II. Cap. XLII. pag. 174.* Rögnvaldus Brusii filius, Comes Orcadenfis, cum intra ædes cremandus ab hoste cingeretur, orbem hominum circumstantem transfiliens per tenebras nocturnas evasit; vid. *Hist. Orcad. ed. Hafn. p. 77.* Nimirum hominem erectum, unum pluresve, equos, septa & cancellos, humanam proceritatem æquantes vel superantes, saltu transmittere, frequens olim junioribus exercitium. b) Quidam etiam ex loco præalto, rupe aut munimento, corpora saltu demisere, terramque stantes pedibus attigere, quemadmodum Sigmundus Bresteri filius; vid. *Hist. Ol. Trygv. ed. Scalb. P. I. Cap. CXV. p. 129.* Oddus. vid. *Vit. Örvar-Oddi, Cap. XVI. Mst. & alii fecerunt.* c) Amnes porro, fossas & lamas satis latas sæpe transiluerunt. Sic Skarphedinus fluvium *Merkr-fljót*, ripis utrinque lubrica glacie constrictis, duodecim ulnas latum, aquisque adeo altum & rapidum, ut nec equis superari possit, saltu trajecit, vid. *Njala, Cap. XCIII.* Amnem etiam, nemini alii hoc modo pervium, saltu superare solebat Ketilbiörnus; vid. *Fragm. Hist. Thorfsfiördens. Cap. XVI. Mst.* Fossam trigiuta cubitos latam Vikingus cataphractus, Niörfius rex leviter vestitus, & Halfdanus ita, ut a Vikingo saliens exciperetur, jurati fratres transfiliere; vid. *Vit. Thorst. Vik. f. Cap. IX. Mst.* Eandem quoque fossam Vikingi filii Thorsteinus & Thorerus saltu transmisere, ita tamen, ut hic a fratre exceptus levaretur, vid. *Libr. cit. Cap. XVI.* Hunc autem saltum humanis, nempe, qualia nunc hominum producit corpora tel-

lus;

lus, viribus nimium quis dixerit. Ingentem fossam Sigmundus Brefteri filius, (vid. *Hist. Ol. Trygv. ed. Scalb. Append. pag. 27.*), & lacunam in Frisia populabundus Egillus Skallagrimi f. (teste ejus *Vita, Cap. XLVII.*) soli comitam transiluere.

- 10) *Skeid, cursus.* Hoc certamen varium & multiplex fuit. Aut enim sola pedum pernecitate, absque instrumentis subsidiariis currebatur, aut auxilio adscititio pedes egebant. Illud *currendi exercitium* ordinarium & *vulgare*, hoc *artificiale* non absurde dixeris. a) Cursu ordinario tantum valuisse nonnulli traduntur, (cujusmodi habitu gaudentem hominem, *frár, fót-buatr*, veteres vocarunt), ut vel citatissimos eqvos sola pedum velocitate præverterent. Certamine cursorio publice spectato in Norvegia pignore posito contendit & palmam reportavit Haraldus Gillius N. R. vid. *Heimskr. T. III. Hist. XII. Cap. XXXIV. p. 282. 283.* Istac etiam arte Olafus Trygvinus N. R. vid. *Hist. Ol. Trygv. ed. Scalb. P. II. Cap. XLV. pag. 182.* nec non Sigurdus Slembi-diach. vid. *Heimskr. T. III. Hist. XIII. Cap. XIV. p. 323.* præcipui fuerunt. b) *Cursus artificialis* iterum *multifarius*. Borealibus enim priscis in usu fuit, α) *cursus salticus bacularis*, quo uno vel duobus baculis sive perticis corpus librantibus saltuatim decurrebant. Hoc currendi modo & specimine eqvos pernecissimos in Dania superavit ante nominatus Haraldus Gillius; de quo Saxo, *Hist. Dan. Libr. XIV. p. 248.* Apud Heltingiam oppidum pignore cum Erico (Emun D. R.) posito, an cum lectissimis ejus eqvis cursu contendere potuisset, duobus in certamen admissis, utroque metam



prior tenuit (Haraldus Gillius). *Geminis siquidem inter currendum bacillis innixus, crebris corpus salibus concitavit.* Neqvis autem ex Scotia vel Hibernia, ubi natus & educatus fuerat Gillius, artem illam huc secum invexisse suspicetur, bacularium illud saltuatim currendi exercitium in Septentrione longe antiquius esse, docent exempla, cum Kolvidi, vid. *Hist. Kialnes. Cap. VII. p. 12.* tum Refi, vid. *Vit. Kroka-Refi, Cap. III. pag. 39.* Ambo enim singulis baculis incumbentes saliendo cucurrere. Hinc profectum crediderim, quod magnatum cursores, vulgo *Løbere*, baculis salticis etiamnunc sint instructi. β) *Sktdfæri*, dat. *Skideløben*, *cursus xylosolearum.* Ars hodieque eximia, & vel in bello perutilis, populis septentrionalibus, & imprimis Finnis ab omni memoria familiaris, a qua arte *hiskridfinnar*, nomine apud exterōs scriptores varie distorto, (vid. *Steph. Nor. in Sax. p. 26. 27.*), olim appellati sunt. Hoc exercitio Norvegorum innumeri quondam præstabant. Inter alios Einarus Thambaskelfir, (vid. *Heimskr. T. II. Hist. VII. Cap. XX p. 20.*), & Arnliotus Gellina, vid. *Libr. T & Hist. cit. Cap. CLI. p. 252.* De xylosolearum, quas *pandas trabes* vocat Saxo, & quarum usum in Islandiam, ubi haud minus, quam in Norvegia & Lapponia ad itinera hyberna utilis fuisset, cum incolis non transisse miror, arte, descriptione, & delineatione consuli inter alios potest toties nobis laudatus Stephanus, in *Nor. ad Sax. p. 126. 127.* Artis hujus peritiam tanti fecisse veteres, ut publice spectanda ejus specimina interdum ediderint viri principes, Haraldi Severi N. R. cum Hemingo xylo-

xylosolearum cursu palam contendentis, huic ob invidiam & æmulationem potentioris tantum non fatale certamen docet; de quo *historiola*, quæ *Hemings-Páttir* vocatur, *fragmentum* superstes conferri potest. γ) Cursum etiam ludicrum habebant Boreales, quo, non ligneis quidem soleis, quæ ad strata nivium transcendenda aptissimæ, sed *aridis animalium*, boum maxime vel eorum, *ossibus cruralibus* pedes armabant, iisque insistentes *glaciem* lubricissimam volucerrime *perlabi*, & pro lubitu cursus gyrare discebant. Hanc artem qui callebant, *at kunna á tsleggiom* dicebantur; ejusque peritiam in æmula cum fratre Sigurdo Hierosolymipeta N. R. comparatione jactabundus sibi laudi ducebat Eisteinus N. R. vid. *Heimskr. T. III. Hist. XII. Cap. XXIV. pag. 264.* Qvin autem hæc vera & simplex artis scitissimæ, quæ, *at löbe paa Sköiter*, hodieque dicitur & perplacet, sit origo, nemo temere negaverit. δ) Interdum etiam pedibus, nec ligno nec ossibus aut ullo subsidio adscititio armatis, lapsu cito & æqvabili in glacie decurrebant. Cujus exercitii vulgaris, etiamnunc dan. *Fodskred*, antiqvis *fötskrida* vocati, ope hostium ictus evolavit Skarphedinus, vid. *Niala, Cap. XCIII. pag. 144.* ε) Ad artificiale etiam currendi exercitium referri denique meretur *cursus manuaris*, s. *chirodromia*, *banda-blatup*, olim dictus; quo, vertigine præcipiti instar rotæ versatilis, quatuor radiis instructa, per pedes & brachia homo provolvitur. Hunc lusum per plateas nostras & areas a pueris adhuc exerceri sæpe spectamus.



11) Artem etiam peculiarem calluere quidam majorum, ejusque specimina publice spectanda dederunt. Nimirum *per remos, a uantis agitados extra latera navis incedebant*, gladiis manudlibus nonnunquam simul ludentes. Insigne hoc & rarius exercitium, quod *at gānga uthyrdis eptir árum* vocabatur, suis aliquoties monstravit Olafus Trygvinus N. R. teste *Heimskr. T. II. Hist. VI. Cap. XCII. p. 290. 291.* Solusque Norvegorum regem hac in re æmulatus videtur Endridius Ilbreidus. Rem autem ipsam Marci Skeggiada, poëta Olafo rege non integro seculo inferioris auctoritas & versus confirmat; vid. *Hist. Ol. Trygv. ed. Scalb. P. II. Cap. LXXV. p. 265. 266. conf. Cap. XXXIV. p. 157.* Hanc etiam per remos ambulandi artem Saxo Grammat. (*Hist. Dan. Libr. XIV. p. 248.*) Haraldo Gillio N. R. his verbis tribuit: *Aliud quoque inusitata agilitatis spectaculum edere consueverat. Sæpe etenim inter navigandum puppi exsiliens, in proram per exerta remorum capita decucurrit, indeque cursu in aliud navigii latus reflexo per reliquos remorum ordines locum, quo excefferat, repetivit.*

12) *Rupes arduas & prærupta montium scandendi facilitatem artis loco habebant veteres.* Hac arte, quæ *bratt-gengni* dicebatur, reliquos omnes etiam antevisse Olafum Trygvinum, loca *Heimskringla & Hist. Ol. Trygv. ed. Scalb. supra citata* testantur. De Hæringo quodam Norvego refert *Vita Grett. Rob. Cap. LXXXI. p. 149.* *Haun var sva far, at hann klifradí bvirt biarg. 3: Artem ille callebat, qua per abruptas quaslibet rupes obreptando enitebatur.*



13): Coronidis loco addi possunt *ludicra puerilia*, quorum permulta genera habuerunt maiores. Horum aliquot forsau intercederunt, nobisque vel ideo parum cognita sunt, quod ab historicis, ut res leviculæ, raro aut nunquam describuntur. Nonnulla tamen hodieque vel rusticorum pueris nota supersunt, quorum vetustatem, & ipsis antiquitatibus septentrionalibus anteriorem, vel sola nomina exoticorum vetustas loquitur. Animi causa sequentia nominasse sufficiat. *Ascoliasmus* sive *empusæ ludus*, quem, at *hoppe paa det eene Been*, danice vocamus. *Dietylinda*, at *trækkes i Hænderne*. *Apodidrasinda*, at *leege Skiul*. *Myinda*, at *leege Blindebuck* (*scolla-leikk*). *Oscillatio*, at *gynge*, (*róla*), *Epostracismus*, quod ludi genus tam accurate describit Minuc. Felix, in *Ost. c. 3.* ut metuuisse videatur, ne, qui se legerent, nostratium pusiones, ludicrum vernaculum, at *slæe Plæder*, non recognoscerent. Quominus autem hæc antiquis Borealibus in usu fuisse dubitemus, supra laudati Arngrimi Jonæ, scriptoris jam plusquam sesquifecularis, non incelebris auctoritas intercedit, qui loco *Chrymogæ* *supr. cit.* non solum memorata, sed insuper *Cindalsmi*, *Basilinda* & *Chytrinda* lusus pueriles, ut suis popularibus familiares recenset. Quibus addo *Larvam*, *Ostracindam* & *Schoenophilindam*, quorum ludicrorum ultimum puer ipse sæpe vidi lusi que. Islandorum autem populum, in ultimo septentrionis angulo delitescentem, ut recentiorum temporum inventa & instituta, sibi quinetiam necessaria & utilissima, aut segniter addiscere, aut discendi occasione destitui, sic antiquiorum, vel minutiarum, studiose



studiose tenaces esse, omnibus plus fatis constat. Hæc autem & alia ludicia apud suos auctores, Pollucem, Hadrianum Junium, Pexenfeldium &c. ulterius quærenda, & cum domesticis comparanda lectori relinquimus.

II) *Secundum spectaculorum genus* Borealibus olim præbuere exercitia militaria, quæ, non secus ac illa in campo Martio Romanorum, magna inspectante populi frequentia interdum edebantur, *Tria* vero præcipua fuere, ad quæ revocari reliqua posse credimus, hæc armorum exercitia; nempe, 1) *sagittas arcu mittendi*, 2) *iela manu vel funda jaculandi*, & 3) *digladiandi*: istud *boga-skot*, s. *ör-skot*, illud *band-skot*, hoc *skilm-ing*, vocarunt. Harum artium peritia, quæ summi olim fiebat, *vapn-fimi*, & qui earum peritus esset, *vapn-fimr*, item *vel vígr*, dicebatur. Cum exoticas disciplinas lente, gravate & sensim didicerit boreas, hanc olim domesticam & peculiarem laudem semper habuit, quod præstantiores sagittarios, jaculatores aut gladiatores vix ullus orbis angulus dederit. Quodsi ducibus tanta prudentia & moderatio, tantaque disciplina militaris scientia fuisset, quanta militibus fuit & arma tractandi peritia, & animi ferocis fortitudo, nunquam Egdora Tibrim, nec orientis, austri vel occidentis arma unquam metuisset septentrio.

I) Aliis quidem jaculandi instrumentis, præter arcum, usos esse priscos Boreales non præfracte negaverim. *Spicula & pila arcuum & balistarum tormentis excussa* commemorat prælii Bravici narratio apud Saxonem, vid. *Hist. Dan. Libr. VIII. p. 143. & 146.* *Balistræ* etiam s. *carapultæ*, quæ dan. *Blide*, veteribus *Valslaugva*, dicitur, tam *Sigurdi Hiero-solymi-*



*Solympetæ & Haraldi Gillii*, ap. Snorrium, quam *Sverreri Historiæ* Norvegicæ meminerunt. In hac etiam *Historia* balistæ genus, *mánga*, (lat. *mangana*), nominatur. De quibus, ut & aliis bellicis jaculandi instrumentis, conferri potest *Speculum Regale*, ed. Sorøe 1768. pag. 409. *sequ.* In *Vita Vilmundi Vidutani*, Cap. XXII. quæ historia satis fabulosa, temporis tamen, quo conficta est, nomina, res & opinioniones declarat, occurrit *armbrystis skeyte*. In *Biörnnonis de Skardsaa Annalibus*, ad ann. 1430. vox, *armbryst*, etiam legitur. Vocem hanc insolentem primo miratus, peregrinam esse deprehendi. *Armbrust* enim Germani lexicographi quodlibet fere instrumenti jaculatorii genus, ut *arcum*, *balistam*, *catapultam*, *scorpium*, nec non *arcubalistam*, *manubalistam*, appellant. Qvin & danicum, vel pueris tritissimum, lexic. manuale, vulgo *Nucleus Latin.* ipsum arcum, *Armbyst* (forte pro *Armbryst*) exponit. Vocem autem exoticam ac neotericam, & in antiquioribus fide dignis, quæ res Borealium ethnicorum pertractant, monumentis, vix reperiundam, parum moratus, alia jaculandi instrumenta, quam arcum & fundam, aut non novisse, aut rarius adhibuisse majores, aliquali *Historiæ* Borealis notitia imbutus quisque mecum, opinor, censebit. Arcuum autem diversa genera habuerunt, quorum notissima sunt: *band-bogi*, arcus manualis, s. qui manu tenditur; *lås-bogi*, qui ope seræ v. elateris tenditur; *horn-bogi*, cornu s. arcus corneus; *stål-bogi*, arcus chalybeus: vid. *Spec. Reg.* pag. 390. 391. 408. Hi omnes communi nomine dan. *Flitsbue* dicti videntur. Unde tela arcu missilia hodieque *Littpile*,  
quem-



quemadmodum manu jacula olim *fletti-skeptur*, & lapides manu vel funda missiles (saxa manualia) *fletu-gribr*, nominata sunt; conf. *Spec. Reg. p. cit.* Sagittas autem arcu mittentium *duplex* erat *exercitatio*, artis altera, altera virium. a) In priore, cum sagittas mitterent, ad certum scopum, asserculo plerumque in clivo vel loco conspicuo & editiore erecto, ac justo intervallo destinato, collineabant. Tabula ad metam erecta, in qua circulus cum centro, vel plures concentrici, erant descripti, *skot-spónn*; clivus, in quo illa stabat, *skot-backi*; & spatium destinatum, *skot-mál*, quique destinata ferendi artem calleret, *hein-skeystinn*, *hafinn*, item *góðr bog-madr* dicebatur. Hujus artis mira specimina edidit Ketillus Hængus, vid. *ejus Vit. Cap. III.* ubi Ketillus cum Gusio, Finnorum rege; (*Cusonem, Finnorum regem* nominat Saxo, vid. *Hist. Dan. Libr. III. p. 40. & 41.* sed tempora vix consentiunt), pugna sagittaria congressus traditur; ea quidem artis peritia, ut intervalantes utriusque sagittæ semet invicem mucronibus exciperent, collisæque humi deciderent; quod, *at skibræ i odda*, veteribus dicebatur. Ketilli nepos Örvar-Oddus sagittandi etiam artis peritissimus fuit, vid. *ejus Vita, Cap. XVII.* Hic hastili humi defixo & erecto orbiculus imponitur, quem icu sagittæ dejecit Siolfus. Orbiculo autem in locum reposito, Oddus sagittam sursum in aëra excussit. Hæc aliquamdiu inconspicua, tandemque recidua, centrum orbiculi pro meta positi cuspide confixit. Artem, ni fallor, etiam nunc exercent, qui pyrobolis tormento explosis munimenta vel naves expugnant. Olafus Trygvinus N. R. & Endri-



Endridius Ilbreidus, vid. *Hist. Ol. Trygv. ed. Scalb. P. II. Cap. LXXX. p. 264.* ubi pueri ejusdam, pro scopo positi, capiti impositum orbiculum iſtu ſagittæ, illæſo puero, decuſſit Olafus R. quod æmulari Endridius nolebat, & innumeri alii egregii fuere ſagittarii; conf. *Libr. & P. cit. Cap. LXXXIX. pag. 291.* b) In poſteriore vincebat, qvi acrius, atqve adeo longius ſagittas mitteret; iſqve *bardſkeytinn* vocabatur. Sic in certamine ſagittario omnium longe metas exſuperavit Örvar-Qddus *Libr. & Cap. ſupr. cit.* Sagittariis victoriæ pugnx Bravicæ debebat Sigurdus Ringus; de quibus Saxo, *Hist. Dan. Libr. VIII. p. 146.* Tanta enim vi periti arcum Guttones nervos intenderant, ut clypeus quoque jaculis transverberarent Nec alia efficacior cadis extitit cauſa. Loricæ galeæque, perinde ac inermia corpora, ſagittarum acumina penetrabant. Guttones hic Thelemarchiæ incolæ vocari obſervat illuſtriſſ. Suhm: *Hist. af Dannem. T. I. p. 513.* De Jomſvikiugis danis idem narrat Snorrius; vid. *Heimskr. T. I. Hist. VI. Cap. XLIII. p. 237.* *Jómsvíkingar bórðoz báði brauſtliga oc diarfliga oc ſnarpliga, oc ſcutu allt í gegnom ſciðldona:* a: Ea fortitudine, audacia & robore Jomſvikingi pugnabant, ut eorum miſſilia per ſcuta altius penetrarent. Hoc artis genere excelluit Einarus Thambſkelfir, teſte *Heimskr. T. II. Cap. XX. p. 19.* *Sagt er at Einar baſi verit allra manna ſtercaſtr oc beſtr bogmadr, er verit baſi í Noregi, oc var bardſkeyti hanns umframm alla menn adra; hann ſkaut med backa-hólfi í gegnom uxa-blud bráblautu, er beck á áſi einom:* a: Fertur Einarus omnium, qvi Norvegiæ incoluere,



viribus & sagittandi arte longe fuisse præstantissimus, adeo ut is omnibus aliis acrius & fortius jacularetur. Sagitta enim obtusa & lusoria, (qua in jaculandi exercitiis ludicris uti solebant), corium bovinum crudum, ex pertica suspensum trajiciebat; conf. Heimskr. T. I. Hist. VI. Cap. CXXII. p. 342. Præcipuam inter alios artis sagittandi peritiam Halogalandiæ (Helgelandiæ) Norvegicæ priscis incolis, nec non Finnis, vulgo tribuunt historici.

- 2) Idem arma manu jacula mittendi artis discrimen fuit; ita ut, quo longius & certius aut *bastam* s. *telum cuspidatum*; aut *lapidem*, duplex enim artis exercitium, projiceret, eo jaculator haberetur præstantior. a) In illo tela manu missilia jaculandi exercitio duo quoque eximia habebantur, quibus se assuefaciebant veteres. Nempe ut jaculum ab hoste in se emissum inter volandum exciperent, quod, *at zaka spiðs á lopsti*, dicebatur; & ut manu utraqve ad jaculandum æque habili uterentur, adeoque binas simul hastas ictu certo in hostes emittere possent. Prius *at sciðta jamnt bádom, bündom*, posterius *at sciðta tveim spiðtom senn*, vocabatur. Omnes has artes militares Olefo Trygvino N. R. (vid. Hist. Ol. Trygv. ed. Scalb. P. II. Cap. LXXIV. p. 255. conf. Heimskr. T. I. Hist. VI. Cap. CXXVII. pag. 343.) Gunnaro de Hlidarenda, (vid. Njala, Cap. XIX.), multisque aliis ab auctoribus fide dignis tribuuntur. Uti autem sagittarum, ita telorum innumeræ fere species fuerunt, quas recensere & describere, nec hujus loci, nec res per se facilis. Jaculorum enim tam apud historicos, quam in Speculo Regali, nomina quidem diversa satis sunt obvia; sed forma raro aut nun-



nunquam ita definitur, ut claram inde notionem lector episcatur. Egregio autem labore & successu in hæc & alia, quæ arma & exercitia veterum Borealiū militaria concernunt, commentatus est Perillustr. Joh. Erichsen, in *Notis ad Specul. Reg.* p. 372. *sequ.* & p. 388. *sequ.* quo lectorem remittimus.

b) *Lapides* etiam, quorum creber in omnibus fere præliis usus erat, ictu certo & valido, tam *manu mittere*, quam *fundis explodere* discebant Boreales.

α) Utriusque rei documento inservire potest locus *Spec. Reg. ed. cit.* p. 380. *Sú skemtan er oc góð oc ball-  
quam, ef madur venur sik at kasta af sláungu, hvert-  
veggja lángr oc þó beint, bæði af staf-sláungu oc  
band-sláungu, eða vapn-steini vel at kasta; 3: nec  
minus jucundum quam utile exercitium est, longum &  
accurate funda jaculari, sive manu scutela retenta,  
sive baculo alligata fuerit; itemque lapidem bellicum  
(saxum manuale) rite projicere.* Hujus artis insignem peritiam Erico Bono D. R. Saxo tribuit: *hastæ &  
lapidis jactu stantes sedens vincebat; vid. loc. supr. cit.*

Artes mutuo cum periclitarentur Hiarandius & Vilmundus, lapides etiam projiciendo certabant; *vid. Vit. Vilmund. Vidút. Cap. XIV.* De Sturla Sighvati habet *Sturlunga, P. V. Cap. XVII.* *Sturla  
kastadi manna best steini, oc var hafinn: 3: Sturla  
lapides manu dexterrime, & ictu plerumque certo ac  
feriente, jaciebat.*

β) *Lapides* porro in conflictibus tam terrestribus quam navalibus *fundis excutere*, ad artes militares pertinebat. *Fundarum* autem duo fuisse genera, nempe *band-slánga* & *staf-slánga*, adductus supra Speculi Regalis locus testatur. *Fundarum* usum novisse Boreales monstrant porro Odini



præcepta, Hadingum aciem instruere docentis, apud Saxonem; vid. *Hist. Dan. Libr. I. pag. 17.* Idem quoque funditorum alas in extremam aciem concedere iussit, eisque sagittariorum ordines sociavit. Funditorum etiam bis meminit prælii Brayici historia, apud Sax. *Hist. Dan. Libr. VIII.* ubi in centuriato Ringi regis exercitu ultima funditorum acies stabat, (pag. 145.) eaque plurimum ad victoriam contulit, (p. 146.) Funda etiam juvenis utebatur Bujus Andridi f. ejusque ope adversus hostes complures solus se defendit; vid. *Hist. Kjalnesens. ed. Hol. Cap. III. pag. 6.*

- 3) *Digladiandi exercitium*, cominus ense vel securi bellica ferire, hasta suffodere, ictus hostiles clypeo vel excipere vel detorquere, nec non saltu aut alio motu, flexione aut conversione corporis evitare, docebat. Artis præstantia ex ictuum gravitate & numero cernebatur; illud vires, hoc agilitatem usu quæsitam exigebat. De pondere ictuum ita Saxo; vid. *Hist. Dan. Libr. II. pag. 30.* Non enim antiquitus in edendis agonibus crebra ictuum vicissitudines petebantur, sed erat cum intervallo temporis etiam ferendi distincta successio; varisque sed atrocibus plagis certamina gerebantur, ut gloria potius percussionum magnitudini, quam numero deferretur. Verum hæc de pugnis singularibus rigidis, vulgo *hólmganga*, quarum unam hic narrat auctor, proprie sunt intelligenda. Homines etiam galeatos & loricatos, ad dentes usque, ad humeros, ad ilia s. balteum, imo integrum corpus uno ictu diffidisse veteres leguntur; quemadmodum fecit Thorsteinus, cum Ufo (Ubbone) confligens: vid. *Vit. Thorst. Vik. f. Cap.*

Cap. XIX. Quibus quidem relationibus, quam apud nostræ ætatis homines vix inveniunt, fidem ego nec addere nec adimere volo, etsi ab exteris, quos imperata credulitas veneratur, similia narrari sæpius observarim. Cæterum velocitas etiam ictuum numerosa in omni conflictu, si supra dictum rigidum exceperis, citra omne dubium perutilis, magui quoque a prisce æstimata fuit. De Gunnaro refert Njala, vid. Cap. XIX. *Gunnar vâ sva skibtt med sverdi, at þrið þöttu á lopti at síð: 3: Gunnarus tam celeriter gladio feriebat, ut tres simul enses vibrari viderentur.* Qvis nescit serpentes a celerima lingvæ vibratione trilingves apparere & vocari? Fuerunt etiam, qui ambas ad cædendum manus æque promptas haberent; & hanc artem qui nosset, at *göra fer báðar bendr jannfmar til vígs*, Borealibus vocabatur: *ambidextrum militem* latine dixeris. Illud exinde lucrati sunt Boreales, ut utraque manu, adeoque binis simul telis, hostes ferire possent, quam artem Olafo Trygvino ejus Historia, & Gunnaro Njala, loc. *supr. cit.* tribuunt. Artem hanc exercitio adeo suam fecisse traditur Sigmundus Bresteri filius, ut in ipso conflictu, ense & clypeo sursum abjectis, clypeum dextra, sinistra ensen arripiens, hostem, ad ictum lævæ minus cautum, repente concideret; quo pugne genere Randverum, Vandillum, & Bujum, Jomsvikingorum fortissimum, lethali vulnere truncavit; vid. *Hist. Ol. Trygv. ed. Scalb. P. I. Cap. CIX. p. 120. Cap. CXI. p. 123. & Cap. CLV. pag. 185.* Singulas has digladiandi artes & exercitia impense commendat *Specul. Reg. p. 374. sequ.* Hæc militaria, ut & illa ludicra



corporis exercitia, spectaculorum loco veteribus fuisse, & coram magna inspectantium corona harum artium specimina & certamina, quæ, *at reyna íþróttir, artes periclitari*, dici siveit, publice plerumque exhiberi solita, multa auctorum loca testantur. De Gunnaro, cum ad Haraldī Gormsonī D. R. aulam pervenisset, refert Niala, Cap. XXXI. *Konúgr hafdi þat at gamni, at hann let Gunnar reyna ymsar íþróttir vid menn sína: 3: Rex mutua Gunnari cum suis variarum artium pericula inspectando se oblectavit, s. ludum sibi quæsiuit.* Cum Olafus Trygvinus N. R. & Endridius artes mutuo periclitarentur, non modo aulicus regis comitatus, sed Endridii quoque mater & soror præter alios spectatores affuerunt; vid. *Hist. Ol. Trygv. P. II. Cap. LXXV. p. 262-265.* Idem de artium certamine Haraldī Severi & Hemin-gi, hujus *Vita Mss.* quæ non integra superest, nec non de Örvar-Oddi cum Sigurdo & Siolfo certamine sagittario, (vid. *Vita Örvar-Oddi, Cap. XVII.*) perhibent.

III) *Tertium spectaculi publici genus pugna Borealibus dedere.* Hæ fuere vel singularia virorum certamina, vel pugna bestiarum: *andromachiam & theriomachiam* Græci dixerunt.

- 1) *Pugna singulares s. duella non unius generis fuere.* Celebratissimum tamen duellorum genus fuit a) *Hólmganga, monomachia legalis rigida*; de cujus sacris, caerimoniis & legibus, quæ pleraque recenset *Vita Kormaci, Cap. VII. Mss.* confer *Schönings Norges Riges Historie, T. II. p. 320-325.* & *J. Arnesens Islandske Rattergang, Cap. 7. §. 73.* ubi hæc fuse & erudite tractantur. Inter ritus sacros,



sacros; qṽi monomachiam rigidam comitabantur, taurus fuit, post victoriam a victore sacrificandus; de quo Eigla, Cap. XLV. Þar var leiddr fram gradfingr mikill oc gamall, er kalladr var blót-naút; Þat skyldi sá böggva er sigr 'befdi'; 3: Productus est taurus, annis & corpore grandis, blót-naút (taurus victimalis s. devotus) dictus, ab illo, qui vicisset, immolandus. Hunc ritum exponit Aingimur Jonæ; vid. Crymog. Libr. I. Cap. IX. p. 100. Parta vero victoria e vestigio taurus immanis productus est, quem si victor unico ictu non interficeret, victi cognatis contra victorem agendi jus fuit; conf. Schoning. Libr. cit. p. 323. Circa quæ sequentia observare liceat. Taurus hic partim fuit vota diis victoriae auspiciis, vel a provocante solo; vel ab utroque pugnantium, victima, partim præmium victoriae. Victori enim illum cessisse Vita Kormaci docet; ubi victus Thorvardus a victore Kormaco taurum jam maceratum pretio emit. Nec in duellis pro hereditate adeunda solis adhibitus fuit, quæ de re Kormacus cum Thorvardo minime depugnabat. Nec ictu ensis aut ferri necesse macerandum fuisse taurum pro victoria votum, iisdem tamen, quibus victus fuerat adversarius, armis & modo immolandum, docet exemplum Egilli, qui, eoquod Atlium inermis occidisset, ejus luctando prostrati guttur depte laceraverat, ideo tauro, solis manibus retorto collo, gulam præfregit. Kormacus autem, quo adversarium superaverat, ense taurum occidit. Taurum vero eundem, & diis victimam, & præmium victoriae, a victore iisdem, quibus vicerat, armis statim immolandum, etiam in singularibus certaminibus



ad spectaculum edi-is, proponi & produci, moria vel extra septentrionem antiquissimi fuisse docet Entellus, qui iisdem, quibus victum, Dareta tantum non occiderat, caestibus taurum, victoriæ præmium, Eryci pugilum heroi semideo victor immolavit; vid. *Virg. Æneid. Libr. V. v. 476.*

*Dixit, & adversi contra stetit ora juvenci,  
Qui donum adstabat pugna: durosque reduc-ta  
Libravit dextra media inter cornua castus  
Arduus, effractoque illisit in ossa cerebro.*

*Sternitur, exanimisque tremens procumbit humi bor.*  
Non igitur mirum; si Egillus taurum victimalem eodem, quo Atlium interfecerat, modo, nempe inermi lucta, diis immolaverit. Taurum etiam pro victoria, in certamine remigandi obtinenda, diis obtulit vovitque Cloanthus, his verbis: *Æneid. V. 235.*

*Di quibus imperium est pelagi, quorum aquora curro;  
Vobis latus ego hoc candentem in litore taurum  
Constituam ante aras voti reus, extaque falsos  
Projiciam in fluctus, & vina liquentia fundam.*

Cæterum dum taurum illum victimalem (*blót-naur*), qui in Entelli & Daretis monomachia pugilatoria & diis victima & victori præmium positus fuerat, propius considero, illum cornua deaurata habuisse comperio; vid. *Æneid. V. 365.* ubi de Ænea brabeute:

*Sic ait, & geminum pugnae proponit honorem:  
Victori velatum auro vittisque juvencum.*

Scio commentatores hoc, *velatum auro vittisque juvencum*, quemadmodum alterum, aurata fronte juvencum, quem Jovi vovit Ascanius, *Æneid. IX. 627.* Taurum, aurea corona, & vitta lamellis

aureis



*aureis distincta ornatum*, exponere. Verum ego nil ista perspicacia opus esse censeo; dum boves auratos diis more Græcorum sacrificasse Romanos doceat Livius, *Libr. XXV. 12.* *Alterum senatus consultum factum est, ut decenviri sacra græco ritu facerent, iisque hostiis. Apollini bove aurato & capris duabus albis auratis, Latonæ bove foemina aurata. L. Minutium bove aurato publice donatum, idem auctor, Libr. IV. 16.* perhibet. Et nequa criticis, quid Virgiliani auro velati, vel aurata fronte juvenei, quid Liviani boves aurati, in sacrificiis & donis usitati sibi velint, dubitandi superfit occasio, semet ipse explicat Livius, dum, (*Libr. VII. 37.*), *P. Decium in præmium fortitudinis & victoriæ a consule aurea corona, & centum bobus, eximioque uno albo optimo auratis cornibus donatum*, scribit. Hæc vero aurata bovis cornua in vittas lamellis aureis distinctas, salva, quæ magnis viris debetur, veneratione, diffingere non ausim. Mirabuntur vero isti, ubi rei adstipulatrix & pervetusti ritus, græci pariter ac romani, testis Edda in medium producit. Hac vero magistra discimus; *boves cornibus deauratis diis sacrificari solitos.* Atlio certe Idmundi filio, qui regi suo Hiörvardo uxorem Sigurlinam frustra procatus fuerat, alatum nescio quod numen se obtulit, optatumque negotii exitum promisit, si, quam postularet, merces daretur. Poposcit autem præmii loco templum sibi dedicandum & sacrificia; vid. *Edd. Sæm. Od. Helga-qu. Haddinga-sk.*

Hof mun ec kiósa	i. e. Faunum ego paciscar,
haurga marga	Arasque dearum multas,
gullhyrindar kyr	Et vaccas auricornes



frá grams bú. i. e. *De regis armento.*  
 Ef hánom Sigrlín. *Si illius Sigurlina*  
 sefr & armi. *Brachijis indormiat,*  
 oc ónaudig. *Atque non invita*  
 iöfri fylgir. *Regi copuletur.*

*Nec aliter auricornes boves inter sacra nuptialia*  
*maestandos domum agi curat Thrymus, gigantum*  
*dynastes; vid. Edd. Sam. Od. Þryms-qvida, Str.*  
*XXIII. ed. Hafn. p. 191. 192. conf. Not. 30.*

Gंगा her at gardi i. e. *Accedunt huc ad aedes*  
 gu'llhyrnda kyr. *Aurata cornua vacca,*  
 öxn allvartir. *Boves usquequaque nigri*  
 iötni at gamni. *Giganti in voluptatem.*

b) Secunda duelli species einvögi dicebatur, quæ,  
 quod dinumerata ictuum successione & vicibus,  
 aliisque legibus & sacris, quibus hólmgंगा tene-  
 batur, adstricta & circumscripta non fuit,  
 monomachia exlex s. libera vocari inereetur. Hoc  
 autem inter duellum legale & exlex discrimen Vita  
 Kormaci l. cit. disertè docet; Bersi-malti: þú Kor-  
 mákr scoradir á mic til hólmgंगा, enn þar i mót  
 hyd ec þer einvögi. þú ert madr úngr oc list reyndr;  
 enn á hólmgंगा er vandbafi; enn allz ecki á einvögi:  
 3: Tum Bersus: tu, Kormace, me provocasti ad  
 certamen singulare rigidum; ego contra tibi mono-  
 machiam liberam offero. Tu juvenis es usuque parum  
 exercitus; rigidam illam & legalem pugnam observa-  
 tiones difficilès impediunt, a quibus hæc prorsus est  
 immunis. Singularia hæc certamina non solum  
 definito utriusque certantis comitatu, sed & magna  
 aliorum visendi cupidorum frequentia præsentè, edi-  
 svevisse, monumenta historica passim testantur.

Qvin

Qvin & foeminas maritorum duella sæpe spectasse docet exemplum Steingerdæ, vid. *Vit. Kormaci Mst.* & Ognæ, vid. *Hervarar-S. Cap. I. ed. Upsal. pag. 2.* c) Tertium certaminis singularis genus, infrequens illud quidem, sed usitatum tamen, a loco, ubi pugnabatur, *kerþánga*, pugna labri s. doliaris nominabatur, eoquod in sino vel labro, superne tecto confligeretur; vid. *Hist. Floam. Cap. XVII. Mst.* Hanc pugnam, quippe *opertaneam*, spectaculis veterum Borealiū accensendam non dixerim, etsi sup̄ illa testes qvin habuerit, vix dubitandum. Rabiem majorum mirari desinet, qui æque furiosum duellorum cacoëthes cogitaverit, quod ad nostram usque memoriam politissimos europæorum mores hætenus efferavit. Qvin pugna singularis genus non ita dudum in Norvegia usitatum memoratur, quo balteis invicem nexi certantes cultris majoribus se mutuo profecant. Illud certamen, pugna veterum doliaris non inficianda progenies, matreque parum pulchra filia non admodum pulchrior, at *spánde Belte med sin Naboe*, appellatur; vid. *Forsög i de skønnere Videnskaber*, 3. B. 6. St. p. 13. d) Quarta denique certaminis singularis species dici potest *lucta seria* sive *monomachia inermis*, quam supra tetigimus; cum fontes maxime, vel qui iram principis quocunque modo provocaverant, cum feris & atrocibus hominibus, quos ad hoc ipsum principes alebant, ad poenam & spectaculum colluctari juebantur. Verum hæc ipsa *lucta poenalis* non tam ad andromachiam, quam ad theriomachiam, de qua mox agetur, ex mente veterum referri debet.



2) *Theriomachia* autem duplex fuit genus. Aut enim homines cum feris pugnabant, aut inter se fera committebantur. Prius *ludum bestiarium* Romani dixerunt, posterius *theriomachiam strictius sumtam* vocaveris. Utriusque spectaculi exempla suppeditat historia. a) Apud Romanos, imo Græcos olim solenne fuit, homines maleficos aut delicti gravioris reos damnare ad *ludum gladii* vel *bestiarium*, in quo vel inermes & vincti bestiis objiciebantur, vel liberi & armati cum bestiis pugnare coacti sunt. Hoc spectaculum Romanis olim gratissimum fuisse vulgo notum. Imo Atheniensibus usitatum Anacharxis apud Lucianum mirabundus refert: *Assumens me, ut ad gratum & insperatum spectaculum græcicum, inducit in theatrum. Et ubi consedimus, vidimus primum omnium feras sagittis confici, & a canibus lacerari, aut immitti in homines vinctos, noxios, ut interpretabantur; conf. S. Pirisci Lex. Antiqui Rom. ad voc. Bestiarius.* Cui consentit *Alex. ab Alex. Gen. Dier. Libr. VI. Cap. XIX. p. 640.* Athenienses vero fures & sicarios, pecunia comparatos, armis instruebant, quos, ut in scena dimicarent invicem committebant. Boreales etiam antiqui, uti non lusoriis gymnicsque & gladiatoris, de quibus modo egimus, ita nec bestiariis spectaculis caruere, in quibus aut cum feris & atrocibus hominibus, aut cum bestiis decertabant. æ) Bujus Andridi filius, templo publico ethnicorum in patris incendio, reus sacrilegii, cum ad aulam Haraldi Pulchricomi sponte venisset, occidi simpliciter posse non videbatur. Regia enim majestate indignum habebatur, hospitem quantumvis fontem, qui vitam principis potestati



testati ultro commisisset, interficere. Nec sacrorum violatorein impunitum dimittere rex voluit. Jubetur igitur Bujus cum *giganteo hominis monstro* feritate, statura & robore corporis inhumani, lucta congredi. Itaque die dicto populus tubæ sono in locum patentem evocatur. Hic lapis planus erectus stabat, summa sui parte in acutum marginatus, qui *luctantium petra* vocabatur: locum colles cingebant, in quo spissæ sedebant spectantium coronæ. Facto luctandi initio, membris & robore longe inferior Bujus, agilitate tamen & arte gymnastica a lapsu sibi cavit; donec, impetu hostis ob lassitudinem sensim æmittente, colluctantem petræ prorum tandem insingeret, ea quidem vi, ut fracta crate pectoris exspiraret. Hoc periculo defunctus Bujus incolumitate & abeundi venia a rege donatur; vid. *Hist. Kialnes. Cap. XV. p. 28. 29.* Alsum, cognomine Apturkembam, Comititis Hladeusis Haconi Potentis, qui regnum Norvegiæ aliquamdiu usurpavit, affinem, cum occidisset Fimbogius Robustus, vitæ suæ prius insidiatum, ultroque Comitem adiens eadem & cædis causam coram exposuisset, suumque ministerium loco occisi obtulisset, audaciam hominis miratus Haconus, inter alia dixit: *Nú þyki mér þer ofgott at deya sva sciótt. Sculo ver bafa gaman oc scemtan af, at reyna þic í smáleicom: 3: Mors propea meritis tuis levior videtur; jocos igitur & spectacula ludicris virium periculis nobis præbebis;* vid. *Vit. Fimb. Rob. Cap. XV. Mst.* Quodam deinceps die populum signo tuba dato in campum patentem evocari, eoqve sellam suam efferri Comes mandat. Arcessitumqve Fimbogium cum Typhoeo quo-



quodam, quem præsentem illi monstrat, lucta contendere jubet. Erat & hic petra luctantibus erecta. Concurrent igitur luctaturi; postque acrem & diutinam conflictionem Fimbogius hominem petrae resupinum impegit, impactumque dorso refracto interfecit; vid. *Vit. Fimb. Rob. Cap. XVI.* Iisdem fere verbis, circumstantiis & exitu publicum cum altero Typhoeo luctandi certamen, jussu ejusdem Haconi Potentis editum, commemorat *Vit. Gunnari Keldugnups-fissi Mst.* Ejusmodi feram hominis, nomine Glamum, Hrolfus Nefia (Naso), vid. *Vit. Sturl. Lab. Cap. VII.* & Ruddium Vilmundus, vid. *Vit. Vilm. Vidur. Cap. XIV.* (ubi & luctantium petrae & amiculi luctatorii fit mentio), luctando victos interfecerunt. Illud vero observandum, in omnibus his auctorum locis Typhoeos istos, luctis publicis poenâlibus adhibitos, vocari *blá-menn*, dan. *blamand*, lat. *æthiopes*. Verum, unde Norvegis his temporibus æthiopes? Et, si habuissent, æthiopes istos Norvegis ipsis statura corporis & robore superiores, vulgoque Borealibus adeo formidabiles fuisse quis crederet? Ego quidem africanos *Mauros*, *Æthiopes*; aut *Nigritas* hic frustra cogitari, nec ideo *blamannos* hos, quoties in monumentis historicis occurrunt, inter fabularum spectra & larvas referendos existimo. Intelligendos potius credo homines prægrandes, robustos & feros; ex Scythia interiore vel boreali huc advectos; quales Holmgardix & Sveciæ reges principibus Norvegis muneri interdum mittebant, qui inusitata hæc hominum monstra, ad aulæ delicias & spectacula publica, præsertim poenas fontium, non secus ac feras, & si

mansves-





manifesteferent, linguamque mores & sacra Borealiū addiscerent, ad custodiam corporis aluere. Snorrius certe Sturlasonius inter *Suecia Magna*, i. e. *Scythia*, incolas blamannos etiam recenset: *i Svíþið (hinni miclo) ero risar, oc þar ero dvergár, þar ero oc blámeinn*: 3: In *Sveicia (Magna s. Frigida)* sunt gigantes; ibi sunt pygmaei, ibi sunt blamanni (aethiopes); homines nempe, a colore vultus fusco vel livido ita dicti: vid. *Heimskr. T. I. Hist. I. Cap. I. pag. 5.* Horum igitur colluctationem ad *theriomachiam* referre non dubitavimus, cum pro humanis hominibus (*meniskir menn*) non sint habiti; imo locis supra adductis, *tröll & qvíkindi (gigantes & fera)*, diserte nominantur. 3) Cæterum cum veris etiam bestiis Boreales, vel coacti ad spectaculum poenale, quod *ludus bestiarius stricte* dici meretur, vel voluptatis causa lubentes decertabant, quod *theriomachiam oblectatoriam* vocaveris. N) Sic, blamannio interfecto, Fimbogium cum urso immani inter natandum conflictari iussit Haconus Comes. Hunc ursum Fimbogius cultro, quem *sigil-knif* vocare, & de zona vel collo pensilem gestare solebant Boreales, subter aquis perfoſsum interfecit; quo facto in gratiam a Comite receptus est. Postquam Ruddium interfecerat, Hiarandiumque omnibus exercitiis superarat Vilmundus, in eum natantem ursus emititur, quem ægre tandem occidit; vid. *Vit. Vilm. Vidut. Cap. XV.* Huic autem spectaculo non viros solum, sed & foeminas affuisse, testatur *Vit. Fimb. Rob. Cap. XVII.* Hinc urſi, præsertim albi illi Grönländici, (urſorum enim vel ipsa Norvegia satis ferax), regibus Borealibus in deliciis fuerunt, quos



quos vivos alere solebant principes, non aliam magis ob rem, quam ad spectacula illa publica, interdum poenalia. Sic Ingimundus Grandævus urfos duos juvenes, quos in Islandia ceperat, glacie Grönlandica eo devectos, Haraldo Pulcricomo N. R. muneri dedit, teste *Vatnsdæla, Mst.* Post adinventam Grönlandiam, Haraldo Severo N. R. Gunnarus quidam ursum album Grönlandicum vivum dono transmisit; vid. *Hist. Króka-Resi, Cap. X. p. 56.* Qvinque etiam urfos albos ex Grönlandia in Dapiam vivos transvexit Refus, quos Sveino Estritio D. R. dedisse videtur; *libr. cit. Cap. XIII. pag. 65.* cujus rei plura, si opus esset, afferri exempla possent. Athenienses porro imitatus Olafus Trygvirus N. R. Sigurdum qvendam, qui aulicum regis satellitem occiderat, conventu populi indicto, quo pluribus res esset spectaculo, nudum & manibus vinctum, canibus lacerandum objecit & interfecit; quod tamen factum regis crudele & sævum videbatur: vid. *Hist. Ol. Trygv. ed. Scalb. P. II. Cap. XLII. p. 173. 174. conf. Heimskr. Tom. I. Hist. VI. Cap. XCII. p. 290.* 2) Ad *theriomachiam oblectaneam* haud absurde retuleris regum & principum *venationes* & *aucupia*, quæ magno interdum apparatu & comitatu fiebant, & Borealibus in præcipuo honore ac pretio ab omni ævo fuerunt.

b) Ad ferarum inter se certamina, quæ pro spectaculis fuere, & quæ *theriomachiam sensu strictiore* vocavimus, jam progredimur. In his autem spectaculis vel *equi*, vel *aliæ feræ* contendebant.

α) Equestris contentio aut fuit *equorum pugna*, aut *equitandi certamen*. De hoc ludorum genere nobilissima,



lissima, nec priscis olim Borealibus, quam Anglis gallorum, aut Hispanis taurorum certamen, minus grata aut solennis fuit **N**) pugna eqvorum: *besta-at, besta-vig & besta-þing*, majores dixere; *hippomachiam* stricte græco nomine nuncupari, vocis etymon permittit, etsi usus innuat eqvestre, non eqvorum certamen, quod Græci ignorasse videntur. In Islandia saltem adeo invaluit placuitque hoc spectaculi genus, ut nullus fere ludus publicus ederetur, quin eqvos simul decertantes haberet. E Norvégia tamen, Svecia, vel forte ex Hibernia aut Scotia eo cum incolis migrasse spectaculum, exinde concludo, quod ab ipsis fere occupata insulæ temporibus in usu fuerit, siqua fides est *Vita Viglundi Pulcri*, quæ Cap. VII. p. 21. eqvorum pugnam, vivente adhuc Pulricomo, cujus regimen primos, qui stabiles ibi sedes figerent, insulæ dedit incolas, editam commemorat. In Daniæ, Sveciæ aut Norvegiæ historia antiquiore nullum hujus ludicri vestigium reperire mihi contigit. Nisi forte eo pertrahere velis Comitis Finni Arnæi verba, cui in prælio Nizaaensi capto, cum vitam offerret Haraldus Severus N. R. regessit Comes, nolle se vel ipsi vel filio Magno salutem debere. Rogatus porro, num a cognata sua Thora, quæ regis Haraldus uxor fuit, vita donari vellet, utrum illa præsens esset, quæsit: hoc affirmanti regi reposuit Finnus: *eigi er kynligt at þú basir úá vel bitiz, er merin besir fylgt þer*; 3: non mirum te acriter mordendo pugnavisse, cum equam comitem habueris; vid. *Heimskr. T. III. Hist. IX. Cap. LXIIX. p. 130.* Quæ Finni verba ad hippomachiam alludere videntur, in qua



moris erat, pugnaturis eqvis admissariis, quibus  
 nuper adfveverint, eqvas assistere, ut harum aspectu  
 ad pugnandum incitatiores redderentur. Hanc rem  
*Vita Gresteri Rob.* disertè testatur, *Cap. XXXI.*  
*p. 108.* *Voro nú besta: nir fram leiddir, enn brossinn*  
*stödo bundin fram á backanom: o: Producti sunt*  
*igitur equi; prope autem equæ in extrema amnis ripæ*  
*ligatæ stabant; huic consentit Niala, Cap. LIX.*  
 Ea autem propemodum hujus spectaculi descriptio,  
 facem præferentibus auctorum, qui hippomachias  
 narrant, locis, dari poterit. Tempore & loco prius  
 condictis ad spectaculum confluit, quibus vaca-  
 bat & volupe erat, utriusque sexus multitudo;  
 quorum plurimi colles in vicinia, unde prospice-  
 rent, occupabant, foeminiis, ut in conviviiis & om-  
 nibus fere conventibus, loco a viris separato seden-  
 tibus. Certamini planities eligebatur, quam vel  
 viri undique dispositi circumdabant, (*Vit. Vigl.*  
*Pulch. Cap. VII. p. 21.*), vel amnis pro natura loci  
 circumfluus obibat; ne inter certandum efferati  
 equi, aut discurrentes ægre recipi, aut, ubi satis  
 lusum, distrahi nequirent; vid. *Vit. Grett. Rob.*  
*Cap. XXXI. pag. 108.* nec non *Vit. Viga-Glumi,*  
*Cap. XIII. p. 206* Lecti interdum judices sunt,  
 qui in re dubia, penes utrum victoria fuisset, arbitri  
 decernerent; vid. *Vit. Viga-Gl. Cap. XIII. & XIX.*  
*p. 206. & 215.* Equæ deinde pugnantium utrique  
 familiares in unum locum productæ sunt, quarum  
 adspectu ad pugnam admissarii incenderentur; de  
 quo supra. Mox pugnatueros admissarios committe-  
 bant. Utrumque autem pone vir sequebatur, qui altera  
 manu stimulo eqvario (*besta staf*) armatus pugnan-  
 tem

tem protrudebat, altera caudam vel clunes apprehendens erigentem se equum fulciebat; vid. *Niala, Cap. LIX. Vit. Grett. Rob. Cap. XXXI. Vit. Viga-Glum. Cap. XIII.* Equi vero in pedes posteriores surgentes reciprocis moribus & pedum anteriorum ictibus tamdiu decertabant, donec alteruter plagis, vulneribus aut lassitudine victus & animum despondens, ulteriorem pugnam detrectaret; vid. *loc. supr. cit.* Interdum unum, interdum plura simul paria ad pugnandum producta sunt; vid. *Niala & Vit. Viga-Gl. l. c.* Hæc certamina nonnunquam pugnantium equorum alterutrius nece finita sunt; cujus exemplum dedit equus Viglundi, qui primo statim congressu recalcitrans dentes colluctanti excussit; moxque posteriora ventris infesto malarum ictu aggressus, ilia morfu denudavit: & sic adversarium humi mortuum prostravit; vid. *Vit. Vigl. Pulch. Cap. cit.* Haud raro etiam equorum certamen dirimebant trudentium virorum ex æmulatione vesana profecta jurgia & pugna; quod adducta a nobis auctorum loca inspecta docebunt. Equum pugnando ferocem Haraldo Severo N. R. ex Islandia dono transmissum, historia quædam Norvegica Msta commemorat: unde, ut & ex auctorum silentio, hoc spectaculi genus in Norvegia tunc temporis minus usitatum quis dixerit. Cæterum hippomachiae icon, quam vidisse me recordor, cum pleniori hujus certaminis descriptione, luci publicæ brevi forsitan dabitur.

2) *Equitandi certamina* quia habuerint Boreales, dubitari nequit. Hæc equitandi contentio aut vulgaris fuit, aut artificialis.

a) *Vulgare equitandi certamen*, (lingua veteri Borea-



lium *kapp-reid* dictum), illud voco, cum vel animi gratia, vel posito pignore, eqvis ad currendum admissis, uter condictum spatium citius permetiri posset, eqvites contendebant. Ejusmodi certaminis exemplum *Laudnama* ministrat; vid. *P. III. Cap. VIII. pag. 214.* b) *Circensia* etiam certamina v. *eqviria* priscis Borealibus auctores tribuunt; certe eqvestris certaminis, quod *burtreid*, *ústreid*, item *turniment* dicitur, frequens apud historicos mentio. De Raudo & Rafno habet *Vita Sturl. Labor. Cap. II. Bádír* vero *þeir vel meitatdir at skotom oc turnimente*: c) *Ambo jaculandi artis & eqvestris certaminis apprimè guari fuerunt.* Eqvestri certamine Godfrejrus cum Hiarandio contendit; vid. *Hist. Vilm. Vidut. Cap. XXII.* Mutuum etiam certaminis eqvestris periculum Magno Erlingi filio N. R. obtulit Svererus N. R. quod ille recusavit. Aliquot etiam eqvestris discursus & pugnae regulas tradit *Specul. Reg. p. 371. sequ.* Verum hos & alios, qui eqvestria certamina vel pugnas narrant, auctores si propius spectaveris, eos aut fabulosa aut exotica venditare comperies, aut tempora describere, religionis christianae in his regnis initiis longe inferiora, quibus multi ritus & artes exterorum in Septentrionem sensim immigrarunt. Haud nimis forte audax fuerit, qui omnes eqvestres pugnas, tam ludicras quam series, ethnicis temporibus incognitas Borealibus fuisse statuerit. Etsi enim hasta, gladio vel arcu ex eqvis dimicasse nonnulli legantur, illud utique in velitationibus fortuitis & subitis, non ordinata acie aut justis & commeditatis conflictibus factum invenietur. Eqvis quidem insidentes duces  
aciem



aciem interdum instruebant, ut Ringo, Haraldus Severus & alii; pedites tamen prælia obibant. Equis ad itinera non ad pugnas utebantur; hæ semper aut navales aut pedestres fuere. Unde nec in Odiniæ instruendi exercitus disciplina, nec in Bravico prælio, cujus tamen apparatus bellicus tam varius & multiformis fuit, in quo rex Haraldus Hyldetand curru falcato ob senium & majestatem vestus traditur; in quo, inquam, balistæ, tormenta, bellatrices heroinæ, sagittarii, funditores & plura recensentur, nec in aliis præliis terrestribus, quorum tam multa ab historicis copiose describuntur, ulla equitatus mentio. In Angliam etiam post emigrantes Romanos, cum reliquis Normannis irrumpentes Dani, bellicum equorum usum, donec ab indigenis didicissent, ignorasse scriptoribus Anglicis perhibetur. Ut autem in viam regrediamur, *β) aliarum quoque præter equos ferarum, ex, gr. gallorum, falconum, canum, ursorum, taurorum, arietum* mutuas pugnas spectando se oblectasse Boreales quamvis inficiari nolumus, quemadmodum inter eligendi regis auspicia certamen caninum in Risalandia (Ruslandia, Russiæ hodiernæ parte) exhibitum tradit *Vita Örvar-Oddi, Cap. XIII.* rariora tamen, aut saltem viliora id genus spectacula quod fuerint, credere nos jubet auctorum taciturnitas.

Longius ab instituto, quam quod lectoris reverentia permiscrit, nos forte novitas argumenti seduxit. Ordinis autem regulas in his notulis parum curasse non poenituerit, modo aliis, quibus plus otii & industriæ, materiam hætenus fere aut intactam aut indigestam, uberius & elaboratius pertractandi



qualiscunque hic de veterum Borealium spectaculis discursus ausam & stimulos addiderit. Et quæso calamis scribentium, aut legentium oculis indigna crederemus domestica, qui in exoticis minutis sæpe futilioribus, inter scrobes dumosque investigandis, plurimum temporis & operæ collocare solemus. Id demum observasse hujus saltem loci, spectaculis his solennibus spectatrices affuisse foeminas, easque, pro more veteri Borealium, loco a viris segregato confedisse. In publico hoc foeminarum confessu quin ordinis pro dignitate mariti aut natalium, non secus ac in conviviis, respectus fuerit, ambigi non potest. De lusu pilæ Grimstungis edito, habet *Hist. Ol. Trygv. ed. Scalb. P. II. Cap. XXI. p. 81.* *Vedr var gott, oc sáto konor úti, oc borfdo á leikina. Valgerdr Ottars dóttir sat úti upp í breckunni frá, oc konor biá benni: ꝛ: Coelum erat sudum; adeoque. foemina. sub dio sedentes ludos spectabant. In clivo superiore proximo Valgerda Ottari filia sedebat, reliquo mulierum assidente coetu. Ludis etiam ad lacum Eisu-tiörn, haud procul a prædio Fofs celebratis, Olufa & Helga ab Ingjaldsholo profectæ adfuerunt; quod cum audisset Ketilrida, ipsa quoque patrem ad ludos eundem veniam precata impetravit. Convenitur igitur ad ludos; venerunt etiam ab Ingjaldsholo fratres Viglundus & Traustius; de quibus *Vit. Vigl. Pulchr. Cap. XI. p. 24.* *Komu Þorgrímssynir seint; ecki com fleira frá Ingjaldsbóli enu þeir brædor. Þeir gengo upp í breckuna, þar sem konurnar sáto: ꝛ: Filii Thorgrimi tardius affuerunt; nec ab Ingjaldsholo plures venerunt quam bi fratres, qui clivum statim, ubi foeminae**





*confidebant, ascenderunt.* Idem de ludis pilaribus, quibus Gislius Surfonius & Börcus præfuere, narrat *Vita Gislii Surf. Cap. XVIII. p. 151.* *Konur sátu uppí breckunni, þórdís systir Gísla oc fleyre; o: Foeminae superius in clivo sedebant, Tbordisa Gislii soror & plures.* Duella etiam virorum, luctas, sagittandi & nandi exercitia, præsentēs muliereæ spectasse supra notavimus.

4) Vid. supra, §. XXIII. Not. 3.4. conf. §. XXVI Not. 7.

5) De Halgerda Glumo nupta tradit *Njala, Cap. XIV. Red Hallgerðr fer biðn: o: Halgerda sibi operas conduxit.* Hoc præsentē marito, remque uxoris arbitrio permittente & consentiente, factum historia monstrat. Thioostolfum tamen, nisi venia mariti prius impetrata, domum recipere non potuit, quod inter conditiones sponsalitias fuerat stipulatum; vid. *Njala, Cap. XI. L. & XV.* Brynjolfsum Rostium inscio marito in familiam domesticam adscivit Halgerda; quem domo abigere Gunnarus noluit, eoquod uxori suæ sanguinis necessitudine esset conjunctus; vid. *libr. cit. Cap. XXXIIX.* Atlium Bergthora, absente marito & deinceps consentiente, operarium conduxit; idque se jure vel usu facere, Atlio respondit: *ec em kona Níals, oc ræð ec eigi síðr biðn enn bann: o: Níali ego uxor sum, operasque, non secus ac ipse, conduco;* vid. *Libr. cit. Cap. XXXVI.*

6) Liberos, famulos & servos quod ad operas & negotia amandaverint uxores, adeoque potestatis patriæ & berilis cum maritis participes fuerint, sine quo dominio negotia domestica & alia parum succedere potuissent, innumera auctorum loca testantur; vid. *Njala, Cap.*



XXXVI. XXXVII. XXXIIX. XLI. *Vit. Fimb.*  
*Rob. Cap. XLI. Flótsdala, Cap. XXVI.*

- 7) Hoc etiam ex matrisfamilias dominio in familiam subordinato, citra quod nec clavium potestas, nec disciplina domestica stare poterat, prone sequitur. Familiam domesticam castigasse, proque meritis vel punivisse vel remunerasse sæpius etiam uxores leguntur. Hinc domesticos increpando castigare, uxori integrum futurum dixit Gunnarus; vid. *Njala, Cap. XXXV.* Mortem servo, ni imperata faceret, minatur Halgerda; *Libr. cit. Cap. XLIIX.* Quod tamen nimium & nefas. Punire quidem servos, non occidere, uxori licebat; de quo inferius. Operam etiam famulorum impigre & fideliter navatam donis & beneficiis multoties compensarunt uxores; ex. gr. Jofrida, *Vit. Gunnl. Vermil. Cap. III. p. 38.* Thordisa, vid. *Flótsdala, Cap. XXI.* Vigdisa, vid. *Laxd. Cap. XVII.*
- 8) Homicidia domesticis aut liberis imperare matrisfamilias neququam licuisse, Ranveigæ ad Halgerdam Gunnari uxorem, eadem servo mandantem, verba docent; vid. *Njala, Cap. XXXVI.* Þó bafa húfs-freyior verit góðar, þótt eigi bafi stadið í mannráðom: o: Gnavæ & idoneæ fuerunt matresfamilias, etsi suum homicidiis arbitrium non intermiscuerint. Talia etiam præmetuens Gunnarus, priusquam domo abiret, flagitia remeraria (fárscapi) in amicos occoeptare, uxori serio prohibuit; *Libr. & Cap. cit.* Hinc uxores, alternas domesticorum cædes procurantes, severe reprehenderunt, multamque sanguinis & damna invicem rependerunt Nialus & Gunnarus; de quibus supra. Furta, rapinas, aut alia nefaria facinora, domesticis perpetranda

trenda mandare, uxori non permissum fuisse, res est, cum exemplo Halgerdæ, cui furtum imperanti servus obsequium recusavit, his verbis: *vandr befi ec verit, enn aldri befi ec þiðfr verit*: 3: *improbis quidem fui, nunquam autem fur*; (vid. *Njala*, Cap. XLIX.), tum per se adeo clara, ut ulterius probari non egeat.

- 9) Jure vitæ & necis in servos, uti & jure manumittendi, soli servorum domini gaudebant. Cum autem uxor ipsa sub manu & dominio mariti fuerit, & uxoris bona dotis nomine ad maritum transfirent, patet uxores olim in vitam & libertatem servorum nihil habuisse juris. Quamvis autem uxoris dos & profectitia & addititia, quæ quibusdam *antipberna* dicitur, marito cederet, habebant tamen uxores, præsertim nobiliores aut principes, nonnulla, quæ in dotis censum non venerunt, & quorum dominium ac usumfructum etiam post nuptias sibi uxores retinere. Horsum referas *mundum*, *utenfilia muliebria*, nec non *res donatas*. Ad mundum pertinebant *vestes* & *ornatus s. cimelia mulierum*, ex. gr. annuli digitales, armillæ, monilia, lunulæ pectorales, & alia. *Utenfilia muliebria*, quæ secum in domum mariti novæ nuptæ attulere, vel saltem arcam seu armarium, quod ista utenfilia & jocolia continebat, quemadmodum Romani *cumerum*, ita Boreales *dyngia* vocarunt. Nisi forte Borealiū *dyngia*, quam etiam innuptas virgines habuisse docet exemplum Kolfinnæ, (vid. *Hist. Ol. Tr. ed. Scalb. P. II. Cap. XXI. pag. 83.*), culcitæ vel cubiculi genus fuisse, atque adeo cum Romanorum *lecto geniali culcitæ instructo*, qui totus erat a sponsa, mittebaturque, non secus ac *cumerum*, in pompa nuptiali cum dote. Unde dicitur sterni a matre



puellæ; apud *Cicer. pro Cluent.* Multis auctoribus hic lectus dicitur proprius matronarum. De hoc porro lecto Mercerus: non nego tamen in illo lecto interdum sedere solitas matronas, & lanam facere cum ancillis, & liberos etiam instituere; vid. *Alex. ab Alex. Gen. Dier. Libr. II. Cap. V. Not. p. 289.* Quæ quidem omnia in Borealium dyngia apprime quadrant. *Res mulieri* præter utramque dotem *muneri data*, vel ab amicis aut cognatis; vel a parentibus, quemadmodum *zann-fe*, donum pro dentitione; vel a sponso, idque aut ante nuptias, ut *festar-giöf*, donum sponsalitium, aut inter nuptiarum solennia, ut, *lin-fe*, *beckiar-giöf*, *morgun-giöf*, Germanorum *Morgengaba*, illud scilicet, ut cum Juvenali loquar, quod prima pro nocte datur, & alia dona nuptialia, Græcis *ἐπὶ νύμφῃ δῶρα* vocata, inter quæ *θεωρητῶν*, *οπτηριῶν*, *ανακαλυπτηριῶν*, *ἐδῶν*, *προσθευκτηριῶν*, *υποβολῶν*, &c. Hæc omnia, quæ in uxoris dominio post nuptias mansere, nec cum dote in mariti potestate transibant, Romanis *peculium uxoris*, Borealibus *gripir kono*, Græcis *παράφερνα*, dicta sunt. Hoc matrisfamilias *peculium* a dote diversum fuisse, & factō divortio, etiamsi dōs divertenti uxori negaretur; *peculium* tamen uxoris nunquam retinuisse maritum, ex multis auctorum locis adstrui potest. *Halla Lytingi* filia, a *Brodd-Helgio* divertens, e domo mariti *peculium* suum secum abstulit, (*hafði með sér gripi sína*), dotem autem, a fratre *Geitero* frustra postulatam, nunquam recepit; *Hist. Vapnsfyrd. Cap. VI.* *Vigdís* a marito *Thordo Goddio* temere divertisse visa, & hanc ob causam dote spoliata, suum tamen *peculium* (*gripi sína*) secum auferbat; *Laxd. Cap. XIX.* *Droplauga Halsteino* sine dote nubens,

pecu-



*peculium* tamen aliquod (*gripi nockra*) in domum mariti secum attulit; vid. *Fliótsdæla*, Cap. XXIII. Hinc Signya Grimkelo nuptura, a dote profectitia duas res, ad *peculium* suum pertinentes (*gripi svo*), nempe monile & equum, distingvit; vid. *Vit. Hörði & Holmensf.* Cap. III. In hoc uxoris *peculio* interdum servi & ministeria fuerunt, quos aut filia pater, vel pro dentitione, vel ad *nutricatum* & *famulatum domesticum*, aut etiam nubenti sponsa sponsus pro dono nuptiali *peculium*, ita quidem ut doti non accenserentur, dederat. Mancipia liberis pro dentitione interdum data fuisse, docet exemplum Thormodi Karki; vid. *Hist. Ol. Trygv. ed. Scalb. P. I. Cap. CLXXXIV. p. 233.* Apud Romanos & alios tam principis quam patricii & equitis liberis, sive filii essent, sive filia, servos servasque nutricios & nutrices olim dari solitos, patet ex *J. Cas. Bell. Civ. III. 107.* nec non *Hist. de Bell. Alexandr. c. 4.* Eadem quoque apud majores nostros consuetudo obtinuit. Certe quinque servos & octo servas, quos secum occidi iussit, *fóstrman sitt oc faderni, þat er Budli gaf barni síno; 2: mancipia nutricia, sibi a patre Budlio data*, vocat Brynhilda Budlii filia, in *Edda Sam. Od. Sigurdar-qu. Stroph. penult.* Domestici ejusmodi nutricii, quales fuerunt Halgerdæ Thiofólfs, (vid. *Njala*, Cap. IX.), & Signyæ Grimus Parvus, (vid. *Vit. Hörði & Holm. Cap. II. pag. 71*), nubentes plerumque foeminas, ut *famuli peculiares*, comitari solebant. Servos servasque sponsa sponsum in *peculium* interdum dedisse, verba Atlii, qui triginta servos & septem servas novæ nuptæ Gudrunæ pro dono nuptiali (*mundr*) se dedisse dicit; vid. *Edda Sam. Od. Atla-mál en Grænlandzco.* Antiquita.



qvitatem ritus, qvo nutrices famuliqve a patre dati, filias nubentes, ut peculiare uxoris famulitium, seqvi consueverint, vel sacra Patriarcharum historia confirmat. Caterum qvod *paraphernicum* hoc uxoris *famulitium* in mariti dominium nevtiqvam transferit, sed uxorem solam & vitæ & libertatis agnoverit arbitram, suo exemplo, tam Brynhilda Eddica, servos servasqve sibi peculiares secum perire faciens, quam Tofva Sigurdi Kapæ uxor ostendit, quæ, Jomsvikingis ad expeditionem Norvegicam se accingentibus, duos famulos sibi peculiares, quorum nomina Havar-  
 dus Höggvande & Aslacus Holmscale, eximix fortitudinis viros, non marito Sigurdo, quem minus dilexit, utut expeditionis socio, sed ejus fratri Bujo ad custodiam corporis donavit; vid. *Hist. Ol. Trygv. ed. Scalb. P. I. Cap. CXLVII. p. 172.* Qvod manifesto est documento, *servos paraphernicos, non mariti, sed uxoris heræ, quæ in illos vitæ & necis, uti & alienandi & manumittendi jure sola gaudebat, dominio fuisse obnoxios*; in servos vero domesticos reliquos nihil horum matrifamilias licuisse, supra ostensum.

- 10) Qvovsqve uxoris dominium se extenderit, haud aliunde melius determinari posse credimus, quam ex officiis matrifamilias incumbentibus. Nimirum jus fuisse uxori ad omnia illa, sine quibus oeconomia penuaria, reginen, disciplina, sustentatio familiae domesticæ, uti & educatio liberorum, qvatenus hæc duo postrema ad matremfamilias spectabant, honeste exerceri neqvibant. Civilia igitur, & in quæ actio legis cadebat, negotia, ab uxoris arbitrio remota fuisse, hæc obrussa commonstrat. *Sontium* autem *tutela* cum injuria ejus, quem reus læserat, semper conjuncta,

juncta, actionem legis arcessere potuit, & a cura  
 familiæ domesticæ prorsus aliena fuit, ideoque *nec*  
*uxoris arbitrio* ullo modo *subjacebat*. Huic rei historia  
 suffragatur. Thorbergi Arnæi uxor Ragnhilda, Er-  
 lingi Solensis filia, cum absente marito Steinum  
 quendam, quem ob eadem villici regii Olafus Sanctus  
 N. R. proscripserat, in domum & tutelam recepisset,  
 redux maritus reum cædis abigere volebat, sed preci-  
 bus uxoris & filii diu fatigatus tandem cessit. Ut  
 autem ab irato rege facti postulandus arcessitur, frat-  
 rumque suorum Finni & Arnii auxilia implorat, ab  
 utroque graviter reprehenditur, quod uxori imperiosæ  
 nimis obsequens, justæ regis offensæ se suosque expo-  
 suisset. Coeptumque temerarium, ab immodico  
 uxoris dominio & reverentia (*ofqvæni*) profectum,  
 minime sibi probari Finnus dixit; vid. *Heimskr. T.*  
*II. Hist. VII. Cap. CXLIIX. pag. 237.* A marito  
 divertens Vigdifa, eoquod cognatum suum ob eadem  
 profugum, quem ipsa tutandum auctoritate propria  
 susceperat, defendere nolens hostibus prodidisset, eam  
 ob causam dote spoliata fuit, quod temere & sine  
 causa fontica divertisse videbatur, quamvis in defen-  
 dendo criminis capitalis reo maritum obsequentem  
 non habuisset; vid. *Laxdæla, Cap. XIX.* Thoreya  
 moderatior, Kolum nutritium, qui eadem patraverat,  
 recipere non sustinuit, priusquam maritum suum  
 Thorgilsum ad auxilium ipsi ferendum precibus in-  
 duxisset; vid. *Hist. Floamann. Cap. XIX.* Unde liquet  
 arbitrariam noxiorum tutelam, rem sane dispendio-  
 sam & periculi plenam, quam laudi interdum viri  
 primores sibi ducebant, uxorum lubidini non per-  
 misisse majores. Et aliorum delicta tueri, ne princi-  
 pes



pes quidem foeminas jure decere, ex Haconi Grandævi N. R. ad Margaretam Reginam verbis utcunqve colligitur. Cum enim Thorgilsum Böldvari filium immodestæ cujusdam petulantiaæ rex redargueret, regina forte præsens: leviora delicta lascivia juvenili condonanda, & siquid peccaverit, se causæ patrocinium & damna resarcienda suscepturam, dixit. Ad quæ rex subridens: *ec veit ei hvort þú mátt nockudt á bendr tacast, meir enu svara fyri þic: 3: Haud scio, ecquid, nisi tui ipsius tutelam & defensionem, in te suscipere, tuum sit; vid. Sturlunga, P. VIII. Cap. IV.* Quæ jocabunda regis gravitas, quid iis etiam temporibus, quibus animi ferociam religio christiana dudum emolliuit, hac in re senserint Boreales, innuere mihi quidem viderur.

- 11) Horum quædam per se clara sunt; pleraque supra §. XXIII. Not. 5. & 6. demonstravimus.
- 12) Si post mortem mariti familiam domesticam aleret vidua, pleraque potestas herilis & patria, quam cum marito prius divisam habebat, in matremfamilias migraverit, necesse est. Unde non mirum, si *major vidua in liberos & famulitium, quam uxoris, potestas & auctoritas fuerit.* In negotiis quidem & contractibus, qui publice rati essent, dicis causa in propriis & filiarum nuptiis, in rerum magni pretii emtionibus, venditionibus, in adoptionibus, servorum manumissionibus, & aliis, sub tutelam sanguinis relapsa vidua, tutores legitimos adhibere auctores debebat. Agendorum tamen arbitrium rei dominæ plerumque concessum; acta tutoris consensus & auctoritas confirmavit & publice rata fecit. Sin autem ob ætatem grandiore, opulentiam, & hinc seqvacem tribulium existi-





existimationem, necessitudinum defectum aut neglectum, *viduarum tutela intermortua* esset, nulla non patris & heri, imo civis, si ab imperio civili & militari discesseris, jura exercuisse ejusmodi *viduæ* leguntur. Propria auctoritate Auda Radbiarto, (vid. *Subms Hist. af Dannem. pag. 469. 470.*), Thyra, Thorgerda & Svala, (de quibus supra, §. XXVIII. Not. 5.), nupserunt. Auda Prædives, Olafo marito filioque Thorsteino Rufo mortuis, sola familiam pro lubitu, ac si ipsa esset *caput familiae*, rexit, nepotum conjugia jubendo & moderando, terram occupando, & occupatam aliis donando, adoptando, servos emendo & manumittendo; vid. *Laxdala, Cap. V. VI. & VII. conf. Landnama, P. II. Cap. XV. sequ. p. 107. sequ.* Steinuna vidua rura emendo acquisivit, & donando alienavit; vid. *Landn. P. V. Cap. XIV. p. 376.* Rura nullius occupando sua facere, lege quidem foeminis sui juris, adeoque viduis, *permissum*; suis tamen limitibus ista occupandi facultas restricta fuit; vid. *Landn. P. IV. Cap. X. p. 307. 308.* Sontibus etiam profugis hospitium tutelare præbuit Thorgerda Gestii Sapientis mater; de qua *Vita Gislæ Surson. Cap. XXIII. p. 159.* *Hún var opt vön at taca vid skógar-mönnum: blán átti jarðbús, var annar endi sit vid ána, enn annar i eldbúsi, oc fer enn þessi merki: 3; Illa proscriptos hospitio tutelari recipere saepe solebat. Hypogæum habebat, quod duplicem exitum, unum nempe in culinam domesticam, alte um ad amnem (præterfluentem) per cuniculos explicabat; cujus vestigia hodieque visuntur. Gunnarum Thidrandicidam, suæ tutelæ ab amico commendatum, non modo recepit Gudruna Osvisi filia, tunc vidua, sed & contra sponsum Thorkillum inter ipsas nuptiarum*



rum solennitates adeo pervicaciter defendit, ut armata suorum manu, profugum, si qua vis inferretur, propugnaturam se minaretur; vid. *Laxd. Cap. LXXVI*. Qvinetiam eadem & vulnera famulis sapius imperarunt viduæ, inorigerosque tutatæ sunt & remuneratæ; quod, ut Gunhildam Regum-matrem & complures alias mittam, fecit Grima quædam; vid. *Föstbrædra. S. Mst.*

- 13) Uxores quondam, natalium & necessitudinum fiducia matrisfamilias & sexus jura sæpe supergressæ, maritos per amorem sui & reverentiam conditionis ad non modo negotia publica suo arbitrio committenda, sed ad res quoque magnas & periculosas moliendas sæpius induxerunt. Ulvildæ uxoris impulsu & nobilitate fretus regnum Daniæ rebellis affectavit Ubbo; vid. *Saxo Gram. Hist. Dan. Libr. II. p. 24*. Maritum Hiartvarum ad Rolfum Krakium per insidias opprimendum Sculda commovit; vid. *Hist. & Libr. cit. pag. 31. sequ.* Bergliota, Haconi Potentis Comititis Hladensis filia, cædis reum contra maritum Thambaskelferum vel armis, si opus fuerit, defendere constituit; vid. supra, §. XXIII, Not. 9. Erlingi Solensis, qui opibus, auctoritate & affinitatibus regiis pollebat, filia, fontem ab ipso rege proscriptum inconsulto & invito marito tutari præsumsit; vid. supra, Not. 10. De Thorbiarga Olafi Pavonis filia, Vermundi uxore, tradit *Vita Grett. Rob. Cap. LIV. p. 125*. *Hán var scórúngr mikill, oc stórvitr kona; bín hafði berads stjórn oc skipaði öllum málum, þá Vermundr var ei heima; 3: Illa generosa & persapiens virago, quoties maritus Vermundus domo abesset, publica tribulium negotia moderabatur, & lites omnes arbitra composuit. Ut alias complures heroínas taceam.*

14) Vid. supra Not. 13. & §. XXIII. Not. 9.

15) Vid. supra §. XXVII. Not. 1—12.

16) Vid. supra §. XXVI. Not. 12. 13.

### §. XXXI.

Nec *matrifamilias* sua deerant *officia*, quæ ex hactenus memoratis pleraque facili alveo profluunt. *Maritis* enimvero amorem & fidem conjugalem (1), nec non honorem (2), obsequium & ministeria liberalia (3); *famulis* servisque mercedem pactam & alimenta (4); *liberis*, præsertim filiabus, diligentem educandi curam (5); *universæ* autem *familie* disciplinam ac tutelam domesticam (6), quantum in se, uxores debebant.

- 1) Etiam si quasdam uxores & parum amantes conjugum, & minus castas, uti nulla non ætas & locus, ita verus Septentrio habuerit, tamen Scythiis aboriginibus & Germanis, quos origo, sacra, lingua & instituta fere communia cum Borealibus conjungere, ea in re simillimos fuisse majores, ut sua matrimoniis sancta fides & reverentia viguerit, plusque ibi boni mores valuerint, quam alibi bonæ leges, in monumentis patriis, quatenus priscos Aquilonarium mores illustrent, vel mediocriter versatus non inficiabitur. Spectaculorum & conviviorum, quæ satis crebra habuerunt, defectu, aut literarum, quas, nempe runicas, ingenuæ atque



liberaliter educatæ fere omnes noverunt, & internuntias adhibuerunt, ignorantia, ut septis pudicitia, non eguerunt uxores Borealium; conf. *Tac. de Mor. Germ. c. 19.* Hinc tot heroica amoris & fidei conjugalis specimina, a priscis Borealium uxoribus edita passim leguntur. Qvædam maritos infideles & in amore inconstantes, qvæ res uxores pessime habere solet, adjuverunt, & mortis periculo eripuerunt; quemadmodum Lathgertha (Hladgerda) Regnerum, (*Sax. Hist. Dan. Libr. IX. p. 170.*) Hilda Hiörleifum, (*Hist. Alfi Regis, ejusque Pugil. Mst.*) Thova Sigurdo Kapæ, cui tamen invita nupsisse videtur, cum Bujum ejus fratrem maritum se præoptasse, & verbis & re monstraret, ad bellum Norvegicum proficiscenti promisit: *Ec skal bida þín sva, at engi madr skal koma í reckio mína, meðann ec sþyr þic lífi; o: Te verò ita præstolabor, ut, quamdiu superstitem audivero, masculum tibi consortium non sim passura; vid. Hist. Ol. Trygv. ed. Scalb. P. I. Cap. CXLVII. p. 172.* Aliæ viros infelices & proscriptos, per ærumnas, inopiam & vitæ pericula comitatæ, qvinetiam in ultima necessitate constitutos mascule propugnarunt; ut Auda Gíslum, (*Vit. Gísl. Surf. Cap. XXXIV.*); Helga Hördum, (*Vit. Hördi & Holm. Cap. XXXVII.*). Multæ maritos mortuos violento & voluntario letho infecutæ, vel lento & lethifico moerore doluerunt; vid. §. XXIV. Not. 6. Fuerunt etiam haud paucæ, qvæ cædem virorum acerrime vindicarunt, ut Hildigunna Höskuldi; vid. *Níala; Cap. CXVII.* Gudruna Ósvífi filia Bollí; vid. *Laxdala, Cap. LXVII.* Thordísa Thodda Helgii; vid. *Fliótsdala; Cap. ult. & plures aliæ.*



- 2) Uxores sapientes maritos dignos, in quorum manu & dominio fuerunt, & quibus sua & liberorum salus honorque nitebatur, non solum amore complexas, verum ultronea etiam reverentia prosecutas esse, ex multis auctorum locis, evincere perquam facile. Bel-lum contra conjugis Ingebiargæ fratres, Helgium & Halsdanum, gesturus Fridthiofus Vegetus, priusquam domo abiret, sic cum uxore collocutus fertur: *Ufridr er kominn i vort ríki; hvörninn sem hönom reidir af, þá vilíom ver ei síá á ydor fædo. þon segir: Þar er nú komit, at ver manom þic aðstan láta: o: regnum nostrum hostes jam invasere; qualiscunque vero fuerit belli exitus, non indigne te lacuram cupimus.* Cui illa: *quo, inquit, res nostra nunc sunt loco, tu nobis præcipuus habebere;* vid. *Vit. Frids. Veg. Cap. ult.* Sic Auda Gislíum maritum, pro suis ex fratre nepotibus, qui Thorkillum Gislíi fratrem occiderant, (vid. *Vit. Gisl. Surson. Cap. XXX. p. 169.*), & Thoreya Thorgilsum pro Kolo, (vid. *Hist. Floamann, Cap. XIX.*), verecunde precatæ sunt.
- 3) *Obsequia uxorum* per auctoritatem postularunt, & in re uxoribus, perquam ingrata obtinuerunt, Thorstei-nus Egillí filius, (vid. *Vit. Gunl. Vermil. Cap. III. p. 36. sequ.*); Asbiörnus Detti-ás, (*Vit. Fimb. Rob. Cap. II. & VI.*); Helgius Asbiörni filius, (vid. *Flíots-dala, Cap. XX. & XXI.*). Uxores porro maritis mi-nistrasse docet Níala, Cap. XLI. *Hallgerdr þíónadi Sigmundi eigi minnr enn bónda sínom, oc lögdo margir þat til ords, oc þóttuz eigi víta hvær undir myndi búar: o: Halgerda Sigmundo- haud minus quam marito suo ministrabat, quod varios excitavit hominum rumores, quorsum id tenderet, mirantium.* Hoc autem ministe-  

S 2
rium,



rium, quid & quale fuerit, quo magis innotescat, sciendum est, *in quavis fere familia domestica foeminas viris ministrasse*. Ad ministerium quod maritis præstiterunt mulieres, pertinebat 1) *cura vestitus*, 2) *capillitii*, & 3) *corporis medica*. Domestica hæc ministeria uxor marito, interdum etiam filio, fratri soror, hero & heræ famula præcipua, reliquæ famulæ famulis, uti & hospitibus, pro eorum conditione magis minusve honoratæ, præstiterunt. Melcorca Höskuldi concubina hero & heræ ministrare, lectum herilem sternere, cubitum euntibus vestes detrahere easdemque cubitu surgentibus suppeditare, nec non infantem, quem Höskuldo pepererat, nutrire debuit; vid. *Laxdala, Cap. XV*. Oddnyam Sororem Thorkillus, ut navis Norvegicæ magistro Ivaro Liomio, viro nobilissimo, quem hyberno hospitio exceperat, ministrare (*þiöna*) vellet, rogabat; illa vero hoc ministerium, mali exinde orituri præfaga, frustra deprecabatur. Haud tamen vana fuit vates, quippequam Ivarus constupravit, gravidamque ducere uxorem recusavit, factum inficiatus; vid. *Hist. Ol. Trygv. ed. Scalb. P. II. Cap. XIII. p. 21. 22*. Qvandoquidem autem rei vestiariæ cura univérse foeminis mandata fuit, quarum lanificum & linificum omne opus erat; nendi enim, nectendi, texendi, suendi, farniendi, acupingendi, & quæcunque fuerunt artes vestiariæ apud Germanos olim æque ac priscos Boreales & alias gentes, inter peculiare mulierum functiones numerari solebant; vid. *Cleff. Antiqu. Germ. Sept. Cap. V. §. VI. pag. 211. conf. Sax. Gram. Hist. Dan. Lib. II. p. 29. Libr. V. p. 68. Libr. IX. p. 172.* ita marito vestes parare, reficere, servare, uxoribus speciatim incubuit; vid. *Vit.*

Gislji



*Gylfi Surson. Cap. IX. p. 137. Laxd. Cap. XXXIV.* Qvin & tegmina corporis bellica a foeminis interdum confecta, *Aflaugæ*, quæ marito Regnero *Lodbrochio*, *Alvaræ*, quæ *Örvar-Oddö*, tunicas ferro infecabiles dedere, & aliarum exempla monstrent. Ad peculiararia porro foeminarum erga viros officia referri potest *cura capillorum*. Crines enim, ut præcipuum hominis a natura ornamentum, non foeminas solum *Boreales*, sed viros etiam sedulo coluisse, ex plurimis auctorum locis colligitur. Post insignem *Hakoni Hladarum* Comitis de *Jomsvingis* victoriam, cum de captivis supplicium fumeretur, productus est inter alios *Sveinus Buji* filius; qui cum egregie crinitus esset, non vitam, sed eam solam ab hostibus gratiam petebat, ut quidam ingenuus sibi, dum caput præcideretur, prehenso teneret capillos, & ne sanguine fædarentur, caveret; vid. *Hist. Ol. Trygv. ed. Scalb. P. I. Cap. CLXI. pag. 192.* Hunc virum *Sigurdum* nominat *Heimskr. T. I. Hist. VI. Cap. XLVI. p. 249.* Curam capillorum tria maxime constituiebant, *crines* nempe lavabantur, *pectine* comebantur, & *attondebantur*. Germanos quidem caput & crines non modo lavisse & pexuisse, docent illa *Juvenalis*; ubi madidum a lotionem cirrum innuere poëta videtur:

*Cerula quis stupuit Germani lumina, flavam*

*Cæsariem, & madido torquentis cornua cirro?*

Sed *Burgundiones* butyro etiam capillos ungere confvetos, testis est *Sidonius Apollinaris*:

*Quod Burgundio cantat esculentus,*

*Infundens acido comam butyro.*

*Acidum* hic butyrum pro falso figurate dictum existimat *Cleffelius, libr. cit. Cap. IX. §. I. pag. 309.* Ego



vero figura nihil opus arbitror. Acidi enim butyri,  
 in toto olim, ni fallor, Septentrione, non quidem ad  
 unguendos crines, sed ad cibos & medicamina, usum  
 invaluisse, obsoleta custos antiquitatis Islandia etiam-  
 nunc testatur. Capillos autem butyro aut alio  
 unguenti genere ad ornatum delibuisse Boreales non  
 reperio. Haraldus Pulchricomus, Norvegiæ monar-  
 chiam conditurus, votum solenne nuncupavit: non  
 passurum se crines sibi comi tonderive, priusquam  
 universo Norvegiæ regno esset potitus; vid. *Heimskr.*  
*T. I. Hist. III. Cap. IV. p. 78.* Votique fidem fer-  
 yayit, per decem annos comam impexam intonsamque  
 gestans; donec totius jam Norvegiæ dominus, a  
 Rögnvaldo Marensum Comite crines tonderetur; vid.  
*Libr. & Hist. cit. Cap. XXIII. pag. 99.* Hoc crines  
 comendi tondendique ministerium, sive ob majestatis  
 reverentiam, sive ut votum religiose susceptum, solen-  
 niter exsolveretur, imperanti hic Comes præstitit.  
 Communiter autem mulieres in viros illo munere  
 defungi siveverq; vid. *Vit. Biörni Hítal. Atbl. Cap.*  
*XXXIV.* Peculiaris etiam uxoris, interdum etiam  
 speratæ conjugis fuit functio, ut marito aut amasio  
 comam capitis lavaret, comeret & tonderet; vid. *Reik-*  
*dala, Mst.* ubi Gudruna Otryggo marito caput lavit;  
 & *Vit. Vigl. Pulchr. Cap. XIV.* ubi de Viglundo  
 peregre abituro, & suæ Ketilridæ valedicturo, narrat  
 auctor historiæ: *Haun bad bana þá skera bår sitt, oc*  
*sua gördi hún; eun er þat var gört; malti Viglundr:*  
*Þat lat ec verða malt, at eingin skeri bår mitt ne*  
*heldr þvot höfuz mitt meðan þú lifr: 3: Ketilridam*  
*ut capillos sibi tonderet, Viglundus rogabat; quod &*  
*illa fecit. Hoc autem peracto, Viglundus: votum,*  
*inquit,*





inquit, nuncupo, tonsuram crinium meorum, te viva  
nulli alii me permissurum. Nec fidem fefellit Viglundus;  
de quo in Norvegia peregrinante, *Libr. cit. Cap. XVII. pag. 30.* Einn dag er þeir voro kalladir til  
haufut-þvottar, þá segir Viglundr: engann haufut-þvott  
skal ec bafa, oc engann besir ec baf, sidan vid Ketilríðr  
skildom; let Viglundr ecki vaska ser: &c. Die quodam,  
cum ad lavandos crines vocarentur, dixit Viglundus:  
postquam Ketilrida valedixi, coma nunquam mihi nec  
lavata fuit, nec lavabitur, capillosque sibi lavari non  
passus est Viglundus. Idem officium matrem etiam  
filio præstare solitam loquitur cygnea Asbiörni Prudii  
cantio, quam inter lethificos, dum a gigante, vel potius  
latrone Brusio vivus evisceraretur, dolores fudisse tra-  
ditur; conf. *Hist. Ol. Trygv. ed. Scalb. Append. p. 13.*

Segi þat minni móðor i.e. Mea genitrix resciscat,	
mun hún ei syni kemba	Se non pexuram filio
svardar lád i sumri	Hac æstate casariam,
Svanhvít í Danmörko.	Svanbuita in Dania.
Hafda ec henni heitit	Illi etenim promiseram,
at heim mundac koma.	Domum me rediturum:
Nú man seggi á sído	Mibi sed latus ensis
sverds egg dregin verda.	Nunc acutus exsecabit.

Nec vestitus solum & crinium, sed reliquam etiam  
corporis, præsertim si saucius opis medicæ, cujus pe-  
ritia & facultas foeminis Borealibus quondam fere  
propria, aut balneo maritus egeret, curam, uxores  
suam esse crediderunt. Ab expeditione Norvegica  
reduci Comiti Sigvaldio, Jomsvikingorum principi,  
uxor Astrida ad vulnera, ut volebat, curanda balneum  
paravit; nec ad balneare hoc mariti ministerium alias  
admittere foeminas volebat, (oc hlytir ecki Astríðr



*öðrom konom at þiðna bönom i lauginni*); vid. *Hist. Ol. Trygv. cit. P. I. Cap. CLXIII, p. 195.* Hæc præcipua fuere ministeria, quæ soli marito præstare uxori decorum, & a sola uxore sibi præstari maritis gratissimum fuit. Adeo enim, feroces ne dicam, an delicati, nescio, Boreales erant, ut vilis aut invisi hominis ministerium, quantumvis sibi necessarium, sæpe dedignarentur & respuerent. Sic foemina, deformitate & vestitus squalore monstrosa, vitam debere vix tandem persuaderi potuit Grimus Hirsutigena; teste ejus *Vita, Cap. II.* Sub conditione matrimonii vitam & salutem vix acceptat Thorsteinus Vikingi f. teste ejus *Vita, Cap. XVII. & XIX.* Oblatum a sordida & indigua conditionis hominibus auxilium & medicinam animose repulit Starcatherus; vid. *Sax. Gram. Hist. Dan. Libr. VI. p. 111. 112.* Hic autem, ubi de *obsequiis & ministeriis* ab uxore viro debitis sermo instituitur, *honestæ* solum, & ingenua forte non indigna, *intelligenda* veniunt. Viles enim & serviles operas uxori mandare non minus turpe maritis fuit, quam mandatas exsequi uxoribus indecorum. Oddnyam uxorem, dum famulas aliæ distinerent operæ, ut oves mulgeret, forte Thordus quidam rogavit. Illa vicissim cortem exstercorare maritum jussit. Indignatus uterque, neuter mandata cepessivit; vid. *Vit. Björni Hirdal. Athl. Cap. XI.*

- 4) *Victum* ad alendam familiam necessarium uxori prospicere ac *suppeditare mariti, dispensare* & depromere uxoris erat, quæ penuaria dispensatio potestatis clavium partem fere principem constituit; vid. §. XXIII. *Not. 3. 4.* §. XXIX. *Not. 5.* Glamus opilio festi Jolenfis vigilia, quo tempore jejuna alii solebant, cibum sibi depromere

mere matremfamilias invitam coëgit; vid. *Viz. Greit. Rob. Cap. XXXIV. p. III.* De Bergthora Niali uxore, mortis suæ præcia, memorat Niala, *Cap. CXXIX. Aptan enn sama malti Bergþóra til biðna sinna: nú skulo þer kiðsa yðor mat í kveld, at þverr hafi þat er mest fýsir til; þvát þenna aptan mun ec bera fíðaræ mat fýrir biðn min: 3: Familiam domesticam eadem vespera affata Bergthora dixit: hoc vespere, quo postremo domesticis meis cibos ministrabo, vobis ipsis escas eligite, quo singuli, quod cuique maxime ad palatum fuerit, eduliorum genus habeatis. Ciborum igitur diversa genera, alia quotidiana, alia exquisitoria fuerunt. Hæc festis diebus vel conviviiis reservabantur. Gratos etiam hospites aut honoratiores, quin & operarios domesticos post statos & anniversarios labores oeconomicos exantlatos dape lautiori certis anni temporibus beare solebant. Sic operarios autumnali tempore, post foenifecium ove mactanda donare heris ruralibus in Islandia moris fuisse, testis est *Heimskr. T. II. Hist. VII. Cap. CCXXI. pag. 349.* Ubi pro slátra-sauð, ove mactanda, ego quidem slátta-sauð, ovem foenifecii, legendum existimo. Pro multu pecudum certo etiam æstatis tempore ancillas epulis excipere sive matresfamilias, docet *Vita Liði Val lensis, Cap. I. Mst.* Ubi Hallum filium ad porcum sibi quærendum mater amandat, his verbis: *et á at reiða af bendi mála-gibld grid-konom vorom: 3: epulum enim mulgarium famulabus instruendum debeo.* De variis porro cibus apud majores nostros catholicos certis anni tempestatibus vel licitis vel interdicitis, hic plura loquendi non est locus. Horum autem omnium*



cura & dispensatio cuius matrifamilias, atque adeo uxori incubuit.

- 5) *Liberos communes liberaliter educare & instituere, commune* quidem parentum fuit officium. Paterna tamen disciplina filios præsertim, filias materna formavit & coërcuit. Præter *religionem publicam*, quæ notitiam deorum, sacrificiorum caerimonias, aliosque ritus religiosos continebat, etiam *jurisprudentiam* (*lög-speki*), poësin (*skáldskap*), *rúnas* s. *litteraturam runicam*, nec non *artes & exercitia corporis militaria*, a patre plerumque vel nutritio, *religionem* autem *arcanam*, nempe mysticam illam & energeticam sacrorum scientiam, quam peculiari deorum ope & interventu, certis symbolis provocato, ad auxilia aut damna ferenda res miras ac præternaturales, efficere persuasum habebatur, nec non *artem genealogicam* (*att-vissi*), *pueri juvenesque a matre vel nutrice* ut plurimum *didicere*. Abstrusiorum certe s. magicarum artium magisterium deabus ideo attribuisse veteres Boreales, quod scientiam plerumque maleficam, & cum horrendis ritibus conjunctam, ethnicis etiam temporibus non modo abominarentur mares, sed leges quoque publicæ varent, testatur Snorrius; *Heimskr. T. I. Hist. I. Cap. VII. p. 12. & Hist. III. Cap. XXXVI. p. 114.* Et circeas has officinas potissimum foeminas exercuisse historia passim commonstrat. *Medicæ quoque artis*, quam ingenuas foeminas præcipuo studio coluisse notum est, *peritiam quoniam liberis matres tradiderint*, non est, de quo dubitemus. *Filias vero docebant matres nobiliores & gnavae artes liberales foeminarum*, quas, *haunyrdir* s. *bandyrder*, i. e. *artes manuarum*, maiores

maiores appellarunt. Hæc mulierum artificia in vestimentis affabre conficiendis, & rerum variarum vel aureis vel coloratis figuris, opere textili, nexill, aut æcupictorio exornandis maxime versabantur. Opus auro intertextum, *gud-vefr* vocarunt Boreales. Chirothecas auro ductili circumfutas, (*glófa gullfallada*), Gunnaro abituto muneri dedit Haraldus Gorinii filius, vulgo Blaataand dictus D. R. vid, *Niala*, Cap. XXXI. p. 46. Artificia illa muliebria a nutrice Vefreja Asa didicit: *Asa hin fagra var þar á fóstri medan hon var úng, oc nam bandyrdir af Vefreyo: 3: Alumnæ Asæ Pulchram, dum adolefceret, non modo educabat Vefreja, sed artes etiam mulierum manuaris docebat; vid. Vit. Sturl. Labor. Cap. II. Mst.* Harum artium præ aliis perita Olufa filiam Helgam & alumnæ Ketilridam instituit, domique suæ officinam vestiariam (*fatuma-stofa*) habuit; vid. *Vit. Vigl. Pulch. Cap. VI. p. 19: & Cap. VII. p. 20.* Artis etiam in Dania antiquitatem & nobilitatem, cum pervetusti artis laboriosæ & pretiosæ indices tapetes aliquot & aulæa, tum his longe vetustior Edda Sæmundi, pannosa illa scilicet & fere delira antiquitatis intermortuæ præfica. In Oda, quæ *Gudrúnar-qvida* dicitur, ita de se Gudruna Giukii filia:

Sat ec med þóro 1.e.	<i>Consedi apud Thoram</i>
fiau misseri	<i>Septem per semestria,</i>
dóttur Háconar	<i>Filiam Haconi,</i>
i Danmaurco.	<i>In Danmarchia.</i>
Hon mer at gamni	<i>Illæ, mihi datura jocos,</i>
gull-bócadí	<i>Figurabat auro textili</i>
fali sudræna	<i>Palatia Germanica,</i>
oc svani danska.	<i>Danicosque cygnos.</i>

Haufdo



Haufdo vid á scriptom	<i>Acu effigiata dedimus</i>
þat er scatar leco	<i>Gesta fortium virorum;</i>
oc á hannyrdom	<i>Arteque docta pinximus</i>
hilmis þegna.	<i>Imperantis agmina;</i>
Randir raudar	<i>Scuta rubro colorata,</i>
recca Húna	<i>Juventutem Hunnicam,</i>
hiör-drótt hiälm-drótt	<i>Ense galeaque tectam,</i>
hilmis fylgio.	<i>Regisque comitem junonem.</i>
Seip Sigmundar	<i>Sigmundiana classis</i>
ferido frá landi	<i>Prolapsa reliquit oras,</i>
gyltar grímor	<i>Auro capistrata</i>
grafnir stafnar.	<i>Proratas &amp; forevratas.</i>
Byrdó vid á borda	<i>Pbrygione varius penicillo</i>
þat er þeir bördoz	<i>Tapes nobis repræsentavit</i>
Sigar oc Siggeir	<i>Sigarum Sigeirumque</i>
fudr á Fivi.	<i>In Fivia depræliantes.</i>

Hic igitur ædificia, avēs, heroum res gestas, (forte ludos, ex. gr. venationes) milites, arma, acies, genios, naves, earumque ornatum & insignia; nec non prælia, acu vel pectine muliebri depicta, videtis lector.

6) *Familiam domesticam materfamilias*, utpote honoris mariti; nec non potestatis patriæ & heriliis particeps, suo imperio & disciplina obnoxiam habebat; vid. supr. §. XXX. Not. 5. 6. 7. Occisi Sigmundi caput præcisum opilionis, ad Halgerdam deferendum, tradidit Skarphedinus; quod mandatum, iram heræ præmetuens, exsequi ille non sustinuit; vid. *Njala*, Cap. XLV. p. 71. Suo etiam patrociniò & tutela famulitium domesticum protexere matresfamilias, ejusque injurias & cædes, siubi liceret, nonnumquam sunt ultæ. Patet hoc exemplis, cum Astridæ, (*Vit. Viglumi*, Cap. VII. p. 193. 194.), cum Bergthoræ &

Hal-

Halgerdæ, quæ domesticorum cædes ædibus rependebant. Tutam hanc securitatem post eadem Svarti Kolo promisit, non præstitit, Halgerdæ; vid. *Niala*, Cap. XXXVI. p. 53. *Sva skal ec þic vardveita, at þic skal ecki saca: 3: Mea te custodia ab omni læsione tuebitur.* Atlio uxoris Bergthoræ nomine pollicitus est Nialus, eadem ipsius sanguine vindicatum iri; vid. *Libr. cit.* Cap. XXXIX. p. 17. Cujus promissi fidem interfecto Atlio etiam Bergthora servavit; vid. *l. cit.* Cap. XXXIX. Utrum autem *famulæ ab hac pace & sanctitate domestica, grid-konr*, sint appellatæ, non dixerim; hoc certum, quod domesticum famulitium, maxime autem pueros & famulas, & universæ foeminas violare & occidere, vel hosti ignominiosum fuerit, vid. *supr.* §. XXIV. Not. 3. Hinc in incendio Bergthorshvoliano, ædibus Niali jam deflagrantibus, cum omnes pacis condiciones abnueret Flosius, *foemnis tamen, pueris, & maribus operariis, (konom oc börnom oc búskaurlom) exitum permisit*; vid. *Niala*, Cap. CXXX. p. 200.

---

---



---

## CONSPECTUS OPUSCULI.

## §. I.

*Conjugii origo & momentum.* - - - p. 5—7.

## §. II.

*Matrimoniorum apud Romanos veteres austeritas reipublicæ saluberrima. Crescente re romana, veterique disciplina remittente, gliscere sensim lascivia conjugii, divertendique consuetudo increbrescere coepit. Utramque licentiam satiscientis imperii causam & indicem Romanorum prudentiores jamtum agnovere.* - - - p. 8—11.

## §. III.

*Religiosam matrimonii reverentiam & dignitatem testantur tot dii deæque, conjugii præfides olim culti, tantusque auspiciorum & carviniarum apparatus, nuptiis olim adhibitus, (novo nobis Specimine, si fors tulerit, observandus). Instituti ratio & anussis.* p. 11—14.

## §. IV.

*Ætas matrimoniis apta, tam in puero quam puella, ex mente Romanorum & Græcorum* - - - p. 14—16.

## §. V.

*Germanis olim fera venus & matrimonia. Borealiū etiam tarda olim conjugia; ejus una causa pueritia productior, ejusque progressus ob suas rationes lentior: quæ tamen ignobilis aut hebetis indolis non sunt indicia.* - - - p. 16—18.

## §. VI.

*Altera dilati conjugii causa fuit studium militiæ piraticæ, cui bonam adolescentis & maturæ ætatis partem dedisse viro incrosum & gloriosum, ac foeminis acceptum. Hinc ante trigesimum annum viri, vigesimum mulieris, raræ olim nuptiæ.* - - - p. 18—21.

## §. VII.

*Viris foeminas, nuptiis ambiendas, proponebant patres, tutores, amici; eligendi arbitrium ducturis relictum. Filius adultus, ut potestati patriæ exemptus, ita inconsulto patre ratum inire matrimonium potuit.* - - - p. 21. 22.

## §. VIII.





## §. VIII.

Filia virgo, paterno imperio usquequaque obnoxia, in optione quareti nullum, nisi quod pater aut tutor indulgentior concefferit, suffragandi jus habuit, adeo ut ad ingratas nuptias cogi potuerit. Sine consensu patris aut tutoris nubens, ipsa cum liberis exheredari, & qui duxisset, virginis ingennæ raptæ & stupratæ reus peragi, publicæque securitatis exfors reddi poterat. Vidua autem absque auctoritate patris aut tutoris iterum nubere non debebat; refragandi tamen jure gaudens, ad ingratos thalamos adigi nequibat. Virginem pater aut tutor, vidua semet ipsa despondebat. Primis filiæ nuptiis patria potestas sublata, vel saltem inminuta.

p. 22—26.

## §. IX.

In uxore legenda viri spectabant, 1) natalium & affinitatum claritatem ac potentiam, 2) generosam animi indolem (Skörungs-skapr), 3) pulchritudinem, 4) dotem & spem hereditatis. Foeminæ in sponso desiderabant, 1) generis nobilitatem vel honestatem, 2) vultum virilem staturamque militarem, 3) rerum armis gesturarum celebritatem. Utrunque sacra communia & ætas non admodum dispar quærebatur. Veterum auguria ex vultu Boreales, svipr, yfirbragd, vocarunt. (Not. 10.).

p. 26—30.

## §. X.

Procatio & iter procatorum (bonords-för). Qui foeminam nuptiis ambiret, ipse procatum ire debebat, comite patre, propinquo aut amicis. Olim Reges & Principes etiam peregre ipsi procatum ibant; deinceps autem legatis hoc negotium mandabant. Plerumque non ipse procus, sed ipsius, etsi præsentis vice proxeneta, pater, aut qui patris loco, cupitæ foeminæ nuptias postulabat. Hic etiam, si placerent nuptiæ, de conditionibus matrimonii cum patre vel tutore mulieris transigebat. Contractus nuptialis legitime ratas, festas, sponsalia, dicebatur.

p. 30—32.

## §. XI.

Ad sponsalia pertinebant I) procatio, ad consensum tutoris aut foeminæ impetrandum. II) Actus s. contractus sponsalitiis, quo a) procus uxorem sibi stipulabatur: b) tutor foeminam, vel semet ipsa in matrimonium despondebat; hæc passio reciproca, eginnd-ord, dicta:

III)



III) conventiones conventæ matrimonii : IV) ritus sponsaliorum legitimi. - - - p. 32. 33.

### §. XII.

Conditiones conventæ matrimonii (festa-máldagi), vel I) nuptiarum tempus & locum designabant, vel II) pecuniaria fuerunt. Temporis sponsalitiis pro circumstantiis & contrahentium arbitrio diuturnitas varia, aut brevior & aliquot mensium, quantum præparandæ nuptiæ & dos eroganda poscebat, aut ob peregrinationem vel graviora negotia, prius peragenda, longior; quo triennium sponsalitium, olim usitatum pertinet. Locus nuptiarum communiter apud sponsam, ejusque patrem aut propinquos; interdum, in honorem sponsi nobilioris, apud ipsum, ejusve cognatos. - - - p. 33—35.

### §. XIII.

Conventiones sponsaliorum pecuniaria, (festa-kaupmáli), reciprocae fuerunt: I) a parte sponsæ pater aut tutor dotem dicebat & promittebat, simulque incrementum dotis a marito dandum stipulabatur. Dos a patre danda, heimán-sýlgia, lat. dos profectitia, a marito danda, tilgiöf, dos adjectitia, dici solevit, dimidiæ, doti plerumque æqualis; utraque, máli ac mundr, vocata, & utraque receptitia fuit; quæque hac conditione imberet, fœmina, mála-kona, appellari solita. Altera conventio sponsalitia fuit, ut soluto matrimonio bona communia inter conjuges, eorumve hæredes, ex æquo dividerentur. Hæc conventio, helmingar-skiðlag, vocabatur. Hæ conventiones olim verbales erant, adhibitis tamen testibus. Cum literis deinceps instrumenta sponsalitia in usu esse coeperunt. - - - p. 36—38.

### §. XIV.

A parte sponsi pater aut proxeneta alius, antipthernam s. pecuniam maritam, (kvannar-mundr), dicebat & promittebat. Veterum Borealiū matrimonia fuerunt nuptiæ per cœmitionem; unde contractus sponsalitiis, kaup, cœmition, & uxor dote addititia cœmíta, kona mundi keypt, crebro vocatur. Dos profectitia in Septentrione atque antiquissima fuit, utut Tacitus Germanorum veterum uxores e domo patris indotatas nupsisse perhibeat. (Not. II.). - - - p. 38—41.

### §. XV.

Ritus sponsalitiis tres: nempe I) contrahentes dextas jungebant; hinc contractum a parte spondentis, hand-saul, a parte stipulantis, hand-



handfestning, & in negotio sponsalitia festar Boreales vocabant. Si sponsa virgo, cum patre vel tutore sponsa, sin vidua, cum ipsa sponsa sponsus dexteras jungebat. II) Testibus denuntiabant ambo contrahentes; nempe sponsus & pater s. tutor sponsa, utpote autor matrimonii, sive virgo sive vidua locaretur. Testes autem esse debebant classici, nimirum in colonorum tribu & numero constituti, & antestanti nulla cognatione necessarii. Jure coloni gaudebat, qui vel 1) focum (eldst6, dan. Madskab) domi haberet, vel 2) rem pecuariam (målnytia) faceret, vel 3) fundi, quem inhabitaret, esset dominus. III) Verba concepta s. formulam solemnem sponsaliorum ambo contrahentes proferebant. Annulum pronubam aut arrham sponsalitiam, ut in legitimis sponsaliis necessariam, Boreales iguorabant.

p. 42—45.

## §. XVI.

Sponsalia legitima non erant, nisi I) consensu patris aut tutoris foeminae inpetrato; nisi II) inter ingenuos, III) matrimonio solutos, & IV) sanguinis necessitate proxima non conjunctos. Hiuc ingenuorum cum obnoxiiis, aut servorum inter se conjugio (præla-hagr), legitima matrimonia non censebantur. Polygynia simultanea in Septentrione nunquam licita; unica tantum uxor legitima. Incesta conjugia semper abominanda, & proximos saltem cognationis gradus, ex. gr. cum matre, sorore, filia, prohibitos Boreales etiam ethnici existimant. Christiani juris canonici præscripta secuti sunt.

p. 45—47.

## §. XVII.

Mulier in matrimonium sperata hugdar-kona, & proci sperans vonbidill, in matrimonium pacta heit-kona, dicebatur. Data de matrimonio inveniundo fides inter speratos conjuges violata laus-mæli, inter pactos brigd-mæli, inter sponsos trygd-rof, dicebatur. Ista quidem inimicitiarum æqua videbatur causa; illa vero & hæc injuriæ genus fuit, actioni legis vel vindictæ armorum obnoxia. Speciatim fides inter sponsos non servata, perjurii promissorii (eid-rof) instar habebatur, fideique violator vara-vargr (foedisfragus) est appellatus. Corporis commercium ante nuptias sponsis illicitum, & foeminae ejusque cognatis ignominiosum.

p. 47—50.

## §. XVIII.

Sponsalia vite peracta justæ nuptiæ sequebantur. Utrisque præviis, legitimis, si alterutrum abesset, illegitimum, & si utrumque, nullum erat matrimonium. Viri enim cum muliere post sponsalia &



ante nuptias consuetudo, *finprum*, & nuptiæ sine sponsalibus; *skyndibryllup*, & conjugium subitum vocatum, legitimi matrimonii effectus non sortiebatur. Ex matrimonio inæquali (ad morganaticam) & uxore secundaria nati liberi, naturales erant, non legitimi quidem, sed nec spurii. Patri ab intestato non succedebant, legitimari tamen poterant, & si legitimi non essent, suo iure legitimati dignitatem & bona patris hereditabant. Ejusmodi autem matrimonia non nisi Principi usitata nec licita.

p. 50—52.

## §. XIX.

Liberi ex legitima uxore suscepti legitimi, *skilgetin* v. *skirborin börn*, ex alia, illegitimi fuerunt. Filii illegitimi ex uxore secundaria nati, naturales, ex pellice v. concubina *nothus*, *fridlo-sonr*, ex adultera *hórgetinn*, ex ancilla *ambáttar-sonr*, ex serva *þjar-sonr*, ex meretrice *pútu-sonr*, ex incestu *meingetin*, dicebantur. Illegitimi omnes matrem sequebantur, & paternæ hereditatis exsortes (*cecki* & *odalbornir*) erant; dona illis pater, invitis legitimis, dare potuit. Infames quidem non fuerunt, a macula tamen natalium non prorsus exempti. Pater vel legitimis liberis carens, vel cum consensu legitimorum, & nothos legitimare, & alienos liberos adoptare potuit, quæ adoptatio plerumque simul nutricia fuit.

p. 53—55.

## §. XX.

Extra conjugium amata mulier, quæ amantem non aversabatur, *vinkona* & *unnukta* dici solevit. Pudicitiam mulieris attentare, (at *filla kono*), credebatur, qui mulierem frequentius; absque procandæ consilio, conveniebat, ac sine arbitris alloquebatur. Hoc cum famæ & fortunæ mulieris damnosum, inque ejus patrem aut propinquos contumeliosum videretur, tentatori præsumto domus foeminæ interdicebatur, quod, at vanda um, olim vocatum; id si tentator negligeret, injuria tam arvis & vi, quam actione legis coerceri & vindicari solebat. Amator honestus *bidill*, inhonestus *fridill*, audiebat. Stupri crimen, *legords-sauk*, non nisi in ingenuam committi potuit, & capitale, *skóggangs-sauk*, habebatur. Cum servabus autem vel palam impudicis tuta venus, nulla læviore lenebatur. Raptio autem atque plagium foeminæ ingenuæ intra patriam communem capitelia erant; cum rapta tamen conjugium, consensu tuius deinceps impetrato, legitimari potuit. Extra patriam communem raptae foeminæ jure prædantium consuetudinario pro mancipiis habebantur, & propositi ac venundari poterant.

Mari-



*Maritatum corrumpere, at leggiaft med konu manns, adulterium erat: ad adulterium maritatum sollicitare, at glepia kono manns, dicebatur; utrumque flagitiosum & capitale. Signis solatam absque spe nuptiarum in contubernium adscisceret, at taka konu fridlo-taki, & ipsa actio fridlo-tak, atque foemina adscita fridla, dicebatur. Haec, si non inaritato constantius adhaereret, fylgdar-kona Borealibus, uxor sodalitia, usuaria, & quatenus sine dote adsumta, uxor gratuita Romanis dicebatur; si inaritato praeter uxorem advesceret, Romanis pellex, Borealibus fridla stricto, audiebat. Uxor cum pellice, vel plures ejusdem viri concubinae, relativo nomine eliur, maritus autem & moechus, vel plures ejusdem foeminae moechi, quidmágar adpellati sunt. p. 55—61.*

## §. XXI.

*Stupra & concubitus in Septentrione olim frequentia, adulteria rara, incestus rarissimi, paederaestia & crimen bestialitatis inaudita fuerunt; sicuti enim intercurrit mentio ejusmodi foeditatum, vel ad opprobria confecta, vel ad mythologiam referenda, fidem historicam nec habent, nec praeseferant, (Not. 2.). Haud secus etiam fabulosa sunt, quaecunque de hominum cum geniiis congressibus traduntur, (Not. 3.). Quin & Fótunorum, Septentrionis aboriginum, matrimonia, Boreales, Odiniæ religioni addicti, ut illegitima & inaspicata detestabantur, (Not. 7. & 8.).*

p. 61—69.

## §. XXII.

*Ciendi foeminarum amoris rationes vel honestae & licitae, et numera, blanditiae, vel inhonestae & illicitae, veluti philtra, magici characteres & incantationes. PHILTRA miscendi ars non minus Naturalibus, quam Graecis Romanisque olim usitata; semper tamen nefaria & periculosa habebatur, utpote quae pro optato effectu, mentis alienationem, morbos & mortem intulerit. Philtra Borealium amori infervientia, fuerunt vel 1) somnifera s. narcotica, quae fruendi amoris causa dabantur; v. 2) obliviosa s. letbea, óminnis-veigr & óminnis-aul dicta, anteriorem foeminae amorem, ne novo & excitando officeret, debebant, vel 3) amatoria s. erotica, quae amorem excitabant. Haec philtra proprie dicta, minnis-aul & minnis-veigr (mynnis-veigr) vocabantur. Mixtura philtrorum apud externos & Boreales non eadem. Certi etiam characteres & incantandi formulae philtris vinum magicum addere credebantur. Habuerunt etiam tam externi, quam Boreales quaedam adversus philtra amuleta & philasteria, quae, quatenus chä-*



racleribus averruncis constabant, aulrúnir, o: literæ potioræ, in Edda dicuntur, (Not. 2.). Characteres, qui magica virtute in animos mulierum dominari credebantur, v. 1) hostiles & malefici erant, quæ amorem spretum furis & mentis impotentia ulciscabantur; v. 2) amatorii s. erotici, qui foeminam ad amandum stimulabant: hi, man-rúnir alim vocati, bacillo ligueo (rána-kebli) inscribi, & in leste fasciundæ, aut sub limine, quæ transitura esset, poni solebat. Characterum efficacia, illis abactis cessabat, vel per characteres averruncos, qui contrarii erant effectus, tollebatur. Characteres erotici, qui extra Septentrionem etiam usitati, literæ priinum alphabeti runici vulgaris, sed certis virgulis & punctis pro arbitrio confectis deinceps variati & depravati videntur. Magia ista symbolica, utpote Græcis Romanisque ignota, Borealibus peculiaris, & ab Odino in Septentrionem inuenta, indeque in reliquam Europam dispersa, ipso tamen Odino longe antiquior fuit, (Not. 3). Carmina: etiam s. incantationes magicæ amorem foemineum vel excitabant, vel sopiebant, (No. 4.). Certamina singularia (holmgauogr) ad modos acquirendi matrimonii legitimos referendæ, (No. 5.).

p. 69—85.

## §. XXIII.

Effectus matrimonii a parte mariti fuerunt jura & officia virorum. Matrimonium initum jus gentium dedit marito; nempe I) in uxorem, & II) in liberos. Jus patris in liberos potestatem patriam constituebat, cujus prima pars fuit, jus infantes recens natos tollendi & exponendi. Nimirum Romanis pariter ac Borealibus circa infantes recens natos triplex ritus observatus: infantis scilicet humipositio, expositio, aut susceptio. I) Humipositio ex Landmann &c. probatur. II) Expositio infantum omnibus fere gentibus olim soleauis, Borealibus autem magis licita quam honesta. Exponendi arbitrium penes patrem, aut, si hic obesset, penes tutorem matris, sive quisquis imperio in familiam gaudebat. III) Non exponendus infans suscipiebatur, i. e. humo tollebatur, patrique, vel qui patris vice, ferebatur, qui illam alnis excipiebat, iudicemque & fortunam ex vultu auguratus, iudito nomine, gentiliū baptismo tingendum curavit. Hæc susceptio infantis, quæ semper iustitica, utpote cujus suis proximus erat baptismus gentiliū, ejusque comes nomen impositio, & insculta nutritio, vel paternæ fuit, si a patre, vel vicaria, si ab alio infans susciperetur. 1) A patre suscepti infantes jura liberorum consequebantur. Liberi autem a patre

non



non suscepti, dæurn ðborin dicebantur; hosque inficiari pater potuit. Susceptos vero & lustrator exponere aut occidere nefas. Matres etiam infantes, absente vel eutrivi peruittente patre, suscipiebant. 2) Susceptio vicaria alienos vel infantes, vel pueros tollebat. a) Vicaria infantis susceptio fuit aut α) unde baptismalis s. lustrica, aut simul, β) honoraria, aut γ) nutritia, aut δ) adoptiva. Patres ethnicorum lustrici, quibus Christianorum patrini successerant, filii lustrici, etsi nec educandos nec adoptandos suscepissent, certa tamen officia debebant. Suscepto pater lustricus nomen indidit aut suum ipsius, aut alienum; si prius, quod donatio nominis proprii, at gesta nasci sinit, dicebatur, plerumque simul susceptum aut educandum suscepit, aut adaptavit; non tamen semper. b) Vicaria pueri susceptio, s. genupositio, at knesetia barn, & qui susciperetur, genupositus (knesetningr) vocabatur. Hæc genupositio triplex: nempe α) humilis, β) officiosa, & γ) papillaris. Genupositio Borealinum, cum in hæreditatem bonorum genuposito nullum ius daret, adoptatio proprie dicta non fuit. Genupositus officia tria: scilicet, 1) educatio tutelar, 2) matrimonii & sortis vivendi pro nascendi sorte honestæ procuratio, & 3) vindicta sanguinis. Genupositum suum occidere aut insidiis circumvenire flagitiosum fuit. Nutricatus ergo Borealinum olim duplex, nempe 1) genupositivus, & 2) adoptivus, (Not. 1.). Maritorum in uxores dominium, ut apud Romanos maximum, ita apud Boreales magnum. Romanis quidem in uxores potestas tanta, ut hæc, quippe cum in manu mancipioque mariti constitutæ, capite deminutæ censerentur, (Not. 2.). Claver apud Romanos uxori in nuptiis traditæ, & in divitiis reddibitæ fuerunt, (Not. 3.). Utrumque ritum, dispensationis penuriæ uxori mandatæ vel ademptæ symbolum habuerunt Boreales, (Not. 4.). Præter autem hanc potestatem clavium, quæ rád innan-stocks dicta, pauca in uxoris arbitrio posita fuerunt. Injussu enim mariti, nec nutrire liberos, nec elocare filias aut generos eligere, nec domo longius abire, nec rebus civilibus, aut a moderamine penurario & disciplina domestica diversis, & forinsecus (utan-stocks) agendis se immiscere, uxori jure licebat, (Not. 5. 6. 7. 8.). Fuerunt autem viri, tam in uxores nimis imperiosi, quam uxoribus plus æquo obnoxii, qui mariti uxori, at hafa qvanriki, v. ofqvan, dicebantur, (Not. 9. & 10). p. 85—109.

#### §. XXIV.

Boreales, non secus ac Romani & alii, in uxores flagitiosas, veluti adulteras & mariti aut liberorum vitæ insidiantes, jure vitæ & necis



habebant, virque uxoris iudex domesticus ejus delicta leviora ipse pro arbitrio castigavit; graviora in propinquorum concilio cognosci, & si divortium intenderetur, in judicio publico æstimari interdum fuerunt, (Not. 1. 2.). Jus vitæ & necis raro exercuerunt mariti Boreales, uxores enim scelestas repudiabant, & aliis modis eade mitioribus & decentioribus puniebant, (Not. 3. 4.). Polyandriam successivam uxoribus Borealiæ olim vetitam fuisse, nec Taciti de Germanis testimonium, (Not. 5.), nec heroinarum maritis commortuæ, quarum aliæ violenta & spontanea nece maritos mortuos comitata, aliæ doloris impatientia vel subito præfocata perierunt, vel lente tabescentes luctu & squalore sensim confectæ sunt, exempla, (Not. 6.), nec Oddi monachi in Historia Olaf Trygvini relatio, (Not. 7.), nec Edda denique, (Not. 8.), demonstrant. Hinc enim plus non colligitur, quam quod fides amorque conjugalis, cujus mors uxoris spontanea luculentissimum documentum, uxoribus gloriosa fuerit, (Not. 9. 10.). Hoc enim non ex debito, sed ex decore quasdam heroïnas fecisse, docent innumera aliarum exempla, quæ maritis superstites ad secundas quoque nuptias citra opprobrium progressæ sunt, (Not. 11.). Nec antiquissimæ Septentrionis leges, sive Frothoniæ s. Odiniæ, spontaneam viduæ mortem præcipiunt, (Not. 12. 13.). Eaqve lex, si unquam existerit, utpote quæ per divortia uxoribus licita facile eludi posset, parum usus aut valoris habuisset, (Not. 14.).

p. 109—133.

### §. XXV.

Maritalis potestatis in uxorem potestatis duo præcipua capita; nempe jus uxorem 1) remanicipandi, & 2) alteri emancipandi. Per legitimas nuptias uxor in manum, i. e. potestatem viri conveniebat; eamque actum, quo marito in manum uxor tradebatur, emancipationem Romani dicebant, (Not. 1. 2.). Quæ autem jure contrahuntur, contrariis jure perveniunt, (Not. 3.). maritus potestatem in uxorem, sibi per sponsalium & nuptias traditam, & abdicare, quod uxorem remanicipare; (remanicipatio enim genus erat repudii), Romani dicebant, (Not. 4.), & non secus ac pater filiam alii marito in manum tradere s. emancipare potuit; quemadmodum inter Romanos, Cato Marciam Hortensio, Nero Liviam Augusto, & Memmius Regulus Lolliam Paulinam Imperatori Cajo Caligulæ, mariti uxores desponderunt, iisque, cum patres filiabus, dotem dixerunt, (Not. 5.). Utrumque jus præci Boreales habebant ac exercebant; uxores enim & remanicipabant s. repudiabant, (§. XXVI.).

&





Et alteri in matrimonium cedebant s. emancipabant. Hæc uxoris mancipatio aut inter vivos fiebat, aut per testamentum, (§. XXIX. Not. 1. & 2.); illa vel ultroque fuit, vel coacta. Uxores aliis vivæ sponte cesserunt Gramus & Frotho III. Daniæ Reges, nec non Thor- gilsus Orrabeini (Plagipclit) Alumnus; uxores autem inter se com- mutarunt Illugiûs & Holuflavrius, quæ ultroque uxoris cessio adeoque reciproca fuit & bilateralis. Ad spontaneam hæc uxoris cessionem, referendum est matrimonium fiduciarium; cum quis alieno nomine assumto uxorem ducebat eo tantum consilio, ut eam a se intactam marito destinato servaret ac traderet: maritus autem personatus uxori nocte accubans aut nudo ense, aut sponda saltem intermedia, ab uxore sejungi solebat. Verum non modo uxor legitime ducta, sed & pactis matrimonii conditio, alteri vel donari, quod at gefa audrum råda. haginn dice- batur, vel testamento legari potuit, ad quod tamen foemina ejusve tutoris consensus necessarius fuit. Coacta uxoris cessio fiebat, quando quis alterius uxorem suam esse cupiens marito denunciabat, ut aut certamine singulari (plerumque rigido) secum conficeret, aut uxorem sibi concederet; qui modus acquirendi matrimonii olim legitimus; at skora á-hólm til kono vocabatur; quod si arenam duelli maritus formidaret, uxor erat provocanti cedenda, quæ uxoris cessio marito cedenti probrosa semper fuit, (Not. 6.).

p. 133—146.

## §. XXVI.

Conjugium solvebant mariti vel solennibus divertendi ritibus non adhibitis, vel iisdem adhibitis. Si absque divortiorum ritibus uxorem maritus, aut ipse sive palam sive furtim abieci desereret, aut repudia- tum ad suos requitteret, aut præsentem vel cohabitare nollit, vel novam uxorem publicis nuptiis super induceret, divortium usufructum Romanis, at láta kono eina Borealibus vocabatur. Omne uxoris repudium cum affinitatum contumelia & offensa conjunctum fuit, & repudiatae jus ad novas nuptias dedit, (Not. 1—6.). Sin uxorem remanipans ritus divertendi solennes adhiberet, divortium legitimum, at segia skilit vid konu, Boreales dixere. Modus conjugium solvendi apud Romanos triplex: nempe diffarreatio, remanipatio, & usus. Remanipationis romane ritus sex: solebant scil. 1) tabulae dotales confringi, 2) claves adimi, 3) dici solennia verba, eaque vel 4) per libertum prouantiari, vel 5) per nuntium missum uxori notificari, & 6) septem præter liber- tum testes, cives Romani puberes, adhiberi. Borealium autem legitime



divertendi ritus tres fuerunt: nimirum 1) verba concepta s. solennis divertendi formula, 2) testes nuncupati, & 3) locus divortium renuntiandi. Hic autem triplex: nempe 1) ante lectum mariti, s. thorni genitalium, 2) ante fores ædium principes (karldyr), & 3) in foro publico; idque vel in comitiis tribulibus, vel universalibus: rarius tamen in omnibus his locis, sed uno saltem alterove divortia olim renuntiata leguntur, (Not. 7. 8.). Divortia legitima iustas & fonticas divertendi causas requirebant. Hæ, brautgångs sakir Borealibus olim dictæ, fuerunt delicta graviora, defectus naturæ. & quæcumque uxorem matrimonio indignam aut inhabilem redderent, ex. gr. adulterium, insidiæ marito aut liberis structæ, si liberos supposuisset, alendos sustulisset aut exponendos abuisset, si filium iniussu mariti inaptum dedisset, nec non veneficia, sterilitas, senectus, morum asperitas, & alia, (Not. 9. 10. 11.). Si 1) conjugium illegitimum uxoris repudio solveretur, fuissetque sterile, dotem, quam nullam acceperat, nec reddebat maritus; si liberi essent communes, hi illegitimi erant & matrem sequebantur; dos nulla vel accepta vel reddita. Quando 2) matrimonium legitimum divortio maritus disciunderet, a) illudque fuisset improle, si ob flagitia uxor ejiceretur, (aut ipsa temere diverteret, vel in divertendi ritibus solennibus quid peccasset), dote privari potuit; b) ubi vero secundum fuisset conjugium, si liberos communes, qui legitimi, & pater retineret, matre ob causas divertendi fonticas expulsa, dotem maritus retinebat; si β) liberi cum matre simul ejicerentur aut desererentur, non modo dotem uxori reddere, sed insuper de bonis suis pro liberis alendis pecuniam matri cedere pater tenebatur. Citra casus jam memoratos in omnibus divortiiis, siue legitimis siue usuariis, dos uxori cedebatur tanta, quantum conventiones sponsaliorum pecuniariæ defuissent. Adeoque vel dividiæ bonorum communium pars, vel si uxor mala-kona fuisset, dos non tantum profectitia sed & adjectitia, quæ dividiæ profectitiam plerumque æquabat, nec non peculium uxoris, nempe, tam pherna & antipherna; quam parapherna, post divortium a marito reddenda fuit. Dotem maritum repositore tutor & cognati uxoris divertentis debebant, quod at giöra skrikpti med hiönum Boreales vocabant, (Not. 12. 13.).

p. 146—164.

## §. XXVII.

Divertendi jure etiam uxores gaudebant, poterantque maritis tam divortium legitimum, nempe ritibus divertendi adhibitis, renuntiare, quam absque ritibus maritos deferendo matrimonium usque dissolvere, (Not. 1.). A maritis divertendi causa uxoribus fuerunt aut legitimæ aut æquæ; illæ vel a parte mariti, ex. gr. diversa sacra, (Not. 2.), officia conjugalia uxori denegata, (Not. 3. 4.), vestitus muliebris, (Not. 5.), illiberalis & sordida uxoris tractatio, (Not. 6.); vel a parte uxoris, qualis senectus & valetudo, dispensationi & disciplinæ domesticæ non sufficiens, quam ob rem claves abdicare s. conjugium deprecari, at haidaz ár búí, uxori licebat, (Not. 7.). Equas discedendi causas uxori dedere, thori coactio patris aut tutoris imperio facta, (Not. 8.), senectus mariti, ejusve ignavia uxori ignominiosa, (Not. 9. 10.), pellicis imperiosæ fastidium, auxilium necessarii aut amicis negatum, & alia, (Not. 11.). Hæc tamen uxoribus tanta, quanta mari-



nutritis, divertendi licentia fuit; uxor enim temere defrensus & dote privari, & a marito invita retrahi potuit, (Not. 12. 13.) p. 164—178.

### §. XXVIII.

Potestatem patriam per nuptias sibi traditam maritus per divortium uxorem remanipando potuit amittere, & alteri emancipando in novum maritum transferre. Fuernut etiam, qui uxorem alteri testamento legaverint, ad quod tamen consensus uxoris fuit necessarius, (Not. 1. 2). Hoc testamentum interdum confirmavit voluntas principis significata, cujus auctoritas majestatica in contrahendis matrimonii plurimum sepe volebat, (Not. 3). Matrimonio per divortium aut mortem mariti soluto, potestas patria cessavit; non enim sub potestatem patriam, sed sub tutelam patris aut alius vidua recidebat, ita ut absque auctoritate patris vel tutoris deinceps nubere vidua non posset, sed nec ad novas nuptias invita cogi. Potestati igitur patriæ tutela successit. Tutela virili vidua vel indiguit, vel non indiguit; erat autem tutela foeminae in universum triplex: nempe tutela sanguinis, pactitia, & electiva. Tutela sanguinis primum ad patrem, inde ad filium adultum, hinc ad fratrem, avum paternum & maternum, patrui atque avunculum, indeque porro ad mares pro gradu cognationis transibat, ita ut ordo successionis tutelarum inter mares adultos ordinem ab intestato succedendi secutus videatur. Vi pacti tutela foeminae in nutritium transferrebat, siue nutritus esset adoptivus, siue genupositivus; maxime si tutorem sanguinis non haberet foemina, vel ab eo negligerebatur, vel hic quancunque ob causam potestate tutelarum exuendus videretur. Tutore sanguinis & pactitia destituta foemina ipsa vel ex amicis tutorem eligebat, vel, maxime si annis, opibus & auctoritate polleteret, semet ipsa tuebatur, atpote quæ tutela virili non indigeret. Cæterum virilem tutelam nubendi arbitrium & auctoritas sequebatur; quem enim foemina tutorem, cum etiam nubendi habebat auctorem, (Not. 4. & 5.) p. 178—188.

### §. XXIX.

Uxores Romanæ & Boreales, imperio mariti quantumvis obnoxia, adeo ut repudiari & alteri emancipari quiverint, quod tamen jus mariti per divortium uxori licitum coërcebatur & rarius exercitum fuit, etsi, inquam, in manu mancipioque (undir handar-jadri) mariti essent, nevtiquam tamen fuerunt res mancipi, quæ per æs & libram mancipari (Not. 1.), aut apud Boreales in servitutem obnoxiam vevundari (seliaft mansale), vel redigi (at pialst), cujusmodi mancipiis vetus Septentrio ob piraticos excursus abundabat, potuerint, (Not. 2. 3. 4.). Officia mariti fuerunt: 1) uxorem, ut honoris & bonorum consortem, digne & liberaliter habere, ipsique sumtus ad alimenta, vestes & mercedem familiæ necessarios sufficere (Not. 5.): 2) uxorem, quæ quidem in jus vocari (Not. 6.), non autem causam in foro agere, quippe ab omni officio & magistratu civili, non autem sacro, exclusa, potuit, omnimodo patrociniu tueri, ejusque culpam redimere, omnemque læsionem & ignominiam averruncare & vindicare, (Not. 7. 8.) p. 188—204.

### §. XXX.

Effectus matrimonii a parte uxoris fuerunt jura & officia uxorum. Foemina per justas nuptias fiebat hûls-freyia o: materfamilias, (Not. 1).



& jus matronale consequebatur. Jure matronali continebantur, 1) dignitatis & honorum mariti communio, 2) potestas. eldviun, 3) potestatis hereditas, & 4) patriæ participatio, 5) facultas legitime divertendi, & 6) jus dotem vel partem bonorum per sponsalia stipulatam post divorcium aut mortem mariti retinendi. Honorem maritorum participabant uxores in convivii, spectaculis, & quolibet celebri consessu, ubi viris pro officio, auctoritate & natalibus, foeminis autem pro maritorum, si nuptæ, innuptis pro patris dignitate, suus assignabatur locus. Borealiun convivium olim fuerunt varia, vel 1) pro fine diverso, ex. gr. blót veitla, convivium sacrum s. sacrificatorum; festar-öl, convivium sponsalitiun; brúð-kaup, nuptiæ; erfi v. erfiðs-öl, convivium parentale; heimboð & vina-boð, convivium amicum, &c. Vel 2) pro tempore, quo celebrata sunt, ex. gr. haust-boð, convivium autumnale; jóla-boð, convivium Jolense, &c. (Not. 2). p. 204—211.

SPECTACULA veterum Borealiun etiam diversa & multa. Horum triplex in universum genus: nempe ludi, exercitia militaria, & pugnae. Ludi fuerunt vel publici vel privati; hi autem inter spectacula non numerandi.

1) Ludorum celebriores fuerunt sequentes:

1) Skinn-dráttur, ductus corii. Hujus duæ species; nempe hrálskinns-leikur, ludus crudi corii, & reip-dráttur, ductio funis. a) Crudo corio ludentes viri, vel æ) crudas animalium, ex. gr. tanvorum, arforum, eorum, recens multatorum pelles summo nisu in diversa ductabant, usque dum corium aut rumpebant, aut unus alteri extorqueret; vel ß) pellem lubricam, incidentis pedibus substratam, celeri tractu corripientes, cadendi periculum insistenti fecere; vel γ) crudas animalium pelles complicatas & constrictas in pilæ modum inter se jactabant. Hæc vetustatis & feritatis gigantes ludicra fuerunt. b) Funis ductandi certamen, (reip-dráttur), vel statarvinnu fuit, vel cursorium; æ) statarli, quod funiculorum certamen Saxo appellat, genuina species, parvo quidem discrimine. Aut enim circulum funalem, aut funem simplicem distendebant. N) Prius, at toga haunk vid einn, 2) posteriori, at draga reip vid einn, speciatim vocabatur. Ceterum stataria hæc funis ductio, quæ apud Boreales ad heroicam & historicam ætatem descendit, Romanis Græcisque band fuit ignota. ß) Cursoria fuit ductio choreæ generis fuit, quam hring-broð Boreales vocabant. Huic Græcorum & Romanorum saltatio, quam restim ductare dicebant, magisque forte antiquissimum Græcorum χορδαῖ s. χορδακισμος respondet.

2) Hnúru-kast, ludus convivalis perantiquus, gigantibus & athleticis solis usitatus.

3) At vada bá, s. eld loganda, pervadenda flammae periculum, ludi generis antiquum, ejusmodi athleticis, qui berserki olim audiebant, solenne.

4) Glíma, lucta, πάλη. Hæc vel ludicra, vel seria; seria s. monomachia inermis ad pugnas referenda. Ludicra autem duæ species: nempe lucta erecta, & lucta super pavimento. a) Lucta erecta iterum duplex: scil. lucta brachialis, & lucta ordinaria. æ) Lucta bra-



brachialis, quam Boreales lausa-tauk vocarunt, pancrati species fuit, & impellendo raptandoque, (veteres sviptingar dixere), adeoque robore corporis maxime constabat. β) Lucta ordinaria, recte glima s. lāng, magis agilitate & exercitio, quam viribus nitens, varias supplantandi artes, stropbas ac technas luctatorias habuit, quæ olim braugð, dan. Svīng v. Sned, dicebantur. Utraque hæc lucta, saltem ordinaria, Græcis Romanisque olim notissima; utraque a consuetu luctatorio, s. a lucta pugillari, Anglis & aliis hodieque usitata, quæ olim áðlog, dan. Slagsmaal dicta, distingvi debet. γ) Lucta super pavimento triplex: α) Lucta sedentaria; hæc cum illa Græcorum, quæ palastritæ in genua subsidentes luctabantur, comparari potest; β) Anaclinopale s. lucta felina, Martiali memorata; & γ) reluctatio subjacentis s. prostrati quam veteres umbrot dixere. Verum illa jacentium luctatio in lucta seria maxime locum habuit, fuitque necessitatis ac virium magis, quam artis certamen. Unguentis ad luctandum se non præpararunt Boreales. Luctam ludicram leviter vestiti, seriana amiculo crassiore, qui fānga-stackur dictus, induti obibant.

- 5) Knatt-leikur, ludus pile, σφαίρομαχία. Boreales non secus ac Græci Romanique pile studiosissime, & quidem raptim ac expulsim lusitabant; pilamque volutem geminabant clava s. flagello, quod löpp-drepur, knatt-drepill, item knatt-tre, dicebant. Borealinam autem pile lignea, aut saltem perquam stricta, & Romanorum folli, aut aliis, vento, pilis aut lana refertis, longe gravior fuit.
- 6) Dānns, saltatio s. cborea. Hujus species hrīng-brot. Saltationes etiam nauticas habuerunt Boreales, quorsum orbis saltatorius, olim viki-vaki, pertinet, quem cum Lacedæmoniorem ὀπλῶν confert Arugrinus Jonæ.
- 7) Handsaxa-leikur, ludus (trinm) gladiorum. Huic agnata videtur Germanorum saltatio inter gladios & frameas, Tacito memorata. Hæc autem nihil aliud fuit, quam species quædam Pyrrhichæ, Romanis Græcisque satis nota, quam saltationem panathenæicum, bellicrepan, euopliam, auctores vocant, cum troja, ludo circensi & equestri pugna sacralacro, minime confundendam.
- 8) Sund v. sundfæri, natatio. Hujus artis duplex exercitium & certamen: nempe, quo quis longius spatium natando perueniret, & quo diutius sub aquis durare possit. Illud a) lāng-sund, hoc b) kaf s. kaf-sund (urnatio) dicebatur. Boreales natando certantes unus alterum mersare, mersumque detinere, (at færa í kaf oc halda nidri), ino subter aquis luctari solebant.
- 9) Hlaup, saltus. Cujus triplex periculum edebatur: nempe, quo quis altius, aut a) sursum exsilire, aut b) ex loco edito desilire, aut c) quo longius transilire possit, sive α) prorsum, sive β) retrorsum, sive γ) oblique & in latum corpus saltu transmitteret. Saliendi exercitium Borealibus in præliis terrestribus æque ac navalibus egregium præstitit usum.
- 10) Skeid, cursus. Currendi exercitium & certamen duplex, scil. vel a) vulgare, quod sola pedum pernecitate constabat, vel b) artificiale. Cursus artificialis fuit α) cursus salticus bacularis; unde



unde magnatum hodieque cursores baculis instruuntur. (β) Cursus alysolearum, dan. Skieløben; unde Finni, quibus hæc ars præ cæteris familiaris, olim Scritofinni (Skrid-finnar) appellati sunt. γ) Ars ossibus cruralibus per glaciem currendi, at renna á isleggiu. Hæc simplex & rudis artis, quæ at lóbe paa Skóiter dicitur; origo. δ) Exercitium pedibus non armatis glaciem perlabendi; dan. Fodskred, olim Fót-skrida. ε) Cursus manuarum s. chirodromia, handa-hlaup: ludicrum hodieque superfluum.

11) At gánga utbyrdis eptir árum; ars per remos a nautis agitata extra latera navis incedendi.

12) Bratt-geingni, ars rupes arduas & prærupta montium scandendi.

13) Ludicra puerilia, pleraque Græca & antiquissima: ex. gri ascoliasmus s. empusa ludus, at hoppe paa det eene Been; dielcystinda, at trækkes i Hønderne; apodidracinda, at leege Skiul; myinda, at leege Blindebuck, olim skolla-leikur; oscillatio, Gyngen, olim róla; eposracismus, at slæge Plæder. Prætereaque eindalismus, baslinda, chytrinda; nec non larva, ostracinda & schoenopbilinda

II) Secundam spectaculorum genus fuisse exercitia militaria, quorum genus triplex: nempe, sagittas arcu mittendi, tela manu vel funda jaculandi, & digladiandi exercitatio.

1) Sagittas arcu missuri, quod boga-skot & órskot dixere, in clivo quodam (skot-backi) tabulam ad scopum (skot-spónn) erigebant, certumque intervallum (skot-mál) destinabant. Duplex autem artis exercitatio & præstantia: nempe a) ars istu certo destinata ferendi, olim hæfni díkta, & b) sagittas istu acri procul & in longum expediendi, quod hard-skeyti vocabatur.

2) Arma manu jacula mittendi ars duplex: aut enim hastus s. tela cuspidata, aut lapides manu projiciebant. a) In telis cuspidatis, quorum formæ & nomina perquam multa, jaculandis, multiplex ars & exercitium. Nimirum, quo α) certior & β) longior istus, eo præstantior, γ) hostilem hastam ad se volantem manu intercipiebant, quod at taka spiót á lopti dicebatur; δ) utraque ad jaculandum manu æque habili utebantur, idque at skióta jamnt báðum haundum vocabant; ideoque bina simul jacula in hostes istu certo & valido projicere poterant, quod at skióta tveim spiórum senn dici sverit. b) Lapidum etiam in præliis creberrimus olim usus, qui prima in pugnis arma fuerunt. Hos aut α) manu projiciebant idque, at kalta vapn-steini vocabant, unde hi lapides saxa manualia sunt appellati; aut β) fundis excutiebant. Fundæ veterum vel manuales (hand-slaungur), vel baculares (staf-slaungur) fuerunt. Istum certitudo & projectionis longitudo utriusque æstimabatur.

3) Digladiatio, olim skilming vocata. Hæc ars clypeo, ense v. securi bellica & hasta, tam ad petendum hostem, quam ad istus hostiles excipientes aut evitandos, cominus dextre uti docebat. Ex istum gravitate & numero artis peritia cernebatur. Quidam manus ambas ad cædendum æque promptas sibi faciebant, qui ambidextri milites, at góra ser báðar hendor jamn-fimar til vigs,



vlgis, dicebantur. Hæc militarium artium specimina & certamina, quæ at reyna ipróttir vocabantur, publice exhiberi solebant; quibus spectaculis etiam foemina interfuerunt.

III) Tertium spectaculi publici genus dedere pugna: hæc fuisse vel singularia virorum certamina, vel pugna bestiarum; illa andromachiam, hæc theriomachiam Græci dixere.

1) Andromachia duellorum publice spectari solitorum quatuor species continebat. Hæc fuerunt, a) monomachia legalis rigida, olim Holmganga, quæ certis legibus adstricta, caerimonias & ritus quorundam sacros comites habuit. Inter hos ritus fuit taurus, post victoriam a victore iidem, quibus hostem vicerat, armis sacrificandus, olim blót-naut dictus, qui non solum fuit devota diis, victoriæ auspiciis victima, verum etiam victori in præminne victoriæ cessit. Ejusmodi tauros victimales, in certaminibus ad spectaculum editis præmiu victoriæ proponi & diis voveri solitos, Romani veteres noverunt; qui tauri cornua deaurata interdum habebant, quales etiam diis in Septentrione mactatos esse, Edda Sæmundiana testis. b) Monomachia exlex s. libera einvigi dicebatur, quam nec leges, quales monomachiam rigidam, coercerant, nec caerimonie sacræ comitabantur. Utraque hæc monomachia, non solum a definito certantium comitatu, vulgo Secundanter, sed a magna quoque aliorum visendi cupidorum, inter quos etiam foemina, frequentia spectari solebant. c) Pugna labri s. doliaris, olim ker-ganga, quæ proinde oportuna fuit. Hujus non dissimilis propago esse videtur pugna, in Norvegia ad nostram usque memoriam superstit, quæ, at spande Baste með sin Naboe, dicere solet. d) Monomachia inermis, s. lucta seria. Verum poenalis hæc pugna non tam ad andromachiam, quam theriomachiam esse referenda.

2) Theriomachia late sumpta fuit duplex: aut enim homines cum feris, aut feræ inter se decertabant; prius ludum bestiarium late, posterus theriomachiam stricte sumtam vocaveris. In a) ludo illo bestiario aut cum feris hominibus, aut cum veris bestiis pugnabatur. æ) Ad pugnam cum feris hominibus pertinet lucta seria cum blamannis s. monomachia inermis. In hoc spectaculo poenali & amiculum luctatorum (sanga-luckur), & petra luctantium (sanga-hella), cui luctantium unus alterum, primum v. supinum impingere satagebat, adhibita sunt. Blamanni autem non Mauri, Æthiopes aut Nigritæ fuerunt, sed homines vastæ molis & roboris, qui ob atrocitatem & feritatem non pro humanis hominibus, sed pro belluis giganteis habiti sunt, ex Scythia interiore vel boreali huc advehi. β) Boreales etiam cum feris pugnabant, quo spectaculo, Græci Romanique olim delectabantur, vel coacti ad spectacula poenale, quod ludum bestiarium stricte, vel ad oblectationem, quod theriomachiam oblectantem dixeris. γ) Bestiis ad poenam & spectaculum commissi Boreales, cum ursis plerumque inter natandum certare jubebantur. Interdum etiam inermes & manibus vincti canibus dilacerandi obiciebantur. δ) Ad theriomachiam oblectatoriam referas venationes & aucupia, quæ regibus & prin-



principibus in Septentrione olim in deliciis & honore fuerunt.  
 b) In theriomachia stricte aut equi aut alia fera ad spectaculum certabant. α) Equaria contentio, quam hippomachiam late dixeris, aut fuit eorum pugna, aut equitantium certamen. N) Eorum inter se pugna s. hippomachia stricte, percelebre fuit veterum Borealium spectaculum, quod hesta-at, hesta-vig & hestaping dixerunt. In hoc equi admissarii, praesentibus, quibus nuper consueverant, equabns, depugnabant; suus utrumque a tergo vir sequebatur, qui stimulo equario (hesta-las) equum ad pugnandum incitabat, altera autem manu canda equi prehensa pugnantem fulciebat. 2) Equitantium contentio aut vulgaris fuit, aut artificialis. a) Vulgare equitandi certamen kapp-reid dictum, in quo vel animi gratia vel posito pignore certabatur, uter equitantium conditum spatium citius periret posset. b) Equestre certamen artificiale, qualia Romani certamina circensia v. equivria dixerunt, Boreales burt-reid, üt Reid, item turniment vocabant. Huius frequentem satis mentionem injiciunt historici Boreales, illi autem maxime, qui vel fabulosa aut exotica venditant, aut tempora religione Christiana longe inferiora describunt. Omnis enim pugna equestris, tam seria quam ludicra, praesentibus ac ethnicis Borealibus rara aut etiam ignota fuisse videtur. β) Aliam etiam ferarum, ex. gr. gallorum, falconum, canum, ursorum, taurorum, arietum pugnas & spectacula habebant Boreales, sed quae villiora & minus solennia fuisse videantur. In plerisque omnibus his spectaculis foeminae spectatrices, loco a viris segregato sedebant; in quo publico foeminarum confesso, quin ordinis pro dignitate mariti aut natalium, non secus ac in conviviiis, respectus fuerit, dubitari nequit. (Not. 3.). - - - p. 211—263.

Clavium porro potestate gaudens uxor (Not. 4.), ius etiam in familiam domesticam ut mater-familias habebat. Familiam domesticam famuli (verk-menn), famulae (grid-konur), servi (þrælar), servae (ambáttir), nec non liberi constituebant. Ius igitur in familiam potestatem patriam & herilem inolvebat. Etsi enim suprema in familiam potestas fuerit pater familias, qui caput erat familiae; illam tamen potestatem, cuius & potestas clavium & educatio liberorum uxori incumbens egebat, cum marito divisam materfamilias habebat. Potuit igitur uxor absente vel consentiente marito, famulos conducere (Not. 5.), famulis, servis & liberis operas imperare (Not. 6.), familiam universam regere, & pro meritis punire ac remunerari (Not. 7.). Fuit tamen, quod uxori in familiam non liceret; nec enim famulis, servis aut liberis eadem, furta, rapinas, aut alia flagitia imperare potuit (Not. 8.); nec ius vitae & necis in servos, aut eos manumittendi ius habebat uxor, nisi hi servi uxori essent peculiares. Peculium uxoris, Graecis parapherna, Borealibus gripir konu, dictum, continebat res uxoris, quae in dotis censum non venire, & quorum dominium ac usum fructum uxor post nuptias sibi soli retinebat. In hoc peculia numerata sunt 1) mundus, 2) utensilia & jocolia mulierum, & 3) res uxori donatae, vel ab amicis & cognatis, vel a patre extra dotem, ex. gr. pro dextitione (tann-se), vel a sponso ante nuptias, ut festar-giöf, donum sponsalitium, aut inter nuptiarum solen-



solemnia, ut *lin-fē*, *beckiar-giōf*, *moryun-giōf*, &c.; quæ dona nuptialia Græci *ἐπὶ νύμφῃ δωρεὰ* vocant. Inter hæc dona uxoris peculiaria etiam servi & mancipia fuerunt, quos vel pater filia, sive pro dentitione sive ad nutricatum & famulatum domesticum, vel sponsæ sponsus pro dono nuptiali dederat. Mancipia nutricia & paraphernica liberis, ut Romani & alii, ita Boreales donabant; cuius ritus antiquitatem etiam sacre literæ testantur. In his servos peculiares & paraphernicos ius vitæ & necis, ius alienandi & manumittendi Borealius uxores habere, nevtiquam vero in servos mariti aut communes (Not. 9). Nec fontes præsugos in tutelam recipere, nec in delictis liberorum convivere, corve exponendos alere aut alienulos exponere, nec filias nuptum dare, iniussu mariti uxor patebat, (Not. 10. 11). Ius matronale retinebant viduæ familiam alentes, harumque major in famulitium & liberos, quam uxorum potestas & auctoritas fuit. Viduæ autem, quarum tutela intermortua, nulla nam patris & heri, inna civis, si magistratum civilem & militarem exceperis, iura exercebant (Not. 12). Plus etiam nobiliores quam ignobiles iuris sibi sumserunt; nunquam enim defuerunt uxores imperiosæ, quæ iura maritarum ob horum indulgentiam usurparunt, (Not. 13. 14). Divertendi, & dotem vel partem bonarum per sponsalia stipulatam post divortium aut futa mariti reposcendi facultas, ad matrisfamilias iura etiam pertinebat, (Not. 15. 16).

p. 263—273.

### §. XXXI.

His congrua fuerunt matrisfamilias officia, erga 1) maritum, 2) famulos servosque, & 3) erga liberos. Maritis uxores debebant amorem, fidem conjugalem & bonarem (Not. 1. 2.), nec non obsequium & ministeria liberalia. Nimirum in omni familia domestica foemina viris ministrabant; quod at *πίονα* matri vocabatur. Hæc ministeria, quæ in cura vestitus, capillitii, & corporis medica, constabant, uxor marito, mater interdum filio, fratri soror, heri & heræ famula præcipua, reliquæque famulæ reliquis famulis & hospitibus præstiterunt. Quemadmodum vero rei vestiariæ cura universæ foeminae mandata, quarum non modo lanificam & linificam omne apus, nempe mendi, nectendi, texendi, suendi, sarcendi & acupingendi artes & functiones peculiares fuerunt, ita marito vestes parare, sarcire & servare, uxori speciatim incubuit. Crines parvo præcipua studio caluerunt Boreales, non solum mulieres sed etiam viri, virorumque capillos lavare, comere & tondere, mulierum fuit, quod ministerium mater filio, amasio amata, & universæ viris socinæ, præsertim vero maritis uxores præstabant; quemadmodum etiam corporis curam medicam, ex. gr. balnearem, sibi ejus mariti egerent. Hæc ministeria ab uxore sola soli marito præstari, uxoris decorum, maritis gratissimum fuit. Antiqui enim Boreales vilis aut invisi hominis officium, sibi quavis necessarium, dedignantem respuebant. Ministeria autem, quæ ab uxore exigere maritus poterit, ei que præstare uxor tenebatur, liberalia & honesta, minime autem sordida aut matrisfamilias indigna esse debebant, (Not. 3). Famulis servisque matrisfamilias debebat mercedem pactam & alimenta, quæ suppeditare maritorum, dispensare uxorum fuit. Ciborum autem, quorum custodia, præparatio & dispensatio uxori commissæ, diversa fuere genera, alia nempe viliora & quotidiana,

alia





alia exquisitiora; hæc festis diebus, in conviviis, nec non hospitibus gratis & honoratis, uti & operariis domesticis post statos & anniversarios labores, nequid de diversis cibis, certis anni temporibus apud majores nostros catholicos licitis vel illicitis, dicamus, dari solebant, (Not. 4). Liberos porro communes educare, eosque, præsertim filias instituire, atque artes foeminarum liberales docere, matris erat. Hæc mulierum imprimis nobiliorum artificia, olim handyrdir vocata, in vestimentis affabre consciendis, & aureis vel coloratis, quæ res varias, ex. gr. ædificia, naves, animalia, acies, pugnas & alia repræsentabant, figaris, opere textili, nexili, aut acupictorio, exornandis versabantur. Artis nobilissimæ antiquitatem in Dania, cum tapetes prævatussi, tum Edda Sæmundianæ testimonium conducet (Not. 5). Universæ denique familiæ disciplinam & moderamen, nec non tutelam ac securitatem domesticam, quantum potis esset, materfamilias debebat, (Not. 6.)

p. 273—285.


### EMENDANDA.


Pag. 11. lin. 20. leg. repudii. p. 24. l. 23. Geiram, leg. Thyram. p. 29. l. 7. Geira, leg. Thyra. p. 30. l. 8. leg. Æneid. L. VI. p. 32. l. 25. (sik) leg. (sik). p. 33. l. 21. Nialda, leg. Niala. p. 36. l. 22. (3) leg. (8). p. 38. l. 7. leg. Ynglinga-S. p. 41. l. 22. leg. Yngl. S. p. 43. l. 15. (12). leg. (11). p. 46. l. 1. ob. leg. ab. p. 47. l. 7. leg. Yngl. S. p. 50. l. 7. Vegeti, leg. Pulchri. p. 54. l. 21 leg. commorabatur. & l. 31. Vegeti, leg. Pulchri. p. 59. l. 5. Veg. leg. Pulchr. p. 60. l. 17. Veg. leg. Pulchr. p. 63. l. 15. leg. cyclopeis. p. 64. l. 6. leg. Surfon. p. 77. l. 7. adversa, leg. averfa. p. 78. l. 29. leg. transiturus. p. 84. l. 9. care, leg. cave. p. 89. l. 14. Jodisa, leg. Jofrida. p. 112. l. 21 Gaukii, leg. Giukii. p. 117. l. 13. leg. consiliarius. p. 118. l. 1. leg. caeterum. p. 120. l. 10. leg. cumulatam. p. 121. l. 17. leg. vivum. & l. ult. leg. Gunhilda. p. 123. l. 16. Attilæ, leg. De Attilæ. p. 168. l. 1. leg. opinionem. p. 178. l. 13. leg. caeteris. p. 188. l. 4. Ospago, leg. Ospako. p. 197. l. 6. leg. cognatorum. p. 221. l. 26. leg. ipsemet. p. 242. l. 22. has, leg. hæ. p. 271. l. 15. leg. acquisivit.

















80-23

